

Te hoê arata'i no te ohipa misionare

« Ia Poro Haere i Ta'u nei Evanelia »

(PH&PF 50:14)



« E tatarahapa, e to te mau oti'a no te fenua, e haere mai ia'u, e bapetizohia i to'u i'oa, ia mo'a outou i te noaaraa mai te Varua Maitai » (3 Nephi 27:20)

« Ia Poro Haere i Ta'u nei Evanelia » (PH&PF 50:14)

Haapararehia e te Ekalesia a Iesu Mesia i te Feia Mo'a i te mau Mahana Hopea nei.
Salt Lake City, Utah

Api tapo'i: *Ioane Bapetizo i te Bapetizoraa ia Iesu* © 1988 na Greg K. Olsen
Na roto i te faati'araa a Mill Pond Press e Dr. Gerry Hooper. Eiaha e pata i te hoho'a.

© 2004 na Intellectual Reserve, Inc.

Faturaa paruruhia

Nene'ihia i te mau Hau Amui no Marite

Parau faati'a no te reo peretane: 11/04

Parau faati'a no te iritiraa: 11/04

Iritiraa no *Preach My Gospel*

Tahitian

36617 895

« Ia Poro Haere i Ta'u nei Evanelia » (PH&PF 50:14)

Te parau poro'i a te Peresideniraa Matamua	v
Omuaraa: Nahea vau i te faahipa maitai a'e i « Ia Poro Haere i Ta'u nei Evanelia » ?	vii
1 Eaha ta'u opuaraa ei misionare ?	1
2 Nahea vau ia haapii maitai e ia faaineine no te haapii atu ?	19
3 Eaha ta'u e tamau e e haapii ?	33
• Haapiiraa 1: Te parau poro'i no te evanelia a Iesu Mesia i faaho'i-faahou-hia mai	35
• Haapiiraa 2: Te opuaraa no te ora	53
• Haapiiraa 3: Te evanelia a Iesu Mesia	68
• Haapiiraa 4: Te mau faaueraa	81
• Haapiiraa 5: Te mau ture e te mau oro'a	93
4 Nahea vau e ite ai e e taa ai i te Varua ?	101
5 Eaha te ohipa a te Buka a Moromona ?	117
6 Nahea vau ia faatupu i te mau taipe mai to te Mesia ra te huru ?	131
7 Nahea vau ia haapii maitai a'e i te reo o ta'u misioni ?	145
8 Nahea vau i te faahipa maitai a'e i te taima ?	155
9 Nahea vau ia imi i te taata no te haapii ?	177
10 Nahea vau i te haamaitai i to'u mau aravihi no te haapii ?	199
11 Nahea vau ia tauturu i te mau taata ia rave e ia tape'a i te mau fafauaraa ?	223
12 Nahea vau ia faaineine i te mau taata no te bapetizoraa e no te haamauraa ?	233
13 Nahea vau ia ohipa e te feia faatere no te titi e no te paroita ?	243
Faahororaa	257



Te parau poro'i a te Peresideniraa Matamua

E to matou hoa misionare here e

Te haapopou nei matou ia oe no teie nei rave'a faahiahia ta oe i farii i te riroraa ei misionare. Aita e ohipa hau atu i te faahepohia maori râ, teie ohipa misionare e aore râ, te tahi atu ohipa o te hopoi mai i te mauruururaa rahi roa'e.

Ua opuahia « Ia Poro Haere i Ta'u nei Evanelia » no te tauturu ia oe ia riro ei misionare faaineine-maitai-hia, ia hau atu i te paari i te pae varua e te hoê orometua haapii tei hau atu i te ite no te haaputapû i te aau. Te ani u'ana nei matou ia oe ia faaohipa i teie buka i roto i te faaineineraa ia oe iho e i to oe hoa misionare, e i roto i te mau apooraa mataeinaa e i te mau amuiraa area. A tai'o i te mau papa'i'raa mo'a tei faahitihia e a haapii i te mau parau haapiiraa e i te mau parau tumu.

Te ti'aoro nei matou ia oe ia faarahi i ta oe fafauraa ia tauturu i to tatou Metua i te Ao ra i roto i Ta'na ohipa hanahana. E ohipa faufaa rahi ta te misionare tata'itathi i te tautururaa « ia faatupu i te tahuti ore e te ora mure ore o te taata nei » (Mose 1:39).

E haamauruuru e e haamaitai rahi mai te Fatu ia oe a tavini ai oe Ia'na ma te haehaa e ma te pure. Te vai atura â te oaoa rahi hau atu i ta oe i ite na e tia'i nei ia oe a rave ai oe i te ohipa i rotopu i Ta'na ra mau tamarii.

Te Peresideniraa Matamua

Omuaraa: Nahea vau i te faaohipa maitai a'e i « *Ia Poro Haere i Ta'u nei Evanelia* » ?

« *Ia Poro Haere i Ta'u nei Evanelia* »

A faaohipa i « *Ia Poro Haere i Ta'u nei Evanelia* » no te pahono i to oe mau hinaaro ei misionare. E nehenehe ta oe e rave i te taato'araa o te hoê taime haapiiraa i ni'a noa i te tahi nau paratarafa—e aore râ i ni'a i te taato'araa o te hoê pene. E nehenehe ta oe e tai'o i te mau pene mai te au i to ratou apaparaa e aore râ, ia faanaho i te tahi atu taime o te pahono i to oe mau hinaaro. Na te màrû o teie tai'oraa e horo'a i te mea o ta oe e hinaaro, i te taime o ta oe e hinaaro mai te au i te arata'iraa a to oe peresideni misioni.

E tauturu te taato'araa o te mau pene i roto i « *Ia Poro Haere i Ta'u nei Evanelia* » ia oe ia rave faaoti i ta oe ohipa ei misionare. Area râ, ia haamata oe i te tai'o i te pene 3, e ite oe i te hoê taa-ê-raa i roto i te tai'oraa. Ua faataehia teie mau pene ia oe. Ua faataehia te pene 3 i te mau taata atoa. E haapii oe i te mau parau haapiiraa i roto i te pene 3 (a) no te haapuai i to oe iho iteraa no ni'a i te evanelia e to oe iho iteraa papû e (b) no te haapii i te tahi atu mau taata e no te faaineine ia ratou ia rave e ia tape'a i te mau faaauraa e te mau fafauraa.

E nehenehe atoa te mau parau haapiiraa i roto i te tahi atu mau pene e tauturu ia oe ia haapii i te feia imi e te mau melo apî. Ei hi'oraa, e nehenehe te pene 4 « Nahea vau e ite ai e e taa ai i te Varua ? e tauturu ia oe ia haapii i te tahi feia imi nahea ia imi i te hoê iteraa papû na roto i te mana o te Varua Maitai. E nehenehe te pene 5 « Eaha te ohipa a te buka a moromona ? » e tauturu ia oe ia tatara i te mau fifi o te hoê taata imi no ni'a i te tai'oraa i te Buka a Moromona. E nehenehe te mau mana'o i roto i te pene 2 « Nahea vau ia haapii maitai e ia faaineine no te haapii atu ? » e tauturu i te feia faafariu apî ia roaa rahi atu â to ratou ite na roto i ta ratou tai'oraa i te Buka a Moromona.

Te faatumu nei « *Ia Poro Haere i Ta'u nei Evanelia* » i ni'a i te mau parau tumu o te ohipa misionare. Eita te reira e pahono i te mau uiraa e te mau hi'oraa atoa ta oe e faaruru. E hau atu râ to oe manuia ia pee oe i te Varua, ia imi oe i te mau papa'iraa mo'a, ia haapa'o oe i te mau faaueraa e ia faaohipa oe i te mea ta oe i haapii mai.

A tai'o i te mau pene i roto i te taato'araa o ta oe misioni. A faaohipa i te mea ta oe i haapii mai. A faaau i ta oe ohipa. Te mau misionare o te tutava i te faaineine ia ratou iho i te mau mahana atoa e o te imi nei i te haamaitai tamau noa'tu â, e farii ia ratou i te arata'iraa a te Varua Maitai e e ite ratou i te mau haamaitairaa i roto i to ratou nei oraraa.

Te mau haapiiraa misionare

Tei ia oe ra te mana no te haapii atu i te mau haapiiraa i roto i te rave'a o te tauturu maitai atu i te feia ia faaineine maitai no to ratou bapetizoraa e to ratou haamauraa. Ta oe ohipa e ere i te tai'o noa raa i te buka ; o te tautururaa râ i te tahi atu mau taata ia haere



mai i te Mesia na roto i te faaroo ia Iesu Mesia, te tatarahaparaa, te bapetizoraa, te fariiraa i te horo'araa o te Varua Maitai, e te tape'a noa e tae atu i te hopea. E mea varavara te hoê haapiiraa e hau i te 45 minuti te maoro. E ite paha oe e faati'a noa te taima i te mau tere haapiiraa poto roa. Mai te mea te reira ihoa, e hinaaro paha oe i te mau tere pinepine e te poto no te haapiiraa no te haapii noa i te mau tuhaa na'ina'i o te haapiiraa.

E nehenehe ta oe e haapii i te mau haapiiraa na roto i te mau rave'a e rave rahi. Na te mau hinaaro o te taata imi e te arata'iraa a te Varua e faataa maitai e eaha te haapiiraa o ta oe e haapii atu, ahea oe e haapii ai, e eaha te roa raa o ta oe haapiiraa. Eiaha e tamau aau i te taato'araa o te haapiiraa.

Te Haapiiraa ia oe iho, te haapiiraa e to oe hoa, te mau apooraa mataeinaa e te mau amuiraa area

E tauturu te haapiiraa mau ia oe i roto i ta oe tau misioni ia rave faaoti i ta oe ohipa ei misionare e ia haapuai i to oe iteraa papû no te evanelia a Iesu Mesia. E maha o ta mau haapiiraa faufaa rahi roa oia ia, te Haapiiraa ia oe iho, te haapiiraa e to oe hoa, te mau apooraa mataeinaa, e te mau amuiraa area. Te vai nei i roto i ta oe talena mahana te taima no te Haapiiraa ia oe iho e to oe hoa i te mau mahana atoa.

Te talena mahana a te misionare*

6:30 a.m. Ti'a i ni'a, pure, tu'aro (30 minuti), e faaineine no te mahana

7:30 a.m. Tamaaraa o te po'ipo'i.

8:00 a.m. Te Haapiiraa ia oe iho: Te Buka a Moromona, te tahi atu mau papa'iraa mo'a, te mau parau haapiiraa i roto i te mau haapiiraa misionare, e te tahi atu mau pene no « *Ia Poro Haere i Ta'u nei Evanelia* ».

9:00 a.m. Te haapiiraa e te hoa: a faaite i te mea ta oe i haapii mai i roto i te Haapiiraa ia oe iho, a faaineine i te haapii, a haapiipii nahea ia haapii atu, a tai'o i te mau pene no « *Ia Poro Haere i Ta'u nei Evanelia* » , a haapapû i te mau faanahoraa no te mahana.

10:00 a.m. A haamata i te poro. Te mau misionare e haapii ra i te hoê reo e haapii ia ratou i taua reo no te tahi atu à 30 e tae atu 60 minuti, ma te faanahoraa i te mau ohipa no te haapiiraa i te reo e ravehia i taua mahana ra.

E rave paha te mau misionare hoê hora no te tamaa i te avatea e te tahi atu haapiiraa, e hoê hora no te tamaaraa i te ahiahi i te mau hora o te mahana e tano i ta ratou pororaa. E oti te tamaaraa o te ahiahi na mua a'e i te hora 6 i te ahiahi.

9:00 p.m. Ho'i i te fare faaearaa (maori râ te haapiihia ra i te hoê haapiiraa ; e i muri mai e ho'i atu ai i te fare i te hora 9:30) e a faanaho i te mau ohipa no te mahana i muri iho (30 minuti). A papa'i i te buka aamu, a faaineine no te taotoraa, a pure.

10:30 p.m. Haere e taoto

* E nehenehe to oe peresideni misioni i muri a'e i te aparauraa i te Peresideniraa o te Hitu Ahuru e aore râ, i te Peresideniraa Area, e faahuru ê i teie nei tabula ohipa mai te au i te huru o te oraraa o te fenua iho.

Te mea o ta oe e haapii i roto i te Haapiiraa ia oe iho, e tauturu ia ia oe i roto i te haapiiraa e to oe hoa, te mau apooraa mataienaa, e te mau amuiraa area, i reira oe e « haapii atu ai te tahi i te tahi ra i te haapiiraa evanelia no te basileia » (PH&PF 88:77). Te mea e roaa ia oe i roto i ta oe mau taime haapiiraa e te mau apooraa mataeinaa e tauturu te reira ia oe ia haapii ma te puai varua.



Haapiiraa ia oe iho

Te tumu no te Haapiiraa ia oe iho no te haapuairaa ia i to oe ite e to oe iteraa papû no te evanelia tei faaho'ihia mai e ia tauturu ia oe ia faaineine no te pahono i te mau hinaaro o te feia ta oe e haapii atu. I roto i ta oe Haapiiraa ia oe iho, a faatumu i ni'a i te mau papa'iraa mo'a e te mau buka tei faati'ahia na te mau misionare.

- *Iesu te Mesia*
- *Ta tatou faufaa ai'a*
- *Our Search for Happiness [To tatou imiraa i te oaoa]*
- *Mau maite i te Faaroo*

E maitai roa'tu teie Haapiiraa ia oe iho ia:

- Tai'o oe i te Buka a Moromona e te tahi atu mau papa'iraa mo'a.
- Tai'o oe i te mau parau haapiiraa i roto i te mau haapiiraa misionare.
- Tai'o oe i te tahi atu mau pene i roto i « *Ia Poro Haere i Ta'u nei Evanelia.* »

Haapiiraa e to oe hoa

Te tumu no te haapiiraa e to oe hoa no te (1) paturaa ia i te hoêraa i roto i to orua hoaraa ia haapii orua na roto i te Varua e (2) no te faatumu i ni'a i te haereraa i mua o te feia o ta orua e haapii nei. E nehenehe ta orua e rave maitai i te haapiiraa e to oe hoa ia:

- Faateite orua te tahi i te tahi i te mau mea ta orua i haapii mai na roto i te Haapiiraa ia oe iho.
- Faaineine orua no te mau tere haapiiraa taa ê, te mau tere farerei i te mau melo, te imiraa i te mau taata no te haapii atu, e te tahi atu mau ohipa. A tai'o i te mau buka o te tauturu ia orua ia haapii, ia imi, e ia rave maitai atu â i te ohipa. A aparau i te mau taata e rave ra i te ohipa e o orua. A rave i te mau opuaraa no te faohipa i te mea o ta orua i haapii.
- I te taato'araa o te mahana, a tamau noa i te aparau i te mau parau tumu, te mau fâ, te mau ite aravihi, e te mau opuaraa na roto mai i te haapiiraa e to oe hoa.

Te mau apooraa mataeinaa

Te tumu no te apooraa mataeinaa no te « haapii atu te tahi i te tahi i te haapiiraa evanelia no te basileia. » (PH&PF 88:77).

- E faaterehia te mau apooraa mataeinaa i te mau hebedoma atoa i te roaraa e 60 e tae atu 90 minuti.

Te mau nota

- E faanaho e e arata'i te taata faatere mataeinaa i te apooraa mataeinaa e e nehenehe oia e ani i te tahi atu mau misionare ia tauturu i te haapii.
- Te vai nei i roto i te mau apooraa mataeinaa:
 - Te faaiteiteraa i te mau mea i haapiihia mai i roto i te Haapiiraa ia oe iho e to oe hoa.
 - Te haapiiraa i te mau haapiiraa i roto i te mau hi'oraa atoa.
 - Te tatararaa, te faaiteiteraa, e te haapiiraa i te mau parau tumu e te mau ite aravihi tei faaitehia i roto i « *Ia Poro Haere i Ta'u nei Evanelia.* »
 - Te tuatapaparaa i te haereraa i mua e te mau hinaaro o te feia imi.
 - Te tuatapaparaa e te tatararaa i te mau fifi i roto i te mataeinaa.
 - Te faaiteiteraa i te mau mea i ravehia e i te mau iteraa papû no ni'a i te ohipa misionare.
- E nehenehe ta te feia faatere o te mataeinaa e faaohipa i te apooraa mataeinaa no te farii i te mau parau faaau no ni'a i te mau tautooraa a te mau misionare i roto i te mataeinaa. Eiaha ratou e haamau i te mau fâ e aore râ, i te mau numera no te tahi atu mau misionare e eiaha atoa e ani ia ratou ia faaite mai i ta ratou mau fâ.

Te mau amuiraa area

E faaterehia te mau amuiraa area i raro a'e i te arata'iraa a te peresideni misioni.

Te mau faanahonahoraa no « *Ia Poro Haere i Ta'u nei Evanelia* »

E rave rahi faanahonahoraa to te mau pene tata'itahi o « *Ia Poro Haere i Ta'u nei Evanelia.* » E tauturu teie mau faanahonahoraa ia oe ia apo rahi mai na roto i ta oe mau haapiiraa—eiaha râ no te faahopo ia oe ia haapii mai te tahi atu huru. A faaohipa i teie nei mau faanahonahoraa ma te au maitai e ia au i to oe mau hinaaro.

Te buka tapa'o no te tai'oraa

E ani pinepine « *Ia Poro Haere i Ta'u nei Evanelia* » ia faaohipa oe i te hoê buka tapa'o no te tai'oraa no te tauturu ia oe ia taa, ia haamaramarama, e ia haamana'o i te mea ta oe e haapii mai. Ua haapii o Elder Richard G. Scott e « Te ite tei papa'i-maite-hia o te ite ia e roaa i te taima e hinaarohia. E ti'a i te haamaramaramaraa a te varua ia tape'ahia i te hoê vahi mo'a e ei faaiteraa i te Fatu i to oe faaherehereraa i te reira ite. Na teie raveraa e faati'a ia oe ia farii i te tahi atu â maramarama » (« *Acquiring Spiritual Knowledge* », *Ensign*, novema 1993, 86). A hi'o faahou i ta oe buka tapa'oraa haapiiraa no te faahaamana'o i te mau ohipa varua tei tupu, no te hi'o i te tahi atu mau mana'o e no te ite i to oe haereraa i mua.

Penei a'e teie buka tapa'o no te tai'oraa e buka vehihia, e buka iti e aore râ, e vairaa tapupu. A papa'i e a faanahonaho i to oe mau mana'o e to oe mau ite mai te au i te huru o ta oe haapiiraa. A faanaho mai ta oe i mana'o ia roaa 'oi'oi te mau haamaramaramaraa faufaa i muri iho. A faaohipa pinepine i te reira no te hi'opoa, te imiraa e no te faaohiparaa i te mea ta oe i haapii mai. A faaohipa i ta oe buka tapa'o no te tai'oraa no te papa'i e no te tapa'o i te mau mana'o i roto i te taima Haapiiraa ia oe iho e to oe hoa, i roto i te mau apooraa mataeinaa, te mau amuiraa area e te mau uiuiraa e te peresideni misioni.

Te mau afata haamaramaramaraa

E tauturu te mau afata i roto i « *Ia Poro Haere i Ta'u nei Evanelia* » ia oe ia haapii mai. Te faahi'o nei e aore râ te haapoto nei te tahi mau afata i te mau mea faufaa rahi. E tauturu te tahi mau afata rii ia outou ia faatumu i ni'a i ta oe haapiiraa, ia haapii mai roto mai i te mau papa'iraa mo'a, ia faaohipa i te mea ta oe i haapii mai, ia faatupu i to oe aravihi, e ia

pahono i te mau hinaaro o te feia ta oe e haapii nei. I te rahiraa o te taime, ua riro teie nei mau afata e vahi haamataraa. Na roto i te pure, a imi i te mau hauti i roto i te mau afata na roto i te faatupuraa i te mau ohipa apî no te haapii e no te imiraa i te tahi atu mau papa'iraa mo'a.

A feruri i teie

- Eaha te auraa o te mau uiraa i roto i te hoê afata « A feruri i teie. » E faatumu teie nei mau uiraa i ni'a i te mau tuhaa tumu o te pene e horo'a mai ratou i te hoê faanahoraa no ta oe tuatapaparaa. A faahipia i teie nei mau uiraa no te faanaho, no te taaraa, no te feruri e no te faahipia i te mea o ta oe i haapii mai.

« **A feruri i teie.** » E haamata te rahiraa o te mau pene e te mau uiraa i roto i te hoê afata « A feruri i teie. » E faatumu teie nei mau uiraa i ni'a i te mau tuhaa tumu o te pene e horo'a mai ratou i te hoê faanahoraa no ta oe tuatapaparaa. A faahipia i teie nei mau uiraa no te faanaho, no te taaraa, no te feruri e no te faahipia i te mea o ta oe i haapii mai.

A haamana'o i teie

- A patu i te Ekalesia i roto i te hoê afata « A haamana'o i teie » — te hoê haapotoraa no te mau tuhaa faufaa roa no roto mai i te pene. Ia oti te hoê pene i te tai'ohia e oe, a hi'o faahou i te mau faahitiraa parau no te haapapû e ua taa ia oe teie mau tuhaa faufaa roa. A hi'o eaha râ te huru o ta oe faahiparaa i teie nei mau tufaa, e a rave i te mau opuaraa no te faahipia i te mea o ta oe i haapii mai.

« **A haamana'o i teie.** » E hope te rahiraa o te mau pene na roto i te hoê afata « A haamana'o i teie » — te hoê haapotoraa no te mau tuhaa faufaa roa no roto mai i te pene. Ia oti te hoê pene i te tai'ohia e oe, a hi'o faahou i te mau faahitiraa parau no te haapapû e ua taa ia oe teie mau tuhaa faufaa roa. A hi'o eaha râ te huru o ta oe faahiparaa i teie nei mau tufaa, e a rave i te mau opuaraa no te faahipia i te mea o ta oe i haapii mai.

Tai'oraa i te papa'iraa

Eaha ta teie nei mau uiraa i roto i te hoê afata « A haamana'o i teie » — te hoê haapotoraa no te mau tuhaa faufaa roa no roto mai i te pene. Ia oti te hoê pene i te tai'ohia e oe, a hi'o faahou i te mau faahitiraa parau no te haapapû e ua taa ia oe teie mau tuhaa faufaa roa. A hi'o eaha râ te huru o ta oe faahiparaa i teie nei mau tufaa, e a rave i te mau opuaraa no te faahipia i te mea o ta oe i haapii mai.

3 Nephi 12:48
3 Nephi 27:21, 27

« **Te tai'oraa i te papa'iraa mo'a.** » E faahaere ti'a teie nei mau afata i te mau irava e nehenehe e patu i to oe taaraa e i to oe iteraa papû. A patu i ni'a i teie nei mau faahororaa na roto i te imiraa i te tahi atu mau papa'iraa mo'a. A ui ia oe iho i te tahi atu mau uiraa e tu'ati ra o te tauturu ia oe ia roaa te maramarama e ia faahipia i te mea o ta oe i haapii mai.

Ohiparaa: Haapiiraa

A hi'o maitai i te hohoro e itehia i roto i te pure, a imi i te mau hauti i roto i te mau afata na roto i te faatupuraa i te mau ohipa apî no te haapii e no te imiraa i te tahi atu mau papa'iraa mo'a.

- Eaha te mea o ta oe i haapii mai i te mau uiraa i roto i te hoê afata « A feruri i teie. » E faatumu teie nei mau uiraa i ni'a i te mau tuhaa tumu o te pene e horo'a mai ratou i te hoê faanahoraa no ta oe tuatapaparaa. A faahipia i teie nei mau uiraa no te faanaho, no te taaraa, no te feruri e no te faahipia i te mea o ta oe i haapii mai.

« **Te ohiparaa.** » Te vai nei i roto i te rahiraa o te mau pene te mau ohiparaa no te Haapiiraa ia oe iho e to oe hoa no te haamaitai atu â i ta oe haapiiraa e ta oe faahiparaa. A tapiti i teie nei mau ohiparaa i roto i te taato'araa o ta oe misioni. E roaa ia oe te maramarama apî i te mau taime atoa e na reira oe no te mea e tau— to oe mau hinaaroo— e te mau hinaaro o te feia o ta oe e haapii ra.

A pee i te Varua

« Te varua o te hoê taupapa i roto i te mau afata na roto i te faatupuraa i te mau ohipa apî no te haapii e no te imiraa i te tahi atu mau papa'iraa mo'a. A ui ia oe iho i te tahi atu mau uiraa e tu'ati ra o te tauturu ia oe ia roaa te maramarama e ia faahipia i te mea o ta oe i haapii mai. »

Te mau afata uteute. E haamaramaramaraa e e mau mana'o tauturu faufaa rahi to roto i teie nei mau afata no te mau huru haapiiraa e pororaa e rave rahi.

Te mau aamu

E parau mau ana'e te mau aamu i roto i te « *Ia Poro Haere i Ta'u nei Evanelia* », noa'utu e e ua tauihia te i'oa o te rahiraa o te mau taata. Te faahoho'a nei te mau aamu atoa i te mau parau tumu i faatu'atihia i te ohipa misionare. Ia tai'o oe i teie nei mau aamu, a hi'o i te mau parau tumu ta ratou e faahoho'a nei.

Mau mana’o tauturu no te haapiiraa e no te faaohiparaa

E hope te pene tata’itahi ma te tahi atu mau mana’o tauturu no te Haapiiraa ia oe iho e to oe hoa, te mau apooraa mataeinaa e te mau amuiraa area. E horo’a mai teie mau hautiraa no te haapiiraa i te mau hoho’a o te mau rave’a maitai ia maramarama i te materia haapiiraa. A feruri e a imi i te faaurûraa no te faatupu i te tahi atu mau ohipa i te mau taime atoa a tai’o ai oe e aore râ a haapii ai oe i te hoê o teie nei mau tuhaa. A rave tamau noa i teie mau hautiraa i roto i ta oe tau misioni.

Mau mana’o tauturu no te haapii mai e no te faaohiparaa

Haapiiraa ia oe iho

- A tai’o i teie nei rata na te hoê misionare i to’na na metua: « Ua haapii au vahine faahiahia mau i roto i te pereoo faauta taata. Te ho’i maira matou i apooraa mataeinaa e tera ana’e te parahiraa e toe ra no reira ua parahi au ua haamata i te tai’o i ta’u mau rata. Oia mau, te rata matamua no te tai’o ia, e te mau hoho’a aiû no Evan. Ua ite au e te hi’o atoa ra te mau mata i ia’u i te mau hoho’a, e ua hi’o atu vau no te hi’o atu i te mata o te hoê va paari. Ua ata rii mai oia e ua hi’o atu i rapae na roto i te hi’o pereoo. Ua tî ihora oia i to’na ra mata e au ra e taoto oia. Ua pure au, « E te Metua i te hinaaro nei au i te paraparau ia’na. A tauturu mai na ia’u. » Hoê minuti i r ua iriti oia i to’na ra mata e ua parahi ti’a, e ua parau ‘oi’oi noa’tu vau, i te mana’oraa e ere anei oia i te mea haviti ? Ua faaite atu vau ia’na te mau i no Evan aiû e ua haamata maua i te paraparau no ni’a i te mau utuafare. au ia’na no ni’a i ta’na mau tamarii, e ua i to’na mata i te roimata e ua pa oia i te hoê aamu e nahea ta’na tamahine i te au ore raa ia’na e aita roa e faahou i te rave i te tahi ohipa e ona. Ua ta’i oia e ua ta’i atoa vau. Ua par

Mau misionare e tavini nei i roto i te mau amaa e i te mau mataeinaa

Rave rahi mau misionare e tavini nei i roto i te mau amaa e i te mau mataeinaa. Noa’tu e faahiti teie buka i te parau no te mau *paroita* e no te mau *titi*, e tano atoa teie nei mau parau tumu no te faanahoraa i te mau *amaa* e te mau mataeinaa. E haapii te peresideni misioni ia oe no ni’a i te mau faatanoraa e ravehia a rave ai oe i te ohipa e te feia faatere o te amaa e o te mataeinaa.

Faaohiparaa e te mau misionare e te feia faatere o te paroita

Na te mau misionare rave tamu o te Ekalesia te « *Ia Poro Haere i Ta’u nei Evanelia.* » E tano atoa râ te mau parau tumu e te mau parau haapiiraa i haapiihia i roto i teie nei buka i te mau misionare e te feia faatere o te paroita a imi ai ratou i te patu i te basileia o te Fatu. Na te tai’o pinepineraa i teie nei buka e faati’a ia ratou ia rave faaoti i ta ratou mau hopoi’a ei melo misionare e e faatupu i te hoêraa e te mau misionare rave tamau.



Dan Jones, hoê o te mau misionare puai o teie tau tuuraa evanelia tei poro i te evanelia i te fenua Peretane.

Eaha ta'u opuaraa ei misionare ?

Ta oe opuaraa

A ani manihini i te mau taata ia haere mai i te Mesia na roto i te tautururaa ia ratou ia farii i te evanelia tei faaho'i-faahouhia mai na roto i te faaroo ia Iesu Mesia e i Ta'na taraehara, te tatarahapa, te baptizoraa, e te fariiraa i te horo'a o te Varua Maitai, e i te tape'araa e tae noa'tu i te hopea ra.

A feruri i teie

- Eaha ta'u opuaraa ei misionare ?
- Eaha te evanelia ?
- No te aha tatou e poro ai i te evanelia ?
- No te aha vau e haapii ai na roto i te puai e te mana ?
- Eaha te parau poro'i o te faaho'i-faahou-raa ? No te aha e e mea faufaa ?
- Eaha ta'u hopoi'a i roto i te tautururaa ia vetahi ê ia faafariuhia ?
- Nahea vau e ite ai e, e misionare manu'ia vau ?

Ta oe misioni o te haapiiraa ia i te evanelia a Iesu Mesia tei faaho'i-faahou-hia mai

Te faati'ahia nei oe e te mau taata. E farerei oe ia ratou i ni'a i te puromu, e haahaere oe ia ratou i roto i to ratou mau utuafare, e tere haere oe i rotopu ia ratou. E mau tamarii ana'e ratou na te Atua, ei mau taea'e e ei mau tuahine no oe. Ua here te Atua ia ratou mai Ta'na i here ia oe. Rave rahi o teie mau taata e imi nei i te tumu o teie oraraa. Te ahoaho nei ratou no to ratou mau utuafare. Te hinaaro nei ratou ia ite e e mau tamarii anei ratou na te Atua, e mau melo anei no To'na utuafare mure ore. Te hinaaro nei ratou ia paruruhia ratou i roto i te hoê ao o te tau nei i te mau faufaa. Te titau nei ratou i « te mana'o hau i roto i teie nei ao, e te ora mure ore i roto i te ao a muri atu ra » (PH&PF 59:23), area râ, ua

Te mau nota

Te mau nota

« faa'erehia'tu i te parau mau no te mea ana'e aita ratou i ite i te vahi te reira e itea mai ai » (PH&PF 123:12).

E haamaitai te evanelia a Iesu Mesia tei faaho'i-faahou-hia mai na roto i te Peropheta ia Iosepha Semita i to ratou mau utuafare, e rave faaoti i to ratou mau hinaaro i te pae varua, ma te tauturu ia ratou ia faaoti i to ratou mau hinaaro hohonu. Noa'tu e aita ratou i ite e no te aha, e titau râ ratou i te tamahanahanaraa no te mau feruriraa e tae mai na roto i te mau hape e te mau hara. E hinaaro ratou ia ite i te oaoa o te ora na roto i te fariiraa i te faaoreraa o ta ratou mau hara e i te oaoaraa i te horo'a o te Varua Maitai.

Ei ti'a haamanahia no Iesu Mesia, e nehenehe oe e haapii i te mau taata na roto i te puai e te mana e, « na roto i te Mesia Mo'a e tae mai ai te ora », e e ore e ti'a i te hoê taata « ia parahi i mua i te aro o te Atua maori râ, na roto i te mana, e te aroha e te maitai ho'i no te Mesia Mo'a » (2 Nephi 2:6, 8). Ia farii te mau taata i te evanelia a Iesu Mesia tei faaho'i-faahou-hia mai e e farii i te mau oro'a no te bapetizoraa e no te haamauraa na roto i te mana o te autahu'araa, ia papû ratou e, e ore ratou « e haamouhia e a muri noa'tu » (Buka a Moromona, te api omuaraa).



A tupu noa'tu ai to ratou iteraa no ni'a i te taraehara a Iesu Mesia, e rahi mai to oe hinaaro i te faaite i te evanelia. E ite oe, mai ta Lehi i ite e, « e mea ti'a roa ia faaitehia teie nei mau mea i to te ao nei » (2 Nephi 2:8).

Ua haapii te peresideni Ezra Taft Benson e: « Ua faauehia tatou e te Atua ia hopoi i teie evanelia i to te ao atoa nei. O te reira te tumu tatou i amuihia'i i teie mahana. Na te evanelia noa e faaora i te ao nei i te mau ati e haamou ia'na. Na te evanelia e amui i te mau nunaa atoa e te mau hau atoa i roto i te hau. Na te evanelia noa e hopoi mai i te oaoa, e te faaoraraa o te mau utuafare taata » (*The Teachings of Ezra Taft Benson* [1988], 167).

Ua piihia oe ei mono no Iesu Mesia i te tautururaa i te mau taata ia riro ei mea mâ i ta ratou mau hara. E rave oe i te reira na roto i te ani-manihini-raa ia ratou ia haere mai ia Iesu Mesia e ia faafariuhia i roto i Ta'na evanelia tei faaho'i-faahou-hia mai. No te haereraa mai i te Faaora, e mea ti'a ia roaa ia ratou te faaroo Ia'na na roto i te tatarahapa—no te hopoi i te tauraa i roto i to ratou oraraa e au e Ta'na mau haapiiraa. E nehenehe oe e tauturu i te mau taata ia faatupu i taua faaroo ra na roto i te haapiiraa ia ratou i te evanelia tei faaho'i-faahou-hia mai e ia ani ia ratou ia fafau i te ora i te reira ia au i ta'na mau haapiiraa ra. Na te tape'araa i teie fafauraa e faaineine ia ratou no te mau fafauraa o te bapetizoraa e o te haamauraa e te horo'a faahia o te Varua Maitai. E mea ti'a ia ratou ia faaru'e i te huru « taata tino nei » e ia riro ei taata Mo'a « na roto i te taraehara a te Mesia ra te Fatu » (Mosia 3:19).

Ohiparaa: Haapiiraa ia oe iho e aore ra, e to oe hoa

A hi'o maitai i te hoho'a o te raau no te ora i ni'a i teie api a tai'o ai oe i te orama o te raau o te ora e itehia i roto i te buka 1 Nephi 8 e te 11. I roto i teie orama, e tapa'o te raau o te ora no te here o te Atua (a hi'o 1 Nephi 11:21–22).

- Eaha te mea o ta Lehi i hinaaro roa i muri mai i to'na amuraa i te hotu ? (A hi'o 1 Nephi 8:10–18).
- I roto i te orama, eaha te mea e hinaarohia i te mau taata ia rave ia amu atoa i te hotu ? Eaha ia te ti'a ia tatou ia rave no te fariiraa i te mau haamaitairaa atoa o te taraehara ? Mea nahea to te mau faaauraa e to te mau fafauraa tautururaa ia tatou ia farii i teie mau haamaitairaa ?
- Ei misionare, eaha ta oe hopoi'a no te tautururaa ia vetahi ê ia imi e ia amu i te mau hotu o te evanelia ?

E haamaitai te evanelia i te mau utuafare

E haamaitai te parau poro'i o te Faaho'i-faahou-raa mai o te evanelia a Iesu Mesia i te mau utuafare. Auaa te Faaho'i-faahou-raa mai i maramarama'i tatou i te opuraraa a te Atua no te mau utuafare: « Auaa a'e te rave'a rahi oaoa e ti'a ai i te mau aufetiiraa ia vai tamau noa i muri a'e i te pohe ra. Na te mau oro'a mo'a e te mau fafauraa mo'a o tei itehia i roto i te mau hiero e faati'a i te taata tata'itahi ia ho'i faahou i mua i te aro o te Atua e e faati'a ho'i i te mau utuafare ia taati-mure-ore-hia » (« Te Utuafare: E Poro'i i to te Ao Nei », *Ensign*, novema 1995, 102).

I ni'a i te fenua nei, e nehenehe te aufetii-raa utuafare e riro ei puna no te tahi mau oaoa rahi. Te 'aro nei râ Satane i te utuafare na roto i te tahi mau rave'a e, ua haamouhia e rave rahi mau utuafare na roto i ta'na mau tautooraa. E faatahoê râ te parau poro'i o te evanelia a Iesu Mesia tei faaho'i-faahou-hia mai i te mau utuafare no teie tau e no te tau a muri atu. Na roto i te oraraa i te mau parau tumu o te evanelia, e ite te mau utuafare i te hau, te oaoa, e te hoê haro'aro'araa no te riroraa e no te ihotaata i roto i teie oraraa nei. Na roto i te maramarama o te evanelia, e nehenehe te mau utuafare e faafaro i te mau taa-ore-raa, te mau mârora, e te mau tamataraa. E nehenehe te mau utuafare tei faaamahamahahia e te mâro e faaorahia na roto i te tatarahapa, te faaoreraa hara, e te faaroo i roto i te mana o te taraehara a Iesu Mesia. « E mea papû a'e te oaoa i roto i te oraraa utuafare ia faatumuhia te reira i ni'a i te mau haapiiraa a te Fatu ra o Iesu Mesia. Te mau faaipoiporaa e te mau utuafare tei hau i te manuïa, ua faatumuhia ia e ua haamauhia i ni'a i te parau tumu no te faaroo, te pure, te tatarahapa, te faaoreraa hara, te faatura, te here, te aroha, te ohipa, e te mau faaoaoaraa maitai » (*Ensign*, novema 1995, 102).

A tamata i te imi e i te haapii i te mau utuafare—te metua tane, te metua vahine, e te mau tamarii—o te nehenehe e paturu te tahi i te tahi i te oraraa i te evanelia e ia taatihia ei utuafare e te mana o te autahu'araa tei faaho'i-faahou-hia mai.

Te haapiiraa na roto i te Varua

No te mea ua riro te evanelia a Iesu Mesia ei « mana no te Atua ia ora te feia atoa i faaroo ra » (Roma 1:16), e mea ti'a te parau poro'i o te Faaho'i-faahou-raa mai o te evanelia ia haapiihia na roto i te mana mo'a—oia te mana o te Varua Maitai, oia te toruraa o te melo no te Atuaraa. E pii pinepinehia oia e, te Varua, e hoê o Ta'na ohipa, o te haapii ia e te faaite papûraa i te parau mau. A haapii ai oe na roto i te mana, teie ta te Varua Maitai e rave:

« Te ohipa faufaa rahi roa'e a te
Fatu o ta oe e nehenehe e rave,
tei roto noa ia i te mau patu
o to oe iho fare. »

— PERESIDENI HAROLD B. LEE
*THE TEACHINGS OF HAROLD B. LEE,
MATTHIA E CLYDE J. WILLIAMS (1996), 280*

Te mau nota

- E haapii ia oe iho i te mau parau mau apî e e faahaamana'ō noa i te mau parau haapiiraa o ta oe i tamau i roto i to oe feruriraa (a hi'ō Ioane 14:26).
- E horo'a i te mau parau ia parauhia i te taime mau oe e hinaaro ai i te reira (PH&PF 84:85).
- E hopoi i ta oe parau poro'i i roto i te aau o te mau taata o ta oe e haapii atu (a hi'ō 2 Nephi 33:1).
- E faaite i te parau mau o ta oe parau poro'i e e haapapû i ta oe mau parau (a hi'ō PH&PF 100:5–8)
- E tauturu ia oe ia ite i te mau hinaaro o te mau taata o ta oe e haapii atu (a hi'ō Alama 12:7).

E mea faufaa te Varua no te haapii i te parau mau o te evanelia na roto i te hoê rave'a o te faatupu i te faaroo i roto ia vetahi ê. A 'aro ai oe no te faarahi i te faaroo no te ti'aturi i ni'a i te Varua, e mea ti'a ia oe ia:

- Pure no te Varua (a hi'ō PH&PF 42:12).
- Ia tamâ i to oe aau (a hi'ō PH&PF 112:28).
- Ia haapa'o i te mau faaueraa (a hi'ō PH&PF 20:77,79).
- Ia faaherehere ma te haehaa i te parau a te Atua (a hi'ō PH&PF 11:21 ; 84:85).
- Ia haapii ia nehenehe vetahi ê ia maramarama i ta oe parau poro'i e ia faaamu-maitaia (a hi'ō PH&PF 50:13–22).
- Ia faaohipa i te faaroo (a hi'ō Moroni 10:7).

Ua faatoro'ahia oe no to oe piiraa mo'a e ua fafauhia mai e, e horo'ahia te Varua mai te mea e e rave oe i te mau titaaraa i faotihia e te Fatu. E mea ti'a ia oaoa oe i te horo'a a te Varua e ia riro te reira ei hiaai rahi no to oe aau.

Te puai e te mana o to oe piiraa

E haere te mau misionare na roto i te « mana no te faatoro'araa i faatoro'ahia'i [ratou], i te pororaa'tu i te mau parau oaoa no te popou rahi, oia ho'i te evanelia mure ore » (PF&PH 79:1). E mana to oe no te pororaa'tu i te evanelia. Mai te mea te mau ra oe i te autahu'araa, e mana ia to oe no te faatereraa i te mau oro'a e vaira. Na roto i te pure e te faaohiparaa ma te ti'amâ i taua mana ra, e farii oe i te puai varua, o te parau papû ia o to oe piiraa. Eiaha e mätä'u e aore râ, eiaha e haama i te rave-faotiraa i to oe piiraa. Mai te mau tamaroa a Mosia, e mea ti'a ia oe ia poro ma te puai e te mana o te Atua (a hi'ō Alama 17:2–3).

I to oe faataa-raa-hia e te hoê mana autahu'araa, ua fana'ō oe i te tura no te mono i te Fatu. Ua farii oe i te parau no te taviniraa ei faaiteraa i taua mana ra i to te ao nei. Teie ta te peresideni Spencer W. Kimball i parau: « Te faataaraa o te faatearaa ia i te hoê mea ; o te faataaraa ia i te hara, i te ino ; i te mau mea faufau, i te mau mea paruparu, i te mau hara, i te mau mea repo, *faataaraa* mai roto atu i to te ao nei i te hoê faito teitei a'e no te mau mana'ō e no te mau ohiparaa. E te mau haamaitairaa e roaa mai i reira, e haamauhia ia i ni'a iho i te huru faaroo o ta oe ohipa » (*The Teachings of Spencer W. Kimball*, nene'iraa a Edward L. Kimball [1982], 478).

Ua apee-atoa-hia mai to oe mana e te hoê hopoi'a oia ia, ia ora ti'amâ noa no to oe piiraa. Ei mono no te Fatu, e mea ti'a ia oe ia riro ei « haapa'oraa râ na tei faaroo ra »

(1 Timoteo 4:12). A tamata i te ora mai te au i te mau faaueraa a te Atua e ia haapa'o i te mau fafaueraa o ta oe i rave i roto i te hiero ; a tamau i te mau papa'iraa mo'a ; a faatura, a haapa'o i te hora, ia ti'aturihia ; a pee i te mau titauraa misionare no ni'a i te peu, te ahua, te faanehenehe ; a here i te mau taata o ta oe e tavini e o ta oe e ohipa ra i pihaiho. A faatura i te i'oa o te Mesia na roto i ta oe mau peu.

Teie atoa, ei apitiraa i te mana, e mea ti'a atoa ia faaohipa oe i te puai i roto i ta oe ohipa. E arata'i te mana o ta oe i farii i te puai. Inaha, na te puai e faaite e e parau mau to oe mana. Te puai Varua o te ho'e ia horo'a o te vaiho ia oe ia rave i ta oe ohipa ma te maitai.

E mea ti'a ia itehia to oe puai e to oe mana a ohipa'i e a haapii ai oe. E mea ti'a ia itehia te puai i roto i te mau mea e rave rahi o ta oe e rave, mai:

- Te arata'i-raa a te Varua no te parau i te mea o ta te Fatu e hinaaro ia oe ia parau i te taima mau (a hi'o PH&PF 84:85).
- Te fariiraa i te arata'iraa no ni'a i te vahi e haerehia e aore ra, te mea e ti'a ia rave (a hi'o PH&PF 28:15 ; 31:11 ; 75:26-27).
- Te haapapûraa a te Varua no to oe iteraa papû (a hi'o 2 Nephi 33:1 ; PH&PF 100:5-8).
- Te raveraa i te mau oro'a faaora (a hi'o PH&PF 84:19-20).
- Te horo'araa i te mau haamaitairaa a te autahu'araa mai te mea e peresibutero oe (a hi'o Iakobo 5:14-15).
- Te pureraa e te mau taata no te mau taata o ta oe e ohipa ra i pihaiho (a hi'o Alama 6:6 ; 8:18-22 ; 10:7-11 ; 31:26-35 ; PH&PF 75:19).
- Te faaiteraa i te here no te Fatu, no to oe utuafare, te mau hoa misionare, e te mau taata o ta oe e tavini ra.

Tai'oraa i te papa'iraa mo'a

Nahea oe ia farii i te mana ?

Alama 17:2-3

PH&PF 53:3

1 Korinetia 2:4

Ohiparaa: Haapiiraa ia oe iho e aore ra, e to oe hoa

A hi'o i te hoho'a papa'i o te Mesia i te faatoro'araa i te mau Apotetolo, e ia oti a tai'o loane 15:1-16.

No te aha te Mesia i riro ai ei vine ? No te aha oe i riro ai ei amaa no taua vine ra ? E mea nahea to oe faataaraa i aifaito ai i te reira ?

A tai'o faahou i ta oe parau no te taviniraa. A papa'i i to oe mau mana'o e to oe mau feruriraa no ni'a i te mea o ta oe i tai'o. I te mau taima atoa a tai'o ai oe i teie pene, a rave faahou mai te reira te huru. A tapa'o e mea nahea to oe mau mana'o i te tauraa i muri mai.

A tai'o i te Parau Haapiiraa e te Mau Parau Fafau 109:13-15, 21-20, 38-39, 55-57, e mau papa'iraa tei iritihia mai no roto i te pure faauru a te Peropheta Iosepha Semita i te haamo'araa i te Hiero no Kirtland. Eaha te mau haamaitairaa o ta Iosepha Semita i ani no te taata faaroo ?

Te mau nota



Te evanelia a Iesu Mesia

E faataa te evanelia a Iesu Mesia i na mea e piti, ta oe parau poro'i e ta oe fâ ; oia ho'i, e ui e piti atoa ra i te « eaha » e i te « no te aha » no te ohipa misionare. Ua faataa te Faora i Ta'na evanelia no te faao i te tahi mau parau haapiiraa niu e te puai atoa ho'i. Ua haere mai Oia i te ao nei no te rave i te hinaaro o To'na Metua, e ua tonono mai To'na Metua Ia'na i te ao nei ia faatasaurouhia. Na roto i Ta'na taraehara e i To'na Ti'a-faahouraa, e faateiteihia'i te mau taata atoa no te fa atu i mua i te Mesia ia haavahia i ta ratou ra mau ohipa, noa'tu e e mea maitai e aore râ, e mea ino. Te feia o tei faaohipa i te faaroo i roto i te Mesia, o tei tatarahapa i ta ratou mau hara, e o tei bapetizohia i roto i te i'oa o te Mesia, e haamo'ahia ia e te Varua Maitai. E mai te mea e tape'a ratou e tae noa'tu i te hopea ra, e ti'a'tu ia ratou ma te faahape-ore-hia i mua i te Mesia i te mahana hopea ra e e tomo roa'tu i roto i te faaeearaa o te Fatu. Eita te Mesia e faahapa ia ratou i mua i te Metua. E riro râ Oia ei Arai e ei Avota no ratou. O tei ore râ i tape'a e tae noa'tu i te hopea, e « hurihia ia i raro i te auahi... no te parau ti'a ia na te Metua ra. » (A hi'o 3 Nephi 27:12–22 ; a faaaue 2 Nephi 31:10–21 ; 3 Nephi 11:31–41 ; PH&PF 76:40–42, 50–53).

Te fa o te evanelia o te tamâraa ia i te mau taata i ta ratou ra mau hara ia nehenehe ratou ia farii i te aroha o te Faora i te mahana haavaraa. No reira, te tumu mau o teie buka e, hau atu â i te fau-faa, te ohipa o ta oe e rave ra i te mau mahana tata'itahi o te ani manihiniraa ia ia vetahi ia haere mai i te Mesia na roto i te tautururaa ia ratou ia farii i te evanelia tei faaho'i-faahouhia mai na roto i te faaroo ia Iesu Mesia e i Ta'na taraehara, te tatarahapa, te bapetizoraa, e te fariiraa i te horo'a o te Varua Maitai, e i te tape'araa e tae noa'tu i te hopea ra.

« A haapii i te mau parau tumu matamua o te Evanelia—a haapii i te reira na ni'a e na ni'a faahou: e roaa ia oe i tera mahana e tera mahana te mau mana'o apî e te ite hau atu no te reira ia heheuhia mai ia oe. E nehenehe oe e faarahi atu i to oe ite e e haamaramaramahia oe no te reira. E nehenehe ia oe e faaohie i te reira a haapii ai [oe] i te mau taata..

— HYRUM SMITH
HISTORY OF THE CHURCH, 6:323

E haamata te mau taata e te mau utuafare i te pee i te Mesia a faaohipa'i ratou i te faaroo i roto Ia'na e ia tatarahapa i ta ratou mau hara. E farii ia ratou i te faaore-raa o te mau hara na roto i te bapetizoraa e i te fariiraa i te horo'a o te Varua Maitai na te hoê o tei mau i te mana no o mai i te Atua no te raverāa i teie mau oro'a. Ei reira ia ratou e tape'a'i e tae noa'tu i te hopea e aore rā, e tamau noa'i ratou i te faaohipa i te faaroo i roto i to ratou oraraa ia Iesu Mesia, te tatarahapa, e te faaapîraa i te mau fafauraa o ta ratou i rave. E ere noa teie i te mau taahiraa o ta ratou e ite atu i roto i to ratou oraraa ; area rā, ia rave tamau noa rā i roto i to ratou oraraa ia riro teie mau taahiraa ei mau hoho'a no to ratou oraraa. No te mea, o teie noa te e'a o te oraraa e hopoi mai i te hau i roto i te feruriraa e o te horo'a i te rave'a no te mau tamarii a te Metua i te Ao ra ia ho'i e ora i mua Ia'na.

Ia haapa'o i ta Iesu Mesia ra o te hoê ia fafauraa no te oraraa taato'a. Na roto i te faaohiparaa i te faaroo, te tatarahapa, e te bapetizoraa e te fafauraa i te tavini i te Mesia, e i te fariiraa i te Varua Maitai, e ite tatou i te faaoraa varua, te faaoreraa i te mau hara, e i te faafariuraa e hope roa i roto i te Faaora e i Ta'na evanelia.

A tauturu i te mau taata ia imi i te Faaroo ia Iesu Mesia tae roa'tu i te tatarahapa na roto i te haapiiraa e i te faaite papûraa'tu e ua faaho'ihia mai te îraa o te evanelia a Iesu Mesia e te mana o te autahu'araa e na roto i te ani-manihini-raa ia ratou ia ora i Ta'na mau haapiiraa.

Tai'oraa i te papa'iraa mo'a

Eaha te evanelia e aore rā, te parau haapiiraa a te Mesia ?

2 Nephi 31:10–21

3 Nephi 11:31–41

3 Nephi 27:13–22

Te Parau Poro'i no te faaho'i-faahou-raa mai: Te niu o te faaroo

Noa'tu te vahi o ta oe e tavini e aore rā, te feia o ta oe e haapii atu, a faatumu i ta oe haapiiraa i ni'a i te Faaho'i-faahou-raa mai o te evanelia a Iesu Mesia. « E haamaitai mai te Fatu ia oe a haapii ai oe i te parau poro'i o te Faaho'i-faahou-raa mai i to te ao nei o te hinaaro roa nei i te evanelia a Iesu Mesia » (« Parau faataaraa no ni'a i te ohipa misionare », rata na te Peresideniraa Matamua i te 11 ra no ditea 2002). A tai'o ai oe i te mau parau haapiiraa i roto i te mau haapiiraa misionare, e ite oe e, hoê noa o ta tatou parau poro'i: Na roto i te hoê peropheta o te mau mahana hopea nei, ua faaho'i mai te Atua i te ite no ni'a i te Opuaraa no te ora, o tei faatumuhia i ni'a i te taraehara a te Mesia e o tei faahopehia na roto i te oraraa i te mau parau tumu e i te mau oro'a o te evanelia.

A hi'o e ua papû i te mau taata o ta oe e haapii ra i te mau mea i muri nei:

- O te Atua to tatou Metua i te Ao ra. Ua here Oia ia tatou. Te mau taata tata'itahi i ni'a i te fenua nei e tamarii ia na te Atua e e melo no te utuafare o te Atua. O Iesu Mesia, e Tamaiti na te Atua, o to tatou ia Faaora e to tatou Ora.
- Ua haafatata mai to tatou Metua Here i te Ao ra i Ta'na mau tamarii na roto i te heheuraa mai i Ta'na evanelia i te mau peropheta o te bibilia. Te vahi pe'ape'a rā, e rave rahi te taata e pato'i nei i te reira evanelia ; e te tahi pae iho o ratou o tei farii i te reira, ua tauuiui ratou i te mau haapiiraa e te mau oro'a o te evanelia, e ua mutu to ratou ti'aturiraa e ua taiva.
- Ua tonono mai to tatou Metua i te Ao ra i Ta'na Tamaiti Here, o Iesu Mesia i te fenua nei. Ua rave Oia i te mau semeio e ua haapii i Ta'na evanelia. Ua rave faaoti i te taraehara e ua Ti'a-faahou.

- Omuahia mai e te Orama Matamua, ua haafatata faahou mai te Atua na roto i te here i Ta'na mau tamarii. Ua faaho'i-faahou mai Oia i te evanelia a Iesu Mesia e te mana o To'na autahu'araa e ua faanahonaho i Ta'na Ekalesia i ni'a i te fenua nei na roto i te Peropheta ia Iosepha Semita. Ua riro te Buka a Moromona ei haapapûraa no te Faaho'i-faahou-raa mai.



A tauturu ai oe i te feia imi ia hi'o i te hoho'a o te taivaraa e o te faaho'i-faahou-raa, e maramarama ia ratou i te titauraa rahi no te Faaho'i-faahou-raa o te mau mahana hopea nei. E ite ia ratou i te hinaaro no te fariiraa i te evanelia tei faaho'i-faahou-hia mai, i te farii i te mau oro'a faaora na roto i te mana o te autahu'araa tei faaho'i-hia mai, e i te pee i te e'a o te ora mure ore. A tauturu i te mau taata ia ite e, e ere te Ekalesia i te tahi noa'tu faaroo, e ere atoa i te hoê ekalesia Marite. Area râ, o te faaho'i-faahou-raa mai o te « îraa o [te] evanelia » (PH&PF 1:23), o tau mea ra tei heheuhia e o tei haapihia mai te matamua mai â.

E haapapûraa te Buka a Moromona: Te Tahī Faahou Ite no Iesu Mesia e e Peropheta mau o Iosepha Semita e ua faaho'i-faahou-hia mai te evanelia a Iesu Mesia. O te ofa'i tihī ia no ta tatou ekalesia, te materia papû mau no te haapii

i teie parau poro'i. Te tahi mau parau mau faufaa tei faaho'ihia mai na roto ia Iosepha Semita oia'toa te ite e o te Atua to tatou Metua e o tatou nei Ta'na mau tamarii varua, e ua ora na tatou i pihaiho Ia'na hou to tatou fanau-raa-hia mai e, e nehenehe tatou e ho'i faahou e ora i pihaiho i te Atua e a muri noa'tu na roto i te taraehara a te Mesia na roto i te haapa'oraa i te mau ture e te mau oro'a o te evanelia.

E haapapûraa te Buka a Moromona no te here o te Atua i Ta'na mau tamarii. E faaiteraa te reira e, ua paraparau mai te Atua i Ta'na mau tamarii. A haapii ai e a faaite papû ai oe, a ani manihini i te mau taata ia tai'o i te Buka a Moromona e ia pure no ta'na parau poro'i. E mea ti'a i te mau taata tata'itahi o ta oe e haapii ia opua e, e farii anei oia i te Buka a Moromona ei heheuraa no o mai i te Atua.

A ti'aturi i te fafauraa faahiaha o te buka a Moroni 10:3–5. A faatupu i te mana'o o te mau taata ia tai'o i te buka, ia maramarama no te reira, e ia ui i te Atua ma te tapetepete ore e e parau mau anei. E riro te haapapûraa a te Varua Maitai ei ofa'i tihī no to ratou faaroo e ua faaho'i-faahou mai te Mesia i Ta'na Ekalesia. A tauturu i te mau taata o ta oe e haapii ra ia farii i te haapapûraa a te varua.

Tai'oraa i te papa'iraa mo'a

Nahea oe ia faahipa i te Buka a Moromona i roto i ta oe ohipa misionare ?

1 Nephi 13:39

Moroni 10:3–5

PH&PF 42:12–14

2 Nephi 29:8–10

PH&PF 20:5–16

Ohiparaa: Haapiiraa ia oe iho

A feruri na e, te haere ra oe e papa'i i te hoê irava no ni'a i te parau poro'i o te Faaho'i-faahou-
raa na te hoê ve'a o te fenua iho. I roto i ta oe buka tapa'oraa, a papa'i i te hoê parau tumu o te
faataataa maite i te tumu mau o te parau poro'i. E i muri iho, a tapa'o i to oe mau mana'o e to
oe mau feruriraa no ni'a i teie parau poro'i, a tuu atoa'tu e mea nahea to oe iteraa i te tauraa o
to oe oraraa e o to oe hi'oraa i te ao o te haatira ia oe.

Tautururaa ia vetahi ê i te raveraa i te mau fafauraa: te uputa o te faaroo e o te tatarahapa

A tauturu i te mau taata ia faaineine no te bapetizoraa e no te haamauraa na roto i te haapiiraa ia ratou i te parau haapiiraa mau e i te ani-manihini-raa ia ratou ia tatarahapa e ia taui i to ratou oraraa na roto i te raveraa e i te haapa'oraa i te mau fafauraa o te patu i to ratou Faaroo ia Iesu Mesia. Na teie mau fafauraa e faaineine i te mau taata ia rave e ia haapa'o i te mau fafauraa mo'a.

Ua haapii Elder Jeffery R. Holland e: « Te ohipa matamua e roaa ia oe ia parau ana'e mai te hoê taata imi ia oe e, aita oia i tai'o e i pure no ni'a i te Buka a Moromona, e oto roa oe !... I te rahiraa o te taime, aita tatou e tau'a roa no te reira. O teie ho'i te ora mure ore. O teie ho'i te ora o te mau tamarii a te Atua. E roaa te tau e a muri noa'tu, tei te huru ia o ta te taata imi ma'itiraa... O te e'a faufaa roa ia e taahihia e te taata imi. Noa'tu e aita oia e ite ra, ua ite râ oe i te reira !... Na oe ia e hi'opo'a maite atu. A haapii na roto i te puai e te mana, e mai te mea aita te mau taahiraa matamua no te haapa'oraa i te mau faaueraa e te haapa'oraa i te mau fafauraa i haapa'ohia, i reira ia te haamou e tupu ai. » (« Making and Keeping Covenants », missionary satellite broadcast, eperera 1997).

A haapii ai oe i te mau taata ia ite i te parau no te Faaho'i-faahou-raa e i te îraa o te evanelia, te parau ra ia oe i te « parau no te tatarahapa » (PH&PF 15:6). E faatupu te tatarahapa i te hoê tauraa o te aau e te hiaai i te faaore i te hara e i te tavini i te Atua. E faatupu i te 'uuru haehaa i te Varua e i te tuu ia'na i raro i te hinaaro o te Atua. E titau te tatarahapa i te tauraa haavare-ore e te vai tamau o te mau mana'o, o te mau hiaai, o te mau peu, e o te mau ohipa. E iteraa papû o te hopoi mai i te oaoa e te hau. Ia riro ei taata taia-ore e te here i te tautururaa i te mau taata ia ite e e mea ti'a ia ratou ia tatarahapa. Na roto i te ani-manihini-raa i te mau taata ia rave i te mau fafauraa, e nehenehe ia oe e faateitei i te reo no te faaararaa e no te faati'aturiraa.

Tai'oraa i te papa'iraa mo'a**Eaha ta teie mau papa'iraa mo'a e haapii mai nei no ni'a i te pororaa i te tatarahapa ?**

Alama 29:1-4

Alama 62:45

PH&PF 15:6 ; 16:6

Alama 42:31

PH&PF 14:8

Bapetizoraa e te Haamauraa

Te bapetizoraa e te haamauraa i te mau taata o ta oe i haapii o te tumu mau ia o ta oe fâ. Te bapetizoraa no te faaoreraa ia i te mau hara, e te horo'a o te Varua Maitai ra, no te faaho'iraa mai ia i te mau haamaitairaa e rave rahi i te feia o te ora ti'amâ noa no te reira. Na roto i teie mau oro'a e nehenehe te mau taata e tomo i te uputa ma te haere tamau

Te mau nota

Te mau nota

atu i te e'a e tae atu ai i te ora mure ore. Teie o ta Elder Dallin H. Oaks i parau: « Aita tatou e poro nei e e haapii nei no te 'umeraa mai i te mau taata i roto i te Ekalesia' e aore râ, no te faarahi i te meloraa i roto i te Ekalesia. Eita tatou e poro e e haapii no te faaheporaa i te taata ia ora i te oraraa maitai atu... E ani râ tatou i te taato'araa ia haere mai i te Mesia na roto i te tatarahaparaa e te bapetizoraa e te haamauraa ia nehenehe te mau uputa o te ao tiretiera ia iritihia i te mau tamaroa e i te mau tamahine a te Atua. Aita atu ai e taata e nehenehe e rave i te reira. » (« The Purpose of Missionary Work », missionary satellite broadcast, eperera 1995).

A haapii ai oe i te evanelia tei faaho'i-faahou-hia mai, a tauturu i te mau taata ia maramarama i te naturaraa mo'a o te bapetizoraa e o te haamauraa. A tauturu ia ratou ia ite e, e haamaitairaa rahi mau te horo'a o te Varua Maitai i roto i teie oraraa e o te hoê ia taviri no to ratou ora. E haapii te Varua Maita « ia [ratou] i te mau mea'toa » (Ioane 14:26). Ua haapii te peresideni Boyd K. Packer e: « Ia haapii oe i te feia imi e ia faaineine ia ratou no te bapetizoraa i roto i te pape, e mea ti'a atoa ia oe ia feruri i te horo'a o te Varua Maitai—oia te bapetizoraa ta auahi. A feruri i te reira mai te hoê pereoda. Na mua te bapetizoraa i te pape e i muri mai te bapetizoraa ta auahi » (« The Gift of the Holy Ghost: What Every Missionary Should Know—and Every Member As Well », haapiiraa na te mau peresideni misioni, tiunu 2003). Ua haapii te Peropheta Iosepha Semita e, « Te bapetizoraa i te pape o te afaraa ia o te hoê bapetizoraa, aita roa ia e faufaa mai te mea e aita te tahi afa—oia ia, te bapetizoraa a te Varua Maitai », *History of the Church*, 5:499).

A tauturu i te feia o ta oe e haapii ia maramarama e, ia faaineine no te bapetizoraa e no te haamauraa e mea ti'a ia ratou ia haapa'o i te mau titauraa i horo'ahia i roto i Te Parau Haapiiraa e te Mau Parau Fafau 20:37.

PH&PF 20:37 Te mau titauraa no te bapetizoraa

- Faahaehaa ratou iho i mua i te Atua.
- Te aau tae ia bapetizohia.
- Ia haere mai ma te aau tae e te varua mārū.
- Tatarahapa i ta ratou mau hara atoa.
- E ua ti'a i te rave i te i'oa o Iesu Mesia i ni'a iho ia ratou iho.
- Ma te hinaaro mau ia tavini i te Mesia e tae noa'tu i te hopea ra.
- Ia faaite papū roa mai na roto i ta ratou ra mau ohipa e ua noaa iho â ia ratou te maramarama o te Mesia i te haamatararaa i ta ratou ra mau hara.

I muri mai i te bapetizoraa o te mau taata faafariu ti'amâ, e haamauhia ratou ei melo no te Ekalesia e e horo'ahia te horo'a o te Varua Maitai ia ratou. E tupu teie haamauraa i raro a'e i te arata'iraa a te episekopo e aore râ, a te peresideni amaa i roto i te hoê purerua oro'a i muri noa mai i te bapetizoraa. Noa'tu e, e taa teie na oro'a no te hoê taime potu noa, na te haamauraa râ e faahope e e faaoti i te bapetizoraa.

Tai'orāa i te papa'irāa mo'a

E mea nahea te horo'a o te Varua Maitai i riro ai ei hoê o te mau horo'a rahi a'e o ta tatou e nehenehe e farii ?

3 Nephi 19:1–13
PH&PF 45:56–57

Ioane 3:5
Ioane 14:26

Galatia 5:22–25
« Guide des écritures », « Saint-Esprit »

No te aha e mea ti'a i te mau taata tei faafariuhia ia hiaai i te horo'a o te Varua Maitai ?

2 Nephi 31:12–17
2 Nephi 32:1–5

Te Ohipa 8:14–17

Te Ohipa 19:1–6

Ohiparāa: Haapiirāa e te hoa

A imi i te mau papa'irāa mo'a i muri nei e a haamau i te hoê tabula no te mau titaurāa e te mau oro'a no te baptizorāa. A aparau e to oe hoa e mea nahea ia haapii i teie mau titaurāa ia vetahi ê.

2 Nephi 31:13
Mosia 18:8–10

Alama 7:14–16
3 Nephi 11:21–41

Moroni 6:1–4
PH&PF 20:37

Te faati'arāa i te Ekalesia

Ia baptizo ana'ehia te mau taata e ia haamauhia ei melo no te Ekalesia, a rave tamau noa i te ohipa e te feia faatere o te paroita e te mau melo no te tauturu i teie mau melo faafariu apî ia faaau i to ratou orarāa apî e ia tupu tamau noa i te pae varua. E faati'ahia ia te Ekalesia mai te mea e baptizohia te mau taata o tei farii i te iteraa papû e e haamauhia, e e haapa'o i ta ratou mau fafaurāa, e e faaineine no te haere i te hiero, e e tauturu i te haapuairāa i te paroita e aore râ, i te amaa.

E tupu te feia tei faafariuhia e mau hoa melo to ratou, o tei horo'ahia te hoê hopoi'a, e o tei faaamuhia e te parau a te Atua, i roto i te iteraa papû e te faaroo. Eiaha roa te mau misionare, te feia faatere o te paroita, e te mau melo o te Ekalesia e faaru'e ê i ta ratou hopoi'a oia te faaamurāa e te haapuairāa i te mau melo apî.

Te hoê misionare manu'ia maitai

To oe manu'irāa ei misionare ua faitohia ia na mua roa i ni'a i ta oe fafaurāa ia imi, ia haapii, ia baptizo, e ia haamau i te mau taata e ia tauturu ia ratou ia riro ei mau melo faaroo i roto i te Ekalesia e ia oaoa i te Varua Maitai.

Eiaha e faafaito ia oe i te tahi atu mau misionare e ia faaau i te mau hopearāa o ta oe mau tautoorāa i ta ratou. A haamana'o e e ti'amāraa to te mau taata no te ma'iti e farii anei ratou i ta oe parau poro'i. Ta oe hopoi'a o te haapiirāa ia ma te araaraa e te puai ia nehenehe ratou ia rave i te hoê ma'itirāa tano. Eita paha vetahi e farii i ta oe parau poro'i noa'tu e ua ite ratou na roto i te faaiterāa a te varua e e parau mau. E oto oe no te mea ua here oe ia ratou e te hinaaro ra oe i to ratou ora. Eiaha roa râ to oe aau e tarapape ; e haaparuparu te reira i to oe faaroo. Mai te mea e haamarirau oe i ta oe mau opuarāa, e iti mai ia to oe maitai, e paruparu to oe hiaai, e fifi ia oe i te peeraa'tu i te Varua.

E ite oe e e misionare manu'ia anei oe:

- Ia ite oe i te haapapûraa a te Varua i te mau taata na roto ia oe.
- Ia here i te mau taata e ia hinaaro i to ratou ora.
- Ia haapa'o maitai i te mau ture misionare.

Te mau nota

- Ia ora ia nehenehe oe e farii e e ite e nahea ia pee i te Varua, o te faaite ia oe e haere i hea, eaha te mea e rave, eaha te mea e parau.
- Ia faatupu i te mau ateributi mai to te Mesia.
- Ia ohipa ma te maitai i te mau mahana atoa, ma te horo'a i to oe puai i te hopoirā mai i te mau varua i te Mesia, e ia imi itoitō i te haapiirā e i te haamaitai atu ā.
- Ia tauturu i te paturā i te Ekalesia (te paroita) ia horo'a-ana'e-hia ta oe ohipa no te rave.
- Ia faaara i te mau taata i te mau hopea o te hara. A ani manihini ia ratou ia rave e ia haapa'o i te mau fafaurā.
- Ia haapii e ia tavini i te tahi atu mau misionare.
- Ia hamani maitai haere e ia tavini i te mau taata ia tae mai te titaurā, noa'tu e ua farii e aore rā, aita i farii i ta oe parau poro'i.

Ia horo'a hope roa oe ia oe iho, e nehenehe na roto i teie mau iteraa e riro oe i te tarapape area rā, eiaha oe e tarapape ia oe iho. Ia ite mai rā oe e, e mauruuru te Fatu ia ite oe i te Varua i te ohiparā i roto ia oe.

Tai'orā i te papa'irā mo'a

Eaha te mana'o o te mau tavini o te Fatu no ni'a i teie ohipa ? Nahea te mau tavini o te Fatu ia faauru i te feia o ta ratou e tavini ra ?

Mosia 28:3	3 Nephi 28:4–10	PH&PF 68:2–6
Alama 8:14–15	Etera 12:13–15	
Helamana 10:3–5	PH&PF 15:4–6 ; 16:4–6	

Ohiparā: Haapiirā ia oe iho

- A tai'o Helamana 10:1–5 e i te 3 Nephi 7:17–18. Eaha te mana'o o te Fatu no ni'a i teie mau misionare e ta ratou tavinirā ?
- A feruri i te mau tautoorā misionare a Abinadi e a Amona (a hi'o Mosia 11–18 ; Alama 17–20, 23–24). No te aha teie na misionare toopiti i manuia'i noa'tu e e mea taa ê-rii te mau hopea o ta raua tautoorā ?
- A papa'i i te mea o ta oe i haapii mai i roto i ta oe buka tapa'orā.

A haamana'o i teie

- Ta oe opuarā o te ani manihinirā ia ia vetahi ia haere mai i te Mesia na roto i te tautururā ia ratou ia farii i te evanelia tei faaho'i-faahouhia mai na roto i te faaroo ia Iesu Mesia e i Ta'na taraehara, te tatarahapa, te baptizorā, e te fariirā i te horo'a o te Varua Maitai, e i te tape'arā e tae noa'tu i te hopea ra.
- Te evanelia a Iesu Mesia tei faaho'i-faahou-hia mai o te e'a noa iho ia e nehenehe ai e roaa ia tatou te oaoa mure ore.
- E horo'a to oe piirā ia oe te mana ; e te haapa'orā i ta oe mau fafaurā e horo'a ia i te puai ia oe.
- Ua faaho'i hia mai te irā o te evanelia a Iesu Mesia na roto i te Peropheta Iosepha Semita. E haapapūraa te Buka a Moromona e e peropheta mau Iosepha Semita.

- E tauturu oe i te mau taata ia ora i te evanelia na roto i te ani manihiniraa ia ratou ia rave e ia haapa'o i te mau fafauaraa.
- E faaite oe i to oe here i te Fatu e i te aau mehara no Ta'na taraehara na roto i te hopoiraa mai i te mau varua la'na ra.
- E manu'ia oe mai te mea e haapa'o oe, e ora parau-ti'a noa oe, e e faaitoito oe i te tautururaa ia vetahi ê ia ora i te evanelia.

Ohipa misionare

A pee i te mau parau a te mau peresideni o te Ekalesia o teie tau tuuraa evanelia.

Peresideni Iosepha Semita (1830–1844)

« I muri mai i te mau mea atoa i parauhia, te ohipa rahi roa'e e te faufaa, o te pororaa ia i te Evanelia » (*Teachings of the Prophet Joseph Smith*, ma'itihia e Joseph Fielding Smith [1976], 113).

Ia haamana'o te Feia Mo'a e, e tupu te mau mea rarahi, tei te huru râ o ta ratou tautooraa, e e parauhia ratou e, e mau hoa apiti no matou e no te Varua Maitai i te rave faaotiraa i teie ohipa rahi o te mau mahana hopea nei » (*Teachings of the Prophet Joseph Smith*, 178–79).

Peresideni Brigham Young (1847–1877)

« E misioni ta te hoê tane e aore râ, ta te hoê vahine i roto i te Ekalesia. Eita taua misioni ra e hope a ora noa'i raua, no te raveraa i te maitai, no te faahaereraa i te parau-ti'a i mua, no te haapiiraa i te mau parau tumu o te parau mau, e no te faaitoitoraa ia ratou iho e te mau taata e haati ra ia ratou ia ora i taua mau parau tumu ra ia roaa ia ratou te ora mue ore » (*Discourses of Brigham Young*, ma'itihia e John A. Widtsoe [1954], 322).

Peresideni John Taylor (1880–1887)

« Ta tatou hopoi'a o te pororaa ia i te evanelia i te mau taata atoa... Teie te mea i titauhia ia tatou » (*The Gospel Kingdom*, ma'itihia e G. Homer Durham [1943], 234–35).

Peresideni Wilford Woodruff (1889–1898)

« Ua haere mai tatou i te fenua nei no te hoê misioni ;... ia roaa ia tatou te mana no te haere e faaara i te mau nunaa o te fenua nei... Ei mau peresibutero no Iseraela, e mea iti o tatou tei ite papû i to tatou ti'araa, i to tatou piiraa, i to tatou auraa e te Atua, i ta tatou hopoi'a e aore râ, i te ohipa o ta te Fatu i titau i to tatou mau rima » (*The Discourses of Wilford Woodruff*, ma'itihia e G. Homer Durham [1946], 124).

Peresideni Lorenzo Snow (1898–1901)

« Aita e taata tahuti o tei ore e anaanatae i roto i te manu'iraa o te hoê misionare mai te mea e te poro ra oia i te evanelia ia au i ta te Fatu i tono ia'na no te poro i te mau taata, oia te mau tamarii a te Fatu » (*The Teachings of Lorenzo Snow*, haaputuhia e Clyde J. Williams [1984], 70).

Peresideni Joseph F. Smith (1901–1918)

« E misioni ta tatou i roto i te ao nei: e mea ti'a i te tane, i te vahine, i te tamarii tata'itahi o tei paari i roto i te ite e aore râ, tei rae'ahia te matahiti... ia ineine no te mau mea i titauhia no te pororaa i te parau mau, e ia faaite i te iteraa papû no te parau mau » (*Gospel Doctrine*, 13raa nene'iraa a [1968], 251–52).

Peresideni Heber J. Grant (1918–1945)

« E ohipa rahi ta tatou, te piirāa ia i to te ao nei ia tatarahapa i te hara, e ia haere mai i te Atua. E e hopoi'a na tatou hau atu i te mau mea'toa ia haere e ia poro i te evanelia a te Fatu oia o Iesu Mesia, e i te faaho'i-faahou-raa-hia mai i te fenua nei te opuarāa no te ora e no te faaarāa... Te vai nei ta tatou poe tao'a rahi. Te vai nei ia tatou te mau mea faufaa roa'e i te mau maitai atoa e vai ra e i te mau haamaramama no te pae no te ihi e vaira i te ao nei. Te vai nei ta tatou faanahorāa no te ora e no te faaora... Te rave'a maitai a'e e vai ra i te ao nei no te faaite i to tatou here i to tatou mau taata tupu, o te haereraa e o te pororāa ia i te evanelia a te Fatu oia o Iesu Mesia, e mea na roto ho'i i te reira to'na horo'araa mai i te ite no ni'a i to'na hanahana » (i roto i te Conference Report, eperera 1927, 175–76).

Peresideni George Albert Smith (1945–1951)

« O ta outou ia misioni, e to'u mau taea'e e e to'u mau tuahine o te Ekalesia, o ta outou ia hopoi'a. E mea horo'a-noa-hia mai te reira ia outou e e tia'i mai to tatou Metua i te Ao ra ia opere maite outou i teie mau parau mau hanahana ma te piripiri ore i Ta'na mau tamaroa e i Ta'na mau tamahine » (*Sharing the Gospel with Others*, ma'itihia e Preston Nibley [1948], 213).

« E roaa ia tatou to tatou faateiteiraa i roto i te Basileia Tiretiera na roto noa i teie titauraa oia te opereraa na te mau tamarii a to tatou Metua, te mau haamaitairaa o te Evanelia a Iesu Mesia e i te haapa'oraa i te mau faauerāa o te haafauaa i to tatou oraraa i o nei e a muri atu » (*Sharing the Gospel with Others*, 190).

Peresideni David O. McKay (1951–1970)

« E misionare... te mau melo tata'itahi ! » (i roto i te Conference Report, eperera 1959, 122)

« Te Keretetiano mau o te here ia i roto i te ohipa. Aita'tu e rave'a maitai a'e no te faaiteraa i te here i te Atua i te faaiteraa i te here piripiri no to outou taata tupu. O teie te varua o te ohipa misionare » (*Gospel Ideals* [1954], 129).

Peresideni Joseph Fielding Smith (1970–1972)

« Ua faaroo tatou e, e mau misionare ana'e tatou. E mea ti'a ia riro te mau melo tata'itahi... ei misionare ; ei mau melo no te Ekalesia, ua euhe tatou ia faahaere i te evanelia a Iesu Mesia i mua, no reira, ua riro ia tatou ei mau misionare. E tuhaa te reira no te hopoi'a a te mau melo tata'itahi o te Ekalesia » (*Take Heed to Yourselves* [1971], 27–28).

Peresideni Harold B. Lee (1972–1973)

« Te ohipa misionare oia ia te haaereraa utuafare na te feia tei ore â i riro ei melo no te Ekalesia, e ua riro te haaereraa utuafare ei ohipa misionare no te mau melo o te Ekalesia » (*Improvement Era*, ditema 1964, 1078).

Peresideni Spencer W. Kimball (1973–1985)

« Teie te taimē i faataahia i roto i te tabula a te Fatu no te hopoiaa i te evanelia i te atea o tei ore i ravehia na i te matamua... E rave rahi mau taata i roto i te ao nei o te ta'i nei, o tei parau e o tei ore i parau, 'A haere mai... e a tauturu ia matou.' E taata tupu anei no tatou. E hoa anei no tatou. E fetii anei. E taata anei o ta outou i farerei i nanahi ra. Area rā, te vai nei ta tatou te mea o ta'na e hinaaro ra. A ahū i te itoito apī no o mai i ta tatou mau haapiiraa e i ta tatou mau pure, mai ta Petero i rave, « E teie nei, e te Fatu,... e faaitoito mai i to mau tavini ia parau noa i to parau ma te māta'u ore' (Te Ohipa 4:29) » (*Teachings of Spencer W. Kimball* [1982], 546).

Peresideni Ezra Taft Benson (1985–1994)

« E mea ti'a ia hopoi tatou i te evanelia ia vetahi ê. O ta tatou ia hopoi'a— e misionare te mau melo tata'itahi. O te poro'i ia a te mau peropheta a te Atua...

«... te ohipa misionare a te melo o te hoê ia taviri rahi no te tupuraa o ta tatou mau melo. To'u ti'aturiraa oia ia, ua riro te ohipa misionare a te melo i te faateitei i te varuaraa i roto i te tahi noa'tu paroita mai te mea e faahipahia » (*Teachings of Ezra Taft Benson*, 208–9).

Peresideni Howard W. Hunter (1994–1995)

« E mea papû e, te hopoira i te evanelia i te mau reo atoa, e i te mau nunaa atoa o ta tatou ia hopoi'a hoê roa e te faufaa i roto i te tahuti nei... Taa ê noa'tu i te mau tau tuuraa evanelia matamua, ua fana'o tatou i te fanau-raa-hia mai i teie mau mahana hopea nei, no te tauturu i te hopoira i te evanelia i te mau fenua atoa » (« Walls of the Mind », *Ensign*, setepa 1990, 10).

« Eaha ia ta te taraehara tuhaa i roto i te ohipa misionare ? E rave rahi taime to tatou iteraa i te mau haamaitairaa o te taraehara i roto i to tatou oraraa, aita'tu e mea o ta tatou e rave maoti râ, te tau'araa i te maitai o vetahi... Te hoê faaiteraa rahi no te faafariuraa o te hoê taata o te hiaairaa ia i te poro i te evanelia ia vetahi ê » (« The Atonement and Missionary Work », hapiipiiraa na te mau peresideni misioni apî, tiunu 1994).

Peresideni Gordon B. Hinckley (1995–)

« Tei ô nei tatou no te tauturu i to tatou Metua i roto i Ta'na ohipa e i To'na hanahana, 'ia faatupu i te tahuti ore e te ora mure ore o te taata nei' (Mose 1:39). E mea faufaa ta outou titauraa no ta outou hopoi'a i roto i ta outou tuhaa oia'toa ta'u titauraa i roto i ta'u tuhaa » (i roto i te Conference Report, eperera 1995, 94 ; e aore râ, *Ensign*, Me 1995, 71).

« Ia vai te faaitoitoraa o te faaararaa i roto i te aau o te mau melo tata'itahi i to'na iho paari no te faaho'i mai ia vetahi ê i roto i te hoê iteraa o te parau mau. A vaiiho ia'na ia ohipa no te reira. A vaiiho ia'na ia pure ma te onoono rahi no ni'a i te reira » (« Find the Lambs, Feed the Sheep », *Ensign*, Me 1999, 106).

Mau mana'o tauturu no te haapii mai e no te faaohiparaa

Haapiiraa ia oe iho

- A faaineine i te hoê a'oraa no te piti minuti no ni'a i te mau uiraa i te omuaraa o teie pene. Ia ineine no te faaiteraa i ta oe a'oraa i to oe hoa e aore râ, i te tahi atu mau misionare i roto i te hoê putuputuraa mataeinaa.
- A ui te mau taata faafariu apî ia faaite i te mau aamu no to ratou faafariuraa. Eaha te mea o te tauturu ia ratou ia roaa « te faaroo e tae atu i te tatarahaparaa » (Alama 34:17) ? No te aha ratou i mana'o ai ia baptizohia e ia haamauhia ? Eaha ia no ratou i te riroraa ei mau melo apî no te Ekalesia ? Nahea te mau misionare ia tavini maitai atu â ia ratou ?
- A imi i te auraa no te parau te reo faaara (a hi'o lakobo 3:12 ; PH&PF 1:4 ; 38:41 ; 63:57-58 ; 88:81 ; 112:5 ; Ezekielia 3:17-21 ; 33:1-12). A papa'i ia au i ta oe iho mau parau to'na auraa e nahea oe ia rave i te reira.
- A tai'o Moromona 8 e Moroni 1 e 10. A tai'o ai oe, a ui ia oe iho, « Eaha ta Moroni ti'aturi no to tatou nei mau mahana ? Eaha ta'na e hinaaro ia tatou ia rave no te Buka a Moromona ? Ahiri e nehenehe au e parau ia Moroni, eaha ia ta'u e parau atu ? » A papa'i i to oe mau mana'o i roto i ta oe buka tapa'oraa.
- A feruri i te mau ohipa i tupu i roto i to oe oraraa o tei haapuui i to oe iteraa papû no ni'a ia Iosepha Semita e te Faaho'i-faahou-raa. I muri iho, a papa'i i te hoê pahonora i teie uiraa. Eaha te mea o tei tauturu ia oe ia ite ua fâ mai te Metua i te Ao ra e o Iesu Mesia ia Iosepha Semita ?

Haapiiraa e to oe hoa

- A faaite te tahi i te tahi i ta oe mau pahonora i te mau uiraa no ni'a i « A feruri i teie » i te omuaraa o teie pene.
- A faaite te tahi i te tahi i to oe mau ti'aturiraa e i to oe mau hinaaro no ta oe misioni i to oe fariiraa i to oe piiraa. Eaha te aanoraa o to oe iteraa rau no te faatu'atiraa i ta oe mau opuaraa ? Nahea oe i te faoti-maitai-raa i teie mau opuaraa ?
- A tai'o e a aparau no ni'a i te parau « Ministre » i roto i te « Guide des écritures. »
- A ma'iti hoê o te mau misionare puai, e a tai'o i te mau faahororaa tei tabulahia. A tai'o ai oe, a aparau e mea nahea to teie misionare (1) maramaramaraa e to'na euheraa ia'na no to'na piiraa, (2) to'na faaiteraa i to'na huru e i to'na hinaaro no teie ohipa, e (3) to'na tautururaa ia vetahi ia farii i te evanelia.
Alama (Mosia 18) Nephi e Lehi (Helamana 5) Paulo (Te Ohipa 16)
Aarona (Alama 22 ; 23:1-6) Petero (Te Ohipa 2)
- I roto i te buka himene, a ma'iti e piti himene i raro a'e i te tumu parau te « Faaho'i-faahou-raa-hia mai te Evanelia » (a hi'o i te api 424). A tai'o e aore râ, a himene i te mau himene. A paraparau no ni'a i te auraa o te mau parau.
- A tai'o amui « Foi », « [Se] repentir, Repentance », « Baptême, Baptiser », e « saint-Esprit » i roto i te « Guide des écritures. » A tai'o e a paraparau no ni'a i te mau faahororaa atoa i roto i te mau tomoraa tata'itahi.
- A tai'o amui i te « Dispensation » i roto i te « Guide des écritures. » A tai'o atoa e a paraparau no ni'a i te Parau Haapiiraa e te Mau Parau Fafau 136:37.

Te mau mau apooraa mataeinaa e te mau amuiraa area

- A ani manihini e piti e aore râ e toru mau melo faafariu apî mai ia faaite i to ratou mau iteraa no ni'a i to ratou faafariu-raa-hia mai. Eaha to ratou mana'o no ni'a i te mau misionare ? no ni'a i te mau haapiiraa a te mau misionare ? no ni'a i te haapa'oraa i te mau fafauraa ? Eaha te mea o tei faauru puai i to ratou faafariuraa ?
- A ani manihini i te hoê taata faatere o te autahu'araa ia paraparau i te mau misionare no ni'a i te mau rave'a e i te mau fifi no te paturaa i te Ekalesia i roto i to oe area.
- A tai'o Alama 18 e a aparau no ni'a i teie mau uiraa: Eaha te mau mana'o o Lamoni i te omuaraa o te aamu ? E mea nahea to ratou tauraa ? Eaha te huru o ta te hoê taata e faaite mai te mea e hinaaro oia ia farii i te mau haamaitairaa o te evanelia ? A tai'o Alama 34:15–16, e a faaau e te aamu o Lamoni. E mea nahea to tatou fariiraa i te aroha na roto i te taraehara a te Mesia ?
- A aparau eaha te auraa ia riro ei misionare manu'a mau. A ani i te mau misionare ia horo'a mai i te tahi mau hi'oraa taa ê no ni'a i te manu'a.
- A vahi i te mau misionare i roto e toru pûpû. A faataa hoê pûpû no te tai'o Te Ohipa 2:36–38 (Petero), te tahi pûpû ia tai'o Te Ohipa 16:25:33 (Paulo), e te pûpû hopea ia tai'o Mosia 18:8–11 (Alama). A ui i te mau pûpû tata'itahi i teie uiraa, « Eaha ta teie mau misionare i rave no te tautururaa ia vetahi ia faarahi i te faaroo i roto i te Mesia, te tatarahapa, e te fariiraa i te baptizoraa e te haamauraa ? » A aparau atoa i te mau mea o ta teie mau misionare i haapii mai no ni'a i teie mau aamu o tei tauturu ia ratou ia faaohipa i te faaroo ia ani manihini ana'e ratou i te mau taata ia tatarahapa, ia baptizohia, e ia farii i te horo'a o te Varua Maitai.
- Tau mahana rii hou te putuputuraa, a faataa i te tahi mau misionare ia feruri hohonu i te mau uiraa tei ma'itihia no roto mai « A feruri i teie » i te omuaraa o teie pene. A ui i te mau misionare tata'itahi ia faaineine te hoê a'oraa toru minuti no ni'a i ta'na uiraa. I roto i te putuputuraa mataeinaa e aore râ, i te amuiraa area, a vaiiho i te mau misionare ia horo'a i ta ratou mau a'oraa. I muri mai i te mau a'oraa, a aparau i te mau mea o ta ratou i haapii mai e e nahea ratou ia faaohipa i te reira i roto i ta ratou ohipa misionare.
- A vahi i te mau misionare i roto e maha pûpû. A ani i te mau pûpû tata'itahi ia tabula i te mau parau mau, te mau fafauraa, e te mau oro'a o ta ratou i ite i roto i te tai'oraa o tei faaho'ihia mai na roto i te Peropheta Iosepha Semita. A vaiiho i te mau pûpû tata'itahi ia faaite i te mau mea tei iteahia e ratou. A ani manihini i te mau misionare ia faaite e mea nahea to teie mau parau mau tei heheuhia mai na roto i te Faaho'i-faahou-raa i te faaururaa i to ratou oraraa.

Peresideni misioni

- I roto i te mau uiuiraa, i te tahi taime a ui i te mau misionare ia faaite ia oe:
 - I to ratou iteraa papû no ni'a ia Iesu Mesia.
 - I to ratou iteraa papû no te evanelia tei faaho'i-faahou-hia mai e te misioni a Iosepha Semita.
 - I to ratou iteraa papû no te Buka a Moromona.
 - I to ratou mau mana'o no ni'a i ta ratou fâ ei misionare.

Te mau nota

- A ani manihini i te mau misionare ia papa'i i roto i ta ratou buka tapa'oraa i te mea o ta ratou e mana'o ra o te riro ei fâ no ta ratou misioni. I roto i te uiuiraa, a ani ia ratou ia faaite i te mea o ta ratou i papa'i.
- A haponi i te hoê rata no te haamauruuru i te mau melo api.



Nahea vau ia haapii maitai e ia faaineine no te haapii atu ?

A feruri i teie

- No te aha e mea faufaa ia tai'o i te evanelia ?
- Nahea ta'u tai'oraa i te faauputapûraa i te feia o ta'u e haapii ?
- No te aha vau e titau tamau ai i te here i te mau parau haapiiraa o te evanelia a Iesu Mesia ?
- Nahea vau ia tai'o ma te manuia i te mau parau haapiiraa o te evanelia tei faaho'i-faahouhia mai a Iesu Mesia e ia faaineine i te haapii atu ia vetahi ê ?
- Nahea vau i te haamaitai roa'tu i ta'u haapiiraa na te taata iho e e te hoa ?

Ua parau mai te Fatu, « Eiaha e titau i te faite i Ta'u parau, ia na mua râ i te noaa i Ta'u parau, ei reira to oe arero e matara'i ; ei reira, mai te mea te hinaaro ra oe, e noaa ia oe Ta'u Varua e Ta'u nei parau, oia ia, te mana o te Atua e tae noa'tu i te haapapûraa'tu i te mana'o o te taata nei » (PH&PF 11:21). Ia nehenehe ia haapii ma te manuia mau, e mea ti'a ia oe ia titau i te ite varua. Ia nehenehe oe ia tupu i roto i te evanelia e ia faaea noa i ni'a i te e'a o te arata'i i te ora mure ore, e mea ti'a ia oe ia faatupu i te hoê tabula tai'oraa evanelia (a hi'o PH&PF 131:6). Te tabula tai'oraa o ta oe e faatupu, e tauturu te reira ia oe iho ei misionare e i te feia o ta oe e haapii atu, ia tupu i roto i te faaroo i te Faaora.

E haamata te tai'oraa manuia mau o te mahana na roto i te pure. E ohipa te tai'oraa no te faaroo o te titau ia faaohipa i te ti'amâraa o te taata iho. Te 'aro nei e rave rahi mau misionare ia tai'o ma te manuia mau. E ti'aturi vetahi i ni'a ia vetahi e aore râ, i ni'a i te mau tabula i faanahohia no te parau ia ratou e eaha e e nahea ia tai'o ma te manuia. E mea faufaa te haapiiraa ia oe na roto i te hoê orometua maitai, e mea faufaa roa'tu â ia oe ia ite na roto ia oe iho te mau iteraa rau. Te titauraa i te mau hopea maitai o ta oe tai'oraa, tei te huru ia o to oe hiaai i te tamau, i te tai'o na roto i te « aau hinaaro mau » (Moroni 10:4),

Te mau nota

Te mau nota

« te hiaai e te po'iha i te maitai » (Mataio 5:6), e te imiraa i te mau pahonuraa o te mau uiraa e o te mau fifi o ta oe feia imi.

Ohiparaa: Haapiiraa ia oe iho

A hi'o i te hoho'a o Iosepha Semita i te api i muri rii mai. A tai'o i te Aamu o Iosepha Semita— 1:11–13. A pahono i te mau uiraa i muri nei i roto i ta oe buka tapa'o no te tai'oraa.

- Mea nahea te tai'oraa e te feruriraa hohonu a Iosepha Semita i te buka a Iakobo 1:5 i te arata'iraa ia'na ia farii i te heheuraa ?
- Eaha te faaururaa o ta'na haapiiraa i faatupu no te mau u'i o a muri mai ?
- Eaha te faufaa o ta'na opuaraa no te tai'o e no te imi i faatupu i roto i to oe oraraa ?
- Mea nahea ta oe tai'oraa i te evanelia i te faaururaa i to oe oraraa ?

Tai'oraa i te papa'iraa mo'a

E mea nahea ta te Fatu faaueraa ia tatou ia haafatata'tu i te tai'oraa evanelia ?

2 Nephi 4:15–16

PH&PF 58:26–28

Ph&pf 88:118

2 Nephi 32:3

Te haapiiraa na roto i te Varua Maitai

E manuia roa'tu â ta oe tai'oraa i te evanelia ia haapiihia oe e te Varua Maitai. A haamata i ta oe tai'oraa evanelia na roto i te pure ia tauturuhia oe e te Varua Maitai. E hopoi mai Oia i te ite e i te haapapûraa no te haamaitai i to oe oraraa e ia nehenehe oe ia haamaitai i te oraraa o vetahi ê. E rahi atu â to oe Faaroo ia Iesu Mesia. E tupu to oe hiaai no te tatarahapa e no te haamaitai atu â.

E faaineine teie huru tai'oraa ia oe no te tavini, no te pûpû i te tamahanahana, no te faaafaro i te mau fifi, e no te horo'a ia oe te puai ia tape'a e tae noa'tu i te hopea ra. E titau te tai'oraa evanelia manuia i te hiaai e te ohipa. « O te imi maite ra, e ite ia ; e e faaitehia te mau parau 'aro a te Atua ia ratou, na roto i te mana o te Varua Maitai, i teie nei anotau, mai tei te anotau tahito atoa ra ho'i » (a Nephi 10:19). Mai ia Enosa, ia hiaai oe i te ite i te mau parau o te ora mure ore e mai te mea e vaiiho oe i teie mau parau ia « [tomo] maite i roto i to [oe] aau » (Enosa 1:3), e iriti te Varua Maitai i to oe feruriraa e i to oe aau i te maramarama e i te ite rahi a'e.

Te tai'oraa i te evanelia, o te hoê ia rave'a no te fariiraa i te heheuraa (a hi'o Iakobo 4:8). Ua parau te Fatu ia Oliver Cowdery e: « Inaha, aita ho'i oe i ite na ; ua mana'o noa oe e e horo'a noa vau i te reira ia oe, ma to oe mana'o ore maori râ, ia ani noa mai Ia'u nei. Area râ, inaha, te parau atu nei au ia oe e, ia imi maite oe i te reira i roto i to oe aau e ti'a'i, ei reira oe e ani mai ai Ia'u e ua ti'a anei, e mai te mea ua ti'a ra, e faatupu ia vau i te ahu i roto i to oe ouma ; no te reira oe e ite ai e ua ti'a ihoa » (PH&PF 9:7–8). A tai'o ai oe, a 'apo i te mau mana'o o te o mai i roto i to oe feruriraa e i to oe iteraa o te tae mai i roto i to oe aau, no te feia ihoa râ o ta oe e haapii ra.



Tai'oraa i te papa'iraa mo'a

Eaha te ohipa a te Varua Maitai i roto i te tautururaa ia tatou i te haapiiraa i te evanelia ?

2 Nephi 32:5

PH&PF 11:12-14

Ioane 16:13

Alama 5:45-46

PH&PF 39:5-6

1 Korinetia 2:9-14

Moroni 10:5

Ioane 14:26

A ora i te mea o ta oe e haapii ra

A ite ai oe i te oaoa o te tae mai na roto i to oe maramaramaraa i te evanelia, e mea papû e hinaaro oe i te faaohipa i te mea o ta oe i haapii. A faaitoito i te oraraa ma te au i to oe ite. Ia na reira oe, e puai to oe faaroo, to oe ite, e to oe iteraa papû. Te faaohiparaa i ni'a i te mea o ta oe i haapii, e hopoi mai te reira i te faahauraa no te maramarama e ti'a i te vairaa (a hi'o Ioane 7:17).

A haaputu ai oe i te mau parau o te mau papa'iraa mo'a e a te mau peropheta o te mau mahana hopea nei i roto i to oe feruriraa na roto i te tai'oraa e te faaroo, e faarahihia ia to oe hiaai no te pororaa i te evanelia. Ua fafauhia ia oe e, e tatuturu te Varua ia oe ia ite i te mea o te ti'a ia parau. Teie ta te Fatu i parau, « Eiaha outou e feruri na mua i te mea ta outou e parau ra ; a haaputu noa râ i roto i to outou mau feruriraa i te mau taime atoa ra te mau parau no te ora, e e horo'ahia mai ia ia outou na i te hora ti'a mau ra te reira tuhaa o te horo'ahia'tu i te taata atoa » (PH&PF 84:85).

« E tau'i te ite o te parau haapiiraa mau i te huru e te peu. E haamaitai vitiviti roa'tura te tai'oraa i te mau parau haapiiraa o te evanelia i te peu i te maimiraa i te peu no te haamaitairaa i te reira. »

– PERESIDENI BOYD K. PACKER
« LITTLE CHILDREN », ENSIGN, NOVEMA 1986, 17

Tai'oraa i te papa'iraa mo'a

Eaha ta te mau papa'iraa mo'a i haapii no ni'a i te haapiiraa i te evanelia ?

1 Nephi 10:17-19

PH&PF 50:19-22

PH&PF 88:118

PH&PF 11:21-22

Te tai'oraa e te faaineineraa i te haapii i te mau haapiiraa

I roto i mau haapiira o (te pene 3) e itehia te mau uiuraa no te bapetizoraa, te mau fafauaraa e te mau parau haapiiraa o ta oe e haapii atu. E ite atoa oe i roto i te mau haapiiraa te mau mana'o tauturu no te haapii atu. Tera râ, eita te mau haapiiraa e faaite ia oe i te mau mea'toa o ta oe e parau—e aore râ, e nahea ia parau. Area râ, e mea ti'a ia oe iho ia maramarama i te mau haapiiraa e ia haapii na roto i te Varua e na roto i ta oe iho mau parau. A haapii ia nehenehe vetahi ia haapapû i to ratou Faaroo ia Iesu Mesia, ia hiaai i te tatarahapa, e ia tomo i roto i te mau fafauaraa e te Atua.

E rave tamau te mau orometua manuia i te ohipa no te haamaitai i to ratou ite e i to ratou mau aravihi. Noa'tu e eita oe e haapii atu i te taato'araa o to oe ite o te parau haapiiraa, e patu râ to oe ite i to oe iteraa papû e to oe paari no te haapii na roto i te mana o te varua. E ite oe e te faaohipa ra i te mau haapiiraa mai te mea:

Te mau nota

Te mau nota

- E imi e e pee oe i te Varua a faaineine e a haapii ai oe i te mau haapiiraa.
- E faaitoito oe i te tai'oraa e rave rahi taime, e haaputu, e e faaohipa i te mau parau haapiiraa i roto i to oe oraraa.
- E rave oe i te ohipa e to oe hoa no te faanaho i te mau opuaraa taa ê no te taata tata'itahi o ta oe e haapii atu.
- E faatumu i ni'a i te mau parau poro'i e te mau parau haapiiraa a haapii ai oe.
- E faatano i te ana'iraa, te taime, e te huru o te tereraa o te mau haapiiraa no te mau hinaaro o te feia o ta oe e haapii ra.
- E haapii pinepine na roto mai i te mau papa'iraa mo'a na roto i te papû e te mana'o papû.
- E faaite pinepine i te iteraa papû.
- E tauturu ia vatehi ê ia rave e ia tape'a i te mau fafauraa o te arata'i-roa'tu i te baptizoraa e i te haamauraa.

Na roto i te raveraa i teie mau mea oe e nehenehe ai e tauturu ia vetahi ê ia roaa te hoê iteraa papû no te evanelia a Iesu Mesia tei faaho'i-faahou-hia mai.

I te omuaraa o ta oe misioni, e mea ti'a ia oe ia haapii i te faanahonahoraa o te parau poro'i o te faaho'i-faahou-raa e ia titau i te mau aravihi no te haapii-raa'tu. Ia roaa ia oe te mau iteraa rau, e mea papû e hinaaro oe i te faahohonu atu â i to oe ite e i te haamaitai-roa-raa'tu i to oe paari no te haapii. A faaineine ai oe i te haapii atu, e mea papû e hinaaro oe i te hoê tabula arata'i no te mau haapiiraa ia nehenehe oe ia haapii na roto i te Varua e ia tauturu ia vetahi ê ia rave e ia tape'a i te mau fafauraa. Te mau arata'iraa i raro nei o te mau mana'o tauturu ia o ta oe e nehenehe ia faaohipa i roto i ta oe misioni. Tera râ, eiaha oe e mana'o e, e nehenehe oe e faaohipa i teie mau reni arata'i i te mau taime atoa. E mea ti'a râ, ia faaohipa i teie mau reni arata'i no te pahono i te mau hinaaro ia au i te arata'iraa a te Varua. Mai te mea e, te haapii ra oe i te hoê reo apî, a faaohipa i teie mau arata'iraa i roto i to oe iho reo na mua roa e i muri mai, i roto i te reo o ta oe misioni.

- **A faatumu i ni'a i te mau fafauraa e i te mau uiuiraa no te Baptizoraa.** A haapii ia nehenehe te mau taata ia rave i te mau fafauraa e ia faaineine no te baptizoraa e no te haamauraa. Ia maramarama i te mau uiuiraa no te baptizoraa e no te mau fafauraa o te mau haapiiraa tata'itahi. A imi i te mau mea e ti'a i te taata ia ite, ia farii, e ia rave na roto i ta oe haapiiraa. A rave i te ohipa e to oe hoa e a faataa i teie mau parau tumu i roto i ta oe iho parau ma te papû e te mana.
- **A haapii e a faaohipa i te parau haapiiraa.** Ua riro te parau haapiiraa ei niu no te haapiiraa. Na roto i te pure, a tai'o i te mau papa'iraa mo'a, te haapiiraa, e te mau parau i roto i te mau buka iti o te « Ideas for Teaching », e i te vairaa buka a te misionare ia roaa te hoê iteraa paari no te parau haapiiraa. A imi i te materia no te paturu i te parau haapiiraa o te mau haapiiraa. A fafau i te tamau aau i te mau tuhaa o te mau parau tumu o te haapiiraa. A faaohipa i te mea o ta oe i haapii mai. A tapa'o i roto i ta oe buka tapa'o no te tai'oraa, te mea o ta oe i haapii. A faaite i te mea o ta oe i haapii i te tahi atu mau misionare.

- **A faanahonaho e a haapoto i te mea e haapii-hia'tu.** No te faaineine i te haapii i te parau haapiiraa ma te ateate e na roto i te mana i te pae varua, a faanahonaho e a haapoto i te mea o ta oe e haapii atu i roto i te hoê faanahoraa haapiiraa. A faatumu i ni'a i te parau haapiiraa no te mau uiuiraa no te baptizoraa e te mau fafauraa o te mau haapiiraa. A haamaitai atu â i ta oe faanahoraa haapiiraa i te mau papa'iraa mo'a, te mau uiraa, e te mau hi'oraa.



- **A faatumu i ni'a i te mau hinaaro.** No te mea e tano te mau parau haapiiraa o te evanelia no te mau taata atoa, e mea ti'a ia faatano i ta oe haapiiraa ia au i te mau hinaaro o te feia o ta oe e haapii atu. A tamau ai oe i te parau haapiiraa e a faaineine ai i te mau faanahoraa haapiiraa, a imi i te mau vahi e nehenehe ta oe e faahuru-ê-rii ia ite i te mau hinaaro. A hi'opo'a e a haamaitai i teie mau faahuru-ê-raa a faaineine ai oe i te mau farereiraa taa ê. A imi e o vai râ ta oe e titau manihini atu. A faatumu i ni'a i te fâ hopea no te tauturu i te feia o ta oe e haapii ra ia farii i te evanelia a Iesu Mesia tei faaho'i-faahouhia mai na roto i te baptizoraa e te haamauraa.
- **Faaineine no te pahono i te mau uiraa.** Ei misionare, e faaroo oe e rave rahi mau uiraa. A tapa'o i te reira i roto i ta oe buka tapa'o no te tai'oraa. A imi i te mau papa'iraa mo'a e te tahi atu mau materia e tano ei mau pahonoraa. A pure ia maramarama. A tapa'o i te mau pahonoraa i roto i ta oe buka tapa'o no te tai'oraa. A hi'o-faahou i te mau mea tei roaa ia oe e te tahi atu mau misionare. A tuu atu i te mau uiraa e ui pinepinehia e to ratou mau pahonoraa i roto i ta oe buka tapa'o no te tai'oraa ei faahororaa.
- **A haapii i te haapiiraa.** E rave'a faahiaha te haapiiraa no te haamaitai i to oe ite e te aravihi. A haapii ai oe i te parau haapiiraa e a faaineine ai i te haapiiraa, a haapii atu i to oe hoa misionare e i te tahi atu mau misionare. A tamata i te tahi atu mau tatararaa, te mau ite rau, te mau uiraa, e te mau rave'a no te titauraa ia vetahi ê ia faatupu i te mau fafauraa. A ui i te tahi mau mana'o e te mau mana'o tauturu.
- **A faaau i ta oe haapiiraa.** I muri mai i te mau huru o te haapiiraa, a faaau e mai te aha te huru o ta oe haapiiraa. Ua faatumu anei oe i ni'a i te parau haapiiraa ? Ua ani anei oe i te feia imi ia tatarahapa e ia rave e ia tape'a i te mau fafauraa ? Ua haa anei oe no te faaineineraa ia ratou no te baptizoraa e no te haamauraa ? Ua faaohipa anei oe i te mau uiraa maitai ? Ua faaite anei oe i to oe iteraa papû ? Ua ani anei oe no te tahi mau farereiraa ? A faahuru-ê-rii i ta oe faanahoraa haapiiraa a haere noa'tu ai oe i te maitai roaraa.

Te mau nota

A tamau ai oe i te mau haapiiraa, a imi noa i te hoê ite hohonu no te parau haapiiraa. A haa ma te itoito i te haapiiraa na roto i te mana rahi. A tamau ai oe na roto i te pure e te faaroo, e tupu to oe ite e to oe iteraa papû i te rahi. Tera râ, eiaha e haapii atu i te taato'araa o te mau mea o ta oe i ite. A horo'a râ i te parau poro'i ma te ateate, ma te ohie, e ia niuhia i ni'a i te mau hinaaro o te taata iho, ma te pee i te Varua no te haapii « i te reira tuhaa o te horo'ahia'tu i te taata atoa » (PH&PF 84:85).

Tatararaa i te auraa o te mau parau

E parau poro'i mana ta te mau misionare e hoê noa pu'e parau. Mai ta te hoê taote tapu ia paraparau i roto i te hoê vahi faafaearaa o te utuafare e ere ia mai ta'na e paraparau i roto i te piha tapuraa, ia na reira atoa oe ia paraparau i te feia aita i papû i ta tatou parau poro'i ia nehenehe ratou ia maramarama i te mea o ta oe e haapii ra.

No te faaineineraa i te tahi mau taata ia taa i te auraa o te mau parau mataro-ore-hia, a tai'o i te tabula o te mau tumu faufaa e i te mau tuuraa parau i roto i te tuhaa no « Te Mau Mana'o no te Haapii Atu » o te mau haapiiraa tata'itahi. A tamau atoa i te mau tatararaa i horo'ahia'tu. A faahipa i te buka ra *Mau maite i te Faaroo* e te « Guide des écritures » no te imi i te mau tatararaa no te tahi atu mau parau. A papa'i i teie mau tatararaa i roto i ta oe buka tapa'o no te tai'oraa. A horo'a i teie mau tatararaa i to oe hoa e ia vetahi ê ia ite e ua maramarama mau anei oe. Mai te mea aita teie mau tatararaa i papû ia vetahi ê, a hi'opo'a faahou i ta oe mau tatararaa i niuhia i ni'a i te mau materia o ta oe i tai'o na.

A haapii ai oe, a imi ia ite e e parau e aore râ, e parau tumu apî anei teie i te taata o ta oe e haapii ra. A rave i te taime no te tatararaa i te mau parau mataro-ore-hia e aore râ, i te mau parau tumu. A haamana'o i te haapii ia maramaramahia mai ia nehenehe o oe e te feia o ta oe e haapii atu « ia haamaitahia e ia oaoa apipiti ho'i raua » (PH&PF 50:22).

Ohiparaa: Haapiiraa ia oe iho

A hi'o i te haapiiraa « Te Parau Poro'i o te Faaho'i-faahou-raa mai o te Evanelia a Iesu Mesia » i roto i te pene 3. A tai'o i te tabula o te mau tumu faufaa i roto i te tuhaa o « Te Mau Mana'o no te Haapii Atu. » A imi e toru atu mau parau i roto i te haapiiraa o ta oe e hinaaro i te tatararaa. A pee i te mau mana'o tauturu i horo'ahia i ni'a nei i roto i te hamaniraa i te hoê tatararaa no te parau tata'itahi.

Te mau mana'o e te mau mana'o tauturu

E haamanuia te mau mana'o e te mau mana'o tauturu o teie tuhaa i ta oe taime tai'oraa e no te faateiteiraa i te pae varua. A faaoti i te mau mea i muri nei a faanaho ai oe i ta oe tai'oraa:

- A haamata tamau noa na roto i te hoê pure.
- A faanaho i te mau ohipa haapiiraa o te patu i to oe faaroo i roto i te Faaora e a faahipa ma te faarahi i to oe taime.
- A faatano i ta oe tai'oraa no te mau taata, no te mau mea o ta ratou e hinaaro, e a faaineine ia ratou no te bapetizoraa, no te haamauraa, e no te tape'araa e tae atu i te hopea. A tapa'o i ta oe mau tai'oraa i roto i ta oe buka faanahoraa.
- A faanaho i ta oe tai'oraa na roto i te uiraa. Eaha o ta'u e haapii atu i teie mahana ? Nahea vau ia faanaho i ta'u tai'oraa no te tauturu atu â i te feia o ta'u e haapii atu ?

Eaha te mau mana'o e te mau mana'o tauturu o teie nei tuhaa o ta'u e tuu atu i roto i ta'u tai'oraa ?

A faaineine ai oe i ta oe faanahoraa no te mau ohipa tai'oraa, a tamata i te tahi o teie mau mana'o e te mau mana'o tauturu i muri nei e aore râ, i te tahi atu mau mana'o o ta oe i haapii no o mai ia vetahi ê.

A faahipa e a haapa'o i te mea o ta oe i haapii mai

- « A faaau » i te mea o ta oe i haapii mai ia oe iho (a hi'o 1 Nephi 19:23).
- A opua i te mau fâ no te haapa'o i te mea o ta oe i haapii mai.
- A tuu i to oe i'oa no te mono i te taata i faaitehia i roto i te papa'iraa mo'a.
- A ani ia oe iho e, « Nahea vau ia tau'i ei hopearaa no te mea o ta'u i haapii mai ? » A opua i te mau fâ e tano.

Ohiparaa: Haapiiraa ia oe iho

A ma'iti hoê o te mau faahoraraa i muri nei. A tai'o ai e a feruri hohonu ai oe i ta oe irava i ma'iti, a imi e piti e aore râ, e toru a'e rave'a o ta oe e nehenehe e faahipa i roto i to oe oraraa.

- 2 Nephi 31
- Alama 32:26–43
- Moroni 7:32–48

A faaau e mea nahea râ to oe haapa'oraa i te mau parau tumu o ta oe e haapii atu. A ma'iti hoê rave'a o ta oe e nehenehe ia haamaitai, e ia opua i te rave.

Imi, feruri, e haamana'o

- Ia vai ineine noa. A rave i te ohipa faaeta'etaraa tino, a hopu i te pape, e a pure hou oe a haapii ai.
- A rave i ta oe haapiiraa i ni'a i te hoê iri iti ia nehenehe oe e papa'i (eiaha e tarava e aore râ, e parahi i ni'a i te ro'i), a faanahonaho i ta oe mau materia haapiiraa, e ia vai ineine noa.
- A pure e a ani i te ite.
- A haapii na te mau tumu parau.
- A ui ia oe iho, « Eaha te auraa o te parau a te taata papa'i ? Eaha mau te parau poro'i ? E e mea nahea te reira e tano ai no'u ? »
- A hi'o na i te mea o ta oe e haapii ra. Mai teie te huru, a feruri i te huru o Amona i to'na ti'araa i mua i te arii o te Ati Lamana.
- A tai'o i te mau parau a te mau peropheta ora (no roto i te fare vairaa buka a te misionare e i te mau ve'a a te Ekalesia).
- A papa'i i ta oe mau uiraa i roto i ta oe buka tapa'o no te tai'oraa, e a faahipa i te mau papa'iraa mo'a, te mau parau a te mau peropheta o te mau mahana hopea nei, e i roto i te tahi mau materia haapiiraa no te imi i te mau pahonora.
- E roaa e rave rahi mau mana'o i roto noa i te hoê irava o te papa'iraa mo'a. A taren'i e a tapa'o i te mau parau e aore râ, i te mau pereoda o ta oe i ite i rotopu i te mau mana'o e te hoê irava noa.

Te mau nota

Te mau nota

- A faaite i te tahi atu mau misionare i te mea o ta oe i ite. E nehenehe oe e ite atu â na roto i te tatararaa i te hoê parau haapiiraa e aore râ, i te hoê parau tumu i te tahi atu taata.
- A tapa'o i ta oe mau papa'iraa mo'a e a iriti mai i te tahi mau faahororaa i roto i te reira. I te hiti, a tapa'o i te mau faahororaa o te papa'iraa mo'a o te haamaramarama i te mau irava o ta oe e tamau ra.
- A tamau aau i te mau irava o te papa'iraa mo'a o te tatara e o te paturu i te mau parau tumu o ta oe e haapii atu.

A faaohipa i te mau materia haapiiraa

- A faaohipa i te mau tauturu haapiiraa i roto i te mau iritiraa o te mau papa'iraa mo'a a te Ekalesia (Topical Guide, Bible Dictionary, « Extraits de la traduction de la Bible par Joseph Smith, Index, chapeau des chapitres, notes de pied de page », e « les cartes »)
- A faaohipa i te mau haapiiraa misionare, te mau buka i haamanahia, te mau ve'a a te Ekalesia, e i teie buka.
- A hi'o faahou i te mau upoo parau o te mau pene i roto i te mau papa'iraa mo'a. Na te reira e horo'a i te mau mana'o no ni'a i te mea e tano ia hi'ohia i roto i te pene.
- A faaohipa i ta oe buka tapa'o no te tai'oraa no te papa'i e no te faanahonahoraa i te mea o ta oe e haapii nei. E hi'o pinepine i te mau mana'o o ta oe i tapa'o. A faanahonaho i ta oe buka tapa'oraa ia 'oi'oi oe i te haamana'o i te mea o ta oe i haapii mai.
- A rave i teie buka ei buka ohiparaa na oe. A faaohipa i te mau area vata no te mau nota e no te tapa'oraa i te mau mana'o.
- A tai'o i te mau irava o te papa'iraa mo'a i tabulahia i roto i teie buka. A tapa'o i roto i teie buka e aore râ, i roto i ta oe buka tapa'o no te tai'oraa, te tahi atu mau irava o te papa'iraa mo'a tei itehia e oe.

A hi'o i te hoho'a rahi

- A imi i te hoê hi'oraa na roto anei i te tai'oraa i te buka, te pene e aore râ, i te irava e aore râ, na roto i te hi'o-faahou-raa i te mau upoo parau. A imi ia maramarama i te aamu o te mau papa'iraa.
- A tamata i te papa'i i te mana'o tumu o te irava i roto i te hoê pereoda e aore râ, i te hoê paratarafa poto noa.
- A faaohipa i te Bibilia e i te mau hoho'a aamu o te Ekalesia ia ite i te tioterafi [géographie], te mau atearaa, te ahuara'i [climat] e te huru o te repo fenua.
- A hi'o i te huru no te mau ohipa i tupu e te ta'ere [culture]. A tai'o i te haamaramaramaraa no ni'a i te aamu i roto i te « Guide des écritures » e i roto i te pene e te mau haapotoraa tuhaa.

Ohiparaa: Haapiiraa ia oe iho

A tai'o i te haapotoraa o te pene o te mau buka i raro nei e a papa'i i te hoê vauvauraa o te tatara i te aamu, i te mau ohipa i tupu, e i te mau parau haapiiraa no te mau buka tata'itahi.

1 Nephi

Mose

Te Ohipa

Hi'o haere i te mau faahu'ahu'araa

- A imi i te mau tumu parau e a haapapû e ua maramarama oe i to ratou auraa. A faaohipa i te mau nota, te « Guide des écritures », e aore râ, te didionare no te mau tatararaa. A hi'opo'a i te mau parau e haaati ra e aore râ, i te mau pereoda ia ite i te auraa no te mau parau tumu.
- A imi i te mau parau faatu'atiraa, mai *no reira, e faahou â*, e te tahi atu â. I reira a hi'o e, e mea nahea te mau irava i mua e i muri i tu'ati ai te tahi i te tahi.
- A faaohipa i te « Guide des écritures » ia ite e nahea taua parau ra i te faaohiparaahia i roto i te tahi atu parau tumu e aore râ, e mea nahea to te tahi mau peropheta faaohiparaa i taua parau ra.
- A imi i te mau parau mataro-ore-hia e aore râ, i te mau pereoda e a haapapû e ua maramarama maitai oe i te reira.

Tapa'oraa i te mau papa'iraa mo'a

E tauturu te tapa'oraa i ta oe mau papa'iraa mo'a ia feruri hohonu oe no ni'a i te hoê irava e aore râ, i te parau haapiiraa o te evanelia. E nehenehe oe e tapa'o i ta oe mau papa'iraa mo'a e rave rahi huru. A imi i te hoê rave'a e manuia ai oe. Teie i muri nei te tahi mau arata'iraa no te tapa'oraa i te mau papa'iraa mo'a.

- A rave i te mau peni e aore râ, i te mau peni û. A ara eiaha e faaohipa i te peni tara e faatafetafeta i te api parau.
- A peni, a tareni, a tuu i roto i te paruru e aore râ, a vauvau i te hoê tuhaa o te irava, te taato'araa o te irava e aore râ, te hoê pûpû no te mau irava.
- Eiaha atoa te tapa'oraa ia rahi roa. E mo'e te faufaa mai te mea aita oe e taa i ta oe iho mau tapa'oraa no te mea ua rahi roa te mau nota, te mau reni, e te mau û.
- A tareni noa tau rii parau no te haamaramarama i te irava, i te tuhaa e aore râ, i te pene.
- A reni haamenemene e aore râ, a tareni i te tumu parau, e i muri iho a faatu'ati i te mau parau na roto i te reni ti'a-raa'tu te tahi e te tahi.
- Ia tu'ati ana'e te mau ana'iraa irava, a tuu i te mau numera i te hiti e aore ra i roto i te parau tumu.
- A faaohipa i te mau nota ei rave'a no te tapa'oraa e no te tatararaa i te mau papa'iraa mo'a.
- A tuu i te hoê tapa'o (mai te hoê reni) i te hiti no te mau irava tumu o ta oe i mana'o e e mea fifi ia haamana'o.

E tauturu te tapa'oraa i ta oe mau papa'iraa mo'a no te faatumuraa i te faaohiparaa i te mea o ta oe i haapii mai e no te haapiiraa'tu ia vetahi. A faatupu i te hoê haafatataraa papû e no te tauturu ia oe ia faoti i ta oe mau opuaraa ei misionare.

Ohiparaa: Haapiiraa ia oe iho

Eaha te mana'o tauturu o ta oe i ore â i tamata ? A imi i te hoê mana'o tauturu no roto mai i te mau mana'o no te haapiiraa e te mau mana'o tauturu no te tamata i roto i ta oe e i ta to oe hoa haapiiraa.

Te mau nota

A haamana'o i teie

- E mea faufaa te titauroa i te ite no to oe ora e no to oe manuia ei misionare.
- E ite oe i te evanelia na roto i te tai'oraa, te faaroo e te mana o te Varua Maitai.
- Te haapiiraa o te hoê ia oaoa e e hopoi mai e rave rahi mau haamaitairaa.
- E haapuai te Haapiiraa ia oe iho e to oe hoa o te mau mahana atoa i to oe faaroo e i to oe aravihi no te haapii atu na roto i te Varua.
- A faaohipa i te mau rave'a huru rau no te haapiipii ia riro te iteraa rau ei mea au e te popou.

Mau mana'o tauturu no te haapii mai e no te faaohiparaa

Te mau nota

Haapiiraa ia oe iho

- A numera ia oe iho mai teie i muri nei (1= aita roa, 3=i te tahi taime, e 5= e mea tamau noa).
 - Te mana'o nei au i te mau taata o ta'u e haapii ra ia tai'o vau.
 - I taua mahana ra, e feruri au i te mea o ta'u i tai'o i te po'ipo'i.
 - A tai'o ai au, e tae mai te mau mana'o i roto i to'u feruriraa o tei ore a i tupu a'e nei i te matamua.
 - E tapa'o vau i te mau mana'o o te pae varua i te hoê vahi tano mau.
 - E ta'oto vau ia tai'o ana'e au.
 - E ti'a'i au i te Haapiiraa ia oe iho.
 - E ti'a'i au i te haapiiraa e to oe hoa.

A hi'o i ta oe mau pahonora. Eaha te mea o ta oe i rave maitai ? Ua mana'o ra oe e ahiri e mea taa ê rii ta'u mau pahonora ? A imi hoê e aore râ, e piti a'e fâ o te haamaitai roa'tu i te huru o ta oe haapiiraa.

- A hi'o faahou i te « A feruri i teie » mau uiraa i te omua-roa-raa o teie pene. Nahea teie mau uiraa i te faaururaa i ta oe tai'oraa ?
- A hi'o faahou i te tuhaa « Mau mana'o no te haapiiraa e te mau mana'o tauturu. » A imi i te hoê mana'o tauturu no roto mai i te pûpû tata'itahi o tei ore e faaohipahia e oe, e a tamata i teie mau mana'o i roto i ta oe Haapiiraa ia oe iho.
- A tai'o i Te Parau Haapiiraa e te Mau Parau Fafau 138:1–11. A tai'o ai oe i teie mau irava, a pahono i te mau uiraa i muri nei:
 - Eaha te ohipa a te peresideni Smith i rave ia iritihia to'na feruriraa ?
 - Eaha ta'na i te no ni'a i te parau haapiiraa o ta'na e feruri ra ?
- A tai'o i te tatararaa o te ite i roto i te « Guide des écritures » e i te mau faahorora i tabulahia. I roto i ta oe buka tapa'o no te tai'oraa, a papa'i i te hoê pahonora no teie uiraa « Eaha te ite e nehenehe e tauturu ia'u ia tavini maitai ei misionare ? »
- A ma'iti i te hoê parau haapiiraa i roto i te pene 3 o ta oe e hinaaro ra ia maramarama. A papa'i i roto i ta oe buka tapa'o no te tai'oraa te mau uiraa o ta oe e hinaaro i te pahono. A tai'o maitai i taua parau haapiiraa ra no te hoê taime (te tahi tau mahana), e a pure ia rahi atu te maramarama. A papa'i i te mea o ta oe i haapii.
- A tai'o 1 Nephi 10:17 ; 11:1–6. A tai'o ai oe i teie mau irava, a pahono i teie uiraa « E mea nahea to Nephi iteraa i te mea o ta to'na metua i ite ? »

Haapiiraa e to oe hoa

- A tai'o e to oe hoa i te mau irava i muri nei. A pahono i te uiraa « No te aha tatou e imi ai i te maramarama hanahana ? »

PH&PF 11:11–14 Ioane 8:12 Salamo 119:105

PH&PF 84:43–47
- A tai'o e to oe hoa i te mau irava i raro nei, e a aparau i te mau haamaitairaa o te tae mai na roto i te tai'oraa i te parau a te Atua. Eaha te mau irava matai a'e e nehenehe e tauturu i te feia o ta oe e haapii atu ?

Te mau nota

1 Nephi 10:19	Alama 32:42–43	PH&PF 130:19
2 Nephi 32:3	Alama 37:44–46	« Guide des écritures », « Ecritures », sous-titre: « Valeur des écritures », api 221–22
Mosia 1:6–7	Alama 49:30'	
Alama 17:2–3	PH&PF 90:24	

Te mau apooraa mataeinaa e te mau amuiraa area

- A ma'iti i te hoê tumu parau i roto i te mau haapiiraa misionare o ta oe i tai'o. E a rave i te mea i muri nei:
 - A faaite e piti e aore râ, e toru tumu o ta oe i haapii mai na roto i ta oe tai'oraa o tei tauturu i te haapiiraa i taua haapiiraa ra.
 - A faataa i te rave'a o ta oe i rave no te haafatata'tu i ta oe tai'oraa tei tauturu ia oe ia ite i teie tumu (nahea to oe tai'oraa, te mau materia haapii o ta oe i faaohipa, te mau uiraa o ta oe i maimi, e te vai atu â).
 - A faaite e mea nahea to oe tapa'oraa e ta oe faanahonahoraa i te mau hopearaa o ta oe tai'oraa.

Mai te mea e ti'ahia, a ui i te tahi atu mau misionare ia na reira atoa.
- E nehenehe teie ohipa e ravehia hoê ana'e taata e aore râ, e te hoê pūpū iti. A haamaramarama i te mau misionare ia ma'iti hoê o te mau uiraa i muri nei (e aore râ, e nehenehe oe e hamani i ta oe iho mau uiraa).
 - No te aha e mea faufaa te mau utuafare i roto i te faanahoraa a te Atua ?
 - No te aha te mau taata e farii ai i te mau tamataraa e te oto ?
 - Eaha te ohipa a te Varua i roto i te faafariuraa ?

A faaite e horo'ahia na ratou e pae tae atu e hitu minuti no te:

 - Imi e piti a'e faahororaa no te papa'iraa mo'a o te pahono i te uiraa.
 - A papa'i i te hoê tatararaa ohie e mea nahea te mau papa'iraa mo'a o ta ratou i ma'iti i te pahonora a teie uiraa.
 - A faaite e nahea ratou ia haamana'o i te uiraa.
 - A faaite eaha o ta ratou e rave no te hi'o-haere ma te faahohonu i te uiraa.

A ani manihini i te tahi mau misionare (e aore râ, pūpū) ia faaite mai i ta ratou mau pahonora a. A paraparau no ni'a i ta ratou mau pahonora a.
- A ani i te misionare ia papa'i hoê e aore râ, e piti mau uiraa no ni'a i te mau parau tumu e te mau parau haapiiraa o te evanelia no roto mai i te hoê o te mau haapiiraa o te pene 3 o ta ratou e hinaaro ia itehia te pahonora a. A ani manihini i te mau misionare ia faaite i ta ratou mau uiraa i te pūpū. No te mau uiraa tata'itahi, a paraparau i te mau mea i muri nei:
 - E mea nahea te pahonora a i teie uiraa i te haamaitairaa i te oraraa o te misionare ?
 - Nahea te reira i te haamaitairaa i te oraraa o te feia imi ?
 - Nahea te hoê misionare ia imi i te pahonora a ?
- A ui i te tahi mau misionare ia faaite mai i te hoê parau tumu no te evanelia o ta to ratou mau hoa i haapii ia ratou. A ui ia ratou ia tataraa i te parau tumu e e mea nahea ta to ratou mau hoa haapiiraa ia ratou.

Te mau nota

- A faataa i te mau misionare i roto i te faahoaraa e aore râ, i roto i te mau pūpū iti. A faaue i te mau pūpū tata'itahi ia tai'o i te hoê pene no roto mai i te Buka a Moromona. A vaiiho i te pūpū tata'itahi ia ma'iti i te hoê opuaraa no roto mai i na pūpū e pae o te tuhaa « Mau mana'o no te haapiiraa e te mau mana'o tauturu. » A ani i te mau pūpū ia faaohipa i te mau mana'o tauturu tata'itahi a tai'o amui ai ratou i ta ratou pene. A horo'a 15 tae atu 20 minuti no te tai'oraa e no te aparauraa. A ani i te mau pūpū ia tatara i te mau mana'o tauturu o ta ratou i faaohipa, e e mea nahea te reira i te tereraa, e e aha o ta ratou i haapii mai.
- A ani manihini i te misionare tata'itahi ia feruri i te hoê aamu e aore râ, i te hoê ohipa i tupu i roto i te mau papa'iraa mo'a e o to'na auraa (mai te orama a Lehi no ni'a i te raau no te ora, te a'oraa a te Arii Beniamina, te A'oraa i ni'a i te Mou'a e aore râ, to te Mesia fâraa i te Ati Nephi). A ani i te mau misionare ia hauti e aore râ, ia tatara i te mea o ta ratou e ite ra no ni'a i te mau mea tei tupu o ta ratou i ma'iti. A ani e piti e aore râ, e toru misionare ia faaite i te mea o ta ratou e ite ra. A ani i te tahi atu â ia aamu e ia faaite ia ratou te mau parau haapiiraa i roto i te hoê o teie mau haapiiraa. A tai'o Moroni 10:3 e a aparau no ni'a i te faufaa o te feruriraa hohonu no ni'a i te ite i te pae varua.

Peresideni misioni

- A ani i te mau misionare ia afa'i mai i ta ratou mau buka tapa'o no te tai'oraa i te taime no te uiuiraa. A ani ia ratou ia faaite mai hoê rave'a ia oe.
- I roto i te taime no te mau uiuiraa, a ui i teie mau uiraa i muri nei:
 - Eaha te mea o ta outou i ite i roto i ta outou tai'oraa i te papa'iraa mo'a ?
 - Eaha te parau tumu o te evanelia o ta to oe hoa i haapii iho nei ia oe ?
 - Eaha te pene e aore râ, te tuhaa o teie nei buka o tei tauturu roa ia oe i teie nei na hebedoma i mairi a'e nei ?
 - Eaha ta oe e rave nei i roto i te Haapiiraa ia oe iho tei tauturu hau atu ia oe ?
- I roto i te mau amuiraa area, a ani i te mau misionare ia faaite i te mau iteraa rau maitai o ta ratou i farii i roto i ta ratou Haapiiraa ia oe iho e to oe hoa.
- I roto i te mau amuiraa area, a vaiiho i te mau misionare ia faaite i te mau mana'o o te Haapiiraa ia oe iho.
- A faaite i te mau misionare te mau mana'o o tei roaa ia outou i roto i te Haapiiraa ia oe iho. A faaite i te mau rave'a tei tapa'ohia i roto i ta oe buka tapa'o no te tai'oraa e i to oe iteraa papû no ni'a i te faufaa o te tamauraa i te evanelia.
- Mai te mea e nehenehe ia oe, a amui atu i te mau misionare i roto i ta ratou haapiiraa e to oe hoa.
- I te taime o te mau uiuiraa, a ani i te mau misionare ia faaite hoê o ta ratou mau faanahoraa haapiiraa iritihia mai na roto i te hoê o te mau haapiiraa misionare. A ui ia ratou eaha te auraa o teie mau parau haapiiraa ia ratou.



Eaha ta'u e tamau e e haapii ?

I roto i te mau haapiiraa o teie pene te vaira te mau parau haapiiraa, te mau parau tumu, e te mau faaueraa faufaa o ta oe e tamau, e ti'aturi, e here, e ora, e e haapii atu. O te reira ta te mau peropheta e ta te mau aposetolo ora i faaue ia oe ia haapii atu. Ua faaineinehia te reira ia nehenehe oe e tauturu ia vetahi ê ia maramarama maitai i te mau parau haapiiraa a te Mesia.

Teie te mau haapiiraa i roto i teie pene:

- Te parau poro'i no te evanelia a Iesu Mesia i faaho'i-faahou-hia mai
- Te opuaraa no te ora
- Te evanelia a Iesu Mesia
- Te mau faaueraa
- Te mau ture e te mau oro'a

A haapii i na haapiiraa matamua e maha hou te baptizoraa. A haapapû maitai oe e, e pahono te feia o ta oe e haapii ra i te mau titauraa no te baptizoraa e te haamauraa na roto i te raveraa e i te haapa'oraa i te mau fafauaraa atoa i roto i teie mau haapiiraa.

Na te mau misionare rave tamau e arata'i i te mau haapiiraa hou te baptizoraa ma te tauturuhia e te mau misionare paroita e te tahi atu mau melo. I muri mai i te baptizoraa, e haapii-faahou-hia te mau melo apî i na haapiiraa e maha, oia'toa « Te mau ture e te mau oro'a. » Na te feia faatere o te paroita e faaoti e, na te mau misionare paroita anei e aore ra, na te mau misionare rave tamau anei e amo i te hopoi'a no te haapapûraa e te haapii-mau-hia nei teie mau haapiiraa, e eaha te maororaa. A faaitoito i te mau melo apî tata'itahi ia haapa'o i te mau fafauaraa atoa i roto i teie mau haapiiraa.

E mea ti'a atoa ia oe ia faaohipa i teie mau haapiiraa i roto i ta oe iho tai'oraa e i te tai'oraa orua o to oe hoa misionare, i roto i te mau putuputuraa mataeinaa, e i roto i te tahi atu mau haapiiraa. A tamau ai oe i te mau papa'iraa mo'a, a haaputu i roto i to oe mau feruriraa te mau parau haapiiraa o teie nei mau haapiiraa, e na te Varua e faaite ia

Te mau nota

Te mau nota

oe i taua iho taime ra te mea o ta oe e parau e e rave no te tautururaa ia vetahi ê ia farii i te hoê haapapûraa no te parau-mau o teie mau haapiiraa.

Ei misionare, e hopoi'a rahi na oe ia haapii mai roto atu i to oe aau e na roto i te Varua. Teie ta te Peresideniraa Matamua e te Pûpû no te Tino Ahuru Ma Piti Aposetolo i parau: « Ta tatou fâ, o te haapiiraa ia i te parau poro'i no te evanelia i faaho'i-faahou-hia mai ma te vaiiho i te Varua ia arata'i i te mau misionare e i te feia o te haapiihia ra. E mea faufaa ia haapii i te mau mana'o o te mau [haapiiraa] area râ, aita e ti'a ia haapii i te reira na roto i te tamau-aauraa. E mea ti'a i te misionare ia faaohipa i ta'na iho mau parau mai te au i te muhumuhuraa a te Varua. Aita e ti'a ia'na ia horo'a i te hoê tai'oraa tamau aau e mea ti'a râ ia'na ia haapii na roto i ta'na iho mau parau. E nehenehe oia e haamata na roto i te mau parau o te haapiiraa, ma te horo'a i te mau mea i faauruhia ia'na ia rave, ia au i te faufaa e te mau hinaaro o te feia imi. Ia faaite ana'e oia i to'na iho ti'aturiraa e mea ti'a ia'na ia horo'a i to'na iho iteraa papû no ni'a i te parau-mau o ta'na mau haapiiraa » (« Faataaraa parau no ni'a i te ohipa misionare », rata na te Peresideniraa Matamua, i te 11 no titema 2002). A tamau ai oe e to oe hoa misionare i teie mau haapiiraa e a faaineine ai no te haapii, a tamau maite i teie mau haamaramaramaraa i roto i to oe feruriraa. A haapapû maite e, ua haapii oe i te mau parau haapiiraa'toa i roto i teie mau haapiiraa.

E mea ti'a ia oe ia horo'a i te taato'araa o na haapiiraa matamua e toru mai te au i tei papa'ihia, maori râ e faauru mai te Varua ia oe. E mea ti'a ia tuuhia'tu te tahi mau faaueraa e tano e aore râ, e haapiihia ei mau haapiiraa na oe iho.

E faaitehia te mau uiuiraa no te bapetizoraa i roto i te mau haapiiraa tata'itahi, te mau fafauaraa, e te mau parau haapiiraa o ta oe e haapii atu. A tamau maite i te mau parau haapiiraa. A tauturu i te feia o ta oe e haapii ia haapa'o i te mau fafauaraa. A faaohipa i te mau uiuiraa no te bapetizoraa no te faaineine i te feia o ta oe e haapii ra ia bapetizohia e ia haamauhia. Te vai atoa ra te mau mana'o no te haapii atu i roto i te mau haapiiraa. A faaohipa i teie mau mana'o tauturu no te haapuai ia oe nahea ia faaineine e ia haapii.

Te ohipa a te tamau-aau-raa

A tamau aau i te mau papa'iraa mo'a no te faaohipa i roto i ta outou haapiiraa. A fafau i te tamau aau i te ana'iraa o te mau tumu haapiiraa i roto i te mau haapiiraa tata'itahi a te misionare. E mea ti'a i te mau misionare e haapii nei i te hoê reo api ia haamau i ta ratou haapiiraa reo i ni'a i te faaineineraa no te mau haapiiraa misionare. E mea ti'a ia tamau aau ratou i te pu'e parau, i te mau pereota, te mau hoho'a pereota, e te mau haapotoraa o te mau parau haapiiraa e puta mai i roto i te haapiiraa, i muri i to ratou maramarama-maitai-raa i te auraa mau o taua mau parau e taua mau pereota ra.

A haapii ma te ateate

Te vaira i te pae hopea o na haapiiraa matamua e toru te hoê tabula parau e ore e taa-maitai i te feia o ta oe e haapii ra. A imi nahea ia tatara i teie mau parau ma te ohie. A haapii ai oe, a imi i te mau rave'a atoa ia maramarama ohie te parau poro'i.

Te tai'oraa i te papa'iraa mo'a

Eaha te mea o tei anihia ia oe ia haapii ?

Mosia 18:18-20

PH&PF 43:15-16

PH&PF 52:9

No te aha e mea ti'a ia oe ia tamau i te mau parau haapiiraa i roto i te mau haapiiraa ?

Alama 17:2-3

PH&PF 17:2-3

Te parau poro'i no te Evanelia a Iesu Mesia i faaho'i-faahou-hia mai



© 1991 Greg K. Olsen. Eaha e paa i te hoho'a.

Te mau nota

Ta oe opuaraa

A haapii ai oe, a faaineine i ta oe feia imi ia roaa te mau mea i titauhia no te bapetizoraa tei haapiihia i roto i te Parau Haapiiraa e te Mau Parau Fafau 20:37 e i roto i te mau uiuiraa no te bapetizoraa. E mea maitai roa'tu te reira ia ravehia na roto i ta oe ani-manihini-raa i te feia imi ia rave e ia haapa'o i te mau fafauraa i tabulahia i raro nei.

Te mau uiuiraa no te bapetizoraa

- Te ti'aturi ra anei oe e o te Atua to tatou Metua Mure Ore ?
- Te ti'aturi ra anei oe e o Iesu Mesia te Tamaiti a te Atua, te Faora e te Ora o te ao nei ?
- Te ti'aturi ra anei oe e ua faaho'i-faahou-hia mai te Ekalesia e te evanelia a Iesu Mesia na roto i te peropheta Iosepha Semita ?
- Te ti'aturi ra anei oe e, e peropheta [te peresideni o te Ekalesia i teie mahana] na te Atua ? Eaha te auraa o te reira no oe ?

Mau fafauraa

- E tai'o e e pure anei oe ia ite e te Buka a Moromona o te parau mau ia na te Atua ?
- E pure anei oe ia ite e, e peropheta mau Iosepha Semita ?
- E haere anei oe i te pureraa na muri ia maua i teie sabati ?
- E faanaho tatou i ta tatou farereiraa i muri nei ?
- Te tahi atu mau faaueraa no te haapiiraa 4 o ta oe e ma'iti no te faaô mai.

O te Atua to tatou Metua here i te ao ra

O te Atua to tatou Metua i te Ao ra. E mau tamarii tatou Na'na. E tino i'o To'na e te ivi o tei faahanahanahia e o tei maitai roa. Ua here oia ia tatou. E oto Oia ia mauuii tatou e e oaoa ia rave tatou i te maitai. Te hinaaro nei Oia ia aparau ia tatou, e e nehenehe tatou e aparau Ia'na na roto i te pure papû mau.

Ua horo'a mai Oia ia tatou i ni'a i te fenua nei teie iteraa ia nehenehe tatou ia haapii e ia haere i mua. E nehenehe tatou e faaite i to tatou here Ia'na na roto i ta tatou mau ma'itiraa e i to tatou haapa'o i Ta'na mau faaueraa.

Ua horo'a mai to tatou Metua i te Ao ra ia tatou Ta'na mau tamarii, te hoê rave'a ia manuia i roto i teie nei oraraa ia ho'i no te ora i pihaiho Ia'na. Area râ, e mea ti'a ia riro

Te mau nota

tatou ei feia mâ na roto i te haapa'oraa ia riro mai te reira ra te huru. E haafaatea te haapa'o-ore ia tatou Ia'na. I ropu i te faanahoraa a to tatou Metua i te Ao ra o te taraehara ia a Iesu Mesia. Ua amuihia mai i roto i te taraehara, To'na mauuiui rahi i roto i te Aua no Getesemane oia'toa To'na mauuiui e te pohe i ni'a i te satauro. Na roto i te taraehara i nehenehe ai tatou ia faorahia i te teimaha o ta tatou mau hara e ia faatupu i te faaroo e te puai no te faaruru i to tatou mau tamataraa.

Te ti'aturiraa no ni'a i te Atua

A imi na eaha te mana'o o te taata o ta oe e haapii ra no ni'a i te ti'aturiraa Keretetiano no te Atua. Rave rahi mau taata i teie mahana aita o ratou e mana'o no ni'a i te Atua e aore râ, e iteraa iti roa no ni'a i te Atua.

E piti na misionare o te Buka a Moromona oia o, Amona e o Aaron, tei haapii i te mau taata aita o ratou e ti'araa Keresetiano. Ua haapii raua i te parau-mau ohie e ua ani i ta raua feia imi ia pure. Ua faafariuhia mai o Lamoni e to'na metua tane. A tai'o Alama 18:24–40 e 22:4–23, e a pahono i te mau uiraa i raro nei:

- Eaha ta teie na misionare i haapii no ni'a i te naturaraa o te Atua ?
- Nahea oe ia pee i to raua hi'oraa ?

Te tai'oraa i te papa'iraa mo'a

Eaha te naturaraa o te Atua te Metua e o Iesu Mesia ?

1 Nephi 17:36	3 Nephi 27:13–22	Ioane 3:16–17
2 Nephi 9:6	PH&PF 38:1–3	Te Ohipa 17:27–29
Mosia 4:9	PH&PF 130:22	Roma 8:16
3 Nephi 12:48	Mose 1:39	Hebera 12:9
3 Nephi 14:9–11	Mataio 5:48	1 Ioane 4:7–9

E haamaitai te evanelia i te mau utuafare

E haamaitai te evanelia i faaho'i-faahou-hia mai i te mau tane e i te mau vahine, i te mau metua e i te mau tamarii a tutava ai ratou i te faatupu i te hoê auraa pautuutu e te puai o te pae varua i roto i to ratou mau utuafare. E roaa teie mau haamaitairaa i teie nei e i roto i te mau tau e a muri noa'tu. E horo'a te evanelia a Iesu Mesia i te tauturu no te mau titauraa e te mau tamataraa o teie taima.

No te mea e ua haapa'ohia te mau utuafare e te Atua, o ratou ia te taatiraa sotiare faufaa-roa'e i teie mahana e i roto i te mau tau e a muri noa'tu. Ua faati'a te Atua i te mau utuafare no te hopoi mai i te oaoa i Ta'na mau tamarii, ma te ani ia ratou ia haapii i te mau parau tumu tano i roto i te here, e ia faaineine ia ratou no te ora mure ore. O te fare te vahi maitai roa'e no te haapii, e no te faahiparaa i te mau parau tumu o te evanelia a Iesu Mesia. Hoê utuafare e faati'ahia i ni'a i te mau parau tumu o te evanelia o te hoê ia vahi haapûraa e te pe'ape'a-ore. E riro ei vahi i reira te Varua o te Fatu e noho ai, ma te horo'a i te hau, te oaoa e te au maitai i te mau melo o te utuafare. Na roto i te mau peropheta o te mau tau atoa, oia'toa to tatou nei, ua heheu mai te Atua i Ta'na faanahoraa no te oaoa no te mau taata tata'itahi e no te mau utuafare.

Ua heheu te Metua i te ao ra i ta'na evanelia i roto i te mau tau tuuraa evanelia tata'itahi

Te hoê rave'a faufaa roa no to te Atua faaiteraa i To'na here no tatou e mea na roto ia i te piiraa i te mau peropheta, o tei mau i te autahu'araa—te mana i horo'ahia i te taata no

te ohiparaa i roto i te i'oa o te Atua no te ora o Ta'na mau tamarii. Ua haapiihia te mau peropheta i te evanelia a Iesu Mesia na roto i te heheuraa. E na ratou ia e haapii atu i te evanelia ia vetahi ê ma te faaite papû e o Iesu Mesia te Faaora e te Ora. E itehia te mau haapiiraa a te mau peropheta i roto i te mau buka mo'a e parauhia te mau papa'iraa mo'a.

Te opuaraa a to tatou Metua ia manuiâ tatou i roto i teie oraraa e ia ho'i faahou e ora i pihaiho Ia'na e parauhia ia e, o te evanelia a Iesu Mesia, e o te taraehara ia a Iesu to ropu i taua faanahoraa ra. Na roto i te taraehara a Iesu Mesia, e farii tatou i te ora mure ore mai te mea e faaohipa tatou i te Faaroo ia Iesu Mesia, e tatarahapa e e bapetizohia na roto i te utuhiraa no te matararaa o te mau hara, e ia farii i te horo'a o te Varua Maitai, e ia tape'a e tae noa'tu i te hopea. « Tera te e'a mau ; aita'tu e e'a, e aore ho'i e i'oa i horo'ahia mai i raro a'e i te ra'i e ti'a'i i te taata ia faorahia i te basileia o te Atua ra. E teie nei ho'i, o te rave'a teie a te Mesia ra » (2 Nephi 31:21). Ua farii te mau taata atoa i te horo'a o te ti'amâraa, oia'toa te ti'amâraa ia farii e aore râ, ia pato'i i te evanelia mai tei haapiihia e te mau peropheta e te mau aposetolo. O ratou atoa o tei ma'iti i te haapa'o, e haamaitahia ia area o tei hi'o ê, o tei pato'i ra e aore râ, o tei tau i te evanelia, e ore ia e farii i te mau haamaitairaa i fafauhia mai e te Atua.

Ia ma'iti ana'e te mau taata i te tau'a-ore, i te haapa'o-ore e aore râ, i te tau i te hoê noa'e parau tumu o te evanelia e aore râ, oro'a, ia pato'i i te mau peropheta a te Fatu e aore râ, te tape'a-oreraa i te faaroo, te faaatea ra ia ratou i te Atua e te haamata ra ia i te ora i roto i te pouri varua. Na te reira e arata'i i roto i te huru e parauhia te taivaraa. I roto i te taivaraa rahi, ua iriti te Atua i te mana o To'na autahu'araa no te haapii e no te faatere i te mau oro'a o te evanelia.

Ua papa'ihia te mau aamu o to te Atua aparauraa i te mau peropheta i roto i te Bibilia e rave rahi taime, e ua parau-atoahia te parau no te taivaraa e rave rahi taime. Ia tae i te pae hopea no te hoê tau taivaraa, e faaite mai te Atua i To'na here i Ta'na mau tamarii na roto i te piiraa i te hoê atu peropheta ma te horo'a'tu ia'na te mana no te autahu'araa no te faati'a e no te haapii faahou-raa i te evanelia a Iesu Mesia. Ua riro te peropheta ei ti'aaui i ni'a i te utuafare o te Atua i ni'a i te fenua nei.



E ua parauhia te mau tau arata'iraa tohu ei mau tau tuuraa evanelia.

Ua heheu te Atua i te evanelia a Iesu Mesia ia Adamu e ua horo'a ia'na te mana no te autahu'araa. O Adamu ia te peropheta matamua i ni'a i te fenua nei. Na roto i te heheuraa, ua haapii Adamu i te fetiiraa o te taata nei e te Atua te Metua, Ta'na Tamaiti o Iesu Mesia, e te Varua Maitai ; i te taraehara e te ti'a-faahou-raa o Iesu Mesia ; e i te mau parau tumu matamua e te mau oro'a o te evanelia. Ua haapii Adamu e o Eva i ta raua mau tamarii i teie mau parau-mau e ua faaitoito ia ratou ia faatupu i te faaroo e ia ora i te evanelia noa'tu te huru o to ratou oraraa. Ua peehia mai Adamu e te tahi atu mau peropheta, i te mau tau râ i muri mai, aita te huaai a Adamu i farii i te evanelia e ua topa i roto i te taivaraa, na roto i to ratou ma'itiraa i te haapa'o-ore.

E mea na reira te haamataraa o te faanahoraa tohu o te mau tau tuuraa evanelia, i tupu ai te mau aamu tei papa'ihia i roto i te Faufaa Tahito. E heheu afaro mai te Metua i te Ao ra i Ta'na evanelia na roto i te mau peropheta mai ia Noa, Aberahama, e Mose. Ua piihia

Te mau nota

Te mau nota

teie mau peropheta tata'itahi e te Atua no te haamata i te hoê tau tuuraa apî o te evanelia. E ua horo'a te Atua i te mana no te autahu'araa i teie mau peropheta e ma te heheu mai i te mau parau-mau mure ore. Area râ, i roto i te mau tau tuuraa evanelia, ua rave te mau taata i to ratou ti'amâraa no te ma'iti i te faaru'e i te evanelia e ua topa i roto i te taivaraa.

Te mau peropheta

A imi na eaha te mana'o o te taata o ta oe e haapii ra no ni'a i te mau peropheta. I roto i te ta'ere e rave rahi, te ti'aturi nei te tahi mau taata e te farii nei te feia mo'a e aore râ, te feia faauruhia i te tahi huru arata'iraa no ô mai i te Atua ra. E ere râ te taato'araa o te mau taata faauruhia i te mau peropheta na te Atua mai tei faaithehia i roto i te evanelia tei faaho'i-faahou-hia mai. A tatarapa papû atu e, ua faati'a te Atua i To'na basileia i ni'a i te fenua nei na roto i te piiraa i te hoê peropheta no te faati'a i te hoê tau tuuraa evanelia. Ua horo'a Oia i taua peropheta ra te mana no te autahu'araa. E tauturu ia te peropheta i te mau taata ia maramarama i to ratou auraa e te Atua, e e nahea ia farii i te ora mure ore na roto i te evanelia a Iesu Mesia.

E mana'o paha oe e e mea nahea te mau tau tuuraa evanelia e riro ai ei mea faufaa a haapii ai i te mau taata e aita o ratou e ti'araa Keretetiano e aore râ, ta'ere. Area râ, e ite atu oe e, na roto i te faaite potoraa i te aamu o te tau tuuraa evanelia, e nehenehe oe e tauturu i te mau taata ia maramarama e, ua here te Atua i Ta'na mau tamarii e hoê â ho'i To'na huru i nanahi, i teie nei mahana, e a muri noa'tu.

Te tai'oraa i te papa'iraa mo'a

Te mau peropheta

Iakoba 4:4,6
Mosia 8:13–18

Te Ohipa 10:34–43

Amosa 3:7

Te mau tau tuuraa Evanelia

PH&PF 136:36–38
Moses 5:4–12, 55–59

Mose 8:19–30

« Guide des écritures »,
« Dispensation »

Te misioni a te Faora i te fenua nei

Te tahi tau hanere matahiti hou te fanauraa o Iesu Mesia, ua topa faahou te mau taata i roto i te taivaraa. Ia haamata râ te Faora i Ta'na misioni i te fenua nei, ua faati'a-faahou Oia i Ta'na Ekalesia.

Ua tonono mai te Metua i te Ao ra i Ta'na Tamaiti i te fenua nei ia pohe no te hara a te mau taata atoa e ia upooti'a i ni'a i te pohe: « I aroha mai te Atua i to te ao, e ua tae roa i te horo'a mai i ta'na tamaiti fanau tahi... ia ora râ to te ao ia'na » (Ioane 3:16–17). Ua tonono mai to tatou Metua i te Ao ra i Ta'na Tamaiti, o Iesu Mesia, ia rave i ni'a iho Ia'na na roto i To'na mauuiui, te mau hara a te taato'araa o te ora'tu i ni'a i te fenua nei e ia rê i ni'a i te pohe tino. Ua rave te Faora i te hoê faatusiaraa mure ore ia nehenehe mai te mea e faaroo tatou Ia'na, e e tatarahapa, e e bapetizohia, e e farii i te Varua Maitai, e e tape'a e tae noa'tu i te hopea ra, e faaorehia ta tatou mau hara e e tomo e e pee i te e'a o te arata'i ia tatou i te ora mure ore i pihaiho i te Atua (2 Nephi 31:13–21).



I roto i Ta'na misioni i ni'a i te fenua nei, ua haapii te Faora i Ta'na evanelia e ua faatupu e rave rahi mau semeio. Ua pii Oia hoê ahuru ma piti taata ia riro ei mau Aposetolo Na'na e ua tuu i To'na na pu'e rima i ni'a i to ratou mau upoo ma te horo'a ia ratou i te mana no te autahu'araa.

Ua faanahonaho Oia i Ta'na Ekalesia, faatupu i te tohu, e aita i fariihia e ua faasataurohia. Te faufaa rahi râ, ua faatupu Oia i te taraehara. Ua rave-faoti te Tamaiti a te Atua, te Fatu o Iesu Mesia, i te taato'araa o te ohipa a To'na Metua i te Ao ra i faaue Ia'na ia rave.

Hou te pohe e te ti'a-faahou-raa o te Faora, ua horo'a Oia i Ta'na mau Aposetolo te mana no te haapii i Ta'na evanelia, ia rave i te mau oro'a faoraraa, e ia faanahonaho i Ta'na Ekalesia i te ao nei.

Te tai'oraa i te papa'iraa mo'a

Te mau hiro'a faaroo 1:5
Mataio 10:1–10

Luka 6:13
Ioane 15:16

Hebera 5:4

Te taivaraa rahi

I muri mai i te poheraa o Iesu Mesia, ua hamani-ino te feia iino i te mau Aposetolo e i te mau melo o te Ekalesia e ua taparahi-pohe-hia e rave rahi o ratou. Ia pohe te mau Aposetolo, ua iriti-ê-hia'tu te mau taviri o te autahu'araa e te mana faatere rahi o te autahu'araa mai te fenua'tu nei. Ua tape'a maite râ te mau Aposetolo i te mau parau haapiiraa o te evanelia viivii-ore e ua haamau i te haapa'oraa e te faito ti'amâraa o te mau melo o te Ekalesia. I te mouraa o te mau Aposetolo, i muri mai ua hapehape te mau parau haapiiraa, ua ravehia te tahi mau tauraa ti'a-ore i roto i te faanahonahoraa o te Ekalesia e i te mau oro'a o te autahu'araa, mai te baptizoraa e te horo'araa i te Varua Maitai.

Mai te mea aita e heheuraa e aita e mana no te autahu'araa, e turu'i te mau taata i ni'a i te paari o te taata iho no te tatararaa i te mau papa'iraa mo'a e i te mau parau tumu e i te mau oro'a o te evanelia a Iesu Mesia. Ua haapiihia te mau mana'o hape ei parau-mau. Ua mo'e te rahiraa o te ite i te huru e te naturaraa mau o te Atua te Metua, o Ta'na Tamaiti o Iesu Mesia, e o te Varua Maitai. Ua tauihia e aore râ, ua haamo'ehia te mau parau haapiiraa o te Faaroo ia Iesu Mesia, te tatarahapa, te baptizo, e te horo'araa i te Varua Maitai. Aita faahou e mana no te autahu'araa o tei horo'ahia e te Mesia i te mau Aposetolo e vaira i ni'a i te fenua nei. E na teie taivaraa i faatupu e rave rahi mau Ekalesia.

I muri mai i te pouri rahi i te pae varua a rave rahi tenetere i teie nei, ua pato'i te mau tane e te mau vahine imi parau-mau i te mau peu e ravehia ra e te mau faaroo. Ua ite ratou e, ua tauihia e aore râ, ua mo'e e rave rahi mau parau haapiiraa e te mau oro'a o te evanelia. Ua imi ratou i te tahi atu mau maramarama rahi no te pae varua, e ua opua vetahi ia faaho'i-faahou-hia mai te parau-mau. Aita râ ratou i farii e, ua pii te Atua ia ratou ia riro ei peropheta. Area râ, ua tamata ratou i te faatupu-faahou i te mau haapiiraa e i te mau raveraa o ta ratou i mana'o e ua tauihia e aore râ, ua viivii. Ua arata'i ta ratou

Te mau nota

mau tutavaraa i te faanahonahoraa o te mau Ekalesia Porotetani e rave rahi. E hopearaa teie Faati'araa no te hoê tupuraa no te ti'amâraa no te faati'araa i te mau Ekalesia, e na te reira i iriti i te uputa no te faaho'i-faahou-raa hopea.

Ua tohu te mau Aposetolo a te Faaora i teie taivaraa rahi. Ua tohu atoa ratou e, e faaho'i-faahou-hia mai te evanelia a Iesu Mesia e Ta'na Ekalesia i ni'a i te fenua nei.

Te tai'oraa i te papa'iraa mo'a

1 Nephi 13	Te Ohipa 3:19–21	2 Petero 2:1–2
2 Nephi 26:20–21	Te Ohipa 20:28–30	Amosa 8:11–12
2 Nephi 28	Galatia 1:6–9	« Guide des écriture », « Apostasie »
4 Nephi 1:27	2 Tesalonia 2:1–12	<i>Mau maite i te Faaroo</i> , mau api 13–14
PH&PF 86:1–3	(IIS mau irava 2, 3, 7–9)	<i>Our Search for Happiness</i> , mau api 23–32
Mataio 24:9–11	1 Timoteo 4:1–3	<i>Jesus the Christ</i> , pene 40,
Mareko 12:1–9	2 Timoteo 4:3–4	« The Long Night of Apostasy »

Te taivaraa rahi

E mea ti'a ia maramarama te feia imi e ua tupu mau te taivaraa rahi i muri mai i te poheraa o Iesu Mesia e Ta'na mau Aposetolo. Ahiri e aita te taivaraa, aita ia e faufaa no te hoê faaho'i-faahou-raa. Mai te hoê taiamani anaana i tuuhia i ni'a i te hoê ahu terevete ereere oia'toa te huru o te faaho'i-faahou-raa i roto i te pouri o te taivaraa rahi. Ia arata'ihia e te Varua, a haapii i te feia imi tata'itahi no ni'a i te taivaraa rahi i te hoê faaito e tano i to ratou mau feruriraa e o te mau ohipa e tupu ra. Ta oe opuaraa, o te tautururaa ia ia maramarama ratou i te titauraa no te faaho'i-faahou-raa-hia mai o te evanelia a Iesu Mesia.

Te mau tumu faufaa

- Ua patuhia te Ekalesia a Iesu Mesia i ni'a i te niu o te mau aposetolo e te mau peropheta (a hi'o Ephesia 2:19–20 ; 4:11–14). Ua mau teie mau taata faatere i te mana hanahana o te autahu'araa. Na roto i te heheuraa, e arata'i ratou i te mau ohipa a te Ekalesia. E hapa'o maite ratou ia ore te haapiiraa ia viivii, e horo'a i te parau faati'a no te faatereraa i te mau oro'a, e pii e e faatoro'a i te tahi atu mau taea'e i te mana o te autahu'araa.
- Aita te mau taata i farii ia Iesu Mesia e ua taparahi pohe la'na e i Ta'na mau Aposetolo (a hi'o Mataio 24:9 ; 1 Nephi 11:32–34 ; 2 Nephi 27:5). I te poheraa o te mau Aposetolo, ua ma'ue-ê te mana faatere o te autahu'araa i te Ekalesia. No reira, aita'tura e mana no te horo'araa i te Varua Maitai e aore râ, no te raveraa i te mau oro'a faaora. Ua mou te heheuraa, e ua hape te mau parau haapiiraa.
- Aitâ te mau Aposetolo i pohe, i tupu ai te mau umeumeraa no ni'a i te parau haapiiraa. Na te Hau Roma i hamani-ino i te mau Keretetano, e i muri mai ua tomo i roto i te Keretetano. Ua faaôhia te mau uiraa faufaa no ni'a i te faaroo i roto i te mau apooraa. Ua mârôhia e ua tauihia te mau parau haapiiraa ohie e te mau oro'a tei haapiihia e te Faaora ia au i te mau philosophia o te ao nei (a hi'o Isaia 24:5). Ua tau ratou i te mau papa'iraa mo'a, ma te iriti-ê i te mau vahi papû e te faufaa rahi o te mau parau haapiiraa (1 Nephi 13:26–40). Ua hamani ratou i te mau haapii e aore râ, te mau parau no te ti'aturi, tei niuhia i ni'a i te mau parau haapiiraa hape e o tei tauihia (a hi'o Aamu o Iosepha Semita 1:19). Na roto i te faateitei, ua titau vetahi i te mau ti'araa no te faauru-atu ia vetahi ê (a hi'o 3 loane a:9–10). Ua farii te mau taata i teie mau mana'o hape e ua faateitei i te mau orometua haavare o tei haapii i te mau parau haapiiraa navenave eiaha râ i te parau-mo'a-mau (a hi'o 2 Timoteo 4:3–4).

- I roto i te aamu, e rave rahi mau taata o tei ti'aturi papû i teie mau haapiiraa e te mau parau haapiiraa hape. Ua haamori ratou mai te au i to ratou maramarama e ua farii i te mau pahonora a i ta ratou mau pure. Ua « faa'erehia'tu ratou i te parau-mau no te mea ana'e aita ratou i ite i te vahi te reira e itea mai ai » (PH&PF 123:12).
- No reira e mea ti'a ihoâ te faaho'i-faahou-raa eiaha râ te faati'a-faahou-raa. Aita te mana o te autahu'araa i tere noa na ni'a i te hoê reni amahamaha monohia e te Aposetolo Petero. Te faati'araa o te tauraa ia i te mea o tei vai na ; te faaho'iraa o te faaho'i-faahou-raa ia i ni'a i to'na huru matamua. No reira, te faaho'i-faahou-raa mai o te mana o te autahu'araa na roto i te mau ve'a mo'a o te hoê ia rave'a no te upoo-ti'araa i ni'a i te taivaraa rahi.

Te mau nota

Te faaho'i-faahou-raa-hia mai te Evanelia a Iesu Mesia na roto ia Iosepha Semita

Ia tae i te taime mau, ua imi faahou mai te Metua i te Ao ra i Ta'na mau tamarii na roto i te here. Ua pii Oia i te hoê tamaiti apî ia Iosepha Semita ei peropheta. Na roto ia'na te îraa o te evanelia a Iesu Mesia i faaho'i-faahou-hia mai ai i te fenua nei.

Te faaea ra Iosepha Semita i te mau Hau Amui no Marite, o te reira paha ia te fenua tei fana'o i te ti'amâraa no te pae faaroo i taua tau ra. E tau atoa no te imiraa i te haapa'oraa mau i te pae hiti'a-o-te râ o te mau Hau Amui no Marite. E mau melo faaroo to to'na utuafare e ua imi tamau i te parau-mau. E rave rahi râ mau orometua te parau ra e, tei ia ratou te parau-mau. Ua hinaaro Iosepha « ia ite e, o tei hea ra i rotopu i taua mau haapa'oraa atoa ra te haapa'oraa mau », (Te Aamu o Iosepha Semita 1:18). Ua haapii te Bibilia e, « hoê ho'i Fatu, hoê Faaroo, hoê bapetizo » (Ephesia 4:5). Ua haere Iosepha i roto e rave rahi mau faaroo area râ, ua fifi roa to'na mana'o e teihea râ ta'na Ekalesia e amui atu. Teie o ta'na i papa'i i muri iho:

« No te rahi râ o te mârôraa e te mau pe'ape'a i roto i taua mau haapa'oraa êê, e mea fifi roa ia na te hoê taata apî mai ia'u... ia ite papû o vai tei ti'a e o vai tei hape... I rotopu i taua mau 'aroraa parau ra e te maniania, no te faaiteraa i te mana'o, ua parau pinepine au ia'u iho e: Eaha râ ia te rave ? O vai tei tano i roto i taua mau pûpû atoa ra ; e aore râ, ua hape anei ratou paato'a ? Mai te mea ua tano te hoê o ratou, o te hea ia, e nahea vau e ite ai i te reira ? » (Te Aamu o Iosepha Semita 1:8, 10).

A imi ai Iosepha i te parau-mau i rotopu i te mau faaroo êê, ua imi oia i te arata'iraa i roto i te Bibilia. Teie ta'na i tai'o, « Te ere ra râ te hoê o outou i te ite, e ani oia i te Atua ra, o tei horo'a hua mai i te maitai i te taata atoa ra, ma te pato'i ore ; e e horo'ahia mai ta'na » (Iakobo 1:5). Na teie irava i horo'a i te opuaraa ia Iosepha ia ani i te Atua i te mea o ta'na e rave. I te hoê mahana nehenehe no te tau mahanahana o te matahiti 1820, ua haere oia i roto i te hoê uru raau e ua tuturi no te pure. Teie ta'na faataaraa:

« Ua ite atura vau i te pou maramarama i te faaatiraa i ni'a noa'e i to'u upoo, e ua pou maira te reira i ni'a iho ia'u. Ua hau atu ho'i to te reira maramarama i to te mahana... I te ma'iriraa taua maramarama ra i ni'a iho ia'u, ua ite atura vau e piti Taata, to raua teatea e te hanahana a ti'a noa'i raua i ni'a a'e ia'u i roto i te reva ra, e ore roa ia e ti'a ia faaauhia i te hoê noa'tu mea. Ua parau maira te hoê o raua ia'u, ma te faatoro atu i to'na rima i ni'a i te tahi, e ma te faahiti i to'u i'oa, i te na'oraa mai e: « O Ta'u Tamaiti Here teie. A Faaroo Ia'na ! » (Te Aamu o Iosepha Semita 1:16-17).

Te mau nota

I roto i teie orama, ua fâ mai te Atua te Metua e Ta'na Tamaiti, o Iesu Mesia ia Iosepha Semita. Ua parau te Faahou ia Iosepha Semita eiaha roa e amui atu i te tahi mau Ekalesia, no te mea « e mea hape ana'e ratou » e « e mea ino rahi ta ratou haapa'oraa. » Ua parau maira Oia e, « Te haafatata mai nei ratou Ia'u i to ratou ra mau utu, tei te atea e râ to ratou aau Ia'u nei, te haapii ra ratou i te parau i tuuhia mai e te taata ana'e ei parau mau e huru paieti to ratou, ua huna râ i te mana mau no te reira » (Te Aamu o Iosepha Semita 1:19). Noa'tu e e rave rahi feia tei ti'aturi i te Mesia e ua tamata i te imi i te ite e ia haapii i Ta'na evanelia, aita râ ratou i farii i te îraa o te parau-mau e aore râ, i te mana o te autahu'araa no te bapetizo e no te rave i te tahi atu mau oro'a faaoraraa. Te vai noa ra ratou i roto i te huru o te taivaraa e tae noa'tu i te mau u'i atoa i vai na e te mau tauraa i roto i te mau parau haapiiraa e te mau oro'a mai te bapetizoraa. Mai ta te Atua i rave na ia Adamu, Noa, Aberahama, Mose e te tahi atu mau peropheta, ua pii Oia ia Iosepha Semita ia riro ei peropheta e na roto ia'na i faaho'ihia mai ai te îraa o te evanelia i te fenua nei.



I muri mai i to te Metua e i to te Tamaiti fâraa mai, ua tonohia mai vetahi atu mau ve'a e aore râ, mau melahi ia Iosepha Semita e to'na hoa ia Oliver Cowdery. Ua fâ mai Ioane Bapetizo e ua faatoro'a ia Iosepha Semita e ia Oliver Cowdery i te Autahu'araa a Aarona, oia'toa te mana no te raveraa i te oro'a no te bapetizoraa. Ua fâ mai o Petero, Iakobo e Ioane (na Aposetolo matamua e toru a te Mesia) e ua faatoro'a ia Iosepha Semita e ia Oliver Cowdery i te Autahu'araa a Melehizedeka, ma te faaho'i mai i te mana i horo'ahia e te Mesia i te mau Aposetolo i mutaa ihora. Na roto i te mana o teie autahu'araa, ua anihia Iosepha Semita ia faanahonaho faahou i te Ekalesia a Iesu Mesia i ni'a i te fenua nei. Na roto ia'na, ua pii Iesu Mesia hoê ahuru ma piti Aposetolo.

Ua faahiti te mau peropheta o te Bibilia e, teie tau o ta tatou e ora nei, e parauhia ia e, te mau mahana hopea nei e aore râ, te tau tuuraa evanelia no te îraa o te mau tau. O te hoê ia tau hou te Tae-Piti-raa Mai o Iesu Mesia. Teie te tau tuuraa evanelia hopea. No reira te Ekalesia i piihia'i e, Te Ekalesia a Iesu Mesia i te Feia Mo'a i te Mau Mahana Hopea Nei.

E peropheta ora te faatere nei i te Ekalesia i teie mahana. Teie peropheta, te peresideni o Te Ekalesia a Iesu Mesia i te Feia Mo'a i te Mau Mahana Hopea Nei, o te mono ia o Iosepha Semita. No ô mai to'na mana e to te mau Aposetolo ia Iesu Mesia ra, e e fifi motu-ore no te mau faatoro'araa i na rotohia mai ia Iosepha Semita.

Tamau aau i te aamu o Iosepha Semita 1:16–17

A tamau aau i te faati'araa a Iosepha Semita no ni'a i to'na iteraa i te Metua e i te Tamaiti (Te Aamu o Iosepha Semita 1:16–17), e ia vai ineine noa i te faati'a i te Orama Matamua ma te faaohipa i ta oe iho mau parau. Eiaha e rû. A faaite i te iteraa papû mau e ua ite oe e, e parau mau. Eiaha e feaa ia faaite e mea nahea to oe iteraa i te parau-mau. A ani manihini i to oe hoa misionare ia na reira atoa.

Faaite i te iteraa papû

Te hoê tuhaa faufaa no te ohipa a te hoê misionare o te faaiteraa ia i te iteraa papû no ni'a i te peropheta oia te peresideni o te Ekalesia i teie nei mahana.

Te tai'oraa i te papa'iraa mo'a

2 Nephi 3
PH&PF112:30
Ephesia 1:10

Ephesia 4:5
Iakobo 1:5

Buka iti, *Te iteraa papû*
o te peropheta Iosepha Semita

Te mau nota

Te Buka a Moromona: Te Tahi Faahou Ite no Iesu Mesia

I to tatou Metua i te Ao ra iteraa e e vai te feaa, te ti'aturi-ore, e te haamaramaramaraa hape i muri mai i te mau tenetere o te pouri, ua hopoihia mai te hoê buka tahito no te papa'iraa mo'a mai te Bibilia ra te huru, o tei mau i te îraa o te evanelia mure ore a Iesu Mesia. E haapapû teie buka e e peropheta mau o Iosepha Semita na te Atua. E teie buka o te Buka a Moromona ia: Te Tahi Faahou Ite no Iesu Mesia.

Ua arata'ihia o Iosepha Semita e te hoê ve'a no te ra'i mai o Moroni to'na i'oa i te hoê aivi i reira te mau papaa parau auro i te huna-raa-hia no na tenetere e rave rahi. Te vaira i ni'a i teie mau api auro te mau papa'iraa a te mau peropheta o tei faaite i te auraa o te Atua e te mau taata o te fenua Amerika i tahito ra. Ua iriti o Iosepha

Semita i te taato'araa o te mau mea i ni'a i teie nei mau papaa parau na roto i te mana o te Atua. Ua ite te mau peropheta o te Buka a Moromona i te misioni a te Faaora e ua haapii i Ta'na evanelia. I muri mai i To'na ti'a-faahou-raa, ua fâ mai te Mesia i teie nei mau taata. Ua haapii ia ratou i Ta'na evanelia e ua faanahonaho i Ta'na Ekalesia. Ua faaite papû te Buka a Moromona e « Ei haapapûraa te reira i to te ao nei e e parau mau to te parau papa'iraa mo'a ra, e te faa'uru mai nei te Atua i te taata e e parau atu ho'i ia ratou ia rave i ta'na ohipa mo'a i teie nei tau e i teie nei u'i mai tei te mau anotau i mutaa ihora » (PH&PF 20:11). Ia hinaaro te hoê taata ia ite e, e parau mau anei te Buka a Moromona, e mea ti'a ia'na ia tai'o, ia feruri hohonu, e ia pure no te reira. E ite vitiviti roa te feia imi i te parau mau e, te Buka a Moromona o te parau ia na te Atua.

E mea faufaa te tai'oraa, te feruriraa hohonu, e te pureraa no ni'a i te Buka a Moromona no te hoê faafariuraa papû. Te feia e haamata i te tai'o i te Buka a Moromona no te taima matamua, ua rave ia i te hoê taahiraa faufaa no te iteraa e e peropheta mau o Iosepha Semita na te Atua e ua faaho'i-faahou-hia mai te Ekalesia mau i te fenua nei.

Te mau nota

A faahipa i te Buka a Moromona no te haapapû i te parau mau o te faaho'i-faahou-raa

Teie i muri nei te hoê hi'oraa i te mea o ta oe e nehenehe e parau ia faaite ana'e i te Buka a Moromona:

« Ua here te Atua i Ta'na mau tamarii, no reira Oia i horo'a mai ai i te hoê rave'a no te haapapûraa i te parau mau i te mea o ta matou i parau a'e nei. O te Buka a Moromona ia. A tai'o oe i na paratarafa hopea e piti i roto i te omuaraa o te Buka ? »

A faataataa maite i te auraa no te iteraa na roto i te varua i roto i na paratarafa e piti e a ani manihini i te feia imi ia fafau e e tai'o oia i teie na tuhaa o te Buka a Moromona e ia faahipa i te mau parau tumu i faaitheia i roto i teie nei na paratarafa e piti.

Ia paraparau ana'e no te Buka a Moromona i te hoê taata, e mea ti'a ia faaite i te hoho'a o teie buka, a heuheu i te mau api, e a faaite i te mana'o no ni'a hoê e aore râ, e piti irava e riro ei mea faufaa na oe e aore râ, na te feia imi.

Te tai'oraa i te papa'iraa mo'a

Te api upoo o te Buka a Moromona	PH&PF 1:17–23	Te Aamu o Iosepha Semita 1:27–64
Te omuaraa o te Buka a Moromona, mau paratarafa 1–7	PH&PF 20:5–12	

A pure ia ite i te parau mau na roto i te Varua Maitai

Te parau poro'i no te faaho'i-faahou-raa mai e parau mau anei e aore râ, aita. E nehenehe râ tatou e ite e, e parau na roto i te Varua Maitai, mai tei fafauhia i roto i te buka a Moroni 10:3–5. I muri mai i te tai'oraa e te feruri-hohonu-raa i te parau poro'i o te Buka a Moromona, te taata atoa o te hiaai i te ite i te parau mau e mea ti'a ia ia ani na roto i te pure i te Metua i te Ao ra na roto i te i'oa o Iesu Mesia e e parau mau anei. No te raveraa i te reira, e ani tatou i to tatou Metua i te Ao ra. E haamauruuru tatou Ia'na na mua roa no ta tatou mau haamaitairaa e e ani atu ia ite e e parau mau te parau poro'i o te Buka a Moromona. Aita te hoê taata e ite i te mau parau mau o te pae varua ma te pure ore.

Ei pahonora i ta tatou mau pure, e haapii mai te Varua Maitai ia tatou i te parau mau na roto i to tatou mau mana'o e te mau feruriraa. Te mau mana'o o te tae mai na roto i te Varua Maitai e mea puai ia area râ, e tae pinepine mai te reira na roto i te hau e te maniania ore. Ia haamata tatou i te ite e te mea o ta tatou e haapii nei e parau mau ia, e hiaai ia tatou ia ite i te taato'araa o te faaho'i-faahou-raa mai.

Te iteraa e e parau mau te Buka a Moromona, na te reira e arata'i i te iteraa e, ua piihia Iosepha Semita ei peropheta e ua faaho'ihia mai te evanelia a Iesu Mesia na roto ia'na.

Pure

- A pure i to tatou Metua i te Ao ra (« E te matou Metua i te Ao ra,... »).
- A faaite i te mau mana'o o to oe aau (te mauruuru, te mau uiraa, te mau titauraa no te haapapû e e parau mau te Buka a Moromona, e te vai atura).
- A opani (« Na roto i te i'oa o Iesu Mesia, amene »).

Pure

Noa'tu e, e tumu to te pure i roto e rave rahi faaroo e i te mau ta'ere, e mea varavara râ te pure i te haapa'ohia ei rave'a paraparauraa i rotopu i te Atua e i te taata nei. A tauturu i te feia o ta oe e haapii ra ia maramarama e, e nehenehe ratou e parau i te mau mana'o o to ratou aau na roto i te pure. A faaite i te reira na roto i te pure e i te omuaraa e i te opaniraa o te hoê haapiiraa. A faahiti noa i te mau parau ohie o ta ratou atoa e nehenehe ia faahiti a pure ai ratou. A tauturu ia ratou ia ite e, e pahono to tatou Metua i te Ao ra i ta ratou mau pure, na roto i te fariiraa i te mau faaururaa o to ratou aau e te mau mana'o o to ratou feruriraa. Mai te mea e mea haavare-ore ratou e ma te hinaaro mau i te ite e te vaira te Atua, e pahono mai Oia ia ratou. A ani manihini i te upoo o te utufare ia pûpû i te pure opaniraa o te haapiiraa na roto i te tuturiraa.

Te tai'oraa i te papa'iraa mo'aAlama 5:45–46
PH&PF 8:2–3

Ioane 14:26

Te omuaraa o te Buka a Moromona,
paratarafa 8–9**Aniraa ia Bapetizohia**

I roto i teie e aore râ, te tahi atu haapiiraa, eiaha e faataia i te ani i te mau taata ia bapetizohia e ia haamauhia.

No te faaineine i te hoê aniraa ia bapetizohia e ia haamauhia, a faaite papû i te faufaa-rahi i te mau taata ia bapetizohia na roto i te mana, e te fariiraa i te hoê haamatararaa o te mau hara, e i te horo'a faahiahia o te Varua Maitai. E parau paha oe e, « A pahono ai te Fatu i ta oe mau pure e a farii ai oe i te haapapûraa e e parau mau teie parau poro'i, e hinaaro anei oe ia pee i te hi'oraa o Iesu Mesia na roto i te bapetizo-raa-hia ? »

E mea ti'a ia ani-ti'ahia e ma te afaro te aniraa ia bapetizohia e ia haamauhia: « E ti'a anei ia oe ia pee i te hi'oraa o Iesu Mesia na roto i te bapetizo-raa-hia e te hoê o tei mau i te mana o te autahu'araa o te Atua ? E tupu te hoê bapetizoraa i te (tai'o mahana). E faaineine anei oe ia oe ia bapetizohia i taua tai'o mahana ra ? »

Te mau nota

Te mau nota

Te mau mana'ō no te haapii atu

Te vaira i roto i teie tuhaa te mau mana'ō o ta oe e nehenehe e faaineine no te haapii i teie nei haapiiraa. A pee i te Varua na roto i te pure a opua'i oe i te faahouhipa i teie mau mana'ō. A faaarava'i atu i te mau mana'ō o ta oe i ma'iti no ta oe faanahoraa haapiiraa. A tape'a i roto i te feruriraa e e mau mana'ō tauturu noa teie—e ere rā i te mau titauraa—no te tauturu ia oe ia ite i te mau hinaaro o te feia o ta oe e haapii atu.

Faanahoraa haapiiraa poto (3–5 minuti)

I muri mai i te mau tenetere o te pouri, ua faaho'i-faahou-hia mai te evanelia a Iesu Mesia i te fenua nei e to tatou Metua here i te Ao ra na roto i te hoê peropheta ora. Te Buka a Moromona te hoê o taua faaiteraa ra. E tape'a oe i te reira i roto i to oe rima. E nehenehe oe e tai'o i te reira, e feruri e nahea te parau poro'i o teie buka e haamaitai roa'tu ai i to oe oraraa, e a pure ia ite e e parau mau te reira na te Atua.

- Te Atua o to tatou ia metua Here i te ao ra
- E haamaitai te evanelia i te mau utuafare
- Ua heheu mai te Metua i te Ao ra i Ta'na evanelia i roto i te mau tau tuuraa evanelia tata'itahi
- Te misioni a te Faora i te ao nei
- Te taivaraa rahi
- Te faaho'i-faahou-raa-hia mai te evanelia a Iesu Mesia na roto ia Iosepha Semita
- Te Buka a Moromona: Te Tahi Faahou Ite no Iesu Mesia
- A pure ia ite i te parau mau na roto i te Varua Maitai

Mau fafauraa:

- E tai'o e e pure anei oe ia ite e, te Buka a Moromona o te parau mau ia na te Atua ?
- E pure anei oe ia ite e, e peropheta mau o Iosepha Semita ?
- E haere anei oe i te pureraa na muri ia maua i teie sabati ?
- E faanaho tatou i ta tatou fareireara i muri nei ?
- Te mau faaueraa no te haapiiraa 4 o ta oe e ma'iti no te faaô mai.

Te faanahoraa haapiiraa poto rii (10–15 minuti)

E parau poro'i faahiahia ta matou e te ohie. O te Atua to tatou Metua. E mau tamarii tatou Na'na. E tuhaa tatou no To'na utuafare. Ua here Oia ia tatou. Mai te omuaraa mai â o te ao nei, ua faaite Oia i te hoho'a no te here e te haape'ape'a. Ua toro Oia i To'na rima e rave rahi mau taime na roto i te here no te heheu i te evanelia a Iesu Mesia ia nehenehe Ta'na mau tamarii ia ite e nahea ia ho'i faahou la'na ra. Ua heheu Oia i te reira i te mau peropheta mai ia Adamu, Noa, Aberahama e Mose. Tera rā, ua ma'iti te taata ia pato'i i taua evanelia ra. Piti tauasini matahiti i muri mai, ua haapii Iesu Mesia i Ta'na iho evanelia e ua faati'a i Ta'na Ekalesia. Noa'tu rā, aita te taata i faarii ia Iesu. Ia haapa'o-ore e aore rā, ia faahuru'e te taata i te mau parau haapiiraa mau e i te mau oro'a, e iriti te Atua i To'na mana no te faatere i te Ekalesia.

E ani matou ia oe e i te mau taata atoa ia faaite i te parau mau o ta outou i here. A farii oe i ta matou parau papū e ua tae faahou mai to tatou Metua i

Te mau nota

te Ao ra e Ta'na Tamaiti o Iesu Mesia, i te mau tamarii a te Atua na roto i te here e ma te heheu mai i te îraa o te evanelia i te hoê peropheta. E te i'oa o teie peropheta o Iosepha Semita ia. Te faaiteraa mau no teie parau mau hanahana e iteahia ia i roto i te hoê buka—oia te Buka a Moromona—o ta oe e nehenehe e tai'o, e feruri hohonu, e e pure no te reira. Mai te mea e pure oe ma te aau hinaaro mau, ma te mana'o papû e ma te faaro i te Mesia, e faaita te Atua ia oe na roto i te mana o te Varua Maitai e e parau mau te reira.

Mau fafauraa:

- E tai'o e e pure anei oe ia ite e te Buka a Moromona o te parau mau ia na te Atua ?
- E pure anei oe ia ite e e peropheta mau Iosepha Semita ?
- E haere anei oe i te pureraa na muri ia maua i teie sabati ?
- E faanaho tatou i ta tatou farereiraa i muri nei ?
- Te mau faueraa no te haapiiraa 4 o ta oe e ma'iti no te faaô mai.

Te faanahoraa haapiiraa taato'a (30–45 minuti)

- Te Atua o to tatou ia Metua here i te ao ra
 - E mau tamarii tatou na te Atua (a hi'o Te Ohipa 17:29).
 - Ua here te Atua ia tatou e e tauturu ia tatou ia rave i te mau ma'itiraa maitai.
 - Na roto ia Iesu Mesia, e nehenehe tatou e ora faahou i pihaiiho i te Atua (a hi'o Ioane 3:16–17).
- E haamaitai te evanelia i te mau utuafare
 - E tauturu te evanelia a Iesu Mesia i te mau utuafare ia faatupu i te mau auraa puai a'e.
 - Ua haapa'ohia te mau utuafare e te Atua ; o ratou ia te taatiraa soti'are faufaa-roa'e i teie mahana e i roto i te mau tau e a muri noa'tu (a hi'o PH&PF 49:15–16).
 - O te utuafare te vahi maitai roa'e no te haapii, e no te haapa'oraa i te mau parau tumu o te evanelia (a hi'o PH&PF 68:25 ; Genese 18:19 ; Deuteronomi 6:7).
 - E riro te utuafare ei vahi no te parururaa, no te hau e no te oaoa.
- Ua heheu mai te Metua i te Ao ra i Ta'na Evanelia i roto i te mau tau tuuraa no te evanelia tata'itahi
 - Ua pii te Atua i te mau peropheta no te haapii i Ta'na evanelia (a hi'o Amosa 3:7).
 - Te auraa no te taivaraa o te farii-ore-raa ia i te mau peropheta e i te evanelia.
 - Te mau tau no te tuuraa evanelia o te mau tau ia i haapii ai te mau peropheta i te evanelia. Ua hope te mau tau no te tuuraa evanelia i te taime no te taivaraa (a hi'o PH&PF 136:36–38).

Te mau nota

- Ua haapii te mau peropheta mai ia Adamu, Noa, Aberahama, Mose e te tahi atu mau peropheta i tahito ra i te evanelia (a hi'o Mose 5:4-12).
- Te misioni a te Faaora i te ao nei
 - Ua faaho'i-faahou mai e ua haapii te Tamaiti a te Atua i te evanelia. Ua faatupu Oia e rave rahi mau semeio (a hi'o « Guide des écritures », « Miracles » , 165).
 - Ua pii Oia i te mau Aposetolo e ua horo'a ia ratou te mana no te autahu'araa no te haapii i te evanelia e no te raveraa i te mau oro'a faaora mai te bapetizoraa (a hi'o loane 5:16).
 - Ua faanaho te Mesia i Ta'na Ekalesia.
 - Ua faatasaurohia te Mesia, e aita Ta'na mau Aposetolo i faariihia e ua taparahi pohehia (a hi'o Mataio 27:35 ; Mareko 15:25).
 - Ua rave te Mesia i te taraehara (ahi'o « Guide des écritures », « Atonement » , 22-23).
- Te taivaraa rahi
 - Aita ana'e e heheuraa na rotohia mai i te hoê peropheta, e topa te taata i roto i te pouri varua (a hi'o Amosa 8:11-12).
 - Ua tohu te mau peropheta e te mau Aposetolo i te taivaraa rahi (a hi'o 2 Tesalonia 2:1-3).
- Te faaho'i-faahou-raa mai o te evanelia a lesu Mesia na roto ia Iosepha Semita
 - Ua imi Iosepha i te parau mau (a hi'o Te Aamu o Iosepha Semita 1:8,10).
 - Ua fâ mai te Atua e lesu Mesia ia Iosepha Semita (a hi'o Te Aamu o Iosepha Semita 1:16-17).
 - Mai te mau peropheta o te mau tau tuuaraa evanelia i tahito ra, ua piihia Iosepha Semita ei peropheta no teie tau tuuaraa evanelia hopea.
 - Ua faaho'i-faahou mai te Atua i te iraa no te evanelia na roto ia Iosepha Semita (a hi'o PH&PF 35:17 ; 135:3).
 - Ua faaho'i mai te tahi atu mau ve'a no te ra'i mai i te autahu'araa, e ua faanahonahohia te Ekalesia a te Mesia (a hi'o PH&PF 13 ; 27:12).
 - Na te hoê peropheta ora e arata'i ra i te Ekalesia i teie mahana.
- Te Buka a Moromona: Te Tahī Faahou Ite no lesu Mesia
 - Te Buka a Moromona o te hoê ia faaiteraa papū e e peropheta mau Iosepha Semita.
 - Ua iriti Iosepha i te mau papaa parau na roto i te mana o te Atua (a hi'o te omuaraa o te Buka a Moromona, paratarafa 5).
 - Ua faaite papū te Buka a Moromona e, e faauru te Atua i te mau peropheta i to tatou nei anotau e ua na reira ho'i i roto i te mau tau tuuaraa evanelia atoā (a hi'o PH&PF 20:5-12).

Te mau nota

- Tei roto i te Buka a Moromona te îraa no te evanelia a Iesu Mesia (a hi'o PH&PF 20:8–9).
- A pure ia ite i te parau mau na roto i te Varua Maitai
 - E ite oe e e parau mau te Buka a Moromona (a hi'o Moroni 10:3–5 ; te omuaraa o te Buka a Moromona, paratarafa 1, 8–9).
 - E haapii mai te Varua Maitai ia oe na roto i to oe mau mana'o e to oe mau feruriraa (a hi'o PH&PF 8:2–3).

Mau fafauaraa:

- E tai'o e e pure anei oe ia ite e te Buka a Moromona o te parau mau ia na te Atua ?
- E pure anei oe ia ite e e peropheta mau Iosepha Semita ?
- E haere anei oe i te pureraa na muri ia maua i teie sabati ?
- E faanaho tatou i ta tatou farereiraa i muri nei ?
- Te mau faueraa no te haapiiraa 4 o ta oe e ma'iti no te faaô mai.

Te mau uiraa e tano ia ui i muri mai i ta oe haapiiraa

- Eaha ta oe mau uiraa no ni'a i te mea o ta maua i haapii ?
- Mai te mea e peropheta to ni'a i te fenua nei i teie mahana, eaha ia o ta oe e ani ia'na ?
- Te mana'o ra anei oe e te faaroo mai nei te Atua i ta oe mau pure ? No te aha ?
- Te hinaaro ra anei oe ia ite e e parau mau anei te Buka a Moromona ? No te aha ?

Te mau tumu faufaa

- **Autahu'araa:** Te mana ia e te puai o te Atua i horo'ahia i te taata nei no te ohipa i roto i te i'oa o Iesu Mesia i roto i te mau mea'toa no te ora o te taata nei.
- **Faaho'i-faahou-raa mai:** Te faaho'i-faahou-raa mai o te faaho'iraa ia mai te huru i tahito ra, e aore râ, te faaho'iraa mai. Te faaho'i-faahou-raa, mai te au i ta te Feia Mo'a i te Mau Mahana Hopea Nei e parau nei, oia ho'i ia, te Ekalesia a Iesu Mesia i mo'e na i roto i te taivaraa, ua faaho'i-faahou-hia mai ia mai to'na huru i te matamua ra, i to'na faanahanaho-raa-hia e Iesu Mesia. Taa ê atu i te Faati'a-faahou-raa, ua ravehia te faaho'i-faahou-raa na roto i te mana mo'a na roto i te heheuraa.
- **Faaoara:** O Iesu Mesia te Faaoara rahi o te taata nei no te mea, e mea na roto la'na e i Ta'na taraehara, i aufau ai i te hara a te taata nei e i faati'a ai i te ti'a-faahou-raa o te mau taata atoa. Te horo'araa i te ora, o te faaoararaa, o te hoora e aore râ, o te aufauraa ia, hoê â ia huru e te faati'amâraa i te hoê taata i te faati'iraa na roto i te aufauraa. E faaauraa te faaoararaa i te taraehara a Iesu Mesia e te faati'amâraa i te hara. Na roto i te taraehara a Iesu, ua faaoarahia te mau taata atoa i te pohe tino. Na roto i Ta'na taraehara, oia'toa To'na mauui i Getesemane e i ni'a i te tasauro oia'toa To'na ti'a-faahou-raa, te feia atoa e faaroo la'na e o tei tatarahapa e faaoarahia ia i te pohe varua.
- **Faati'araa:** Te faati'araa o te tauiraa ia i te hoê mea no te haamaitai atu â i te reira. Teie parau e, *te mau taata faati'a*, e parau ia no te mau tane e te mau vahine

Haapiiraa 1: Te faaho'i-faahou-raa mai

Te mau nota

(mai ia Martin Luther, John Calvin, William Tyndale, e o John Wycliffe) o tei pato'i i te mau peu e ravehia ra i roto i te Ekalesia e vai ra, o ta ratou i mana'o e e tau'i.

- **Heheuraa:** Te paraparauraa mai te Atua i Ta'na mau tamarii i te fenua nei. E tae mai te heheuraa na roto mai i te Maramarama o te Mesia e o te Varua Maitai na roto i te faaururaa, te mau orama, te mau taoto e aore râ, na roto i te fâraa mai o te mau melahi. Ua heheu mai te Fatu i Ta'na ohipa i Ta'na mau peropheta e ua haapapû i te mau taata ti'aturi e, e parau mau te mau heheuraa i te mau peropheta (a hi'o Amosa 3:7). Na roto i te heheuraa, e horo'a te Fatu i te arata'iraa i te taata tata'itahi o te imi i te reira e o tei faaroo, o tei tatarahapa e o tei haapa'o i te evanelia a lesu Mesia.
- **Peropheta:** O te hoê ia taata i pihia e o te paraparau i te Atua. Ei ve'a na te Atua, e farii te peropheta i te mana o te autahu'araa, te mau faaueraa, te mau tohu, e te mau heheuraa mai te Atua mai. Ta'na hopoi'a o te faaiteraa ia i te hinaaro e te huru mau o te Atua i te taata nei e ia faaite i te huru mau o Ta'na ohiparaa e o ratou. E pato'i te peropheta i te hara e e tohu i to'na mau hopea. E taata poro oia no te parau-ti'a. I te tahi mau taime, e nehenehe te peropheta e faauruhia no te tohuraa i te mau mea i muri nei no te maitai o te taata nei. Ta'na râ hopoi'a matamua, o te faaite-papû-raa ia no te Mesia.
- **Taivaraa:** Te fariu-ê-raa te taata tata'itahi, te Ekalesia e aore râ, te hoê nunaa i te parau mau. Oia'toa te orure-raa i te mana e te farii-ore-raa i te mau peropheta. Te faaite-papû-raa no te taivaraa oia'toa te ofatiraa i te mau ture a te Atua, te tauraa i te mau oro'a o te evanelia, e te ofatiraa i te mau faauraa (a hi'o Isaia 24:5).
- **Tau tuuraa evanelia:** Te hoê ia tau o ta te Fatu i vaiiho i te hoê tavini i te fenua nei tei mau i te mau taviri no te autahu'araa mo'a. Mai ia lesu Mesia, ua haamata te mau peropheta mai ia Adamu, Enoha, Noa, Aberahama, Mose e Iosepha Semita, i te hoê tau tuuraa evanelia apî. Ia faanahonaho te Fatu i te hoê tau tuuraa evanelia, e heheu-faahou-hia mai te evanelia ia ore te mau taata o taua tau tuuraa evanelia ra ia turu'i i ni'a i te mau tau tuuraa evanelia no te ite i te Opuaraa no te ora. Te tau tuuraa evanelia i haamata na roto ia Iosepha Semita ua itehia ia e o « te tau tuuraa evanelia no te îraa o te mau tau. »
- **Ti'amâraa:** O te paari e o te faufaa taa ê o ta te Atua i horo'a i te mau taata no te ma'iti e no te ohipa no ratou iho.

Te tahi atu mau parau e hinaarohia ei tatararaa no te feia o ta oe e haapii atu

- | | | |
|---|--|----------------------------------|
| • Aposetolo | • Hara | • Mau papa'iraa mo'a |
| • Bibilia | • Horo'a o te Varua Maitai | • Pure |
| • Evanelia | • Ia ho'i faahou e ora i pihaiho la'na | • Tape'a e tae noa'tu i te hopea |
| • Faaora | • Mau oro'a o te faaoraraa | • Tiaauraa |
| • Haapa'oraa e te haapa'o-ore-raa i te mau faaueraa | | |

Te mau nota

Te feia faati'a e te feia faatere haapa'oraa o te ao nei**E haamaramaramaraa teie no te faaohipa i te taima e hinaarohia.**

John Wycliffe: Fanauhia i te 14raa o te tenetere i Peretane. Piahi ite i te parau a te Atua no te fare haapii tuatoru no Oxford. Ua haapii oia e, aita te Ekalesia Katorika i mau i te mau taviri no te autahu'araa, e e ere te Euhari Mo'a (e aore râ, te oro'a) i te tino o te Mesia, e eita e ti'a i te Ekalesia ia faaohipa i te mana politita i ni'a i te mau taata. Ua iriti i te Bibilia i roto i te reo Peretane. Ua pohe i te 31 no ditema 1384.

Martin Luther: Fanauhia i te 10 no novema 1483 i te fenua Heremani. Ua haere i te haapiiraa i te Fare Haapiiraa Tuatoru no Erfurt e Wittenberg. Ua patiti 95 parau e tano ia tuatapapahia i ni'a i te opani o te Ekalesia Castle ei pato'iraa i te mau haapiiraa a te Ekalesia Katorika Roma, oia'toa te mau peu mai te aufauraa moni no te faaorerara o ta ratou mau hara. Ua pohe i te 18 no febuare 1546.

William Tyndale: Fanauhia i Wales i te matahiti 1494. Ua haere i te Fare Haapiiraa no Oxford e Cambridge. Ua iriti i te Faufaa Apî i roto i te reo Peretane. Ua faati'a i te feia riirii ia tai'o i te mau papa'iraa mo'a no te faaite i te mau parau haapiiraa hape e te mau peu viivii a te feia faatere. Ua haapohehia oia i te 6 no atopa 1536.

John Calvin: Fanauhia i te 10 no tiurai 1509 i Farani. Ua haere i te haapiiraa i Paris ia riro ei orometua. E taata faatere no te orurerara ia faati'a-faahou-hia te Ekalesia Katorika. I te roaraa o to'na oraraa, ua noho oia i te fenua Tuete. Ua haapii oia e, e mea faufau te huru o te taata nei e e mea na roto i te maitai o te Atua te taata nei e faaorahia'i. Ua papa'i e rave rahi mau tatararaa no ni'a i te Bibilia. Ua pohe i te 27 no Me 1564.

Te tahi atu â mau haamaramaramaraa no ni'a i te mau taata faati'a, a hi'o i te mau materia tauturu i roto i te piha vairaa buka misionare: James E. Talmage, *Jésus le Christ*, 692–703 ; M. Russell Ballard, *Our Search for Happiness*, 26–32.

Mai te ao Keretetiano i haamaitahia e te itoito e te mau hi'oraa a te mau taata faati'a-faahou, e rave rahi mau nunaa e te mau ta'ere i haamaitahia e te feia o tei horo'ahia ia ratou taua tuhaa ra « o te mau mea atoa o ta te [Atua] e mana'o i roto i to'na paari, o te au ia ratou » (Alama 29:8). Ua tauturu te mau haapiiraa a te tahi atu mau taata faatere i te mau taata ia tau i e ia haamaitai atu â i to ratou oraraa.

Buddha (Gotama): Fanauhia i te matahiti 563 hou te Mesia i te hoê taata faatere no te fenua Initia i Nepal. Ua oto i te mau iui rahi e faaati ra ia'na. Ua faaru'e ê i te aora'i nehenehe o to'na metua tane, ua vaiho i te ao nei, e ua ora i roto i te veve. Na roto i te imiraa i te maramarama, ua iteahia ia'na te mea o ta'na i pii e « te e'a o te faaoraraa. » Ua parau e, e rae'ahia ia'na Nirvana, te hoê faito o te haamo'eraa i te atu'aturaa, i te mau iui e aore râ, i te huru i rapae mai. Ua riro ei orometua no te hoê amuiraa no te mau monahi [moine].

Haapiiraa 1: Te faaho'i-faahou-raa mai

Te mau nota

Confucius: Fanauhia i te matahiti 551 hou te Mesia. Ua riro ei tamarii overe i to'na tamariirii-raa. E oremetua tuiroo matamua no te fenua Tinito. E taata feruri rahi i te pae morare e i te pae soti'are no te fenua Tinito. Ua parau rii noa no ni'a i te mau taata varua e aore râ, i te mau mana hanahana. Ua ti'aturi e, ua faataa to te ra'i i te hoê misioni mo'a na'na ei taata faahiahia no te maitai e no te parau-ti'a.

Mohammed: Fanauhia i te matahiti 570 hou te Mesia. E tamarii overe i to'na tamariirii-raa. Ua ora i te hoê oraraa veve. Ua tu'i to'na roo ei taata faatupu hau. Ua faaipoipohia i te 25raa o to'na matahiti. I te matahiti 610, ua haere e pure e e feruri hohonu i ni'a i te Mou'a Hira. Ua faaite e, ua fâ mai te melahi Gaberiela ia'na e ua horo'a mai i te poro'i a Allah (te Atua). Ua parau e ua farii oia i te parau poro'i mai te Atua mai na roto ia Gaberiela mai te matahiti 620 tae atu i te matahiti 632. Ua faaite oia i teie mau aparauraa i te mau pīpī, e ua papa'ihia i muri mai i roto i te Koran te buka mo'a a Islam.

Te Opuaraa no te oraa



Te mau nota

Ta oe opuaraa

A haapii ai oe, a faaineine i ta oe feia imi ia roaa te mau mea i titauhia no te bapetizoraa i haapiihia i roto i te Parau Haapiiraa e te Mau Parau Fafau 20:37 e i roto i te mau uiuiraa no te bapetizoraa. E mea maitai roa'tu te reira ia ravehia na roto i ta oe ani-manihini-raa i te feia imi ia rave e ia haapa'o i te mau fafauraa i tabulahia i raro nei.

Mau uiuiraa no te bapetizoraa

- Te ti'aturi ra anei oe e o te Atua to tatou Metua mure ore ?
- Te ti'aturi ra anei oe e o Iesu Mesia te Tamaiti a te Atua, te Faaora e te Ora o te ao nei ?
- Te hinaaro ra anei oe i te faatura i te mahana sabati e ia haamo'a i te reira, oia'toa te raveraa i te oro'a mo'a i te mau hebedoma'toa e ia aupuru i te mau melo ?

Mau fafauraa

- E pure anei oe ia ite e e parau mau ta maua i haapii atu ?
- E tatarahapa anei oe no ta oe mau hara ?
- E haere anei oe i te pureraa na muri ia maua i teie sabati ?
- E hinaaro anei oe ia pee i te hi'oraa o te Faaora e ia bapetizohia i te (tai'o mahana) ?
- E faanaho tatou i ta tatou farereiraa i muri nei ?
- Te mau faaueraa no te haapiiraa 4 o ta oe e ma'iti no te faaô mai.

Tautururaa ia vetahi ê ia haapii no ni'a ia Iesu Mesia

Te ohipa a te mau misionare o te faaite-papû-raa ia no Iesu Mesia e ia ani manihini i te taato'araa ia haere la'na ia nehenehe ratou ia faaorahia. E mea faufaa te horo'araa i te haamaramaramaraa taa ê no ni'a i te Faaora i te feia e ite iti e aore râ, aita roa no ni'a la'na. Te Buka a Moromona: Te Tahī Faahou Ite no Iesu Mesia ua faataahia ia no te tauturu i te mau taata atoa ia ite e o « Iesu, o te Mesia ia,... o tei faaite la'na iho i te mau fenua atoa ra » (te api upoo o te Buka a Moromona). Te rave'a faufaa roa ia haapii e ia faaite no te Faaora o te tai'o-amui-raa ia mai roto atu i te Buka a Moromona. E tauturu atoa te mau irava o te tahi atu mau buka tumu a te Ekalesia.

Te mau nota

A tai'o i te mau mana'o tauturu i raro nei. E nehenehe te reira e ravehia ei tuhaa no teie e aore râ, no te tahi atu mau haapiiraa e aore râ, no ta oe iho haapiiraa. Mai te mea e mea maitai, a tapiti faahou i teie ohiparaa e rave rahi atu taima na mua e na muri i te bapetizoraa e i te haamauraa.

Api upoo e te omuaraa	Ua haamaramarama maitai i te tumu no teie nei buka.
1 Nephi 10–11	Ua faaite papû o Lehi e o Nephi no te Faaora.
1 Nephi 19	Ua faati'a o Nephi i te mau tohu o te misioni e te taraehara a te Faaora.
2 Nephi 2	Ua faaite papû o Lehi no ni'a i te Faaora ei Ora.
2 Nephi 9	Ua faaite papû o Iakobo no ni'a i te taraehara.
2 Nephi 31–33	Ua haapii Nephi i te parau haapiiraa a te Mesia.
Enosa	Ua ite Enosa i te mana o te taraehara.
Mosia 2–5	Ua haapii te Arii Beniamina no te Mesia.
Mosia 12–16	Ua horo'a Abinadi i to'na ora no te faaite-papû-raa ia Iesu Mesia.
Alama 5, 7	Ua faaite papû o Alama no te Faaora.
Alama 17–2	Ua farii te mau Ati Lamana i te iteraa papû no Iesu Mesia.
Alama 34	Ua faaite papû Amuleka i te taraehara.
Alama 36	Ua ite Alama i te mana o te taraehara a Iesu Mesia.
Alama 40–42	Ua faaite Alama no te ti'a-faahou-raa e no te taraehara.
Helamana 5	Ua riro o Nephi e o Lehi ei na mauhaa i roto i te rima o te Atua no te faaite-papû-raa no ni'a i te Faaora.
3 Nephi 9–10	Te ani manihini mai nei te Faaora i te mau taata ia haere mai la'na.
3 Nephi 11–18	Ua haapii te Faaora i te Ati Nephi no ni'a i te Metua e i Ta'na parau haapiiraa.
3 Nephi 27	Ua haapii te Faaora i Ta'na evanelia.
Etera 3	Ua ite te taea'e o Iareda i te Faaora.
Etera 12	Ua faaite o Etera e o Moroni no ni'a i te Faaora e i te mana o Ta'na taraehara.
Moroni 7–8	Ua haapii Moromona i te here ateate o te Mesia e Ta'na taraehara.
Moroni 10	Te ani nei Moroni i te taato'araa ia haere mai i te Mesia e ia riro ei mea maitai roa i roto la'na.
« Te Mesia Ora »	Ua faaite papû te mau peropheta e te mau aposetolo no ni'a i te Faaora.

Te oraraa hou teie oraraa: Te opuaraa a te Atua e ta'na faanahoraa no tatou

Te maere nei rave rahi mau taata e, « Nohea mai tatou ? No te aha tatou i haere mai ai i ô nei ? Te haere nei tatou ihea ? » Na te Opuaraa no te ora e horo'a te pahono i teie mau uiraa ia tatou.

O te Atua te Metua o to tatou mau varua. E mau tamarii ana'e tatou Na'na, e ua here Oia ia tatou. Ua ora na tatou ei mau tamarii varua na to tatou Metua i te Ao ra hou tatou a fanau-hia mai ai i te fenua nei. E ere râ to tatou huru mai to tatou Metua i te Ao ra, e eita atoa tatou e riro mai Ia'na te huru e ia fana'o i te mau haamaitairaa'toa o Ta'na e oaoa nei mai te mea e, aita tatou e ora i roto i te tahuti nei, i roto i te hoê tino tahuti.

Te opuaraa rahi a te Atua—Ta'na ohipa e To'na hanahana—ia nehenehe tatou tata'itahi ia oaoa i Ta'na mau haamaitairaa. Ua horo'a mai Oia i te hoê faanahoraa ia tupu Ta'na

opuaraa. Ua maramarama e ua farii tatou i teie faanahoraa hou tatou a haere mai ai i te fenua nei. I roto i te mau papa'iraa mo'a ua parauhia te faanahoraa a te Atua te opuaraa no te aroha, te opuaraa no te oaoa, te opuaraa no te ora, e te Opuaraa no te ora.

O Iesu Mesia te niu o te opuaraa a te Atua. Na roto i Ta'na taraehara, ua rave faaoti Iesu Mesia i te opuaraa a To'na Metua e ua nehenehe ia tatou ia oaoa i te tahuti ore e i te ora mure ore. O satane e aore rā, te diabololo, te enemi ia i ta te Atua opuaraa.

Te ti'amāraa e aore rā, te ti'araa ia ma'iti, o te horo'a rahi a'e ia a te Atua no Ta'na mau tamarii. E hopea to tatou haereraa mure ore i mua no ta tatou faaahiparaa i teie horo'a. E mea ti'a ia tatou ia ma'iti i te pee ia Iesu Mesia anei e aore rā, ia satane.

Ua faataa-ê-hia tatou i te Atua i roto i teie oraraa i ni'a i te fenua tera rā, ua hinaaro Oia i Ta'na mau tamarii tata'itahi ia farii i te hau i roto i teie oraraa nei e i te oaoa e hope-roa i pihaiho Ia'na i muri mai i teie oraraa. Ua hinaaro Oia ia tatou ia riro mai Ia'na ra te huru.

Te tai'oraa i te papa'iraa mo'a

Mau tamarii a te Atua

PH&PF 93:29
Te Ohipa 17:29

Hebera 12:9

Te opuaraa a te Atua

Mose 1:39 Ioane 17:3

Te oraraa hou te fanauraa

PH&PF 138:53–56
Mose 3:5

Aberahama 3:22–26
Ieremia 1:5

« Guide des écritures »,
« Vie prémortelle »

Te hamaniraa

I raro a'e i te arata'iraa a te Metua, ua hamani Iesu Mesia i te fenua nei ei vahi faaearea no tatou e ia roaa te ite. Ia nehenehe ia haere i mua e ia riro mai te Atua ra te huru, e mea ti'a ia farii tatou tata'itahi i te hoê tino e ia tamatahia i roto i te hoê taima hi'opo'araa i ni'a i te fenua nei. I ni'a i te fenua nei aita tatou e faaea faahou i pihaiho i te Atua. Aita tatou e haamana'o faahou i to tatou oraraa hou teie oraraa. E mea ti'a ia tatou ia haere na roto i te faaroo eiaha rā i te haere'a i te mata.

Te tai'oraa i te papa'iraa mo'a

1 Nephi 17:36

Alama 30:44

PH&PF 88:41–47

Mose 2:1

Mose 6:63

Aberahama 3:24–25

IIS, Ioane 1:1–3

2 Korinetia 5:6–7

Te ti'amaraa e te hi'araa o Adamu e o Eva

O Adamu e o Eva na tamarii matamua a te Atua i haere mai i te ao nei. Ua hamani te Atua ia Adamu e ia Eva e ua tuu ia raua i roto i te O i Edene. Ua hamanihia o Adamu e o Eva i te hoho'a o te Atua, e te tino 'i'o e te ivi. A vai ai Adamu e o Eva i roto i te ô, te faaea noa ra raua i pihaiho i te Atua e e nehenehe ho'i raua e ora e amuri noa'tu. E mea hara ore raua, e na te Atua e haapa'o i to raua mau hinaaro.

I roto i te Ô i Edene, ua horo'a te Atua ia Adamu e ia Eva to raua ti'amāraa. Ua opani Oia ia raua eiaha e amu i te raau i rahuihia e aore rā, i te hotu o te raau o te ite i te maitai e i te ino. Ia haapa'o raua i teie faaueraa e faaea noa ia raua i roto i te ô e e ore ia raua e

Te mau nota

Te mau nota

haere i mua ia ore raua ia ite i te pato'iraa o te tahuti nei. E ore ia raua e ite i te oaoa no te mea aita raua e nehenehe e ite i te oto e te mauui.

Ua tamata maira satane ia Adamu e ia Eva ia amu i te raua i rahuihia, e ua ma'iti raua ia na reira. E tuhaa teie no te opuaraa a te Atua. Na roto i teie nei ma'itiraa, ua ti'avaruhia raua i rapae i te ô e i rapae i te faaearaa o te Atua. Ua parauhia teie ohipa te Hi'araa. Te taa-ê-raa i te Atua o te pohe varua ia. Ua riro mai Adamu e o Eva ei mea tahuti—oia te pohe tino e aore râ, te taa-ê-raa te tino e te varua. Ua ti'a'tura ia raua ia ite i te ma'i e i te mau huru mauui atoa. Ua rave raua i te ti'amâraa e aore râ, te ma'itiraa i rotopu i te maitai e i te ino. Ua ti'a'tura ia raua ia haapii e ia haere i mua. Ua ti'a'toa ia raua ia ma'iti i te mea ino e ia hara. E nehenehe atoa ia raua ia fanau i te mau tamarii, ia nehenehe te mau tamarii varua toe a te Atua ia haere mai i te fenua nei, ia roaa te tino tahuti, e ia tamatahia. E mea na roto noa i teie rave'a te mau tamarii a te Atua e haere ai i mua e e riro mai ai mai Ia'na ra te huru.

Te mau haapiiraa no ni'a i te hi'araa

Te haapii matamuaraa i teie nei parau haapiiraa, eiaha e parau i te mau mea'toa o ta oe i ite no ni'a i te reira. A faaite ohie noa'tu e, ua ma'iti te Atua e piti o Ta'na mau tamarii, o Adamu e o Eva, ia riro ei na metua matamua i te fenua nei. I muri mai i to raua hi'araa, ua nehenehe raua ia hara e ia pohe. Ahiri e mea na roto noa ia raua, eita roa'tu raua e nehenehe e ho'i no te ora i pihaiho i te Metua i te Ao ra. Ua parau mai te Fatu ia Adamu e ua haapii ia'na i te Opuaraa no te ora e no te ora na roto i te Fatu ia Iesu Mesia. Na roto i te peeraa i taua opuaraa ra, ua nehenehe atura ia Adamu e i to'na utuafare ia ite i te oaoa i roto i teie oraraa e ia ho'i e ora i pihaiho i te Atua (a hi'o Alama 18:36 ; 22:12–14).

Te tai'oraa i te papa'iraa mo'a

I roto i te ô i Edene

2 Nephi 2
Mose 2:26–31

Mose 3:15–17
Mose 5:11

Genese 1:26–31
Genese 2:15–17

Te hi'araa

2 Nephi 2:25
Alama 12:22–34

Mose 4
Mose 5:10–12

Genese 3

To tatou oraraa i ni'a i te fenua nei

E horo'araa e e haamaitairaa te haereraa mai e ora i te fenua nei. Ta tatou opuaraa i roto i teie oraraa o te fariiraa ia i te oaoa e te faaineineraa no te ho'i i pihaiho i te Atua. I roto i te tahuti nei, e ora tatou i roto i te huru no te pohe tino e te varua. E tino maitai to te Atua, e mea hanahana, e e tino tahuti ore e te 'i'o e te ivi. Ia riro mai te Atua te huru e ia ho'i e ora i pihaiho Ia'na, e mea ti'a ia tatou ia farii i te hoê tino maitai, e e tino tahuti ore e te 'i'o e te ivi. Tera râ, na roto i te hi'araa o Adamu e o Eva, ua roaa i te taata nei te hoê tino tahuti e te pohe. Ahiri e aita te Faaora o Iesu Mesia, e morohi te pohe e te ti'aturiraa no te hoê oraraa i pihaiho i to tatou Metua i te Ao ra.

Mai te pohe tino, ua riro te hara ei faataupupuraa ia tatou ia riro mai to tatou Metua i te Ao ra e i te ho'i-faahou-raa e ora i pihaiho Ia'na. I roto i to tatou oraraa tahuti nei, e mea pinepine tatou i te faaruru i te faahemaraa, i te ofati i te mau faaueraa a te Atua, e i te rave i te hara. I roto i to tatou oraraa i te fenua nei e rave tatou i te mau hape. Noa'tu e,

i te tahi mau taime eita e tupu mai te reira roa, e arata'i tamau râ te hara i te oaoa ore. E faatupu te hara i te mana'o hape e te haama. No ta tatou mau hara, aita'tura tatou e nehenehe e ho'i no te ora i pihaiho i to tatou Metua i te Ao ra maoti râ, ia faaorehia te reira na mua roa e ia tamâhia tatou.

A ora'i tatou i roto i te tahuti nei, ua mâtau tatou i te mau mea o te hopoi mai i te oaoa ia tatou. Ua mâtau atoa tatou i te mau mea o te hopoi mai i te mauui e te oto, vetahi o tei tupu na roto i te mau ohipa ti'a-ore a vetahi ê. Na teie mau iteraa rau i haapii ia tatou e i faatupu ia tatou, te faataaraa i te maitai i te ino, e i te ma'itiraa. E faauru te Atua ia tatou ia rave i te maitai ; e faahema satane ia tatou ia rave i te hara. Mai te pohe tino, eita tatou e upooti'a i te mau hopea o te hara na roto ia tatou iho. Aita roa to tatou e faufaa ahiri e aita te taraehara a Iesu Mesia.

Te tai'oraa i te papa'iraa mo'a

Taime hi'opo'araa

2 Nephi 2:21

Alama 12:21–24

Aberahama 3:25–26

2 Nephi 9:27

Alama 34:31–35

Mosia 3:19

Alama 42:2–10

Ma'itiraa

2 Nephi 2:26–29

Iosua 24:15

No te Puai o te Feia Apî, « Te ti'amaraa e te hopoi'a »

Te maitai e te Ino

Moroni 7:12–19

Hara

Roma 3:23

1 Ioane 1:8–10

1 Ioane 3:4

E ore te mea viivii e parahi i te Atua ra

1 Nephi 10:20–21

3 Nephi 27:19

Mose 6:57

Alama 41:10–11

Te taraehara

Hou te ao nei i faanahonahohia'i, ua ma'iti to tatou Metua i te Ao ra ia Iesu Mesia ia riro ei Faaora e ei Ora no tatou. Na te tusia taraehara a Iesu Mesia i faaupooti'a ia tatou i te mau hopea o te Hi'araa.

E pohe ana'e pauroa tatou tera râ, ua upooti'a Iesu Mesia i ni'a i te faatupupuraa o te pohe tino no tatou. I To'na poheraa i ni'a i te tasauro, ua taa ê To'na varua i To'na tino. I te toru o te mahana, ua ho'i-faahou To'na tino e To'na varua e a muri noa'tu, e ore roa ia e taa ê faahou. Ua fâ Oia i te mau taata e rave rahi, ma te faaite e e tino tahuti-ore To'na tino e te 'i'o e te ivi. Te ho'i-faahou-raa o te tino e o te varua e parauhia ia e, te ti'a-faahou-raa e e horo'a te reira i tohuhia ia tatou tata'itahi. Na roto i te Ti'a-faahou-raa o Iesu Mesia, e ti'a-faahou tatou paato'a noa'tu e ua rave tatou i te maitai e aore râ, i te ino



Te mau nota

Te mau nota

i roto i teie oraraa. E farii tatou i te tino tahuti-ore maitai e te 'i'o e te ivi o te ore roa e farii faahou i te mau ma'i, i te mau iui e aore râ, i te pohe. Na te ti'a-faahou-raa i faati'a ia tatou ia ho'i faahou i mua i te Atua ia haavahia eita râ te reira e haapapû e e ora faahou tatou i pihaiho Ia'na. No te fariira e taua haamaitairaa ra, e mea ti'a ia tatou ia tamâhia i ta tatou mau hara.

Ua tonono mai te Atua i Ta'na Tamaiti Here, o Iesu Mesia, ia upooti'a i te faataupupuraa o te hara e i te faataupupuraa o te pohe tino. E ere na tatou te hopoi'a o te Hi'araa o Adamu e o Eva tera râ, e hopoi'a na tatou ta tatou iho mau hara. Aore ho'i e ti'a i te Atua ia hi'o noa'tu i te hara ma te faati'a e hoê iti a'e, e na te hara e opani ia tatou ia ora i pihaiho Ia'na. Na roto râ i te maitai e te aroha o te Faaora i nehenehe ai ia tatou ia tamâhia i te hara ia nehenehe tatou ia ora faahou i pihaiho i te Atua. E tupu te reira na roto i te faaohiparaa i te Faaroo ia Iesu Mesia, te tatarahaparaa, te bapetizoraa, te fariira e te Varua Maitai e te faaoroma'iraa e tae noa'tu i te hopea.

No te faatupuraa i te Opuaraa no te ora, ua mamae te Mesia no ta tatou mau hara. O Oia ana'e te nehenehe e rave i te reira. Ua faataahia e ua faaineinehia Oia i roto i te oraraa hou teie oraraa. O Oia mau te Tamaiti a te Atua i roto i te tino nei. Aita Ana e hara, ua haapa'o râ Oia i ta To'na Metua. Noa'tu e ua faahemahia, aita roa râ Oia i fati noa'e i raro a'e i te faahemaraa. I to te Metua aniraa i Ta'na Tamaiti Here ia aufau i te hoo o te mau hara a to te ao nei, ua faaineine e ua farii Iesu. I roto i te taraehara oia'toa To'na mamae i roto i te O i Getesemane e i To'na mamae e i To'na pohe i ni'a i te tasauo, ua hope roa ia i roto i To'na ti'a-faahou-raa. Noa'tu e, faaito ore To'na mamae—ua tahe mai te toto mai roto mai i To'na mau poa atoa e ua ani ia iriti-ê-hia'tu te teimaha rahi i ni'a Ia'na—ua farii râ Oia i te hinaaro o To'na Metua na roto i te here faito ore no To'na Metua e no tatou. Te upooti'araa o Iesu Mesia i te pohe varua na roto i To'na mamae e i te pohe tino na roto i To'na ti'a-faahou-raa ua parauhia te reira te taraehara.

Ua fafau te Mesia ia faaore i ta tatou mau hara mai te mea e farii tatou Ia'na na roto i te faaohiparaa i te faaroo i roto Ia'na, te tatarahaparaa, e te fariira e te bapetizoraa utuhi, e na roto i te tuuraa rima no te horo'a i te Varua Maitai, ma te tamataraa na roto i te faaroo i te haapa'o i Ta'na mau faaueraa e tae noa'tu i te hopearaa o to tatou oraraa. Na roto i te tamau-noa-raa i te tatarahapa, e roa'i ia tatou te faaoreraa e te tamâraa i ta tatou mau hara na roto i te mana o te Varua Maitai. E mâtâ te teimaha o ta tatou mau hara e o te haama, e na roto ia Iesu Mesia e ti'amâ-faahou ai tatou no te ho'i i pihaiho i te Atua.

A ti'aturi ai tatou i te taraehara a Iesu Mesia, e tauturu Oia ia tatou ia faaoroma'i i to tatou mau tamataraa, to tatou mau ma'i e to tatou mau mau iui. E horo'a mai Oia i te oaoa, te hau e te tamahanahanaraa. Te mau mea'toa e ere i te mea maitai i roto i te oraraa nei, e faaupooti'ahia ia na roto i te taraehara a Iesu Mesia.

Aita Iesu i faaore na roto i te aufaaraa i ta tatou mau hara, ta tatou hopoi'a. E mea ti'a ia tatou ia faaite e te farii nei tatou Ia'na e e pee tatou i Ta'na mau faaueraa. Na roto i te horo'a o te taraehara tatou e nehenehe ai ia ho'i faahou i mua i te Atua.

Te tai'oraa i te papa'iraa mo'a

Ti'a-faahou-raa

2 Nephi 9:6–7

Alama 11:42–45

Alama 40:23

Helamana 14:15–19

PH&PF 88:27–32

Luka 24:1–10, 36–39

1 Korinethia 15:20–23

IIS, 1 Korinethia 15:40–42

« Guide des écritures »,

« Mort, Physique »,

« Mort, Spirituelle »,

« Résurrection »

Taraehara

2 Nephi 2:6–8	PH&PF 19:15–19	1 Ioane 1:7
Alama 7:11–13	PH&PF 45:3–5	« Guide des écritures »,
Alama 34:8–10	Ioane 3:16–17	« Expier, Expiation »

Te evanelia—Te e’a

2 Nephi 9:1–24	Alama 11:40	3 Nephi 27
2 Nephi 31	3 Nephi 11:31–41	Moroni 7:27–28

Te mau nota

Te ao varua

Noa’tu e ua upoo-ti’a te Mesia i ni’a i te pohe tino, e pohe ihoa râ te mau taata atoa, no te mea e tuhaa te pohe no te tauraa mai roto atu i te tahuti i te tahuti ore. Ia pohe, e ho’i to tatou varua i te ao varua. Eita te pohe e tau i to tatou huru e aore râ, to tatou mau hinaaro i te rave i te maitai e i te ino. O ratou o tei ma’iti i te faaroo i te Atua i roto i teie oraraa nei e ora ia i roto i te huru no te oaoa, te hau, e te oreraa o te mau fifi e o te mau hepohepo. O ratou o te ore e ma’iti i te haapa’o i roto i teie oraraa e aita i tatarahapa e ora ia i roto i te huru o te oaoa ore. I roto i te ao varua e porohia te evanelia i te feia o tei ore e haapa’o i te evanelia e aore râ, ua faaroo-rii i te reira ai i te fenua nei. E faaea tatou i roto i te ao varua e tae noa’tu i te ti’a-faahou-raa.

Te tai’oraa i te papa’iraa mo’a**Ua porohia te evanelia i tei pohe**

PH&PF 138	1 Petero 3:19–20	1 Petero 4:6
-----------	------------------	--------------

Te pohe e te ao varua

Alama 34:34	Alama 40:11–14	Koheleta 12:7
-------------	----------------	---------------

Te ti’a-faahou-raa, te haavaraa, e te tahuti-ore

Ia amui-faahou to tatou tino i te varua na roto i te ti’a-faahou-raa, e afa’ihia tatou i mua i te Atua ia haavahia. E haamana’o maitai tatou i to tatou haapa’o-maitai e i ta tatou hape. Mai te mea ua tatarahapa tatou, e farii tatou i te aroha. E faautu’ahia tatou ia au i ta tatou mau ohipa e to tatou mau hiaai.

Na roto i te ti’a-faahou-raa e farii te taato’araa o te mau taata i te tahuti-ore—e e ora ratou e a muri noa’tu. E tao’a horo’a te tahuti-ore na te mau taata atoa, noa’tu e e mea maitai e aore râ, e mea ino ratou. E ere hoê â te ora mure ore e te tahuti-ore. Te ora mure ore o te hoê ia tao’a aroha i horo’ahia mai e te Atua i te feia ana’e o tei haapa’o i Ta’na evanelia. O te faito teitei a’e ia o te roaa ia tatou. E horo’ahia no te feia o tei faaorahia i te hara e i te mamae na roto i te taraehara a te Mesia. O te faateiteiraa ia, oia te oraraa i pihaiho i te Atua e a muri noa’tu i roto i te mau utuafare mure ore. O te iteraa ia i te Atua e ia Iesu Mesia e ia ite i te oraraa o ta raua e popou ra.

Te mau nota

Te ti'a-faahou-raa e te iho-faahou-raa mai

Ua ano'i vetahi mau taata i te parau haapiiraa o te ti'a-faahou-raa e te mana'o o te iho-faahou-raa mai [réincarner]. Te iho-faahou-raa mai o te iho-raa mai ia i te ao nei i roto i te hoê huru taa-ê-atu e e haapiiraa hape roa teie. Te parau haapiiraa no te ti'a-faahou-raa o te fariiraa ia i te faautu'araa mure ore no te hoê tino tahuti-ore e te 'i'o e te ivi. A haapapû i te feia o ta oe e haapii ra e ua maramaramara maitai ratou i te parau haapiiraa no te ti'a-faahou-raa.

Te hanahana o te mau basileia

I roto i to tatou oraraa tahuti nei, ua ma'iti tatou i te maitai e te ino. E faautu'a te Atua ia tatou ia au i ta tatou mau ohipa e i to tatou mau hinaaro. No te mea e faautu'a te Atua i te taata tata'itahi ia au i te mau mea o ta'na i rave i roto i te tino, e e faataahia ia te mau basileia no tatou i muri mai i te haavaraa. Te feia o tei tatarahapa i ta ratou mau hara e ua farii i te mau oro'a o te evanelia e ua haapa'o i te mau fafauraa ua tamâhia ia na roto i te taraehara a te Mesia. E farii ia ratou i te faateiteiraa i roto i te basileia teitei a'e, tei parau-atoa-hia te basileia tiretiera. E faaea ratou i pihaiho i te Atua, e e riro mai Ia'na ra te huru, e e farii i te îraa no te oaoa. E parahi amui ratou e amuri noa'tu e te mau taata o to ratou utuafare o tei rave i te mau mea i titauhia. I roto i te mau papa'iraa mo'a, ua faaauhia teie basileia i te hanahana e aore râ, i te anaana o te mahana.

Te feia aita e farii i te îraa o te evanelia a Iesu Mesia area râ, ua ora maitai noa, e farii ia i te hoê parahiraa i roto i te basileia teretetiera. Ua faaauhia teie basileia i te hanahana o te marama.

Te feia o tei rave tamau noa i te ino e aore i tatarahapa i roto i teie oraraa e farii ia i ta ratou faautu'araa i roto i te basileia haehaa roa, o tei piihia te basileia tiretia. Ua faaauhia teie basileia i te hanahana o te mau feti'a.

Te tai'oraa i te papa'iraa mo'a

Ti'a-faahou-raa e te Faaho'i-faahou-raa mai

2 Nephi 9:14–15	Iakobo 6:8–9	Alama 42:13–15, 22–23
-----------------	--------------	-----------------------

Haavaraa

2 Nephi 28:23	Alama 5:15–21	PH&PF 132:12; 137:9
Mosia 3:23–25	Alama 12:12–14	loane 5:22

Hanahana o te mau basileia

3 Nephi 28:10	PH&PF 76	Mataio 5:48
PH&PF 76: Omuaraa	PH&PF 137	1 Korinethia 15:40–42

Ora mure ore

2 Nephi 31:17–21	PH&PF 45:8	loane 3:16
PH&PF 14:7	PH&PF 93:19	loane 17:3
PH&PF 29:43–44		

Te mau nota

Te mau mana'ō no te haapii atu

Te vaira i roto i teie tuhaa te mau mana'ō o ta oe e nehenehe e faaohipa no te faaineine e no te haapii i teie haapiiraa. Na roto i te Varua na roto i te pure, a opua'i oe e nahea ia faaohipa i teie mau mana'ō. A faahau atu i te mau mana'ō o ta oe i ma'iti no ta oe faanahoraa haapiiraa. A feruri rā e, e mau mana'ō tauturu noa teie—e ere i te mau titauraa—no te tauturu ia oe ia ite i te mau hinaaro o te feia o ta oe e haapii atu.

Faanahoraa haapiiraa poto (3–5 minuti)

Te haapii nei te Opuaraa no te ora ia tatou e nohea mai tatou, eaha tatou i haere mai ai i te fenua nei, e e haere tatou ihea i muri i teie oraraa. Ua tabulahia to tatou tere mai te oraraa hou te fanauraa, te oraraa tahuti, te pohe, te ti'a-faahou-raa, e to tatou oraraa i roto i te mau tau e a muri noa'tu. Ua faaiite atoa teie opuaraa e i te mea o ta to tatou Metua i te Ra'i ra i rave no te tautururaa ia tatou ia manu'ia i teie nei tere ia nehenehe tatou ia ho'i faahou i mua la'na e ia riro mai la'na ra te huru. Ua niuhia teie opuaraa i ni'a i te misioni e te taraehara a Iesu Mesia no te manu'iaraa i ni'a i te mau hopea o te Hi'araa e ia roaa te ora mure ore no tatou. Te ani manihini nei maua ia oe ia feruri hohonu e ia pure no ni'a i teie nei parau poro'i.

- Te oraraa hou teie oraraa: Te opuaraa a te Atua e te faanahoraa no tatou
- Te hamaniraa
- Te ti'amaraa e te hi'araa o Adamu e o Eva
- To tatou oraraa i ni'a i te fenua nei
- Te taraehara
- Te ao varua
- Te ti'a-faahou-raa, te haavaraa, e te tahuti ore
- Te hanahana o te mau ao

Mau fafauraa

- E pure anei oe ia ite e e parau mau ta maua i haapii atu ?
- E tatarahapa anei oe no ta oe mau hara ?
- E haere anei oe i te pureraa na muri ia maua i teie sabati ?
- E hinaaro anei oe ia pee i te hi'oraa o te Faora e ia bapetizohia i te (tai'o mahana) ?
- E faanaho tatou i ta tatou farereiraa i muri nei ?
- Te mau faaueraa no te haapiiraa 4 o ta oe e ma'iti no te faa'ō mai.

Faanahoraa haapiiraa poto rii (10–15 minuti)

E tauturu ta matou parau poro'i ia tatou ia maramarama no ni'a i te opuaraa no te oraraa e, o vai mau tatou. E horo'a te reira i te ti'aturi e e tauturu te reira ia tatou ia imi i te hau, e te oaoa. Na te reira i faaiite ia tatou e no hea mai tatou, e no te aha tatou i haere mai ai i te fenua nei, e e haere tatou ihea i muri mai i teie oraraa. O te Atua to tatou Metua, e ua here Oia ia tatou. E mau tamarii tatou Na'na. E tuhaa tatou no To'na utuafare, e ua ora na tatou i pihaiho la'na hou tatou a fanauhia mai ai i te fenua nei. E opuaraa no te

Te mau nota

oaoaTa'na ia nehenehe tatou ia ho'i i mua la'na i muri mai i teie oraraa. To tatou haereraa i mua, tei te huru ia o to tatou faaohiparaa i te ti'amâraa o ta te Atua i horo'a mai e aore râ, te ite i te ma'iti. Ei tuhaa no taua opuaraa ra, auua te Hi'araa o Adamu i nehenehe ai tatou ia haere mai i te fenua nei, ia farii i te hoê tino, ia tamatahia, e ia fana'o i te hoê utuafare no tatou iho. Ua hopoi atoa mai râ te Hi'araa i te pohe tino, oia te faataa-ê-raa i te varua i te tino, e te pohe varua ra, o te faataa-ê-raa ia i te Atua.

O Iesu Mesia te niu o te opuaraa a te Atua. Na te tusia faatahe-raa toto i haavi i te mau hopea o na pohe nei, to te tino e te varua. E ti'a-faahou mai tatou paato'a e e ora e a muri noa'tu i roto i te tino ma te mau iui-ore e te ma'i-ore. Ua upooti'a atoa te Mesia i ni'a i te pohe varua. A ora'i tatou i Ta'na evanelia e aroha mai Oia ia tatou e e faaore i ta tatou mau hara. E faaora Oia ia tatou e e monohia te hape e te haama i te hau e te oaoa i roto i teie oraraa.

Ei tuhaa no te opuaraa aroha a te Atua, e pohe paato'a tatou i te pohe tino. E faataa-ê-hia to tatou varua i to tatou tino e e faaea oia no te hoê taime i roto i te ao varua. E ti'a-faahou mai tatou no te farii i te tino tahuti ore, te hoê taatiraa mure ore o te tino e te varua. E haavahia tatou ia au i ta tatou mau ohipa e to tatou mau hinaaro. O tei ora i te evanelia ra e farii ia i te horo'a rahi a'e a to tatou Metua i te Ao ra, oia ho'i te horo'a o te ora mure ore i pihaiho la'na.

Ua faatoro mai â to tatou Metua i te Ao ra i To'na rima i Ta'na mau tamarii na roto i te here no te heheu mai i Ta'na opuaraa no te oaoa. Ua haapii mai tatou i teie opuaraa maitai roa i roto i te Buka a Moromona, o ta oe e nehenehe ia tai'o e ia feruri, ia pure no te reira. Te ani manihini atu nei maua ia oe ia haere i te pureraa e ia amui mai ia maua no te haamori.

Mau fafauaraa:

- E pure anei oe ia ite e e parau mau ta maua i haapii atu ?
- E tatarahapa anei oe no ta oe mau hara ?
- E haere anei oe i te pureraa na muri ia maua i teie sabati ?
- E hinaaro anei oe ia pee i te hi'oraa o te Faaora e ia bapetizohia i te (tai'o mahana) ?
- E faanaho tatou i ta tatou farereiraa i muri nei ?
- Te mau faaueraa no te haapiiraa 4 o ta oe e ma'iti no te faaô mai.

Faanahoraa haapiiraa taato'a (30–45 minuti)

- Te oraraa hou teie oraraa: te opuaraa a te Atua e te faanahoraa no tatou
 - O te Atua to tatou Metua i te Ao ra, e e mau tamarii tatou Na'na (a hi'o Te Ohipa 17:16–34 ; Hebera 12:9).
 - E opuaraa no te oaoa ta te Atua no tatou. O Iesu Mesia te niu o taua opuaraa ra.
 - Na teie opuaraa no te oaoa a te Atua i nehenehe ai tatou e ho'i i mua la'na (a hi'o Mose 1:39).

Te mau nota

- To tatou haereraa mure ore i mua tei te huru ia o ta tatou faaohiparaa i to tatou ti'amâraa (a hi'o 2 Nephi 2:27–29).
- Te hamaniraa
 - I raro a'e i te arata'iraa a te Metua, ua hamani Iesu Mesia i te fenua nei (a hi'o Hebera 1:1–3).
- Te ti'amaraa e te hi'araa o Adamu e o Eva
 - Ua hamanihia Adamu e o Eva i te hoho'a o te Atua (a hi'o Genese 1:26–27).
 - I roto i te Ô i Edene e mea hara-ore raua e e faaea raua i pihaiho i te Atua.
 - No te mea ua rave raua i te raau i rahuihia, ua ti'avaruhia raua i rapae i te ô (a hi'o Mose 4:19–31). Ua parauhia te reira te Hi'araa.
 - Ua riro raua ei mea tahuti, e nehenehe ia fanau i te mau tamarii, e e nehenehe e rave i te hara e e pohe (a hi'o 2 Nephi 2:22–25 ; Mose 5:11).
- To tatou oraraa i te fenua nei
 - Ta tatou opuaraa i roto i teie oraraa o te imiraa ia i te hau, e te oaoa ei utuafare e ia faaineine no te ho'i e ora i pihaiho i te Atua.
 - Ua haere mai tatou i te fenua nei ia tamatahia (a hi'o Aberahama 3:24–25).
 - Ua roaa ia tatou te tino 'i'o e te ivi area râ e pohe tatou.
 - Ua horo'a mai te Atua i te mau faaueraa. Mai te mea e haapa'o tatou, e haamaitahia ia tatou. Mai te mea râ e haapa'o-ore tatou, e rave tatou i te hara e farii ia tatou i te mau faautu'araa.
 - E mea titauhia ia aufau i te hoo o te mau hara atoa, na roto anei ia tatou iho e aore râ, na roto i te Mesia (a hi'o PH&PF 19:15–20).
 - E rave tatou i te mau ma'itiraa, e e rave tatou paato'a i te hara (a hi'o Roma 3:23).
 - Ua ite tatou i te mau mea o te hopoi mai i te oaoa e te oto atoa.
 - Eita tatou e 'upooti'a i ni'a i te pohe tino e aore râ, i te pohe varua mai te mea e aita te Mesia.
- Te taraehara
 - No te mea ua upooti'a Iesu Mesia i te pohe tino, e ti'a'i tatou ia ti'a-faahou (a hi'o Alama 11:41–43).
 - Na roto i te taraehara a te Mesia i tamâhia'i tatou i ta tatou mau hara ia nehenehe tatou ia ho'i faahou e ora i pihaiho la'na (a hi'o 2 Nephi 9:8–9).
 - E faaore te Mesia i ta tatou mau hara ia faaroo to tatou la'na, ia tatarahapa, ia farii i te bapetizoraa e i te horo'a o te Varua Maitai e ia tape'a e tae noa'tu i te hopea ra.
- Te ao varua
 - E pohe te taato'araa o te mau taata.
 - Ia pohe, e haere to tatou varua i roto i te ao varua.

Te mau nota

- E ora tatou i roto i te hoê huru pe'ape'a e aore râ, i te hoê huru no te faae meta, tei te huru o to tatou oraraa i roto i teie ao.
- Te ti'a-faahou-raa, te haavaraa e te tahuti-ore
 - E amui-faahou to tatou varua i to tatou tino i te ti'a-faahou-raa (a hi'o Alama 11:42–45 ; 40:23).
 - E ho'i faahou tatou i pihaiho i te Atua ia haavahia ia au i ta tatou mau ohipa e i to tatou mau hinaaro.
 - Mai te mea ua tatarahapa tatou, e farii tatou i te aroha.
 - Te ora mure ore o te horo'a ia a te Atua tei horo'ahia i te feia o tei haapa'o i te evanelia a Iesu Mesia (a hi'o PH&PF 14:7).
- Te hanahana o te mau ao (a hi'o PH&PF 76 ; 137 ; 1 Korinetia 15:40–42).
 - E farii tatou i te mau faautu'araa ia au i ta tatou mau ohipa e i to tatou mau hinaaro (a hi'o PH&PF 137:9).
 - Te feia o tei farii i te evanelia e ua ora itoito i te reira i roto i to ratou oraraa e farii ia i te basileia Tiretiera (a hi'o PH&PF 76:50–70).
 - Te mau taata tura o te fenua nei o « tei matapohia e te rave'a paari o te mau taata nei » e o tei « ore e itoito i te faaiteraa i te parau no Iesu [Mesia] » e farii ia i te basileia teretetiera (a hi'o PH&PF 76:75, 79).
 - O ratou atoa o tei rave i te hara e o tei ore e tatarahapa e farii ia i te hanahana tiretia i muri mai i to ratou mau iura e i te aufaaraa i ta ratou mau hara.

Mau fafauaraa

- E pure anei oe ia ite e e parau mau ta maua i haapii atu ?
- E tatarahapa anei oe no ta oe mau hara ?
- E haere anei oe i te pureraa na muri ia maua i teie sabati ?
- E hinaaro anei oe ia pee i te hi'oraa o te Faaora e ia bapetizohia i te (tai'o mahana) ?
- E faanaho tatou i ta tatou farereira e i muri nei ?
- Te mau faaueraa no te haapiiira 4 o ta oe e ma'iti no te faaô mai.

Te mau uiraa e tano ia ui i muri mai i ta oe haapiiira

- Eaha ta oe mau uiraa no ni'a i te mau mea o ta maua i haapii iho nei ?
- Eaha ta oe i maramarama no ni'a i te faanahoraa a te Atua no oe e no to oe utuafare ?
- I roto i te mau mea ta maua i haapii ia oe, eaha ta oe i maramarama no ni'a i te ohipa a Iesu Mesia ? Eaha ia to'na auaa ia oe ?

Te mau tumu faufaa

I muri nei o te mau parau ia aita e maramaramahia nei. A tatarahapa atu i to ratou auaa e a haapapû atu i te feia o ta oe e haapii nei e ua papû maitai ratou i te auaa.

Te mau nota

- **Faaoraraa:** O te faaoraraa ia mai te pohe tino e te pohe varua. E ora te taata atoa i te pohe tino na roto i te maitai o te Atua, na roto i te pohe e te ti'a-faahou-raa o lesu Mesia. E faaora-atoa-hia te taata tata'itahi i te pohe varua na roto atoa i te maitai o te Atua, na roto i te Faaroo ia lesu Mesia. E itehia teie faaroo i roto i te oraraa haapa'o i te mau ture e te mau oro'a o te evanelia e i te taviniraa i te Mesia.
- **Faaoraraa:** Te faaoraraa, te hooraa e aore râ, te hoo o te titi, mai te faati'amâraa i te hoê taata i te titi na roto i te aufauraa. E faaauhia te faaoraraa i te taraehara a lesu Mesia e no te faaoraraa i te hara. E faaora te taraehara a lesu i te taato'araa o te taata nei i te pohe tino. Na roto i te taraehara, o te feia tei faaroo la'na e o tei tatarahapa e faaora-atoa-hia ia i te pohe varua.
- **Faateiteiraa:** o te ora mure ore ia i pihaiho i te Atua ; te riroraa mai to tatou Metua i te Ao ra e ia ora i pihaiho la'na. Te horo'a rahi a'e o te mau horo'a atoa a te Atua. E roaa te faateiteiraa na roto i te taraehara a te Mesia e na roto i te haapa'o i te mau ture e te mau oro'a atoa o te evanelia.
- **Haavaraa:** E haava te Atua i te taata tata'itahi na roto ia lesu Mesia no te faaoti i te hanahana mure ore e ti'a no tatou. E niuhia teie haavaraa i ni'a i to tatou haapa'o i te mau faaueraa a te Atua, oia'toa te fariiraa i te tusia taraehara a lesu Mesia. E farii tatou i ta tatou utu'a mure ore niuhia i ni'a i ta tatou mau ohipa e i to tatou mau hinaaro i te rave i te maitai e aore râ, i te ino.
- **Hi'araa (o Adamu e o Eva):** I to Adamu e to Eva amuraa i te maa i rahuihia, ua tahuti raua—oia ia, ua hara e e pohe raua. O Adamu te « 'i'o matamua » i ni'a i te fenua nei (Mose 3:7). Ua haapapû mai te heheuraa o teie anoutau e, ua riro te Hi'araa ei haamaitairaa e e mea ti'a ia faatura ia Adamu e ia Eva ei na metua matamua no te mau taata atoa.
- **Oraraa hou te fanauraa (oraraa hou te tahuti ; oraraa hou teie oraraa):** Ei mau tamarii varua na to tatou Metua i te Ao ra, ua ora na tatou i pihaiho la'na hou tatou i fanauhia mai ai i teie fenua. I roto i te oraraa hou teie oraraa aita o tatou e tino tahuti.
- **Pohe Tino:** Te taa-ê-raa o to tatou varua, o te ora e a muri noa'tu e eita e pohe, i to tatou tino nei.
- **Pohe varua:** Te taa-ê-raa ia i te Atua e i Ta'na mau faaururaa ; te poheraa i te mau mea parau-ti'a. Ua tae mai te pohe varua i roto i te ao nei na roto i te hi'araa o Adamu (a hi'o Alama 42:6–7). Te mau mana'o iino, te mau parau, e te mau ohipa o te tino nei o te pohe varua ia a vai ora noa'i i te fenua nei (a hi'o 2 Nephi 9:39). Na roto i te taraehara a lesu Mesia e na roto i te haapa'oraa i te mau parau-tumu e te mau oro'a o te evanelia, e nehenehe te tane e te vahine e riro ei mea mâ i te hara e i te upoo-ti'araa i te pohe varua.
- **Tahuti:** Te pu'e tau mai te fanauraa e tae noa'tu i te poheraa o te tino.
- **Tahuti ore:** O te titauraa ia ia ora e amuri noa'tu i roto i te huru ti'a-faahou-raa, e ore e pohe faahou i te pohe tino.
- **Taraehara:** Mai te au i te faaiteraa a te mau papa'iraa mo'a, te faaoreraa i te hara o te mamae-raa-ia i te faautu'araa o te hoê hara i ravehia, e na roto i te reira, ua matara te mau hopea o te hara a te feia hara tei tatarahapa e no te faaho'i ia ratou i te Atua. Ua mauiu lesu Mesia i Getesemane e i ni'a i te tatauro. O Oia ana'e te nehenehe e rave i teie taraehara maitai roa no te taata nei. Ua rave Oia i ni'a iho

la'na to tatou paato'a mau mamae, te mau ma'i, te mau faahemaraa, te mau ati, e te mau paruparu (a hi'o Alama 7:11–12).

- **Ti'a-faahou-raa:** Te amui-faahou-raa ia o te tino varua i te tino tahuti o te 'i'o e te mau ivi i muri mai i te pohe. I muri mai i te ti'a-faahou-raa, e ore roa te varua e te tino nei e taa-ê-faahou, ua riro ia te taata ei mea tahuti ore. E ti'a-faahou te taata tata'itahi i fanauhia i te fenua nei no te mea ua upooti'a lesu Mesia i te pohe.

Te tahi atu mau parau e hinaarohia ei tatararaa no te feia o ta oe e haapii atu

- | | | |
|---------------------------|---------------------------------------|-----------------------|
| • Ao varua | • Maa i rahuihia | • Taima hi'opo'araa |
| • Bapetizoraa utuhi | • Ô i Edene | • Tamâhia [i te hara] |
| • Faaorehia [te hara] | • Opuaraa no te ora | • Tatarahapa |
| • Faaroo | • Ora mure ore | • Teretetiera |
| • Haereraa mure ore i mua | • Pato'iraa | • Tiretia |
| • Hamaniraa | • Pohe tino | • Tiretiera |
| • Hanahana o te mau ao | • Raau no te ite i te maitai e te ino | |
| • Hara | | |

Te mau nota

Te mau nota

Te evanelia a Iesu Mesia



Ta oe opuaraa

A haapii ai oe, a faaineine i ta oe feia imi no te mau mea i titauhia no te baptizoraa i haapiihia i roto i te Parau Haapiiraa e te Mau Parau Fafau 20:37 e i roto i te mau uiuiraa no te baptizoraa. E mea maitai a'e te reira ia ravehia na roto i te ani-manihini-raa i ta oe feia imi ia rave e ia haapa'o i te mau fafauraa i tabulahia i raro nei.

Mau uiuiraa no te baptizoraa

- Te ti'aturi ra anei oe e o te Atua to tatou Metua mure ore ?
- Te ti'aturi ra anei oe e o Iesu Mesia te Tamaiti a te Atua, te Faora e te Ora o te ao nei ?
- Te ti'aturi ra anei oe e ua faaho'i-faahou-hia mai te Ekalesia e te evanelia a Iesu Mesia na roto i te peropheta ra ia Iosepha Semita ?

Mau fafauraa

- E hinaaro anei oe ia faatupu noa i te Faaroo ia Iesu Mesia na roto i te tai'o-tamau-raa i Ta'na evanelia ?
- E tatarahapa e e pure anei oe ia faaorehia ta oe mau hara ?
- E hinaaro anei oe ia baptizohia ia riro ei melo no te Ekalesia a Iesu Mesia i te Feia Mo'a i te Mau Mahana Hopea Nei i te (tai'o mahana) ? E hinaaro anei oe ia haamauhia e ia farii i te horo'a o te Varua Maitai ?
- E haere anei oe i te pureraa na muri ia maua i teie sabati ?
- E faanaho tatou i ta tatou farereiraa i muri nei ?
- Te mau faaueraa no te haapiiraa 4 o ta oe e ma'iti no te faaô mai.

Na roto i te Mesia tatou e tamâhia'i i te hara

Ua tonono mai te Atua i Ta'na Tamaiti Here, o Iesu Mesia, i roto i te ao nei ia nehenehe te taato'araa o te mau tamarii a te Atua ia ho'i e ora i pihaiho Ia'na i muri a'e i to ratou poheraa. E mea na roto râ i te maitai e te aroha o te Faora tatou e tamâhia'i i te hara ia nehenehe tatou ia ora i pihaiho i to tatou Metua i te Ao ra. Te mârâa i te hara o te faaoraraa ia i te pae varua (a hi'o 3 Nephi 9:13 ; 18:32).

No te taraehara e te ti'a-faahou-raa o te Mesia, e faaho'i-hia'i te mau taata atoa i pihaiiho i te Fatu ia haavahia ia au i ta ratou mau ohipa e i to ratou mau hinaaro (a hi'o 2 Nephi 9:10–16 ; Helamana 14:15–18 ; 32 Nephi 27:14–22 ; PH&PF 137:9). E haavahia tatou ia au i te mau ture o te parau-ti'a e te here.

Te parau-ti'a o te ture tau-ore ia o te hopoi mai i te mau utu'a no te mau ohipa—te mau haamaitairaa no te haapa'oraa i te mau faaueraa a te Atua e te mau faautu'araa no te haapa'o-ore-raa. E hara pauroa tatou. E haaviivii te hara ia tatou, e e ore roa te mea viivii e ô i roto i te basileia o te Atua (a hi'o 1 Nephi 10:21 ; 3 Nephi 27:19 ; Mose 6:57).

E farii te Faaora i te aniraa no te parau-ti'a no te feia o te tatarahapa i ta ratou mau hara e i te hinaaroraa i te haapa'o i te taato'araa o Ta'na mau faaueraa a ti'a ai Oia no tatou e a mamae ai i te mau faautu'araa o ta tatou mau hara. E parauhia te reira e, te taraehara. Na roto i teie pûpûraa, i nehenehe ai i te Mesia ia taparu i te Metua no tatou. E here mai te Metua i te Ao ra, e faaore i to tatou faautu'araa, e e farii ia tatou i pihaiiho Ia'na. Te faaite mai ra to tatou Metua i te Ao ra i te aroha ia faaore ana'e Oia i ta tatou mau hara ma te tauturu ia tatou ia ho'i faahou i pihaiiho Ia'na.

Tera râ, aita Iesu i faaore i ta tatou iho hopoi'a. E faaore Oia i ta tatou mau hara ia farii ana'e tatou Ia'na, ia tatarahapa, e ia haapa'o i Ta'na mau faaueraa. Na roto i te taraehara e i te oraraa i te evanelia, e ti'amâ ia tatou no te tomoraa'tu i roto i te oraraa o to tatou Metua i te Ao ra e a muri noa'tu. E mea ti'a ia faaite tatou e ua farii tatou i te Mesia e e faaroo to tatou Ia'na na roto i te haapa'oraa i Ta'na mau faaueraa e te haapa'oraa i te mau parau tumu e i te mau oro'a matamua o te evanelia.

Hara

E mea taa ê te auraa o te parau e e « hara » i roto i tera ta'ere e tera ta'ere. I roto i te tahi mau ta'ere, ua piri-rui-atu te reira i te hara haapoheraa taata. I roto i te tahi, ia itehia te hoê taata i te raveraa i te hape e faahaama ia te reira i te utuafare e aore râ, i te oire. A faaite e, te auraa o te hara ra, o te haapa'o-ore-raa ia i te mau faaueraa a te Atua e to'na hopea ra o te faataa-ê-raa ia i te Atua. Ua ite te Atua i te mau mea'toa o ta tatou e rave e e feruri, a faainoino ai tatou Ia'na na roto i te raveraa i te hara. Eiaha e paraparau no te mau hape o ta oe i rave na. Eiaha e faaitoitohia e aore râ, e ani i te feia imi ia aparau no ta ratou mau hape.

Te tai'oraa i te papa'iraa mo'a

Ua tonu mai Te Atua i ta'na Tamaiti

Alama 11:40 Ioane 3:16–17

Te faaoraraa na roto i te Mesia

2 Nephi 2:6–8 Alama 34:8–9, 14–16
2 Nephi 9:21–24

O te Mesia to tatou Arai

PH&PF 45:3–5

Te aroha e te parau-ti'a


Mosia 15:9 Alama 42:22–25

Te mau nota

Te mau nota

Faaroo ia Iesu Mesia

Te parau tumu matamua o te evanelia o te te faaroo ia i te Fatu ia Iesu Mesia. Te faaroo i roto i te Mesia oia'toa ia te ti'aturi-papû-raa e, o Oia te Tamaiti Fanau Tahī a te Atua e te Faaora e te Arai o te ao nei. Ua ite tatou e, e nehenehe tatou e ho'i e ora i pihaiho i to tatou Metua i te Ao ra na roto i te maitai e te aroha o Ta'na Tamaiti. Ia faaroo ana'e tatou i te Mesia, ua farii ia tatou i Ta'na taraehara e Ta'na mau haapiiraa. E ti'aturi tatou Ia'na e i te mea o Ta'na e parau mai. E ite tatou e, e mana To'na no te faati'amâraa i Ta'na mau fafauraa. E haamaitai te Metua i te Ao ra i te feia e faaroo to ratou no te haapa'o i Ta'na Tamaiti.



E arata'i te faaroo i te Mesia i roto i te ohipa. E arata'i te reira i te hoê tatarahaparaa mau. E tura'i te faaroo ia tatou ia tamata atu â na roto i to tatou iteraa e, e nehenehe tatou e riro mai to tatou Faaoraa te huru. Te hinaaro nei tatou i te haapii i Ta'na mau faaueraa e i te haapa'o i te reira. Noa'tu e rave tatou i te hape, e faaite tatou e ua here tatou Ia'na na roto i te haapa'oraa i Ta'na mau faaueraa e i te faaore i te rave i te hara.

E ti'aturi tatou i te Mesia, e e ti'aturi tatou e te hinaaro ra Oia ia haapa'o tatou i te taato'araa o Ta'na mau faaueraa no te faaite i to tatou faaroo na roto i te haapa'oraa. E pure tatou na roto i te faaroo ia puai no te upoo-ti'araa i ni'a i te faahemaraa. E nehenehe atoa tatou e faatupu i te faaroo i roto i te hoê parau tumu mai te haapa'oraa i te Parau paari e aore râ, te tuhaa ahuru, na roto i te matamua roa te ti'aturi-puai-raa ia Iesu Mesia no te haapa'o i Ta'na mau faaueraa. A haapa'o ai tatou i te hoê faaueraa, e haapii ia tatou i te parau mau na roto i te faaohiparaa i te reira (a hi'o Ioane 7:17). E tupu atoa tatou i roto i te faaroo na roto i te faarooraa i te parau a te Atua (a hi'o Roma 10:17) e na roto i te tai'oraa i te parau a te Atua (a hi'o Helamana 15:7-8).

A haapa'o ai tatou i te parau a te Atua, e haamaitai mai Oia ia tatou. E horo'a mai Oia i te puai no te aroraa i te mau tamataraa o te oraraa nei. E tauturu Oia ia tatou ia tau i te mau hinaaro o to tatou aau. Na roto i to tatou Faaroo ia Iesu Mesia, e faaora Oia ia tatou, i te tino e i te varua.

Te tai'oraa i te papa'iraa mo'a

Faaroo, mana, e te faaora

1 Nephi 7:12 Moroni 7:33-34
2 Nephi 9:23 Moroni 10:7
2 Nephi 25:23

Te parau haapiiraa o te faaroo

Alama 32 « Guide des écritures »,
Ephesia 2:8 « Foi »

Te mau hi'oraa o te faaroo

Etera 12 Hebera 11

Te mau ohipa e te haapa'o

1 Nephi 3:7 Iakobo 2:17-26
PH&PF 130:20-21

Te faaroo no te tatarahapa

Alama 34

Tatarahapa

Te piti o te parau tumu o te evanelia o te tatarahapa ia. E arata'i to tatou faaroo e to tatou here i te Mesia i te tatarahapa e aore râ, i te tauraa o to tatou mau mana'o, e ta

tatou huru haapa'oraa o te ore e tano e To'na hinaaro. Te tatarahapa oia'toa ia te hoê ite apê no te Atua, no tatou iho, e no te ao nei. Ia tatarahapa tatou, e oto tatou no ta tatou mau hara, e i reira ia tatou e faaea'i i te rave i te mau mea ti'a-ore e i te rave tamauraa i te mau mea maitata'i. Te faatu'atiraa i to tatou oraraa ia au i to te Atua na roto i te tatarahapa, o te tumu mau ia o to tatou oraraa. E nehenehe tatou e ho'i e ora i pihaiiho i te Atua te Metua na roto noa i te aroha o te Mesia, e e farii tatou i te aroha o te Mesia na roto noa i te tatarahapa.

No te tatarahapa, e ite tatou i ta tatou mau hara e e tatarahapa tatou e aore râ, e oto tatou. E fâ'i tatou i ta tatou mau hara i te Atua. E faaite atoa tatou i te mau hara rahi i te feia faatere i haamanahia e te Atua, o te nehenehe e tauturu ia tatou ia tatarahapa. E ani tatou i te Atua na roto i te pure ia faaore mai ia tatou. E faaitoito tatou i te faaafaro i te mau fifi o tei faainohia e te mau ohipa i ravehia e tatou ; e parauhia te reira e, te faaho'iraa. Ia tatarahapa ana'e tatou, e taui ta tatou hi'oraa ia tatou iho e i te ao nei. A taui ai tatou, e ite tatou e, e mau tamarii tatou na te Atua e e mea ti'a ia ore tatou e rave faahou i te hape na ni'a e na ni'a noa. Mai te mea ua tatarahapa mau tatou, e fariu ê tatou i ta tatou mau hara e eita roa e na reira faahou. E pato'i tatou i te hinaaroraa i te rave i te hara. E tupu puai mai te hinaaro hohonu i te pee i te Atua.

E rave rahi te faahoparaa o te hoê tatarahaparaa mau. E ite tatou i te faaoreraa a te Atua e i To'na hau i roto i to tatou oraraa. E faataa-ê-roa-hia'tu to tatou hape e to tatou oto. E ite tatou i te mana o te Varua i te hotu-rahi-raa. E ia faru'e mai tatou i teie oraraa, e ineine ia tatou i te ora i pihaiiho i to tatou Metua i te Ao ra e i Ta'na Tamaiti.

Noa'tu e i muri a'e i to tatou fariiraa i te Mesia e ua tatarahapa i ta tatou mau hara, e nehenehe tatou e topa faahou i roto i te hara. E mea ti'a râ ia tamata tamau noa tatou i te faatiti'aifaro i teie mau haapa'o-ore-raa. Oia'toa, e mea ti'a ia tatou ia tamau noa'tu â i te haamaitai—ia rae'ahia te huru o te Mesia ia tatou, ia tupu paari i roto i te ite, e i te tavini-maitai-roa'tu â. Ia haapii hau atu â tatou i te mau mea o ta te Faaora e titau mai ia tatou, e hinaaro ihoa ia tatou i te faaite i to tatou here na roto i te haapa'oraa i Ta'na mau parau. No reira, ia tatarahapa ana'e tatou i te mau mahana atoa, e ite tatou i te tauraa e i te maitai-roa-raa'tu o to tatou oraraa. E riro to tatou aau e to tatou huru mai to te Mesia. E ite tatou i te oaoa rahi na roto i te tatarahaparaa i te mau mahana atoa.

Te tai'oraa i te papa'iraa mo'a

E hara paato'a tatou

Roma 3:23 1 Ioane 1:7–8

Tatarahapa

Alama 34:8–17 2 Korinetia 7:9–10
PH&PF 58:42–43 « Guides des écritures »,
PH&PF 61:2 « Repentance »

Te ora e te faaore-raa hara

Helamana 5:10–11

E titau te aroha i te tatarahapa

Alama 12:32–35 PH&PF 18:10–13
Alama 42:13, 21–24

Te mau nota

Te mau nota

Bapetizoraa, ta tatou fafauraa matamua

E faaineine te Faaroo ia Iesu Mesia e te tatarahapa ia tatou no te mau oro'a o te bapetizoraa e o te haamauraa. Te hoê oro'a, o te hoê ia peu mo'a o te faaite e te tomo nei tatou i roto i te hoê fafauraa e te Atua.

Ua titau tamau mai te Atua i Ta'na mau tamarii ia rave i te mau fafauraa. Te hoê fafauraa o te hoê ia taamuraa mo'a i rotopu i te Atua e i te taata nei. E fafau mai te Atua i te haamaitai ia tatou, e e fafau atu ia tatou i te haapa'o i Ta'na mau parau. Na te Atua e faataa i te mau tuuraa parau no te mau fafauraa o te evanelia, o ta tatou e farii e aore râ, e pato'i. Na roto i te faaturaraa i teie mau fafauraa e hopoi mai ia te reira i te mau haamaitairaa i roto i teie oraraa e i te faateiteiraa i roto i te oraraa e tae mai.



E tuu te mau fafauraa ia tatou i raro a'e i te hoê mau titauraa no te faahanahana i ta tatou mau fafauraa i te Atua. No te haapa'oraa i ta tatou mau fafauraa, e mea ti'a ia tatou ia vaiiho i te mau ohipa e aore râ, i te mau mea e hinaaro-roa-hia e o te faatea ia tatou ia ore tatou e faahanahana i taua mau fafauraa ra. Mai teie te huru, e vaiiho tatou i te haereraa fare toa e te mau faaoaoaraa o te mahana sabati ia nehenehe tatou ia faatura e ia haamo'a i te sabati. E mea ti'a ia hiaai tatou i te rave i te oro'a tei horo'ahia mai e te Atua ma te ti'amâ e ma te tutava i te haapa'oraa i te reira. E faahaamana'o mai ta tatou mau fafauraa ia tatou ia tatarahapa i te mau mahana atoa o to tatou oraraa. Na roto i te haapa'oraa i te mau faaueraa e i te taviniraa ia vetahi ê, e farii e e tape'a ia tatou i te faaore-raa o ta tatou mau hara.

E ravehia te mau fafauraa na roto i te mau oro'a mo'a, mai te bapetizoraa. E ravehia teie mau oro'a e te mana o te autahu'araa. Na roto i te oro'a o te bapetizoraa, e fafau tatou i te rave i ni'a ia tatou te i'oa o Iesu Mesia, e i te haamana'o â Ia'na, e i te haapa'o maitai i Ta'na mau faaueraa. Ia haapa'o tatou i ta tatou tuhaa o te fafauraa, e fafau mai ia te Atua i te tonono mai i te Varua Maitai ei hoa tamau no tatou, i te faaoreraa i ta tatou mau hara, e ia fanau-faahou-hia.

Na roto i te mau oro'a mo'a, mai te bapetizoraa e te haamauraa, e haapii tatou e e ite tatou i te mana o te Atua (a hi'o PH&PF 84:20). Ua haapii Iesu e, e mea ti'a ia bapetizohia tatou na roto i te utuhiraa no te tamâraa e aore râ, no te haamatararaa o ta tatou mau hara. E oro'a faufaa te bapetizoraa no te faaoraraa. Aita te hoê taata e tae i te basileia o te Atua maori râ, na roto i te bapetizoraa. Ua faaite mai te Mesia ia tatou i te hoho'a no te bapetizoraa.

E tapa'o te bapetizoraa utuhi no te pohe, te tanuraa, e te ti'a-faahou-raa o te Faora. Hoê â'toa ia huru e te hopearaa o to tatou oraraa tahito o te hara e te hoê fafauraa no te ora i te hoê oraraa apî ei pîpî na te Mesia. Ua haapii te Faora e, ua riro te bapetizoraa ei fanau-raa-apî. Ia bapetizohia tatou, e haamata ia te faanahoraa no te fanau-faahou-raa e te riroraa ei mau tamaroa e ei mau tamahine varua na te Mesia (a hi'o Mosie 5:7-8 ; Roma 8:14-17).

E mea ti'a ia tatou ia bapetizohia no te riroraa ei mau melo no te Ekalesia i faaho'i-faahou-hia mai, Te Ekalesia a Iesu Mesia i te Feia Mo'a i te Mau Mahana Hopea Nei, e ia tomo i roto i te basileia o te ao ra. E ture teie oro'a na te Atua e e mea ti'a ia ravehia

e To'na mana. E mea ti'a i te episekopo e aore râ, i te peresideni misioni ia horo'a i te hoê taata o te mau ra i te autahu'araa ia rave i te bapetizoraa e aore râ, i te haamauraa.

Aita e titauhia te bapetizoraa no te mau tamarii rii ua faaorahia ratou na roto i te aroha o Iesu Mesia (a hi'o Moroni 8:4–24). Aita ratou e bapetizohia e tae roa'tu e ua rae'ahia te matahiti no te amuraa i te hopoi'a oia ho'i i te va'u o te matahiti (a hi'o PH&PF 68:27).

Hou te bapetizoraa, e faaite tatou i to tatou hinaaro mau i te tomo i roto i te hoê fafauraa no te haapa'oraa i te mau faaueraa no te toe'a o to tatou oraraa. I muri mai i te bapetizoraa, e faaite tatou i to tatou faaroo na roto i te haapa'oraa i ta tatou mau fafauraa. E faaapî tamau tatou i te mau fafauraa o ta tatou i rave i to tatou bapetizoraa-hia na roto i te raveraa i te oro'a. Te raveraa i te oro'a i te mau hebedoma'toa o te hoê ia faaueraa. E tauturu te reira ia tatou ia vai ti'amâ noa no te farii-tamau-raa i te Varua. E faahaamana'oraa hebedoma te reira ia tatou i ta tatou mau fafauraa. Na Iesu Mesia i horo'a i teie oro'a i Ta'na mau Aposetolo hou Ta'na taraehara. Ua faaho'i-faahou mai Oia i te reira na roto i te peropheta Iosepha Semita. Ua faaue te Faaora i te mau taata o tei mau i te autahu'araa ia faatere i te oro'a no te haamana'oraa i To'na tino e i To'na toto, o tei faatahehia no tatou. Na roto i te rave-ti'amâ-raa i te oro'a e fafau ia tatou i te haamana'o i Ta'na tusia, e faaapî tatou i ta tatou mau fafauraa, e e farii faahou tatou i te fafauraa e, e vai tamau noa mai te Varua i roto ia tatou.

Hou te bapetizoraa

« A haapapû e ua faatupu te [feia imi] i te faaroo i te Mesia, ua tatarahapa i ta ratou mau hape, e ua rave i te mau tauiraa i roto i to ratou oraraa no te mau mea i titauhia i roto i Te Mau Parau Haapii e te Mau Parau Fafau 20:37. E mea ti'a i te feia imi ia ora i te mau parau tumu no te vai ti'amâraa i te pae morare, i te Ture no te Parau Paari, e ia fafau i te aufau i te tuhaa ahuru. Mai te mea ua mana'o te mau misionare i te hoê faaineineraa hau atu, e mea ti'a ia faataimehia te bapetizoraa e tae atu i te taima ua ineine te feia imi i te mau mea i titauhia.

« Hou te bapetizoraa, e mea ti'a i te feia imi tata'itahi ia farii i te mau [haapiiraa] atoa a te mau misionare, ia farerei i te episekopo e aore râ, i te peresideni amaa, e ia haere i te mau pureraa oro'a e rave rahi » (« Faataaraa parau no ni'a i te ohipa misionare » , rata na te Peresideniraa Matamua o te 11 no titema 2002).

Te tai'oraa i te papa'iraa mo'a

Te hi'oraa o te Mesia

2 Nephi 31:4–18 Mataio 3:13–17

Te fafauraa o te bapetizoraa

Mosia 5:8–10 PH&PF 20:37
Mosia 18:8–10

Te mau titauraa no te bapetizoraa

2 Nephi 9:23 Moroni 6:1–4
Mosia 18:8–10 PH&PF 20:37
Alama 7:14–15 Te Ohipa 2:37–39
3 Nephi 11:23–27

Na te Fatu i haamau i te oro'a mo'a

3 Nephi 18:1–18 Luka 22:15–20

Te mau haamaitairaa o te bapetizoraa i fafauhia mai

Mosia 4:11–12, 26 Ioane 3:5
Moroni 8:25–26 Roma 6:4

Te mau pure o te oro'a mo'a

Moroni 4 e te 5 PH&PF 20:75–79

Te raveraa i te oro'a mo'a

PH&PF 27:2 1 Korinetia 11:23–29

Te faufaa o te mana

PH&PF 22 Hebera 5:4

Te mau nota

Te mau nota

Te horo'a o te Varua Maitai

Ua haapii Iesu e e mea ti'a ia tatou ia baptizohia i te pape e i te Varua atoa. E mea ti'a te baptizoraa ia apeeia e te baptizoraa o te Varua, ia ore ana'e, aita ia i ti'a. Na roto ana'e i te fariiraa tatou i te baptizoraa e te horo'araa o te Varua Maitai, e farii ai tatou i te faaoreraa o ta tatou mau hara e ia fanau apî-hia i te varua. I reira tatou e haamata ai i te hoê oraraa varua apî ei pîpî na te Mesia.

Ia oti te hoê taata i te baptizohia i te pape, e tuu hoê taata, e aore ra, hau atu, o tei mau i te autahu'araa, i to ratou mau rima i ni'a i te upoo o taua taata ra, e e haamau ia'na ia riro ei melo no Te Ekalesia a Iesu Mesia i te Feia Mo'a i te Mau Mahana Hopea Nei. I muri iho, e horo'a ratou i te horo'a o te Varua Maitai.

Te feia o tei farii i te horo'a o te Varua Maitai e ua vai ti'amâ noa, e faarii ia ratou i Ta'na faahoaraa i roto i to ratou oraraa. E haamo'ahia tatou, e tamâhia tatou na roto i te Varua Maitai. E faaite papû mai te Varua Maitai no te Mesia e e tauturu ia tatou ia ite i te parau-mau. E hopoi mai Oia i te puai varua e e tauturu ia tatou ia rave i te maitai. E tamahanahana Oia ia tatou i roto i te mau taime no te tamataraa e aore râ, no te oto. E faaara Oia ia tatou i te mau ati o te pae varua e aore râ, o te pae tino. E horo'a mai te Varua Maitai i te puai e na roto atu i te reira tatou e haapii atu ai e e ite ai. Ua riro te horo'a o te Varua Maitai ei hoê horo'a faahiahia roa'e a to tatou Metua i te Ao ra. Na roto i te mana o te Varua Maitai tatou e ite ai i te here o te Atua e i te arata'iraa no tatou. E tuhaa teie horo'a no te oaoa mure ore e te hoê fafau no te ora mure ore.

Na te mana o te autahu'araa e rave i teie nei oro'a, o tei mo'e na e rave rahi tenetere i ma'iri a'e nei na roto i te taivaraa rahi, e o tei faaho'i-hia mai na roto i te peropheta Iosepha Semita. Na roto i te riroraa ei melo no te Ekalesia e farii ai te hoê taata i te horo'a o te Varua Maitai. Na teie mana i faataa-ê i te Ekalesia nei i te tahi atu mau haapa'oraa o te ao nei. Na roto i te parau a te Fatu iho e, o teie « te Ekalesia parau-ti'a ana'e e te mea ora i ni'a i te ao paato'a nei » (PH&PF 1:30).

Te arata'iraa a te Varua Maitai

A faaite i te feia o ta oe e haapii ra e e pato'i satane i te Atua e e ume i te taata ia rave i te hara. No te tape'araa i te mau mana'o maitata'i o ta ratou i farii a amui ai ratou e te mau misionare, e mea ti'a ia ratou ia tai'o i te Buka a Moromona, ia pure, ia haere i te pureraa, e ia haapa'o i te mau faaueraa. A faaite e, te farii-tamau-raa i te arata'iraa a te Varua Maitai o te faufaa ia e roaa na roto i te baptizoraa e te haamauraa.

Te tai'oraa i te papa'iraa mo'a

Te naturaraa o te Varua Maitai

PH&PF 130:22–23 Ioane 3:1–8	Galatia 5:22–23	« Guide des écritures », « Saint-Esprit »
--------------------------------	-----------------	--

Te mau haamaitairaa e te faauraa a te Varua Maitai

2 Nephi 33:1–2 2 Nephi 32:1–5	Mose 6:61 Ioane 14:26	« Guide des écritures », « Saint-Esprit, Consolateur » e « Saint-Esprit, Dons de »
----------------------------------	--------------------------	--

Te faufaa o te horo'a o te Varua Maitai

2 Nephi 31:11–12, 18, 21 3 Nephi 18:36–37 3 Nephi 19:13	3 Nephi 27:19–20 PH&PF 19:31	PH&PF 27:19–20 Te Ohipa 19:1–6
---	---------------------------------	-----------------------------------

Tape'a e tae noa'tu i te hopea

Ia tomo tatou na te e'a afaro e te piriha'o na roto i te Faaroo ia Iesu Mesia, i te tatarahapa e i te mau oro'a o te bapetizo e o te tuuraa rima, e mea ti'a ia tatou ia tutava maite no te faae meta i ni'a i te e'a. E na reira tatou na roto i te faaohiparaa i te Faaroo ia Iesu Mesia, te tatarahaparaa, te raveraa i te mau fafauraa e te peeraa i te Varua.

Ia faaore ana'ehia ta tatou mau hara, e mea ti'a ia tatou ia tamata i te faaea hara ore noa ia nehenehe i te Varua Maitai ia vai noa i roto ia tatou. I roto i te fafauraa o te bapetizoraa, e fafau tatou i to tatou Metua i te Ao ra e, e haapa'o tatou i Ta'na mau faaueraa no te toe'a o to tatou oraraa. Mai te mea e hape tatou, e mea ti'a ia tatarahapa no te tape' meta mai i te mau haamaitairaa o te fafauraa. E fafau tatou i te rave i te mau ohipa maitai, ia tavini ia vetahi e, e ia pee i te hoho'a o te Faaora. I roto i te mau papa' meta mo'a e faahiti-pinepinehia teie nei fafauraa no te ho'e oraraa taato'a e o « te tape'a ho'i e tae noa'tu i te hopea. »

Na roto i te peeraa i te e'a o te evanelia, te faafatata ra ia tatou i te Atua, te reraa i te faahemaraa e te hara, e te oaoa-rahi-atu a i te horo'a o te Varua Maitai. A pee ai tatou ma te faa'oroma'i, ma te faaroo, ma te pato'i-ore i teie e'a i roto i to tatou oraraa, ua ineine ia tatou no te oraraa mure ore.

Ua riro te faaroo i te Mesia ; te tatarahapa ; te raveraa, te faaap meta, e te haapa' meta i te mau fafauraa ; e i te tam meta-raa-hia e te Varua ei hoho'a no te oraraa. Ua hamanihia, e ua faaterehia te mau ohipa o to tatou oraraa o te mau mahana atoa e teie mau parau tumu. E roaa te hau e te oaoa na roto i te peeraa i teie e'a, ma te tupu maiteraa i roto i te mau ateributi o te huru Mesia. No reira a pee ai tatou i teie e'a ma te « haere ti'atu outou i mua i te ti'a-maite-raa i te Mesia... ma te tape'a ho'i e tae noa'tu i te hopea ra » , ua fafauhia ia tatou e, « e ora mure ore to outou i reira ra » (2 Nephi 31:20).

Te tai' meta i te papa' meta mo'a

Tape'a e tae noa'tu i te hopea

2 Nephi 9:24

2 Nephi 31:14–20

Mataio 10:22

3 Nephi 27:16–17

Te mau haamaitairaa no te feia o te faa'oroma'i e tae noa'tu i te hopea

1 Nephi 13:37

3 Nephi 15:9

PH&PF 14:7

Aniraa ia bapetizohia

Te aniraa ia bapetizohia e ia haamauhia e mea ti'a ia ia ui afarohia: E hinaaro anei oe i te pee ite hi' meta o Iesu Mesia e ia bapetizohia e te ho'e taata tei mau i te mana no te autahu' meta o te Atua ? E tupu ta matou bapetizoraa i te [tai' meta mahana]. E faaineine anei oe ia oe iho ia bapetizohia i taua tai' meta mahana ra ? »

Te mau nota

Te mau nota

Te mau mana’o no te haapii atu

Te vaira i roto i teie tuhaa te mau mana’o o ta oe e nehenehe e faaineine no te haapii i teie nei haapiiraa. A pee i te Varua na roto i te pure a opua’i oe i te faaohipa i teie mau mana’o. A faaarava’i atu i te mau mana’o o ta oe i ma’iti no ta oe faanahoraa haapiiraa. A tape’a i roto i te feruriraa e e mau mana’o tauturu noa teie—e ere rā i te mau titauraa—no te tauturu ia oe ia ite i te mau hinaaro o te feia o ta oe e haapii atu.

Faanahoraa haapiiraa poto (3–5 minuti)

Te evanelia a Iesu Mesia te e’a hoê roa e tae atu ai i te ora mure ore ra. Te mau parau tumu e te mau oro’a matamua o Ta’na evanelia o te faaroo ia ia Iesu Mesia, te tatarahapa, te baptizoraa utuhi no te matararaa o te mau hara, e te horo’araa i te Varua Maitai. I reira ia tatou e tape’a ai e tae noa’tu i te hopea. Na roto i te haapa’oraa i teie mau parau tumu i roto i to tatou oraraa, te pee-ra ia tatou i te hoho’a o te Faaora, te haapiiraa i te ora i Ta’na mau faaueraa, e i te faatupuraa i te mau ateributi o te huru Mesia. E nehenehe ta tatou mau hara e faaorehia, e e nehenehe tatou e ho’i faahou e ora i pihaiho i to tatou Metua i te Ao ra.

- Na roto i te Mesia tatou e tamâhia’i ta tatou mau hara
- Faaroo i roto ia Mesia
- Tatarahapa
- Baptizoraa, ta tatou fafauraa matamua
- Te horo’a o te Varua Maitai
- Tape’a e tae noa’tu i te hopea ra

Mau fafauraa

- E hinaaro anei oe ia faatupu noa i te Faaroo ia Iesu Mesia na roto i te tai’o-tamau-raa i Ta’na evanelia ?
- E tatarahapa e e pure anei oe ia faaorehia te mau hara ?
- E hinaaro anei oe ia baptizohia ia riro ei melo no te Ekalesia a Iesu Mesia i te Feia Mo’a i te Mau Mahana Hopea Nei i te (tai’o mahana). E hinaaro anei oe ia haamauhia e ia farii i te horo’a o te Varua Maitai ?
- E haere anei oe i te pureraa na muri ia maua i teie sabati ?
- E faanaho tatou i ta tatou farereiraa i muri nei ?
- Te mau faaueraa no te haapiiraa 4 o ta oe e ma’iti no te faaô mai.

Faanahoraa haapiiraa poto rii (10–15 minuti)

E parau poro’i ta matou no te faaroo e no te ti’aturi. Te here e te haamori nei tatou ia Iesu Mesia. O Oia te niu no te opuaraa a te Atua no to tatou oaoa. Na roto i te taraehara a te Mesia e ti’a’i ia tatou ia farii i te ora mure ore i pihaiho i te Atua. A ora’i tatou i Ta’na evanelia, e faaore Oia i ta tatou mau hara na roto i te aroha. E faaora Oia ia tatou e e mono Oia i ta tatou mau hape e to tatou mau haama i te oaoa i roto i teie oraraa.

E mea ohie te evanelia a Iesu Mesia. E haamata na roto i te faaroo i te Mesia. E ti’aturi tatou la’na. E arata’i taua faaroo ra i te tatarahapa—no te faaoreraa i te rave i te mau mea ino e i te tamauraa i te rave i te mau mea maitai. Na to tatou faaroo i roto la’na e faatupu atoa i te here na roto i te

Te mau nota

haapa'oraa i Ta'na mau faaueraa, oia'toa te baptizoraa. I muri mai i te baptizoraa, e fafau Oia i te horo'a mai i te horo'a o te Varua Maitai. Na te Varua Maitai e arata'i ia tatou, e tamahanahana ia tatou, e e tauturu ia tatou ia ite i te parau-mau. E ite tatou i roto i to tatou aau e i to tatou feruriraa e tei roto te Varua Maitai ia tatou. E ite tatou i te hau, te here, e te oaoa. E hinaaro tatou i te tavini ia vetahi ê. E tutava tatou i roto i to tatou oraraa i te faaanaatae i te Fatu.

Ua faaho'i mai Iesu Mesia i Ta'na evanelia na roto i te hoê peropheta i te mau mahana hopea nei. Ua haapii tatou no ni'a i te evanelia i roto i te Buka a Moromona, o ta oe e tai'o, e feruri hohonu, e e pure no te reira. E faaite te Atua ia oe i te parau mau na roto i te mana o te Varua Maitai. Ia ite oe i te parau-mau, e hinaaro roa oe i te tatarahapa e ia baptizohia ia nehenehe oe e farii i te faaoreraa o ta oe mau hara e i te horo'a o te Varua Maitai.

Mau fafauraa

- E hinaaro anei oe ia faatupu noa i te Faaroo ia Iesu Mesia na roto i te tai'o-tamau-raa i Ta'na evanelia ?
- E tatarahapa e e pure anei oe ia faaorehia te mau hara ?
- E hinaaro anei oe ia baptizohia ia riro ei melo no te Ekalesia a Iesu Mesia i te Feia Mo'a i te Mau Mahana Hopea Nei i te (tai'o mahana) E hinaaro anei oe ia haamauhia e ia farii i te horo'a o te Varua Maitai ?
- E haere anei oe i te pureraa na muri ia maua i teie sabati ?
- E faanaho tatou i ta tatou farereiraa i muri nei ?
- Te mau faueraa no te haapiiraa 4 o ta oe e ma'iti no te faaô mai.

Faanahoraa haapiiraa taato'a (30–45 minuti)

- Na roto i te Mesia e tamâhia'i ta tatou mau hara
 - Ua tono mai te Atua i Ta'na Tamaiti Here, o Iesu Mesia, i te ao nei (a hi'o loane 3:16–17).
 - E mea na roto noa i te maitai e te aroha o te Mesia e tamâhia ai tatou i te hara (a hi'o 2 Nephi 2:6–8).
 - E hopoi'a na tatou i te fariiraa i te Mesia, te tatarahapa, e te haapa'oraa.
- Faaroo ia Iesu Mesia
 - E ti'aturi tatou i te Mesia ei Faaora no to te ao nei.
 - Ua hinaaro Oia ia tatou ia farii e ia pee i Ta'na mau haapiiraa.
 - E farii tatou i te mau haamaitairaa ia haapa'o ana'e tatou (a hi'o PH&PF 130:20–21).
- Tatarahapa
 - E arata'i te faaroo i te Mesia i te tatarahapa (a hi'o Alama 34).
 - E oto tatou na roto i te faaroo (a hi'o 2 Korinetia 7:9–10).

Te mau nota

- E faaea tatou i te rave i te ino e tamau râ i te rave i te maitai.
- E fâ'i tatou i ta tatou mau hara, e e fâ'i tatou i te mau hara rahi i te feia faatere o te Ekalesia, o te tauturu ia tatou ia tatarahapa (a hi'o PH&PF 58:43).
- E farii tatou i te faaoreraa hara ; e e monohia te hara e te oto e te hau (a hi'o Alama 36:17–21).
- Bapetizoraa, ta tatou fafauraa matamua
 - E peu mo'a te hoê oro'a na roto i te reira tatou e nehenehe ai ia rave i te mau fafauraa e te Atua.
 - E faaauraa mo'a te hoê fafauraa i rotopu i te Atua e Ta'na mau tamarii.
 - E hopoi mai te mau fafauraa i te mau haamaitairaa.
 - E bapetizo-utuhi-hia tatou no te haamatararaa i te mau hara (a hi'o Te mau hiro'a faaroo 1:4).
 - Ia bapetizohia tatou, e haamata tatou i te hoê oraraa apî no te fafauraa i te Mesia (a hi'o Roma 6:3–8).
 - E ravehia te bapetizoraa e te hoê o tei mau i te mana o te autahu'araa.
 - E faaapî tatou i ta tatou mau fafauraa na roto i te raveraa i te oro'a i te mau hebedoma atoa (PH&PF 20:77, 79).
- Te horo'a o te Varua Maitai
 - I muri a'e i te bapetizoraa utuhi o te bapetizoraa Varua ia ; eita raua e taa.
 - E horo'a te mau taata e mau ra i te autahu'araa i te horo'a o te Varua Maitai na roto i te tuuraa rima.
 - E haapii te Varua Maitai, e tamâ, e tamahanahana, e haapapû i te parau mau, e faaara, e e arata'i ia tatou (a hi'o 2 Nephi 32:1–5 ; Mosia 5:1–6 ; Moroni 10:5 ; PH&PF 36:2).
- Tape'a e tae noa'tu i te hopea ra
 - E mea ti'a ia haere tamau noa tatou na te e'a ti'a ia oti a'e tatou i te bapetizohia e i te haamauhia.
 - E tamata tatou i te faatea i te hara ia nehenehe tatou ia oaoa i te horo'a o te Varua Maitai.
 - Na roto i te pee maiteraa i te e'a o te evanelia o te faaroo, te tatarahapa, te raveraa e te haapa'oraa i te mau fafauraa, e te fariiraa i te Varua Maitai, e roaa ia te mau mea i titauhia ia tatou no te ora mure ore (a hi'o 2 Nephi 31:14–20).
 - E mea ti'a ia tamau noa tatou i te tatarahapa i roto i to tatou oraraa (a hi'o PH&PF 19:15–20).

Mau fafauraa

- E hinaaro anei oe ia faatupu noa i te Faaroo ia Iesu Mesia na roto i te tai'o-tamau-raa i Ta'na evanelia ?
- E tatarahapa e e pure anei oe ia faaorehia te mau hara ?

Te mau nota

- E hinaaro anei oe ia baptizohia ia riro ei melo no te Ekalesia a Iesu Mesia i te Feia Mo'a i te Mau Mahana Hopea Nei i te (tai'o mahana) ? E hinaaro anei oe ia haamauhia e ia farii i te horo'a o te Varua Maitai ?
- E haere anei oe i te pureraa na muri ia maua i teie sabati ?
- E faanaho tatou i ta tatou farereiraa i muri nei ?
- Te mau faaueraa no te haapiiraa 4 o ta oe e ma'iti no te faa'o mai.

Te mau uiraa e tano ia ui i muri mai i ta oe haapiiraa

- Eaha ta oe mau uiraa no ni'a i te mau mea o ta maua i hapii iho nei ?
- Eaha te auraa o te parau e tatarahapa ?
- No te aha te horo'a o te Varua Maitai i riro ai ei tuhaa faufaa no te evanelia ?
- No te aha e mea faufaa ia baptizohia outou e ia farii i te horo'a o te Varua Maitai ?
- Te vaira anei te ho'e mea no ni'a i te mau putuputuraa o ta matou Ekalesia o ta oe i ore e maramarama ?
- Eaha te mea o ta oe i oaoa no ni'a i ta matou mau putuputuraa no te Ekalesia ?

Te mau tumu faufaa

- **Aroha:** Te varua o te aroha, te maitai, e te faaoreraa hara. Ua riro te aroha ei ho'e o te mau ateributi o te Atua. Ua p'up'u mai Iesu Mesia i te aroha ia tatou na roto i Ta'na tusia taraehara mai te mea e tatarahapa tatou.
- **Evanelia:** E tupu te Opuaraa no te ora a te Atua na roto i te taraehara a Iesu Mesia. Tei roto i te evanelia te parau-mau mure ore e aore r'a, te mau ture, te mau fafauraa, e te mau oro'a e hinaarohia no te taata nei ia ho'i faahou i pihaiho i te Atua.
- **Faaho'iraa:** Te faaho'iraa i te ho'e mea o tei rave-e-hia na e aore r'a, o tei mo'e na.
- **Fafauraa:** O te ho'e ia faaauraa i rotopu i te Atua e Ta'na mau tamarii. Aita r'a tatou i aifaifo i roto i teie faaauraa. Na te Atua e horo'a i te mau titauraa o te fafauraa, na tatou ia e farii i te mea o Ta'na e ani ia tatou ia rave. I reira te Atua e fafau mai ai ia tatou te tahi mau haamaitairaa ia au i to tatou haapa'o. E farii tatou i te mau oro'a na roto i te fafauraa. Ia rave tatou i taua mau fafauraa ra, e fafau ia tatou i te faatura i te reira. Mai teie te huru, e fafau te mau melo o te Ekalesia i te Fatu i te taima o te baptizoraa e e faaapi i taua mau fafauraa ra na roto i te raveraa i te oro'a. E rave atu a tatou i te mau fafauraa i roto i te hiero. E feia fafau te mau taata o te Fatu. E haamaitai-rahi-hia'tu a tatou ia haapa'o tatou i ta tatou mau fafauraa i te Fatu.
- **Haamauraa:** O te tuuraa rima ia o te feia e mau ra i te Autahu'araa a Melehizedeka ia nehenehe e riro ei melo no te Ekalesia e ia horo'a i te horo'a o te Varua Maitai.
- **Maitai:** Na te mana o Iesu Mesia i faarii ai tatou i te mau haamatairaa i roto i teie oraraa e ia farii i te ora mure ore e i te faateiteiraa i muri mai i to tatou faaiteraa i te faaroo, i te tatarahapa, e ia tutava hau atu a tatou i te haapa'oraa i te mau faaueraa. E horo'ahia taua tautururaa e aore r'a, taua puai ra na roto i te aroha e te here o Iesu Mesia. E hinaaro tatou paato'a i te aroha mo'a no te Hi'araa o Adamu e no to tatou atoa paruparu.

Te mau nota


- **Ora mure ore:** la ora e a muri noa'tu ei mau utuafare i pihaiho i te Atua (a hi'o PH&PF 132:29–20). Te ora mure ore o te horo'a rahi atu â ia a te Atua i te taata nei.
- **Tape'a e tae noa'tu i te hopea ra:** Te haapa'o-tamau-raa ia i te mau faaueraa a te Atua noa'tu te faahemaraa, te pato'iraa, e te ino o te oraraa nei.

Te tahi atu mau parau e hinaarohia ei tatararaa no te feia o ta oe e haapii atu

- Fâ'i
- Faahemaraa
- Faaoreraa hara
- Mâ i te hara
- Oro'a mo'a
- Pure
- Te e'a afaro e te piriha'o

Te mau faaueraa

Te faaineineraa no te bapetizoraa e te haamauraa



Te haapiiraa i teie haapiiraa

E rave rahi mau rave'a no te haapii i te mau faaueraa e itehia i roto i teie haapiiraa. Mai teie te huru, e nehenehe oe e haapii i te tahi mau faaueraa na roto atu i teie haapiiraa ei tuhaa no na haapiiraa e toru e aore râ, e nehenehe e haapii e rave rahi mau faaueraa ei hoê a'e haapiiraa. Na te mea o ta oe e rave e faaoti i te mau hinaaro o te feia imi e i te arata'iraa a te Varua.

Faaineine no te haapii

Ta oe opuaraa a haapii ai oe i te mau faaueraa o te tautururaa ia i te mau taata ia ora i te evanelia na roto i te faaohiparaa i te Faaroo ia Iesu Mesia e i te tatarahaparaa a faaineine ai ratou no te bapetizoraa e te haamauraa. Na roto i te haapa'oraa i te mau faaueraa, e tupu ai te mau taata i roto i to ratou iteraa papû no te evanelia, ma te faaite e « e aau tae e te Varua mārû », to ratou e ua tatarahapa mau â i ta ratou mau hara atoa (a hi'o Moroni 6:1-4 ; PH&PF 20:37).

E mea huru-ê-rii te faaineineraa o teie haapiiraa i na haapiiraa matamua e toru. E tatara na haapiiraa matamua e toru i te niu haapiiraa o te evanelia a Iesu Mesia. E faataa taa-ê teie haapiiraa i te mau faaueraa o ta te Atua i horo'a no te tautururaa ia tatou ia faaohipa i te mau parau tumu i roto i to tatou nei oraraa.

E rave rahi mau rave'a ia haapii atu i teie haapiiraa. Na te mea o ta oe e rave e faaoti i te mau hinaaro o te feia imi e i te arata'iraa a te Varua. A feruri e a pure tamau no ni'a i te huru o te tauturu e tano i te feia imi ia ora i te evanelia. A faaô atu i teie mau mana'o:

- Te haapiiraa i te hoê e aore râ, hau atu, mau faaueraa ei tuhaa no na haapiiraa matamua e toru. A rave ai i te reira, a faaau i te parau tumu i haapiihia i roto i te Alama 12:32: « i horo'a mai ai Oia i te mau faaue ia ratou ra, *i muri mai* i to te Atua faaiteraa i te rave'a ora ia ratou » (e mea faahauhia te papa'iraa hipa). E nehenehe vetahi mau faaueraa, mai te pure e te tai'oraa i te mau papa'iraa mo'a, e haapii-maitai-hia ei tuhaa no na haapiiraa matamua e toru. Vetahi mau faaueraa e mea maitai ia ia haapiihia i muri mai i ta oe hohoraraa i te niu haapiiraa o te evanelia e itehia i roto i na haapiiraa matamua e toru.

Te mau nota

Te mau nota

- Te haapiiraa e piti e aore râ, e toru mau faaueraa ei haapiiraa hoê roa.
- Te haapiiraa i te hoê faaueraa ei haapiiraa.
- Te haapiiraa i te mau faaueraa i roto i te parau tumu o te evanelia. A hi'opo'a vitiviti noa i te haapiiraa no te evanelia a Iesu Mesia hou a haapii ai hoê e aore râ, hau atu mau faaueraa. A rave ai oe i te reira, e tauturu ia oe i te feia imi ia ite e nahea râ te mau faaueraa e ô mai ai i roto i te hi'oraa e nahea ia faaohipa i te faaroo i roto i te Faaora e i te tatarahapa no te faaineine no te baptizoraa e te haamauraa. E haamaitahia to ratou oraraa a faaairo ai ratou i te evanelia a Iesu Mesia ei hoho'a no to ratou oraraa.

E nehenehe oe e haapii i te tahi feia imi i roto noa i te tahi tau farereiraa ; no te tahi atu pae, e rahi atu ia te mau farereiraa e titauhia. E nehenehe oe e haapii i te mau haapiiraa na roto i te hoê rave'a maitai e nehenehe ai oe e tauturu i te mau taata ia faaineine ia ratou no to ratou baptizoraa e te haamauraa. E ere ta oe opuaraa i te faaoti-noa-raa i te haapiiraa ; no te tauturu râ i te mau taata ia haere mai i te Mesia na roto i te Faaroo ia Iesu Mesia, te tatarahapa, te baptizoraa, te fariiraa i te horo'a o te Varua Maitai, e te tape'araa e tae noa'tu i te hopea ra.

E mea varavara te hoê haapiiraa i te hau atu i te 45 minuti. E mana'o paha oe i te haapoto mai i te mau farereiraa haapiiraa. No reira, e titauhia ia oe ia haere pinepine e farerei e ia haapotopoto i te mau tuhaa o te haapiiraa.

Rave rahi mau raveraa no te haapii i teie haapiiraa. Eaha te faaueraa o ta oe e hinaaro i te haapii, ahea oe e haapii ai i te reira, eaha te maororaa o te taime o ta oe e rave no te haapii i te reira, tei te huru ia o te mau hinaaro o te feia imi, e tei te huru atoa te arata'iraa a te Varua.

A haapii no ni'a i te mau faaueraa e i te mau fafauraa

A tai'o ai oe i teie haapiiraa, a pee i te hoho'a i raro nei:

- A tai'o i te tuhaa o te tatara i te faaueraa e a papa'i i te hoê faanahoraa haapiiraa ohie ma te faataa e toru e tae atu e pae tumu.
- A horo'a i teie haapii e piti e aore râ, e toru a'e minuti i to oe hoa misionare. A haapii e nahea râ oe ia faatae i te ani-manihini-raa no ni'a i te fafauraa tata'itahi e nahea oe ia tatara i te mau mana'ona'oraa.
- A aparau i te mau rave'a e tano ia pee no ni'a i te faaueraa tata'itahi o te fariihia e te feia imi.

Haapa'o

Ua horo'a mai te Atua i te mau faaueraa no to tatou maitai. E mau parau tauturu te reira no ô mai i te hoê Metua here i te Ao ra ia oaoa to tatou oraraa. Ua horo'a'toa mai Oia ia tatou te ti'amâraa e aore râ, te fana'oraa ia ma'iti i rotopu i te maitai e i te ino. Ia haapa'o tatou i ta te Atua, te pee ra ia tatou i te faaururaa a te Varua ia ma'iti i te haapa'o i To'na hinaaro. E hopoi mai te haapa'o i te mau faaueraa i te hau i roto i teie oraraa e i te ora mure ore i roto i te ao e tae mai. E faaite te haapa'o i to tatou here no te Atua. E hopoi mai te haapa'o-ore i te oto.

Ua ite to tatou Metua i te Ao ra i to tatou paruparu e e faaoroma'i rahi To'na no tatou. E haamaitai Oia ia tatou a tutava'i tatou i te haapa'o i Ta'na mau faaueraa. Te titau mai nei Oia ia tatou ia haapa'o ia nehenehe Oia ia haamaitai ia tatou.

Te tai'oraa i te papa'iraa mo'a

Ti'amâraa

2 Nephi 2:26–29
Alama 12:31PH&PF 58:26–29
PH&PF 82:8–10

« Guide des écritures », « Agency »

Haapa'o

PH&PF 130:20–21

Ioane 14:15, 21

Koheteleta 12:13

Fafauraa

- E haapa'o anei oe i te mau ture a te Atua ?

Te mau nota

Pure pinepine

Ua ani mai te Atua ia tatou ia pure Ia'na. E nehenehe oe e pure i te mau taima atoa noa'tu eaha te vahi. Ua haapii mai te Fatu ia tatou ia tuturi e ia pure i te po'ipo'i e i te ahiahi, ia pure tata'i hoê e i pihaiho i to tatou mau utuafare. E faaroo mai to tatou Metua i te Ao ra e e pahono Oia i ta tatou mau pure. Na roto i te pure o te mau mahana tata'itahi e farii tatou i te arata'iraa hanahana e i te mau haamaitairaa. E mea ti'a ia pure tamau noa tatou ma te haehaa. E mea ti'a ia pure tatou « ma te aau tae », te auraa ra, to tatou ia fafauraa ia faaohipa i te pahonuraa e fariihia e tatou.

E pure tatou na roto i te faaroo i to tatou Metua i te Ao ra na roto i te i'oa o Iesu Mesia (a hi'o Mose 5:8). No te mea o Oia to tatou Metua e o tatou nei Ta'na mau tamarii, e pahono mai Oia i ta tatou mau pure. E haamata tatou i ta tatou mau pure na roto i te i'oa o to tatou Metua i te Ao ra. E faaoti ta tatou mau pure na roto i te faahitiraa e, « Na roto i te i'oa o Iesu Mesia, amene. »

I roto i te pure, e aparau tatou ma te parau-ti'a i to tatou Metua here i te Ao ra. E faaite tatou i to tatou aau mehara e te mauruuru no ta tatou mau haamaitairaa. E nehenehe atoa tatou e faaite i to tatou here Ia'na. E ani tatou i te tauturu, i te paruru, e i te arata'iraa e au i to tatou mau hinaaro.

A pure ai tatou ma te faaroo, ma te parau-ti'a, ma te aau tae, e ite tatou i te faaururaa a te Atua i roto i to tatou oraraa. E arata'i Oia ia tatou i roto i to tatou oraraa e e tauturu ia tatou i te raveraa i te mau opuaraa maitai. E haamaitai Oia ia tatou ia ite i te tamahanahanaraa e i te hau. E faaara mai Oia ia tatou i te mau fifi e e haapuai Oia ia tatou ia pato'i i te faahemaraa. E faaore Oia i ta tatou mau hara. E ite tatou e, ua fatata'tu tatou Ia'na. E mea ti'a ia haapii tatou i te ite i Ta'na faaururaa i roto i to tatou oraraa. E mea ti'a ia haapii tatou i te faaroo i te reo iti e te ha'iha'i o te Varua.

E ite tatou e te haapii mai nei te Varua Maitai ia tatou i te parau-mau. E faa'ihia to tatou mau feruriraa i te mau mana'o faauru e te teitei. E haamaramaramahia tatou e aore râ, e horo'ahia mai te ite apî ia tatou. E farii tatou i te hau, te oaoa, e te here i roto i to tatou aau. E hinaaro tatou i te rave i te maitai e ia riro ei tauturu no vetahi ê. E mea fifi ia tatara i te auraa o teie mau iteraa area râ, e ite tatou ia tae mai te reira.

Te tai'oraa i te papa'iraa mo'a

2 Nephi 32:8–9
Enosa 1:1–12
Alama 34:17–28
Moroni 10:3–5PH&PF 6:22–23
PH&PF 8:2–3
PH&PF 9:7–9PH&PF 19:28
1 Te Mau Arii 19:11–12
« Guide des écritures », « Prière »

Te mau nota

Fafauraa

- E tuturi anei oe iho e e pure i te mau mahana atoa e ei utuafare ?

Tai'o i te papa'iraa mo'a

E mau papa'iraa te mau papa'iraa mo'a no te mau ohipa o ta te Atua i rave e Ta'na mau tamarii mai tei papa'ihia e te mau peropheta i raro a'e i te faaururaa a te Varua Maitai. E faaite tatou i to tatou faaroo na roto i te haapiiraa, te ti'aturiraa, e te haapa'oraa i te mau parau a te Atua i heheuhia mai. E imi haehaa noa tatou i te mau papa'iraa mo'a ia maramarama i te parau mau. E poupou tatou i te reira no te mea e iriti te mau papa'iraa mo'a i te uputa o te heheuraa ma te faaite ia tatou i te mau mea o ta tatou e hinaaro i te rave e ia riro mai te reira te huru. E imi tatou i roto i te mau papa'iraa mo'a no te haapii no ni'a ia Iesu Mesia e i Ta'na evanelia. Te Faaroo ia Iesu Mesia o te horo'a ia no ô mai i te Atua e e roaa te reira na roto i te haapiiraa e i te oraraa i Ta'na parau e i Ta'na evanelia. Te mau papa'iraa mo'a a te Ekalesia i haamanahia, e parau atoahia ia e, te mau buka tumu a te Ekalesia, o te Bibilia, te Buka a Moromona, te Mau Parau Haapii e te Mau Parau Fafau e te Buka Poe Tao'a Rahi. E mea ti'a ia tai'o tatou i teie mau buka i te mau mahana atoa.

Te tai'oraa i te papa'iraa mo'a

1 Nephi 19:22–23	2 Nephi 31:19–20	Ioane 20:31
2 Nephi 9:50–51	2 Nephi 32:3–5	2 Timoteo 3: 14–17
2 Nephi 25:26	Alama 32:28–30	2 Petero 1:20–21
2 Nephi 29:1–13	Ioane 5:39	

Fafauraa

- E tai'o anei oe iho e te utuafare i te mau papa'iraa mo'a i te mau mahana atoa ?

Te haamo'araa i te mahana sabati

E hoho'a te faaturaraa i te mahana sabati no ta tatou fafauraa i te faahanahana e i te haamori i te Atua. Na roto i te haamo'araa i te mahana sabati, te faaite ra ia tatou i te Atua i to tatou hinaaro i te haapa'o i ta tatou mau fafauraa. I te mau mahana sabati atoa, e haere tatou i te fare o te Fatu no te haamori Ia'na. Ia tae tatou i reira, e rave tatou i te oro'a mo'a no te haamana'oraa ia Iesu Mesia e i Ta'na taraehara. E faaapî tatou i ta tatou mau fafauraa e e faaite tatou e te hinaaro nei tatou i te tatarahapa i ta tatou mau hara e i ta tatou mau hape.

I taua mahana ra, e oaoa tatou ia faafaatea i ta tatou mau ohipa. A haere ai tatou i te mau pureraa a te Ekalesia e ia haamori amui, e haapuai ia tatou te tahi i te tahi. E faaapîhia to tatou amuiraa e te mau hoa e te utuafare. E haapuaihia to tatou faaroo a tai'o ai tatou i te mau papa'iraa mo'a e a haapii hau atu ai tatou i te evanelia i faaho'i-faahou-hia mai.

A haapa'o ai te hoê amuiraa e aore râ, te hoê nunaa i te mau ohiparaa i te mahana sabati, e paruparu to'na oraraa Ekalesia e e riro to'na oraraa i te hoê oraraa pato'i. E morohi ê te mau haamaitairaa i faataahia no te oreraa e haamo'a i te mahana sabati. E mea ti'a ia faaore tatou i te haere i te fare toa i te mahana sabati e i te amui atoa'itu i roto i te mau ohipa hoohooraa e tu'aro o te faatura ore nei i te mahana sabati.

E mea ti'a i te Feia Mo'a i te Mau Mahana Hopea Nei ia faataa i teie mahana mo'a i te mau ohiparaa faaoaoa na roto i te tomoraa i roto i te varua haamori, te haamauruururaa, te taviniraa, e i te raveraa i te mau ohipa e tano na te utuafare i te mahana sabati. Mai te mea e faatu'ati te mau melo o te Ekalesia i ta ratou mau ohiparaa i te mahana sabati ia au i ta te Varua o te Fatu, e faaihia to ratou oraraa i te oaoa e te hau.

Te tai'oraa i te papa'iraa mo'a

3 Nephi 18:1–25
PH&PF 59:9–15

Exodo 20:8–11
Exodo 31:12–17

Isaia 58:13–14

Parahi i te fare pureraa e te feia imi e aore ra, e te mau melo

Ia haere ana'e te mau misionare i te mau pureraa oro'a e aore ra, i te mau amuiraa tii'i, e mea ti'a ia ratou ia parahi i pihia iho i te feia imi, te mau melo faafariu-api-hia mai e aore ra, i te mau melo. Eiaha ratou e parahi i pihaiho i te tahi atu mau misionare.

Mau fafauaraa

- E haamo'a anei oe i te mahana sabati ?
- E faaineine anei oe ia oe iho no te raveraa i te oro'a ma te ti'amâ ?

Te mau uiuiraa no te bapetizoraa e tano ia ui

- Eaha ta oe i maramarama no ni'a i te mahana sabati, e tae noa'tu i te raveraa i te oro'a i te mau hebedoma'toa e i te taviniraa ia vetahi e ? Ua hinaaro anei oe i te haapa'o i teie ture [hou to oe bapetizoraa] ?

Bapetizoraa e te haamauraa

Ia faaite tatou i to tatou hiaai i te pee i te e'a o te Atua e mea na roto ia i te bapetizoraa e te haamauraa. Ia bapetizo e ia haamau ana'ehia tatou, e tomo ia tatou i roto i te hoê fafauaraa e te Atua ma te rave i ni'a iho ia tatou te i'oa o Iesu Mesia e i te haamana'o tamau noa Ia'na e ma te haapa'o i Ta'na mau faaueraa. E fafau atoa tatou ia ti'a ei ite o te Atua i te mau mahana atoa e ia tauturu i te feia tei roohia i te ati (a hi'o Mosia 18:8–9). Ei faaho'iraa, e fafau mai ia te Atua i te faahoaraa o te Varua Maitai, te faaoreraa i ta tatou mau hara, e ia fanau-api-faahou-hia.

Mau fafauaraa

- Ua hinaaro anei oe ia bapetizohia e ia haamauhia ?
- Ua hinaaro anei oe i te ani manihini i te feia imi ia haere mai i te oro'a bapetizoraa ?
- Mai te mea e ti'a, a ani manihini i te feia imi ia haere mai i te pureraa oro'a i reira te hoê e haamauhia'i.

Te mau uiuiraa no te bapetizoraa e tano ia ui

- Te mau uiuiraa atoa no te bapetizoraa.

Te mau nota

Te mau nota

Aniraa ia Bapetizohia

Te aniraa ia bapetizohia e ia haamauhia e mea ti'a ia ia ui-afaro-hia: E hinaaro anei oe i te pee i te hi'oraa o Iesu Mesia e ia bapetizohia e te hoê taata tei mau i te mana no te autahu'araa o te Atua ? E tupu ta matou bapetizoraa i te [tai'o mahana]. E faaineine anei oe ia oe iho ia bapetizohia i taua tai'o mahana ra ? »

A pee i te peropheta

O te parau mau ra o te ite ia i te mau mea i to ratou huru mau, mai te au i tei vai ê na, e mai te au ho'i i te vai a muri atu. Aita te reira e tau na roto i te mau faanahonahoraa e aore râ, i te mau taima. E vai noa te parau mau i roto i te mau tereraa o te mau tau e i te ta'ere. O te Atua te puna no te parau mau atoa. E faaroo tatou Ia'na no te mea ua ite tatou e, e haapii Oia ia tatou i te parau mau ana'e. Ua hinaaro te Atua i te taato'araa o Ta'na mau tamarii ia ite i te parau mau. No reira, e heheu mai Oia i te parau mau e tano no te faaora na roto i te mau peropheta e te mau aposetolo. E heheu mai Oia i te parau mau ia tatou iho na roto i te mau papa'iraa mo'a e i te heheuraa no te taata iho.

E piihia e e ma'itihia te hoê peropheta e te Atua e e taata parau-ti'a e te faaroo rahi. E heheu te Fatu i te parau mau ia'na na roto i te Varua Maitai. E faaue Oia i Ta'na peropheta ia haapii i te parau mau i te mau taata atoa. Te feia o te ti'aturi i te mau parau a te Atua mai tei heheuhia mai ra e haamaitahia ia.

Ua patuhia te Ekalesia a te Mesia i ni'a i te niu no te mau aposetolo e te mau peropheta, e o te faatere nei i te Ekalesia na roto i te heheuraa. Ua pii te Fatu ia Iosepha Semita ei peropheta matamua e ei upoo no teie tau tuuraa evanelia hopea. To'na mau mono o te arata'i nei i Te Ekalesia a Iesu Mesia i te Feia Mo'a i te Mau Mahana Hopea Nei i teie mahana e mau peropheta e e mau aposetolo atoa. E peropheta ora te peresideni o te Ekalesia i teie mahana. E mea ti'a ia tuu tatou i to tatou faaroo i roto i te peropheta a te Atua o tei ma'itihia, ia ti'aturi i to'na piiraa mo'a, e ia pee i ta'na mau haapiiraa.

E mea pinepine tatou i te paturu i te feia faatere o te Ekalesia i roto i te amuiraa. *Paturu* oia ho'i te tururaa ia. E mea ti'a ia faaineine tatou ia tatou iho ia a'o ana'e te mau peropheta e te mau aposetolo, e haapapû mai ia te Varua Maitai i te parau mau o ta ratou i haapii mai, ei reira ia tatou e faaoti ai i te pee i te a'o o ta ratou i horo'a mai.

Te feia o te faaroo e o te pee i te a'o a te mau peropheta e te mau aposetolo eita roa ia e haere ê. E hopoi mai te mau haapiiraa a te mau peropheta ora i te hoê tutau no te parau mau mure ore i te hoê ao o te tauui noa nei i te mau parau tumu faufaa e i te tautururaa ia tatou ia faatea ê i te veve e i te oto. Eita te arepurepuraa e te mārōraa o te ao nei e faatere ia tatou, e roaa râ ia tatou te haapapûraa e ua au tatou i te hinaaro o te Atua.

Te tai'oraa i te papa'iraa mo'a

Mosia 15:11–12	PH&PF 21:1–7	Ephesia 2:19–20
Alama 13:1–16	PH&PF 136:37–38	Ephesia 4:1–16
3 Nephi 12:1–2	Ioane 15:16	Hebera 5:4
PH&PF 1:37–38	Te Ohipa 10:34–44	Amosa 3:7

Mau fafauaraa

- E farerei anei oe i te episekopo ?
- E paturu e e pee anei oe i te a'o a te feia faatere o te Ekalesia ?

Te mau uiuiraa no te baptizoraa e tano ia ui

- Te ti'aturi ra anei oe e e peropheta [te peresideni o te Ekalesia i teie mahana] na te Atua ? Eaha to'na auraa ia oe ?

Te mau nota

Haapa'o i na ture hoê ahuru

Ua horo'a mai te Metua i te Ao ra i te mau faaueraa ia tatou ia nehenehe tatou ia ite i te mea e rave e i te mea e ti'a ia pato'i no te fariiraa i te mau haamaitairaa. Ua hinaaro Oia i te horo'a na tatou (te oaoa, te hau i roto i te feruriraa, te oaoa mure ore). Ua heheu te Atua ia Mose na Ture Hoê Ahuru no te arata'i i To'na nunaa:

- « Eiaha roa to oe ei Atua ê atu ia'u nei » (Exodo 20:3). Vetahi atu mau « atua » oia'toa te mau faufaa, te mana e aore râ, haafauaaraa ia'na iho.
- « Eiaha roa oe e hamani i te idolo tarai no oe » (Exodo 20:4).
- « Eiaha oe e faahiti faufaa-ore noa i te i'oa o to Atua o Jehova » (Exodo 20:7).
- « E haamana'o i te mahana sabati ia haamo'ahia ia » (Exodo 20:8).
- E faatura'tu i to metua tane, e to metua vahine » (Exodo 20:12).
- « Eiaha roa oe e taparahi noa i te taata » (Exodo 20:13).
- « Eiaha roa oe e faaturi » (Exodo 20:14).
- « Eiaha roa oe e eiâ » (Exodo 20:15).
- « Eiaha roa oe e pari haavare ia vetahi ê » (Exodo 20:16).
- « Eiaha roa oe e nounou » (Exodo 20:17).

Te vai ti'a noa nei â na Ture Hoê Ahuru i teie mahana. Te haapii mai nei te reira ia tatou ia haamori e ia faaite i te faatura i te Atua. Te haapii atoa mai nei te reira ia tatou i to tatou huru i ni'a ia vetahi ê.

Eiaha te tahi atu mau Atua

Rave rahi mau taata i roto i te mau ta'ere e rave rahi e aore râ, te faatura nei i te mau tauihaa o te faahaamana'o ia ratou i te Atua e aore râ, i te mau tupuna. I te tahi taime, e riro te mau tauihaa mai te mau tii, te mau tapa'o e aore râ, te mau vahi pererinaraa ei faatumuraa no ta ratou haamoriraa. A tauturu ia ratou ia maramarama e, ua faaue te Fatu ia tatou eiaha roa e haamori i te mau idolo. A faaitoito ia ratou ia iriti ê i te mau tauihaa o ta ratou e haamori e o ta ratou e pure ra mai roto atu i to ratou mau ti'ahapa. A tauturu ia ratou ia faatumu i to ratou faaroo e i ta ratou haamoriraa i ni'a i to ratou Metua i te Ao ra e ia lesu Mesia. A haapii ia ratou e te faatumu nei te evanelia i faaho'i-faahou-hia mai a lesu Mesia i ni'a i te Mesia ora.

Ua haapii te evanelia a te Fatu tei faaho'i-faahou-hia mai ia tatou e nahea tatou ia haamana'o la'na. E haamana'o tatou la'na na roto i te pure, te oro'a mo'a, e te haamoriraa i roto i te hiero. Na to oe peresideni misioni e horo'a i te arata'iraa i roto i te mau area taa-ê.

Te tai'oraa i te papa'iraa mo'a

Mosia 13
PH&PF 59:5–6

Mataio 22:36–40
Exodo 20:1–17

Deuteronomi 5:6–21

Te mau nota

Fafauraa

- E haapa’o anei oe i na ture hoê ahuru ?

A haapa’o i te ture no te viivii-ore

E mea oaoa na te Atua te viivii-ore e e ore ho’i e au i te hara o te pae morare. Te viivii-ore o te tape’araa ia ia ore e rave i te hara taоторaa hou te faaipoiporaa e ia here e ia vai haavare-ore noa i to’na hoa faaipoipo i muri mai i te faaipoiporaa. Te feia o te ora i te ture no te viivii-ore e oaoa ia i te puai o te tae mai na roto i te haavîraa ia’na iho. E oaoa ia i te aufetiiraa o to ratou utuafare. E oaoa taato’a ia ratou i te faaururaa a te Varua Maitai i roto i to ratou oraraa. Te feia o te ofati i teie ture e topa ia i raro a’e i te haama e te hara o te faateimaha i to ratou oraraa.

E titau te viivii-ore i te faaroo na roto i te mana’o e te ohipa. E mea ti’a ia tatou ia tape’a mâ noa i to tatou mau mana’o e i te ahuraa i te mau ahu e au, i te parau e au, e i te mau ohipa e au. Eiaha e mata’ita’i i te mau hoho’a faufau. E mea ti’a ia faatura tatou i te mana i horo’ahia e te Atua no te hamaniraa e i to tatou mau tino ei mea mo’a. E mea ti’a i te mau taata e tano ia baptizohia ia faatura i teie nei ture no te viivii-ore, o tei opani i te taоторaa i rapae i te faaipoiporaa i rotopu i te tane e i te vahine. Eiaha roa e ati atu i roto i te ohipa haamaruaraa tamarii e aore râ, i te ohipa raerae. Te feia o tei rave i teie nei mau hara e mea ti’a ia ia tatarahapa e ia faaorehia ta ratou hapa.

Te mau tane e te mau vahine e ora amui

Eita te mau tane e te mau vahine o te ora amui nei ma te faaipoipo-ore e baptizohia mai te mea eita e faaipoipohia e aore râ, e faataahia. Eita atoa te feia o tei faaipoipo hau atu i te hoê taata e baptizohia. A imi i te arata’iraa i to oe peresideni misioni, e na’na e horo’a mai i te arata’iraa ia oe no teie mau tuhaa.

Te tai’oraa i te papa’iraa mo’a

Iakoba 2:28	3 Nephi 12:27–30	Mataio 5:27–28
Mosia 13:22	PH&PF 42:22–24	Roma 1:26–32
Alama 39:3–5	PH&PF 63:16	Ephesia 5:3–5

Fafauraa

- E ora anei oe i te ture no te viivii-ore ?

Te mau uiuiraa no te baptizoraa e tano ia ui

- Eaha to oe mana’o no ni’a i te ture no te viivii-ore, o tei opani i te faaea-amui-raa i rapae i te taamuraa o te faaipoiporaa i rotopu i te hoê tane e i te hoê vahine ? Ua hinaaro anei oe i te haapa’o i teie nei ture [hou to oe baptizoraa] ?
- Ua rave anei oe i te ohipa haamaruaraa tamarii ? Te ohipa raerae ? [Faararaa: Te taata o te pahono e E i te hoê o teie nei mau uiraa, e mea ti’a ia ia uiuihia e te peresideni misioni hou te baptizoraa].

Haapa’o i te parau paari

Ua heheu mai te Fatu i te peropheta Iosepha Semita i te hoê ture i parauhia te Parau Paari. E haapii teie nei ture ia tatou i te mau maa e tano e te mau mea eita e tano no te

horo'araa i te 'ea i to tatou tino no te faaatearaa ia tatou i te faaururaa a te ino. Ua fafau mai te Fatu i te mau haamaitairaa no te 'ea, no te puai, no te parururaa i te ino, e i te hoê iteraa i te pae varua rahi a'e no te parau mau.

A haamana'o e e mea mo'a to tatou tino. E mea ti'a ia tatou ia faatura i te reira. Te haapii mai nei te Parau Paari ia tatou ia amu i te mau maa maitai. Ua haapapû mai te reira ia tatou ia faaatea i te mau mea ino, oia'toa te 'ava, te 'avaava, te tî e te taofe. E mea ti'a'toa ia tatou ia faaatea i te mau raau ta'ero atoa. Ia nehenehe ia baptizohia e ia haamauhia, e mea ti'a i te feia o ta oe e haapii ia faaru'e i teie nei mau mea. Te feia o te haapa'o i te Parau Paari e farii maitai ratou i te mau parau mau a te varua.

Mai te mea e te vaira te tahi mau mea taa ê no roto mai i ta oe ta'ere e tano ia faaôhia i roto i te Parau Paari, na to oe peresideni misioni ia e pahono i te reira mau uiraa.

Fafore-raa i te mau maa i rahuihia

E nehenehe oe e tauturu i te feia o te 'aro nei i te fafore i te avaava, i te 'ava, e i te tahi atu mau peu i matarohia na roto i te peeraa i teie mau parau tumu. E mau mana'o tauturu teie i raro nei no te Parau Paari tera râ, e nehenehe atoa e faaohipahia no te tahi atu mau maa i rahuihia.

1. A tauturu i te mau taata ia faatupu i te mau fâ, afea e nahea ratou ia ora i te Parau Paari.
2. A pure no ratou i roto i ta oe iho mau pure e ia amui atu oe ia ratou.
3. A faaitoito e a paturu—noa'tu e paruparu ratou.
4. A tamau noa i te haapii atu ia ratou i te evanelia. A haapii e nahea ia faaohipa i te pure e i te faaroo ei tumu no te haapuiraa ia ratou.
5. A tauturu ia ratou ia haere tamau i te pureraa e ia faatupu i te auhoaraa i te mau taata o te ora ra i te Parau Paari o tei fafore i taua mau maa i rahuihia ra.
6. Mai te mea e ti'a, a ani mai te mea e farii ratou i te mau haamaitairaa a te autahu'araa.
7. A faaitoito ia ratou ia iriti i te mau maa ta'ero i roto i to ratou mau fare.

A hi'o i te pene 10 no te tahi atu mau haamaramaramaraa no ni'a i te tautururaa i te mau taata ia fafore i te mau maa i rahuihia.

Te tai'oraa i te papa'iraa mo'a

PH&PF 89

1 Korinetia 3:16–17

1 Korinetia 6:19–20

Fafauraa

- E haapa'o anei oe i te parau paari ?

Te mau uiuiraa no te baptizoraa e tano ia ui

- Eaha to oe maramaramaraa no ni'a i te parau paari ? ua hinaaro anei oe i te haapa'o i teie ture [hou to oe baptizoraa] ?

Haapa'o i te ture no te tuhaa ahuru

Hoê o te mau haamaitairaa rahi a'e no te riroraa ei melo i roto i Te Ekalesia a Iesu Mesia i te Feia Mo'a i te Mau Mahana Hopea Nei o te tautururaa ia i te tupuraa o te basileia o te Atua na roto i te aufauraa i te tuhaa ahuru. E ture mo'a tahito roa te ture no te tuhaa ahuru. Mai teie te huru, ua aufau Aberahama, te hoê peropheta no te Faufaa Tahito i te taato'araa o ta'na mau tao'a (a hi'o Alama 13:15).

Te feia o te aufau i ta ratou tuhaa ahuru, ua fafau mai te Fatu e e « iriti Oia... i te mau haamaramarama o te ra'i ra, a ninii atu ai i te tao'a rahi roa ei maitai no outou »

Te mau nota

Te mau nota

(Malaki 3:10). E mau haamaitairaa anei no te pae tino e aore rā, no te pae varua tera rā, e tae mai te reira i te feia o te haapa’o i teie nei ture mo’a.

Te tuhaa ahuru o te hoê ia i ni’a i te ahuru, e ua faaue mai te Fatu ia tatou ia horo’a i te ahuru o ta tatou mau tao’a, oia ho’i te mau moni o ta tatou e farii, ia haamaitaihia tatou. E horo’a te ture no te tuhaa ahuru ia tatou te rave’a no te paturaa i To’na basileia. E mea mo’a ta tatou tuhaa ahuru i te Fatu, e e faahanahana tatou Ia’na na roto i te aufauraa i te tuhaa ahuru. Ua fafau mai te Atua e e haamaitai-rahi-hia te feia o te aufau i te hoê tuhaa ahuru ti’a. Te feia o te ore e aufau i te tuhaa ahuru ra ua ‘eia ia i te Atua (a hi’o Malaki 3:8). Ua tape’a ia ratou na ratou Ta’na tao’a. E mea ti’a ia tatou ia imi matamua roa i te basileia o te Atua, e e e’a faufaa roa te tuhaa ahuru no te raverā i te reira. Te aufauraa i te tuhaa ahuru o te hoê ia faaiteraa i to tatou faaroo. O te hoê ia tapa’o no to tatou ti’aturiraa i te Atua e i Ta’na ohipa.

E ravehia te mau moni no te tuhaa ahuru no te patururaa i te mau ohiparaa a te Ekalesia, mai te paturaa e te atu’aturaa i te mau hiero e i te mau fare pureraa, te hopoiraa i te evanelia i to te ao atoa nei, te faatereraa i te mau ohipa no te hiero e no te aamu utuafare, e i te tahi atu mau ohiparaa na te ao atoa nei. Aita te moni o te tuhaa ahuru e faaohipahia no te aufauraa i te feia faatere o te Ekalesia, o te tavini nei ma te farii ore i te hoê noa’e moni.

E hapono afaro te feia faatere o te Ekalesia i te moni o te tuhaa ahuru i te mau hebedoma atoa i te pû faatere o te Ekalesia. Na te hoê tomite no te Peresideniraa Matamua, te Pûpû no te Tino Ahuru Ma Piti Aposetolo, e te Episekoporaa Faatere Rahi e faoti i te huru no te faaohiparaa i te mau moni mo’a o te tuhaa ahuru.

Te tai’oraa i te papa’iraa mo’a

Tuhaa ahuru

PH&PF 119

Hebera 7:1–2

Levitiko 27:30–33

PH&PF 120

Genese 14:18–20

Malaki 3:7–12

Faaroo

3 Nephi 13:33

Etera 12:6

Faufuraa

- E ora anei oe i te ture no te tuhaa ahuru ia bapetizo-ana’e-hia oe ?

Te mau uiuiraa no te bapetizoraa e tano ia ui

- Eaha to oe ite no ni’a i te ture o te tuhaa ahuru ? E hinaaro anei oe i te haapa’o i teie ture ?

Haapa’o i te ture no te haapaeraa maa

Te vai nei te mau haamaitairaa rahi no te feia o te haapa’o i te mau faauerā a te Atua no ni’a i te haapaeraa maa. Te haapaeraa oia ia te oreraa e amu e e inu no te hoê taime. Ua faataahia te sabati matamua o te ava’e tata’itahi ei mahana taa ê no te haapaeraa e piti a’e tamaaraa, no te pure, e no te faaiteraa i te iteraa papû. E tû teie na mea e piti te haapaeraa e te pure. Ia haapae e ia pure tatou ma te faaroo, e ineine ia tatou no te fariiraa i te mau pahonora a i ta tatou mau pure e i te mau haamaitairaa no o mai i te Fatu. Ua fafau mai Oia ia tatou e e arata’i tamau noa Oia ia tatou. E mea ti’a ia haapae e ia pure tatou no te tahi mau tumu taa ê. Te haapaeraa e ohipa ia te reira na te taata iho e no te pae varua, e eiaha tatou e tau’a roa i te mea e, te haapae ra tatou.

Te hoê haapa'oraa mau o te poihereraa ia i te feia veve. E mea ti'a ia tatou ia tauturu ia ratou i to ratou mau hinaaro i te pae tino e i te pae varua. Ia haapae tatou, e horo'a tatou i te moni i te Ekalesia no te utuuturaa i te feia veve e i te feia i roohia i te ati. E parauhia te reira o te moni haapaeraa maa. E horo'a tatou i te moni o na tamaaraa e piti. Tera râ, eiaha tatou e faaiti i ta tatou aufauraa no teie nei na tamaaraa. Ua anihia tatou ia horo'a maitai. Na roto i to tatou poihereraa i te feia veve, te tauturu ra ia tatou i te rave-faaotiraa i ta tatou mau fafauaraa o te baptizoraa e i te faaoreraa i ta tatou mau hara.

Te tai'oraa i te papa'iraa mo'a

Haapaeraa

Omoni 1:26

Alama 17:2-3

PH&PF 88:76

Alama 5:45-46

Moroni 6:5

Mataio 6:1-4, 16-18

Alama 6:6

PH&PF 59:12-16

Isaia 58:6-11

Te poihereraa i te feia veve

Mosia 4:16-27

Alama 4:12-13

Iakobo 1:27

Mosia 18:8-10

Mataio 25:34-46

Isaia 58:3-12

Mau fafauaraa

- E haapae anei oe e e pure anei oe i te sabati haapaeraa maa i mua nei no te tahi mau hinaaro taa ê ?
- E horo'a anei oe i ta oe moni haapaeraa maa ma te hinaaro mau [i muri mai i to oe baptizoraa] ?

Nahea ia horo'a i te tuhaa ahuru e i te mau moni haapaeraa maa

E aufauhia te tuhaa ahuru e te mau moni haapaeraa maa ma te mana'o tae e te mo'emo'e. E nehenehe te mau melo e aufau i ta ratou tuhaa ahuru e ta ratou mau moni haapaeraa noa'tu eaha te taime tera râ, e mea hau a'e ia aufau i te tuhaa ahuru i ni'a i te mau moni e roaa mai e i te mau moni haapaeraa i te mahana haapaeraa. E horo'a te mau melo i teie mau ô na roto i te fâ'iraa i te mau parau aufauraa no ô mai i te episekoporaa. E tape'a te mau melo i te api û re'are'a e e tapiri i te api uouo e te mau moni i roto i te vehi rata o tei faataahia. E horo'ahia te vehi rata i te hoê melo no te episekoporaa. E faarirohia teie mau ô ei mea mo'a e e tao'a ia na te Fatu. Na te hoê melo o te episekoporaa e te papa'i parau e tape'a maite e ma te mo'emo'e i te mau ô atoa.

E farerei te mau melo no te faaafaro e te episekopo i te mau moni i aufauhia i te hopea no te matahiti. I roto i teie farereiraa mo'emo'e, e vauvauhia mai i te mau melo te parau faaiteraa i ta ratou mau ô atoa.

A haapii e nahea ia horo'a i te tuhaa ahuru e te mau moni haapaeraa maa

A faaite i te hoê parau aufauraa e a faataa e nahea ia faaohia i te reira. I muri mai i te baptizoraa o te mau melo faafariu, e mea ti'a ia tauturu ia ratou ia faa'i i te mau parau aufauraa.

Haapa'o e e faatura i te ture

Te ti'aturi nei te mau melo no te Mau Mahana Hopea Nei i te mau vahi atoa ia haapa'o i te mau ture o te fenua e orahia ra e ratou. Ua a'ohia te mau melo o te Ekalesia ia riro ei

Te mau nota

Te mau nota

mau huiraatira maitai, ia amui i roto i te rururaa a te hau fenua e a te pae politita, e ia tavini i te oire. E rave râ ratou na ni'a i to ratou ti'araa huiraatira eiaha râ, i to ratou ti'araa feia faatere no te Ekalesia.

Te tai'oraa i te papa'iraa mo'a

PH&PF 58:21
PH& PF 98:5

PH&PF 130:20–21
PH&PF 134

Te mau hiro'a faaroo 1:12

Fafauraa

- E faatura anei oe i te mau ture o te fenua o ta oe e noho ra ?

Te mau uiuiraa no te bapetizoraa e tano ia ui

- Ua rave anei oe i te hoê hara ino ? Mai te mea e E, tei roto anei oe i te hoê taime hi'opo'araa e aore râ, faati'araa ? [Faaararaa: la parau mai te hoê taata e E i te hoê o teie mau uiraa, e mea ti'a ia ia uiuihia e te peresideni misioni hou to'na bapetizoraa.]

Ohiparaa

No te mau faaueraa tata'itahi i roto i teie haapiiraa, a tabula i te mau fafauraa ta te Fatu e rave i te feia o te haapa'o i te mau faaueraa. A tapa'o i roto i ta oe buka tapa'oraa i te mau fafauraa o tei tupu i roto i to oe oraraa.

Te mau ture e te mau oro'a

I muri mai i te bapetizoraa e i te haamauraa



© 1998 Del'Paisson, Estelle e paita | te hoto'a.

Te mau nota

A faaineine no te haapii

I muri mai i to te mau taata faafariu bapetizoraa e te haamauraa, na te feia faatere o te paroita e faaoti e na te mau misionare paroita anei e aore râ, na te mau misionare rave-tamau anei e arata'i i te mau haapiiraa e eaha te maororaa no teie mau misionare rave-tamau ia haapii. E mea ti'a ia haapiihia teie haapiiraa i te mau melo apî i muri noa mai i to ratou bapetizoraa e te haamauraa. E nehenehe outou e haapii ia ratou no ni'a i teie mau ture e te mau oro'a i ropu i to ratou bapetizoraa e te haamauraa e aore râ, hou te bapetizoraa. E mea ti'a ia faarahia te feia e tano ia bapetizohia no teie nei mau ture e te mau oro'a hou te bapetizoraa.

Hoê â raveraa to teie haapiiraa e to te haapiiraa 4. Na te mau hinaaro e te arata'iraa a te Varua e faaoti e nahea râ oe ia pahono i te mau hinaaro o te mau taata faafariu apî. A feruri e a pure tamau noa e nahea ia tauturu i te mau taata faafariu apî i roto i te evanelia. Teie te tahi mau mana'o:

- Te haapiiraa i te melo apî i te mau ture e te mau oro'a tata'itahi no roto mai i teie haapiiraa a hi'opo'a'i i te mau haapiiraa no « Te parau poro'i o te faaho'i-faahou-raa mai », « Te Opuaraa no te ora », e « Te Evanelia a Iesu Mesia. » Mai teie te huru, a hi'opo'a-faahou ai i te parau poro'i o te faaho'i-faahou-raa mai e hinaaro paha oe i te haapii no ni'a i te autahu'araa e i te ohipa misionare ; a hi'opo'a'i i te Opuaraa no te ora e haapii paha ia oe no ni'a i te faaipoporaa mure ore, te mau hiero e te ohipa aamu utuafare, e te haapiiraa i roto i te Ekalesia. Ia hi'opo'a ana'e i te evanelia a Iesu Mesia e hinaaro paha oe i te haapii no ni'a i te e'a afaro e te piriha'o e i te taviniraa i roto i te Ekalesia.
- Te haapiiraa e piti e aore râ, e toru mau ture e mau oro'a ei haapiiraa hoê roa.
- Te haapiiraa i te hoê ture e aore râ, te hoê oro'a ei haapiiraa hoê roa.

A ohipa e te mau melo no te tauturu i te mau melo apî ia farii e ia haamata i te ora i teie mau ture e teie mau oro'a. A tauturu i te mau melo apî ia ite e, na roto i te haapa'oraa i te mau ture a te Atua, e farii ratou i te faaoreraraa o ta ratou mau hara e ia faaea i ni'a i te e'a o te ora mure ore. E ite ratou i te hoê hau e te oaoa rahi atu â. E roaa ia ratou te mau pahonoraa no te mau uiraa e te parururaa o te oraraa ma te ite e tei roto ratou i te Ekalesia mau a Iesu Mesia. E tavini te mau ture e te mau oro'a ei arata'i no te oraraa oaoa, na roto i te Faaroo ia Iesu Mesia e i te hoê ti'aturiraa papû e e roaa te ora mure ore i pihaiho i to tatou Metua i te Ao ra.

Te mau nota

Haapii no ni'a i te mau ture, te mau oro'a, e te mau fafauraa

A haapii ai oe i « Te mau ture e te mau oro'a », e mea maitai a'e ia pee i te hoho'a i raro nei.

- A tai'o i te tuhaa o te tatara i te parau haapiiraa e a papa'i i te hoê faanahoraa haapiiraa ohie ma te faataa e toru e tae atu e pae tumu.
- A horo'a i teie haapiiraa e piti e aore râ, e toru a'e minuti i to oe hoa misionare. A haapii e nahea râ oe ia faatae i te ani-manihini-raa no ni'a i te fafauraa tata'itahi e nahea oe ia tatara i te mau mana'ona'oraa
- A aparau i te mau rave'a e tano ia pee no ni'a i te faaueraa tata'itahi o te fariihia e te feia imi.

Te autahu'araa e te mau pūpū tauturu

Te Autahu'araa o te puai e te mana i horo'ahia i te tane no te ohipa i roto i te i'oa o te Atua no te ora o Ta'na mau tamarii. Na roto i te autahu'araa, e farii tatou i te mau oro'a faaoraraa, oia'toa te mau haamaitairaa no te faaora, no te tamahanahana e no te a'o.

E arata'ihia Te Ekalesia a Iesu Mesia i te Feia Mo'a i te Mau Mahana Hopea Nei e Iesu Mesia na roto i te mau aposetolo e te mau peropheta. Te vai nei te mau taata parau-ti'a o tei piihia e o tei horo'ahia te autahu'araa e te Atua. I mutaa ihora, ua faatoro'a te Mesia i Ta'na mau aposetolo e ua horo'a ia ratou te autahu'araa. Ua mo'e teie mana i to te mau taata faaru' eraa i te evanelia e i te taparahi-pohe-roa-raa i te mau Aposetolo a te Mesia.

Ua faaho'i-faahou-hia mai te mana o te Autahu'araa i te matahiti 1829 i to Ioane Bapetizo fâraa mai i te peropheta Iosepha Semita e ia Oliver Cowdery. Ua tuu oia i to'na rima i ni'a i to raua upoo e ua faatoro'a ia raua i te Autahu'araa a Aarona (a hi'o PH&PF 13). I muri rii noa mai, ua tuu atoa Petero, Iakobo e o Ioane i to ratou mau rima i ni'a ia Iosepha Semita e ia Oliver Cowdery e ua faatoro'a ia raua i te Autahu'araa a Melehizedeka, o ta Petero, ta Iakobo e o ta Ioane i farii no o mai ia Iesu Mesia ra (a hi'o PH&PF 27:12-13).

E nehenehe te hoê taata e farii i te mana no te autahu'araa na roto i te faatoro'araa e na roto i te tuuraa o te rima e te hoê o tei mau i te mana. Te hoê taata o te farii i te autahu'araa ua farii ia i te hoê rave'a maitai roa. E tomo ia oia i roto i te hoê fafauraa no te rave-faaoti i te mau ohipa mo'a, te taviniraa ia vetahi ê, e te tautururaa i te patu i te Ekalesia. E mea ti'a ia hinaaro oia i te tavini i te Atua e ia faatoro'ahia i taua mana ra (a hi'o PH&PF 4:3 ; 63:57). E mea ti'a atoa i te mau taata o te mau ra i te autahu'araa ia rave i te mau oro'a, mai te bapetizoraa e te haamauraa. Ia faaohipahia te autahu'araa ma te ti'amâ, e itehia ia te mana o te Atua. E faaohipahia te mana o te autahu'araa na roto noa i te parau-ti'a, te here e te faa'orama'i.

No o mai te mau autahu'araa'toa i te Atua ra. E piti autahu'araa e vai nei i roto i te Ekalesia: te Autahu'araa a Aarona e te Autahu'araa a Melehizedeka. Na te autahu'araa a Aarona e rave i te mau oro'a mai te bapetizoraa e te oro'a mo'a. E farii te mau tane ti'amâ 12 matahiti e hau atu i te Autahu'araa a Aarona i muri noa mai i to ratou bapetizoraa e te haamauraa.

E farii te mau tane paari i te Autahu'araa a Melehizedeka e aore râ, tei teitei a'e. E farii te mau melo o te Ekalesia i te mau haamaitairaa o te pae varua e o te pae tino na roto i te mana o teie autahu'araa. E nehenehe te mau Autahu'araa a Melehizedeka e horo'a i te horo'a o te Varua Maitai, e faatoro'a i te tahi atu i te autahu'araa i faataahia, faatahinu i te mau taata ma'i i te hinu i haamo'ahia, e i te horo'a i te mau haamaitairaa no te faaoraraa e no te tamahanahana. E nehenehe te mau tane e te mau metua tane ti'amâ te mau ra i te

Autahu'araa a Melehizedeka e horo'a i te mau haamaitairaa taa ê i ta ratou mau vahine faaipoipo, i ta ratou mau tamarii, e i te tahi atu mau melo o te utuafare. E poihere te mau orometua hahaere i te mau utuafare o te mau melo o te Ekalesia i te mau taata tata'ihôe e i te mau utuafare. E mau haava te mau episekopo e te mau peresideni tîti i roto i te Ekalesia. E mana to ratou no te tauturu i te Feia Mo'a o tei hara ia tatarahapa e ia oaoa i te mau haamaitairaa atoa no te hoê melo no te Ekalesia. E uiui ratou i te mau taata no te haapapû e e mea ti'amâ ratou no te tomoraa i roto i te hiero.

I raro a'e i te arata'iraa a te autahu'araa, e haere te mau faanahonahoraa no te pûpû tauturu e faaitoito i te mau melo. E mau tauturu rahi ratou i roto i te ohipa misionare a haere ai ratou e imi e e haapii i te feia imi e i te faahoaraa i te mau taata faafariu apî. E mau melo te mau vahine 18 matahiti e hau atu no te Sotaiete Tauturu, o te hahaere atu e hi'ohi'o i te mau utuafare, i te mau taata tata'i hoê, e i te huiraatira. Te feia apî tamahine 12 matahiti e tae atu i te 18 matahiti, e mau melo ia no te faanahoraa na te Feia Apî Tamahine. Te mau tamaroa hoê â matahiti e haere ia ratou i roto i te faanahoraa na te Fei Apî Tamaroa. Te mau tamarii atoa 3 matahiti e tae atu i te 11 matahiti e tuhaa ia ratou no te faanahonahoraa a te Paraimere. Te mau melo atoa mai te 12 matahiti e hau atu e tapa'ohia ia i roto i te mau piha haapiiraa a te Haapiiraa sabati.

Te tai'oraa i te papa'iraa mo'a

Mosia 18:17	PH&PF 84:19–20	Luka 9:1–6
Alama 13:1–19	PH&PF 107	Ioane 15:16
PH&PF 20:38–65	PH&PF 121:34–46	Iakobo 5:14–15

Mau fafauraa

- E faaineine anei oe no te farii i te Autahu'araa a Aarona (mau tane maitai e te ti'amâ 12 matahiti e hau atu) ?
- E faaineine anei oe no te farii i te Autahu'araa a Melehizedeka (te mau tane maitai e te ti'amâ) ?
- E amui atu anei oe ma te itoito i roto i te hoê faanahonahoraa pûpû tauturu ?

Ohipa misionare

Te mau melo o te poro atu i te evanelia, e ite ia i te oaoa e i te farii-rahi-roa-raa i te Varua o te Fatu. A faaite ai tatou i te evanelia, e ite tatou i to'na nehenehe e to'na auraa mau, e e ite tatou i te hoê here rahi no te Atua e no vetahi ê. Ua faaue te Fatu i Ta'na mau pipi ia poro i te evanelia i te ao atoa nei, ma te horo'a i te mau taata atoa te rave'a ia farii e aore râ, ia pato'i. Ia bapetizohia te mau taata, e rave ratou i te mau fafauraa ia ti'a tamau ei ite no te Atua. Ua faauehia ratou ia opere i te evanelia i te feia o tei ore â i farii i te reira. A ora ai ratou i te evanelia ma te faaroo, e faaite ia ratou i te hi'oraa maitai, ma te faaite i te mau melo no te utuafare e i te mau hoa te mau haamaitairaa rahi o te tae mai na roto i te oraraa i te evanelia. E mea ti'a atoa ia ratou ia rave i te hoê taima no te pahono i te mau uiraa, te faaiteraa i te mau materia nene'ihia e aore râ, patahia, e ia ani manihini ia vetahi ê ia haapii atu â i te parau poro'i o te evanelia tei faaho'i-faahou-hia mai. E mea ti'a i te mau melo ia pure no te feia e ere â i te melo no te Ekalesia. E mea ti'a ia ratou ia pure no te mau rave'a misionare—no te tavini i te mau taata e ere i ta tatou haapa'oraa e ia faaroo i ta ratou e ti'aturi ra. Ua fafau mai te Fatu i te tauturu i te mau melo ia ite i te mau mea e ti'a ia parau e ia rave a poro ai ratou i te evanelia.

Te mau nota

Te mau nota

Te tai'oraa i te papa'iraa mo'a

Iakoba 5:70–75	PH&PF 18:10–16	PH&PF 84:74–76, 88
Mosia 28:3	PH&PF 33:8–11	PH&PF 88:81
PH&PF 19:29	PH&PF 38:40–42	PH&PF 100:5–8

Mau fafauraa

- E faaineine anei oe no te ani-manihini i te mau hoa e i te mau feia e ere i te melo no te Ekalesia ia farerei i te mau misionare e ia haapiihia i te evanelia ?
- E pure anei oe no te mau misionare e no te mau rave'a no te faaiteraa i te evanelia ?
- E faaineine anei oe no te tavini i te hoê misioni ?

Faaiipoioraa mure ore

Te niu tumu o te Ekalesia o te utuafare ia. I roto i te utuafare, e ite te mau taata e rave rahi mau oaoaraa e te mau otoraa rahi o te oraraa. Te faaiipoioraa i rotopu i te hoê tane e i te hoê vahine e mea faati'ahia ia e te Atua e ua riro ia ei tumu no te faanahoraa mure ore a te Atua no te ora o Ta'na mau tamarii. Na te opuaraa mo'a no te oaoa e faati'a i te utuafare ia tape'a e tae noa'tu i muri mai i te menema. Tera râ, e nehenehe te faaiipoioraa e riro ei mea mure ore maori râ, ia ravehia e te feia o te mau ra i te mana o te autahu'araa no te faatereraa i te oro'a taatiraa i roto i te mau hiero e ia haapa'o te mau tane e te mau vahine o tei taatihia i roto i te hiero i te mau fafauraa o ta ratou i rave. E hopoi'a mo'a na te tane e na te vahine te hereraa ia raua iho. A haapa'o ai raua i te mau faaueraa e a ora'i i te mau parau tumu o te evanelia, e faatura raua i ta raua mau euheraa ma te haapa'o ho'i te tahi i te tahi (a hi'o « Te Utuafare: e Poro'i i to te Ao nei », *Ensign*, novema 1995, 102 ; a hi'o atoa PH&PF 42:22).

E mea papû a'e te oaoa i roto i te oraraa utuafare ia faatumuhia te reira i ni'a i te mau haapiiraa a te Fatu ra a Iesu Mesia e ia faairi te mau metua i to ratou utuafare ei matamehai teitei a'e no ratou. « Mai te au i te hoho'a hanahana, e faatere te mau metua tane i to ratou mau utuafare na roto i te here e i te parau-ti'a e tei ia ratou te hopoi'a no te haapa'oraa i te mau mea tumu o te oraraa e no te parururaa ho'i i to ratou ra utuafare. Te ohipa matamua a te mau metua vahine o te aupururaa ia i ta ratou mau tamarii. I roto i taua hopoi'a mo'a ra, e titauhia i te metua tane e te mau metua vahine ia tauturu raua te tahi i te tahi ei hoa aifato i roto i te hopoi'a » (*Ensign*, novema 1995, 102). Na teie na metua toopiti e haapii i ta raua mau tamarii i te evanelia a Iesu Mesia e i te tauturu ia ratou ia ora i te reira.

E aro mai satane i te mau utuafare. Rave rahi mau matahiti i ma'iri a'e nei, ua faataa te feia faatere o te Ekalesia i te pô monire ei taime no te pureraa pô utuafare. E mea ti'a i te mau metua ia faaohipa i teie taime no te haapiiraa i ta ratou mau tamarii i te evanelia, te haapuairaa i to ratou au fetiiraa, e ia faaoaoa ia ratou. Te tahi atu â rave'a no te haapuairaa i te utuafare maori râ, te faaôraa mai ia i te pure e te tai'oraa i te mau papa'iraa mo'a i te mau mahana atoa, te haamori-amui-raa i te fare pure ei utuafare, e i te taviniraa ia vetahi ê. Ua riro te ra'i ei hoho'a no te hoê utuafare tamau noa. Na roto i te autahu'araa e te ora-parau-ti'a-noa-raa, e nehenehe tatou e ora e amuri noa'tu i pihaiho i te Atua.

Te tai'oraa i te papa'iraa mo'a

Faaipoiporaa

PH&PF 42:22

PH&PF 49:15

PH&PF 131:1–4

PH&PF 132:7

Genese 2:24

Ephesia 5:25

« Te Utuafare: E Poro'i
i to te Ao nei »

Utufare

Mosia 4:14–15

3 Nephi 18:21

PH&PF 130:2

1 Timoteo 5:8

« Te Utuafare: E Poro'i
i to te Ao nei »

Haapii i te mau tamarii

Alama 56:47

Alama 57:21

Mose 6:55–62

PH&PF 68:25–30

Ephesia 56:47

Maseli 22:6

Mau fafauraa

- E faatupu anei oe i te pô utuafare i te mau hebedoma atoa, i te pure, i Te tai'oraa i te papa'iraa mo'a, e i te tahi atu mau ohipa faaoaoaraa utuafare ?
- E faaineine anei oe no te tomo i roto i te hiero no (1) te farii i to oe oro'a hiero ? (2) no te faaipoipo no teie tau e no te tau e amuri noa'tu ? (3) mai te mea ua faaipoipohia, ia taatihia no te tau e amuri noa'tu ei tane e ei vahine ? e (4) e taati-atoa-hia ta oe mau tamarii ia oe ?
- E haere anei oe e haamori i te mahana sabati ei utuafare ?
- E tavini anei oe ia vetahi ê ?

Te mau hiero e te aamu utuafare

Ua faaue mai te Atua i To'na mau taata ia patu i te mau hiero. I roto i te hiero, e rave tatou i te mau oro'a mo'a e e vehihia e aore râ, e horo'ahia mai te reira, te hoê horo'a no te mana e te ite no te teitei mai. Na teie mana e tauturu ia tatou i roto i to tatou oraraa o te mau mahana atoa e e faati'a ia tatou ia patu i te basileia o te Atua. I roto i te hiero, e nehenehe atoa tatou e faaipoipohia no teie tau e no te mau tau e amuri noa'tu, ia nehenehe te mau utuafare ia ora amui e a muri noa'tu i pihaiho i te Atua. I muri mai i te roraraa ei melo no te hoê matahiti te maoro, e nehenehe i te mau taata paari maitai e farii i te hoê parau faati'a a te episekopo no te rave i to ratou iho oro'a hiero. I muri mai i to ratou oro'a hiero, e nehenehe ia te feia faaipoipo e taatihia e aore râ, e faaipoipohia no te tau e amuri noa'tu.

Ua here te Faaora i te mau taata atoa e ua hinaaro i to ratou ora. Inaha râ, ua pohe milioni mau taata ma te ite ore i te parau poro'i o te evanelia a Iesu Mesia tei faaho'i-faahou-hia mai e aore râ, o tei farii i te mau oro'a faaora. Na roto i To'na maitai e i To'na aroha ua horo'a te Fatu i te ora no te mau taata atoa o tei ore i farii i teie rave'a, i te maramarama, e i te haapa'oraa i te evanelia i roto i to ratou oraraa i te tino nei. Ua porohia te evanelia i roto i te ao varua i teie mau taata tei pohe. Na te mau melo o te Ekalesia i ni'a i te fenua nei e rave i te mau oro'a faaoraraa no te mau tupuna tei pohe e no vetahi ê. Ua horo'ahia i te mau taata tei pohe e o te ora nei i roto i te ao varua te rave'a ia farii e aore râ, ia pato'i i te evanelia e i te mau oro'a e ravehia no ratou.

No reira te mau melo o te Ekalesia e maimi ai i te mau haamaramaramaraa no ni'a i to ratou mau tupuna. E faai ratou i te tabula tuatapaparaa tupuna e i te parau tuatapaparaa utuafare e e horo'a i te mau i'oa o te feia tei pohe o te hinaaro ia ravehia to ratou mau

Te mau nota

Te mau nota

oro'a faaoraraa i roto i te mau hiero mo'a. O tera ia te ohipa aamu utuafare. E nehenehe te mau melo ti'amâ 12 matahiti e farii i te parau faati'a no te haere e rave i roto i te hiero te mau oro'a baptizoraa no tei pohe

Aamu utuafare

A ani manihini i te mau melo apî ia farerei i te hoê melo e aore râ, ia haere i roto i te hoê pû aamu utuafare (mai te mea te vaira) no te haamatauraa i te ohipa aamu utuafare e i te mau materia tauturu e vaira no ratou. A horo'a ia ratou te hoê hoho'a no te mau materia aamu utuafare.

Te tai'oraa i te papa'iraa mo'a

PH&PF 43:16	PH&PF 128	PH&PF 138	1 Petero 3:18–21
PH&PF 95:8–9	PH&PF 131	Salamo 65:4	1 Korinetia 15:29
PH&PF 124:22–42	PH&PF 132	Buka iti, <i>Welcome to the Family History Center</i>	

Mau fafauaraa

- E faaineine anei oe no te fariiraa i te mau oro'a o te hiero ? (I muri noa mai i te baptizoraa e i te haamauraa, e nehenehe te mau melo ti'amâ 12 matahiti e farii i te parau faati'a no te haere i roto i te hiero e rave i te mau oro'a baptizoraa no tei pohe).
- E rave anei oe i te ohipa aamu utuafare e e hopoi anei oe i te mau i'oa o te mau tupuna ia farii ratou i te mau oro'a no te hiero na roto i te monoraa ?

Tavini

Hoê o te mau haamaitairaa rahi no te riroraa ei melo no te Ekalesia o te taviniraa ia. Ia horo'a ana'e tatou i te taviniraa aroha ia vetahi ê, te tavini ra ia tatou i te Atua. Ia baptizo-ana'ehia tatou, e fafau tatou i te horo'a i taua taviniraa ra (a hi'o Mosia 18:8–10). E riro ia tatou i te haro'aro'a i te mau hinaaro o te pae tino e o te pae varua o vetahi ê. E horo'a ia tatou i to tatou taime, ta tatou mau taleni, e ta tatou mau rave'a no te tauturu i taua mau hinaaro ra. E pee ia tatou i te hi'oraa o te Faaora, o tei haere mai e tavini ia vetahi ê. E rave ia tatou mai ta Iesu i rave e ia riro mai Ia'na ra te huru.

I muri mai i te baptizoraa, e farii te mau melo apî i te mau haamaitairaa a te feia faatere o te autahu'araa no te hoê hopoi'a no te tauturu i te Ekalesia. E parauhia te reira e hoê piiraa. Te mau ohipa'toa i roto i te Ekalesia e mau piiraa tamoni ore. Aita roa te hoê taata tavini e aufauhia. Ia farii tatou i to tatou mau piiraa, e paturuhia tatou e te amuiraa i roto i te hoê pureraa na te Ekalesia ia nehenehe vetahi mau melo ia ite i to tatou piiraa e i te paturu ia tatou. E faatoro'a-toa-hia tatou e te hoê taata faatere o te autahu'araa e e horo'ahia te mau haamaitairaa taa ê no te tauturu ia tatou ia rave faaoti i to tatou mau piiraa. E hinaaro te Ekalesia i te mau taleni e te mau ite o te mau melo tata'itahi no te faaoti i te mau piiraa aano e rave rahi. E mea faufaa te mau piiraa'toa e e tauturu te reira i te paturaa i te basileia o te Atua. E mea ti'a ia tatou ia farii i taua mau piiraa ra e ia ohipa maite no te haapiiraa e no te faaotiraa i ta tatou mau ohipa. A na reira ai tatou, e tupu tatou i roto i te faaroo, e faatupu i te mau taleni apî e i te hoê ite rahi a'e no te tavini, e e farii e rave rahi atu mau haamaitairaa.

Te tai'oraa i te papa'iraa mo'a

Aroha

Moroni 7:43–40 PH&PF 88:125 Mataio 22:36–40 1 Korinetia 13:1–8

Poihereraa i te feia veve

Mosia 4:26 Alama 34:28–29 PH&PF 52:40 Mataio 25:40

Tei ô nei tatou no te tavini

Mosia 2:17 Mosia 18:8–10 PH&PF 42:29 PH&PF 107:99–100

Mau fafauraa

- E farii e e rave-faaoiti anei oe i te mau ohipa no te hoê piiraa (oia'toa te hoê piiraa ei orometua hahaere e aore râ, ei tuahine hahaere) ?
- E paturu oe ia vetahi ê i roto i to ratou mau piiraa ?

Te haapiiraa'tu e te haapiiraa mai i roto i te Ekalesia

Ua faanahonahohia te Ekalesia no te maitai e no te haamaitai i te oraraa o te mau melo. No te horo'a ia tatou te mau rave'a no te haapiiraa te tahi i te tahi i te evanelia, te faahoaraa e te taviniraa te tahi i te tahi, e te patururaa te tahi i te tahi i roto i te imiraa i te ora. I roto i te utuafare e i roto i te Ekalesia, e haapiihia te melo tata'itahi i te mau parau haapiiraa no te evanelia. Ia piihia te mau melo no te rave i te hoê piiraa, e horo'ahia ia ratou te mau mauhaa e te mau tauturu ia manu'ia ratou.

Te tai'oraa i te papa'iraa mo'a

PH&PF 88:77–79 Ephesia 4:11–14

Fafauraa

- E haere anei oe i te pureraa ?

Tape'a e tae noa'tu i te hopea ra

A tamau noa'i tatou i te ora i te evanelia, te haafatata'tu ra ia tatou i to tatou Metua i te Ao ra. E oaoa e e poupou tatou i te taraehara a te Faaora. E ora apipiti to tatou utuafare. E ite ia tatou i te here, te oaoa e te hau o te tae mai na roto i te taraehara. E tau i to tatou aau, e paruruhia tatou na roto i te oraraa i te evanelia tei faaho'i-faahou-hia mai.

A faaohipa tamau noa'i tatou i te faaroo i te Mesia, i te tatarahapa, e i te faaap'iraa i ta tatou mau fafauraa, e oaoa tamau noa ia tatou i te arata'iraa a te Varua Maitai. Mai te mea e tape'a tatou e tae noa'tu i te hopea o to tatou oraraa i ta tatou mau fafauraa, e farii ia tatou i te ora mure ore.

E mea iti roa te mau melo o te ore nei e tape'a e aore râ, e vai itoito noa. Tera râ, te tape'araa e tae noa'tu i te hopea ra o te hoê ia hopoi'a na te taata iho. Na tatou iho e « rave faaoiti hua i [to tatou iho] ora » (Philipi 2:12), e e tavini e e here tatou i te feia tei paruparu te faaroo na roto i te ohipa-ore-raa.

Te mau nota

Haapiiraa 5: Te mau ture e te mau oro'a

Te mau nota

Te tai'oraa i te papa'iraa mo'a

2 Nephi 31:20–21
Moroni 6:4

PH&PF 20:37
Te mau hiro'a faaroo 1:3

Ioane 14:15,21 Philipi 2:12
Ephesia 6:4

Fafauraa

- E hinaaro anei oe i te ora tamau noa i te evanelia na roto i te tape'araa i te mau fafauraa o te bapetizoraa i roto i to oe oraraa ?



Nahea vau e ite ai e e taa ai i te Varua ?

Te mau nota

A feruri i teie

- No te aha vau i hinaaro ai ia farii i te heheuraa ?
- O vai te Varua Maitai e nahea Oia ia ohipa ?
- No te aha e mea ti'a ia'u ia pure ma te faaroo ?
- Eaha te ohipa a te Varua i roto i te ohipa misionare ?
- Nahea vau ia ite i te mau muhumuhu a te Varua ?

Heheuraa no oe iho

Ua parau Iosepha Semita e, « Eita te ora e tae mai e aita e heheuraa ; aita e faufaa no te hoê taata ia faatere i te ohipa e aita te reira » (*History of the Church*, 3:389). E manuïa oe i roto i ta oe ohipa ia ite oe i te farii e i te pee i te heheuraa i horo'ahia ia oe. Ua haapii atoa Iosepha Semita e, e mea faufaa te heheuraa no ta oe ohipa o te mau mahana atoa: « Teie te parau tumu i ni'a iho i te reira te faatereraa o te ra'i i faatumuhia'i—te heheuraa i faaauhia i te mau mea i roto i reira te mau tamarii o te basileia i tuuhia mai ai » (*History of the Church*, 5:135).

Ua here te Atua ia oe e i Ta'na mau tamarii atoa. Ua ineine Oia i te paturu ia oe i roto i to oe mau tamataraa. Ua fafauhia ia oe te faaururaa ia ite i te mea e ti'a ia rave e ua farii i te mana no te raveraa i te reira (a hi'o PH&PF 43:15–16). E tauturu Oia ia oe a tamata'i oe i te imi e i te maramarama i te Varua na roto i Te tai'oraa i te papa'iraa mo'a. E arata'i Oia ia oe i te feia o tei farii i te parau poro'i no te Faaho'i-faahou-raa. E horo'a Oia ia oe te mana no te faaiteraa i te parau poro'i e no te faaite papûraa no te Mesia e no Ta'na evanelia. E ninii rahi mai Oia i Ta'na mau haamaitairaa i ni'a ia oe na roto i te horo'a o te Varua Maitai. Ua ani mai râ Oia ia vai ti'amâ noa oe i teie horo'a e ua titauhia mai oe ia ani, ia imi, e ia patoto (a hi'o PH&PF 4:7 ; Mataio 7:7–8).

Te ora nei tatou i te hoê anotau i tohuhia e te mau peropheta o te Buka a Moromona—te hoê tau i reira te mau taata e « mârô ai te tahi i te tahi, e haapii ai ratou ma to ratou iho

Te mau nota

ite, e huna ho'i i te Varua Maitai, o te horo'a mai i te mana ia parau » (2 Nephi 28:4 ; a hi'o atoa 3 Nephi 29:6 ; Moromona 9:7–8). Tera râ, rave rahi mau taata o te hiaai nei i te mau mea o te pae varua. A imi ai oe e nahea ia farii i te heheuraa, e haapii atu ia oe na roto i te mana e te toro'a (a hi'o Alama 17:3) no te mea, e horo'a te Varua Maitai i te mana ia oe ia parau (a hi'o 1 Nephi 10:22).

E titauhia oe ia imi e ia farii i te heheuraa na roto i te Varua Maitai a tauturu ai oe i te mau taata ia baptizohia e ia haamauhia. A imi i te faaroo ia nehenehe oe ia farii i te heheuraa no te arata'iraa ia oe i tera mahana e tera mahana. E tauturu te Varua Maitai ia oe i roto i te mau hi'oraa atoa o ta oe ohipa.

Ohiparaa: Haapiiraa ia oe iho

I roto i te iteraa papû hopea a Moroni, ua papa'i oia e, « ia oti ia'u te a'o rii atu ia outou » (Moroni 10:2). A tai'o Moroni 10 e a papa'i i te mea o ta Moroni i a'o i te taata tai'o i te Buka a Moromona ia rave. (Te auaa o te parau *A'o* o te faaitoito puairaa ia e aore râ, o te ani-'u'ana-raa ia i te hoê taata ia rave i te hoê ohipa).

Te maramarama o te Mesia

E nehenehe te hoê taata e farii i te arata'iraa a te varua hou oia a baptizohia'i e a haamauhia'i. E haamata teie faaururaa a te varua na roto i te maramarama o te Mesia, o tei « horo'ahia i te mau taata atoa ra ia ite ratou i te maitai e i te ino » (Moroni 7:16 ; a hi'o atoa i te mau irava 14–19).

Te maramarama o te Mesia o « te puai hanahana ia, te mana e aore râ, te faaururaa e tae mai mai te Atua mai na roto i te Mesia e o te horo'a i te ora e i te maramarama i roto i te mau mea atoa. Na taua ture ra te mau mea atoa i faaterehia'i i te ra'i e i te fenua nei. E tauturu atoa te reira i te mau taata ia maramarama i te parau mau o te evanelia e no te tuu ia ratou i ni'a i te e'a o taua evanelia ra o te arata'i ia ratou i te ora.

« Eiaha ia hape i te maramarama o te Mesia e i te Varua Maitai. E ere te maramarama o te Mesia i te hoê taata. O te faaururaa râ o te tae mai mai te Atua mai e o te faaineine i te hoê taata ia farii i te Varua Maitai. O te hoê ia mana no te maitai i roto i te oraraa o te mau taata atoa.

« Te hoê faaiteraa no te maramarama o te Mesia o te feruriraa ia, o te tauturu i te hoê taata ia ma'iti i te maitai e i te ino. Ia ite atu â te taata i te evanelia, e riro to ratou feruriraa i te haaputapûhia. Te mau taata o te haapa'o i te reo no te maramarama o te Mesia ra, e arata'ihia ia i te evanelia a Iesu Mesia. » (« Guide des écritures », « Lumière ; Lumière du Christ » ; a hi'o atoa PH&PF 84:46–47).

Ua parau te peresideni Boyd K. Packer e, « E mea faufaa na te hoê... misionare... ia ite e e nehenehe te Varua Maitai e ohipa na roto i te Maramarama o te Mesia. Eita te hoê orometua haapii i te parau mau o te evanelia e tanu i te hoê mea èè e aore râ, i te hoê mea apî i roto i te hoê taata paari e aore râ, i te hoê tamarii. Maoti râ, e farerei te misionare e aore râ, te orometua haapii i te maramarama o te Mesia e vaira. E 'pato' e e ite vitiviti roa ratou i te auaa o te evanelia » (« The Light of Christ », a'oraa o tei horo'ahia i te mau peresideni misioni apî i roto i ta ratou haapiiraa o te 22 no tiunu 2004, 2).

Te Varua Maitai

Te huru o te Varua Maitai. Te Varua Maitai o oia te melo toru o te Atuaraa. E varua Oia aita To'na e tino 'i'o e te ivi (a hi'o PH&PF 130:22). O Oia te Faa'o, o ta te Faaora i fafau e e

haapii Oia i Ta'na mau pīpī i te mau mea'toa e e faaite faahou mai ho'i ia ratou i te mau parau atoa Ta'na i parau mai ia ratou ra (a hi'o Ioane 14:26).

Te mana o te Varua Maitai. Te haapapūraa o ta te feia imi aau tae e farii hou te baptizora e tae mai ia na roto i te mana o te Varua Maitai » (« Guide des écritures », « Saint-Esprit »). E horo'a te reira i te hoê iteraa papū no Iesu Mesia e no ta'na ohipa e no te ohipa a ta'na mau tavini i ni'a i te fenua nei. E faaite papū te Varua Maitai i te parau mau. E ite te mau taata atoa e e parau mau te Buka a Moromona na roto i te mana o te Varua Maitai. « E na roto i te mana o te Varua Maitai e ite ai outou i te parau mau i te mau mea atoa ra » (Moroni 10:5).

Te horo'a o te Varua Maitai. Eita e roaa i te feia imi o tei farii i te hoê haapapūraa te fafauaraa no te auhoaraa tamau o te Varua Maitai. Teie ta Iosepha Semita i parau: « Te vai nei te taa-ê-raa i rotopu i te Varua Maitai e te horo'a o te Varua Maitai. Ua farii Korenerio i te Varua Maitai hou oia a baptizohia'i, o tei riro e mana haaputapū a te Atua ia'na i te parau mau o te Evanelia, aita râ oia i farii i te horo'a o te Varua Maitai maoti râ, i muri mai i to'na baptizo-raa-hia. Ahiri e aita oia i rave i teie nei tapa'o e aore râ, i teie oro'a, e faaru'e ia te Varua Maitai ia'na o tei haapapū ia'na i te parau mau » (*History of the Church*, 4:555).

«... te tura ia farii i te auhoaraa tamau o te Varua Maitai, ia vai ti'amâ te hoê taata, o te hoê ia horo'a e nehenehe e fariihia na roto noa i te tuuraa rima o te hoê e mau ra i te Autahu'araa a Melehizedeka i muri mai i te baptizora e haamanahia i roto i Te Ekalesia a Iesu Mesia (« Guide des écritures », « Saint-Esprit »).

Ei melo no te Ekalesia, ua farii oe i te horo'a o te Varua Maitai na roto i te mana o te autahu'araa. E horo'a teie horo'a ia oe i te auhoaraa tamau o te Varua Maitai mai te mea e faaea ti'amâ noa oe i te reira. A pure no te arata'iraa a te Varua e a pee itoito noa i te mau muhumuhu o ta oe e farii.

Te Varua Mo'a no te Fafauaraa. Ua faaau-atoa-hia te Varua Maitai i te Varua Mo'a no te Fafauaraa (a hi'o PH&PF 88:3). Ia taatihia e te Varua Mo'a no te Fafauaraa to'na auaa ra, ua haapapū mai te Varua Maitai i te ti'a mau o taua mau ohipa ra, o taua mau oro'a ra, e o taua mau fafauaraa ra e, ua fariihia e te Atua. E haapapū te Varua Mo'a no te Fafauaraa i te Metua e, ua ravehia te mau oro'a faaoraraa ma te ti'a mau e ua haapa'ohia te mau fafauaraa i taatihia i te reira. O ratou atoa o tei taatihia e te Varua Mo'a no te Fafauaraa e farii ia i te mau mea atoa ra a te Metua (a hi'o PH&PF 76:51–60 ; Ephesia 1:13–14). E mea ti'a ia taatihia te mau fafauaraa e te mau ohipa e ravehia e te Varua Mo'a no te Fafauaraa ia ore, eita ia te reira e mana i muri mai i teie nei oraraa (PH&PF 132:7, 18–19, 26). Ia ofatihia te mau fafauaraa, e iriti-ê-hia te taatiraa.

Te mau horo'a a te Varua. Te mau horo'a a te Varua, e mau haamaitairaa pae varua taa-ê-mau te reira o ta te Fatu i horo'a i te mau taata ti'amâ no to ratou iho maitai e no te

« E tae mai te horo'a o te Varua Maitai i muri mai i te tatarahaparaa e i te riroraa ei mea ti'amâ... Ua riro te Varua Maitai ei faaite no te parau mau e e faaehuehu hohonu i te varua i te huru mau o te Atua te Metua e o te Tamaiti o Iesu Mesia e ore ai te hoê noa'tu puai no te fenua e aore râ, e mana e nehenehe e faataa ê i taua ite ra. »

PERESIDENI JAMES E. FAUST
« THE GIFT OF THE HOLY GHOST—A SURE COMPASS »,
ENSIGN, EPERERA 1996, 4

Te mau nota

haamaitai ia vetahi ê. Teie te tahi hi'oraa, e nehenehe te mau misionare o te haapii ra i te hoê reo êê e farii i te horo'a no te parau êê no te tautururaa ia ratou i te haapiiraa mai i taua reo ra. Ua faaitehia teie mau horo'a i roto i te buka a Moroni 10:8–18 ; Te Mau Parau Haapii e te Mau Parau Fafau 46:11–33 ; e 1 Korinetia 12:1–12. E mau hoho'a teie no te mau horo'a e rave rahi o te mau horo'a a te Varua. E haamaitai te Fatu ia oe na roto i te tahi atu mau rave'a ia ti'ahia râ i to oe faaroo, to oe mau hinaaro, e te hinaaro o te feia o ta oe e tavini ra. E mea ti'a ia hiaai oe i te mau horo'a o te pae varua e ia imi itoito noa no te reira (a hi'o PH&PF 46:8 ; 1 Korinetia 12:31 ; 14:1, 12). E roaa teie mau horo'a na roto i te pure, te faaroo, e te mau ohipa ia au i te hinaaro o te Atua (a hi'o PH&PF 63:9–12 ; 84:64–73).

Ohiparaa: Haapiiraa ia oe iho e aore ra, e to oe hoa

A tai'o i te mau faahororaa i raro nei ;

- Le « Guide des écritures », « Saint-Esprit », « Lumière, Lumière du Christ » et « Esprit. »
- *Our Search for Happiness*, mau api 84–86, 91–92
- *Mau maite i te Faaroo*, mau api 81–84, 165–67

A papa'i i te hoê faaiteraa no te huru e no te ohipa a te Varua Maitai.

A tai'o Te Ohipa 4:23–33.

- Nahea to Petero e to loane imiraa i te mau horo'a a te varua ?
- Mea nahea to te Fatu pahonora a ta raua mau pure ?
- Eaha te mea o ta oe e haapii mai no roto i teie iteraa no ni'a i ta oe iho ohipa ?

Te mana o te Varua i roto i te faafariuraa

E mea faufaa te mana o te Varua Maitai i roto i te faafariuraa. A tutava ia ite i te parau haapiiraa no te faafariuraa e i te mau iteraa no te faafariuraa. Ua tatara Elder Boyd K. Packer i te faufaa rahi o te Varua i roto i te faafariuraa:

« Ia tupu te faafariuraa, e mea na roto ia i te mana o te Varua. Ia nehenehe te manu'araa e tupu i roto i te ohipa misionare, e mea ti'a teie na mea e toru ia tupu:

« E mea ti'a ia tatou ia maramarama e te mea o ta te hoê taata imi e ite ia nehenehe oia e farii i te faafariuraa.

« E mea ti'a ia maramarama tatou i te mea o ta te hoê misionare e ite ia nehenehe oia ia haapii na roto i te mana faafariu o te Varua.

« I muri iho, e mea ti'a ia maramarama tatou i te mea o ta te hoê melo e ite ia manu'ia i roto i te iteraa o te faafariuraa » (amuiraa na te mau peresideni misioni, 3 no eperera 1985).

Ia ite papû oe i te mea o ta te feia imi, ta te mau misionare, e ta te mau melo e ite ia farii ana'e ratou i te haapapûraa a te Varua, e maitai atu â ia to oe iteraa i ta oe iho ohipa, oia ia:

- Ia patuhia e ia haamaramamahia to oe feruriraa a imi ai oe i te mau papa'iraa mo'a e a haapii ai i te parau haapiiraa.



- Ia faatupu i te hoê huru maitai a haapii ai oe ia nehenehe te Varua Maitai ia faaite haapapû i te reira. E rave oe i te reira na roto i te haapiiraa e i te faaite-papû-raa i te parau poro'i o te Faaho'i-faahou-raa. A haapii mai te au i te arata'iraa a te Varua, e a faaite e, ua ite papû roa oe na roto i te mana o te Varua Maitai e, e parau mau o ta oe i haapii.
- Ia pee i te arata'iraa a te Varua a faaau ai oe i te parau poro'i i te mau hinaaro a te taata tata'itahi.
- Ia ani manihini i te mau taata ia ohipa. E tupu to ratou faaroo i te rahi ia tatarahapa ratou, ia haapa'o i te mau faaueraa, e ia rave e ia tape'a i ta ratou mau fafauraa.

Ua parau Elder M. Russell Ballard no ni'a i te mana o te Varua: « E mea na roto mai te faafariuraa mau i te mana o te Varua. Ia haaputapû ana'e te Varua i te aau, e tau i te aau. Ia ite te mau taata... i te Varua i te ohiparaa i roto ia ratou e aore râ, ia ite ratou i te here e te aroha mau o te Fatu i roto i to ratou oraraa, e faateitei e e haapuaihia ratou i te pae varua e i reira to ratou faaroo e faarahihia'i No'na. E tupu teie mau iteraa no te Varua ia hinaaro mau te hoê taata ia farii i te parau. E mea na reira tatou e *ite* ai e e parau mau te evanelia » (« Now Is the Time », *Ensign*, novema 2000, 75)

E ohipa te Varua Maitai i roto i te aau o te mau taata no te hopoi mai i teie mau tauraa. A ma'iti ai te mau taata i te haapa'o i te mau fafauraa, e ite atu â ratou i te puai o te mana o te Varua Maitai ei reira ia ratou e faatupu ai i te faaroo no te haapa'o i ta te Mesia.

Ohiparaa: Haapiiraa ia oe iho

- A tai'o hoê e aore râ, e piti o te mau irava i muri nei, e a feruri hohonu e eaha te mea e ti'a i te hoê taata imi ia ite ia nehenehe oia ia faafariuhia. A papa'i i to oe mau mana'o i roto i ta oe buka tapa'o no te tai'oraa. A aparau i to oe mau mana'o e te tahi atu â mau misionare e i te mau melo.

2 Nephi 4:16–35 ; Enosa 1 ; Mosia 4–5 ; 18:7–14 ; 27–28 ; Alama 5 ; 17–22 ; 32 ; 36 ; 38

- A tai'o hoê e aore râ, e piti o te mau irava i muri nei e a feruri hohonu e eaha te mea o ta te hoê misionare e o ta te hoê melo e ti'a ia ite no te haapii e te mana no te faafariuraa. A aparau i to oe mau mana'o e te tahi atu â mau misionare e i te mau melo.

1 Nephi 8:11–12 ; Mosia 28:1–4 ; Alama 26 ; 29 ; 31:26–38 ; 32 ; Moroni 7:43–48 ; PH&PF 4 ; 18:10–16 ; 50:21–22

Tai'oraa i te papa'iraa mo'a

Eaha te mea o ta teie mau papa'iraa mo'a e haapii mai nei no ni'a i te mana o te Varua i roto i ta oe ohipa ?

2 Nephi 33:1–2
PH&PF 42:11–17
PH&PF 50:13–22

Te Ohipa 2:37–38
1 Korinetia 2:11–14

« Guide des écritures »,
« Conversion, Converti »

Eaha te mea e ti'a ia oe ia rave no te fana'oraa i te mana o te Varua i roto i ta oe ohipa ?

Alama 32:27–28

PH&PF 42:14

Ione 7:17

No te aha e mea faufaa ia haapii i te mea o ta oe i ite e o ta oe e ti'aturi ra ?

Alama 5:43–47

PH&PF 52:9

PH&PF 80:4

A pure ma te faaroo

E haapii oe na roto i te rave'a a te Fatu na roto noa i te mana o te Varua, e e farii oe i te Varua na roto i te pure e te faaroo. Ua parau te Fatu e, « E e horo'ahia'tu te Varua ia outou na roto i te pure faaroo ; e mai te mea e ore roa outou e farii i te Varua ra e ore ho'i outou e haapii atu » (PH&PF 42:14). A pure ai oe ia roaa te tauturu i roto i ta oe haapiiraa, e faatae te mana o te Varua Maitai i ta oe mau haapiiraa « i roto i te aau o te tamarii a te taata nei » (2Nephi 33:1).

Ua faahoho'a te peresideni Gordon B. Hinckley i teie parau tumu na roto i te faati'araa i te hoê iteraa no roto mai i ta'na misioni:

« Te haamana'o noa ra vau e piti na taure'are'a o tei tavini na i roto i ta'u misioni. Hoê, e taata tuiroo. E taata ite. E taata maramarama. E taata vitiviti. E taata teoteo râ. Te tahi râ, e taata peni ia. No roto mai oia i te hoê fare toa peni e e ite iti ha'iha'i to'na area râ, ua ite oia i to'na paruparu e ua ti'aturi oia i te Fatu. Ia pure oia, e ite oe e, te paraparau ra oia i te Fatu. E ere i te mau parau tamau aauhia, e aparauraa râ e ua rave faaoti teie taure'are'a i te mau ohipa maere area te tahi taure'are'a ra, ua rave noa ia i te mau mea o tei anihia ia'na ia rave. E taa maitaihia te mana e vai i roto i te hoê e te ereraa o te mana i roto i te tahi. A pii i te Fatu. E titauraa teie Na'na e e pahono mai Oia. » (*Teachings of Gordon B. Hinckley* [1997], 469).

A faaitoito i te pure ma te aau tae, ma te hinaaro mau, e ma te « puai hope o te aau » (Moroni 7:48). E titau mai te pure i te tautooraa rahi (a hi'o Moroni 10:3-4 ; PH&PF 8:10 ; 9:7). A horo'a i te hoê tau'araa maitai i to oe huru e i te mau parau o ta oe e faaohipa'tu. A feruri i teie mau mea i muri nei ia pure oe:

- A faaohipa i te parau no te pure, o te faaite e ua here e te faatura nei oe i to oe Metua i te Ao ra. A faaohipa i ta oe iho parau faatura i roto i te reo o ta oe e paraparau ra. Mai teie te huru, i roto i te reo peretane, e faaohipahia te mau parau na roto i te reo peretane tahito no te faaite i te faatura.
- A faahiti tamau i te maururu no ta oe mau haamaitairaa. Na te hoê tautooraa feruri-maitai-hia e tauturu ia oe ia ite i te aroha o te Fatu i roto i to oe oraraa.
- A pure ia arata'ihia e ia tauturuhia e te Varua Maitai. A faaite e te haafaufaa nei oe i teie haamaitairaa na roto i te faarooraa i te mau muhumuhu a te varua. E ma te itoito a pee i taua mau muhumuhu ra.



- A pure ma te here e te aroha. A pure no te mau taata ma te faahiti i to ratou mau i'oa. A ani i te faaururaa no te tauturu ia oe ia maramarama e ia ite i to ratou man hinaaro. A pure no te maitai o te mau farereiraa, te feia imi, te mau melo faafariu apî, e no te mau melo itoito-rii. A pure no te mau melo e no te feia faatere o te autahu'araa e o te mau pūpū tauturu i roto i to oe area. A pure no to oe utuafare i te fare. A pure no to oe hoa misionare, e no te tahi atu mau misionare, e no to oe peresideni misioni. A pure ia ite e nahea ia tauturu ia vetahi ê, e i muri iho, ia faatae i te aau no te faatusiaraa no ratou.
- A pure ia faaitetia ia oe te vahī tano mau e i te mea e rave. A pure ia arata'ihia oe i te feia o te faaineine ra no te farii i te parau poro'i o te Faaho'i-faahou-raa. A pure ia ite oe ia ratou.
- Ia ite papū oe e, ua ite to oe Metua i te Ao ra i te mea o ta oe e hinaaro hau atu i ta oe e mana'o ra. A ti'aturi i te Varua ia ite i te mea o ta oe e ani na roto i te pure (a hi'o 3 Nephi 19:24 ; PH&PF 46:28, 30).
- I roto i ta oe mau pure o te pō, a tuatapapa i te Fatu i ta oe mau ohiparaa o te mahana. E i muri iho a hohora'tu Ia'na ta oe opuaraa no te mahana i muri mai. A faaroo i te mau muhumuhu a te Varua.
- A pure ia upooti'a i te faahemaraa. E haape'ape'a te fatiraa i roto i te faahemaraa i te Varua.
- A pure e, ia tae i te taime mau, a haapae no te mau haamaitairaa taa ê.
- A pure no ni'a e a feruri hohonu i te mau papa'iraa mo'a. E iriti te mau papa'iraa mo'a i te uputa no te heheuraa.
- A faaroo e e pahono te Atua i ta oe mau pure. Ia ite e, e ere to te Atua mau mana'o i to oe mau mana'o (a hi'o Isaia 55:8-9), e a ti'aturi e e pahono te Atua i ta oe mau pure na roto i Ta'na rave'a e i te taime mau e au Ia'na.

« E mea ti'a i te mau misionare... i te mau po'ipo'i atoa, ia tuturi e ia taparu i te Fatu ia tatara i to ratou mau arero e ia paraparau na roto mai ia ratou, te mau haamaitairaa no te feia o ta ratou e haapii atu. Ia na reira ratou, e tae mai te hoê maramarama apî i roto i to ratou oraraa. E itoito rahi atu â ratou i te raveraa i te ohipa. E ite ia ratou e, e mau tavini ratou no te faaitetia i te Fatu ma te a'o No'na ra. E ite ratou i te mau pahonora taa ê a te feia o ta ratou e haapii ra. Ia rave ratou na roto i te Varua, e pahono mai ia te feia imi na roto i te faaururaa a taua Varua ra. »

– PERESIDENI GORDON B. HINCKLEY
« TE TAVINIRAA MISIONARE », HAAPIIPIIRAA MATAMUA NA TE FEIA FAATERE O TE AO NEI, 11 TENUARE 2003, 20

Ohiparaa: Haapiiraa ia oe iho

A feruri i te mau parau i muri nei no ni'a i te pure aau tae:

Te fifi râ o ta tatou mau pure, e au pa'i e, e rave tatou i te niuniu paraparau e a horo'a'tu ai i ta tatou aniraa i te fare toa—e ia oti, ua vaiho faahou i te niuniu. E mea ti'a ia tatou ia feruri hohonu, ia hi'o tutonu, e ia feruri i te mea i pure ai tatou e i muri iho, e paraparau atu i te Fatu mai te hoê taata e parau i te tahi » (Gordon B. Hinckley, *Teachings of Gordon B. Hinckley*, 469).

Te mau nota

« Mai te mea e faarirohia te pure mai te hoê piiraa rû i te taima no te ati, ua aroha noa ïa tatou ia tatou iho, ua faairi ïa tatou i te Atua mai te hoê taata tata'i e aore râ, mai te hoê taata tavini no te tauturu ia tatou i roto i ta tatou mau ohipa rû. E mea ti'a ia tatou ia haamana'o—tamau noa— i tei Teitei Roa i te ao e i te ru'i—eiaha noa i te mau taima e aita te tahi mau tauturu i tae mai e te titau 'u'ana nei tatou i te tauturu » (Howard W. Hunter, *The Teachings of Howard W. Hunter*, nene'iraa a Clyde J. Williams [1997], 39).

Ma te faaohipa i teie faito, a faaaui i ta oe mau pure. I roto i ta oe buka tapa'o no te tai'oraa, a papa'i i ta oe mau pahonora a te mau uiraa mai teie te huru: E tuu oe ia oe i te hea faito ? Tei hea te vahi o ta oe e hinaaro ia ti'a i ni'a i te faito ? Nahea oe ia tau i ?

	Mea iti roa	Mea tanotano noa	Mea maitai
Faaroo paruparu i roto i te Mesia	←		→ Faaroo puai i roto i te Mesia
Aita e haamauuruu	←		→ Haamauuruu rahi roa
Aita te feruriraa e hi'ototonu i ni'a i te ohipa	←		→ Ua hi'ototonu i ni'a i te ohipa
Aita e tau'a i te mau ohipa	←		→ Ua rave faaotihia te mau ohipa na roto i te pure
Na ni'a e na ni'a noa	←		→ Faatumuhia i ni'a i te mau hinaaro o teie mahana
Mau mana'o paruparu	←		→ Maitai, au
Faatumu i ni'a i te mau mana'o viivii	←		→ Faatumu i ni'a i te mau mana'o mâ
Haapa'o noa ia oe iho	←		→ Haapa'o ia vetahi ê
I te taato'araa, eiaha râ i te hoê mea taa ê	←		→ I te hoê mea taa ê, eiaha râ i te taato'araa
Aita e Varua	←		→ Na te Varua i arata'i i te pure
Aita e ite i te pahonora a	←		→ E ti'aturi e e pahono mai te Atua

Tai'oraa i te papa'iraa mo'a

No te aha oe e pure ai no te titauraa i te Varua ?

2 Nephi 32:8–9

PH&PF 42:14

PH&PF 50:13–22

E pure oe no te aha ?

Alama 6:6

Alama 37:36–37

PH&PF 50:29–30

Alama 13:28

3 Nephi 18:20

« Guide des écritures »,

Alama 34:17–27

3 Nephi 19:9

« Prière »

A haapii ia ite i te mau muhumuhu a te Varua

E parahi tamau noa mai te Varua no te arata'i ia oe. Tera râ, e parau vitiviti mai te Varua, na roto i to oe iteraa e na roto i to oe feruriraa. Hoê o to oe tamataraa rahi e to te feia o ta oe e ohipa ra i pihaiiho o te iteraa ïa i te mau muhumuhu maniania ore e te aravihi o te Varua Maitai.

Ua haapii mai Elder Boyd K. Packer e: « Ua faaaui te papa'iraa mo'a i te reo o te Varua mai te hoê reo 'maniania ore' e ere ho'i i te mea 'rahi.' 'E ere ho'i i te reo mai te patiri, e

ere atoa... i te reo mai te hoê haruru rahi ra.' Inaha râ, 'e reo iti iā, e te mārū roa, mai te mea e o te hoê parau iti ha'iha'i nei, e ua puta te varua' e 'e hopoi mai i te ahu i te [aau]. (3 Nephi 11:3 ; Helamana 5:30 ; PH&PF 85:6–7). A haamana'o na, aita Elia i ite i te reo o te Fatu i roto i te mata'i, aita atoa i roto i te aueueraa fenua, aita atoa i roto i te auahi, na roto mai râ i te 'reo iti ha'iha'i.' (1 Te Mau Arii 19:12).

« Eita te Varua e faaraa ia tatou na roto i te tuo e aore râ, i te ueueraa ia tatou ma te rima toiaha. E paraparau rii noa mai râ. E haamaineine noa e mai te mea ho'i e e fifi rii to tatou, e ore roa iā tatou e ite i te reira. (E ere roa'utu i te mea maere te Parau paari i heheuhia mai ai ia tatou, e ore ho'i te ta'ero ava e ite i taua reo ra ?)

« I te tahi taime, e haapapūhia mai te reira ia haro'aro'a rii tatou. I te rahiraa râ o te taime, mai te mea eita tatou e haapa'o i taua huru iti ha'iha'i, e faru'e mai te Varua ma te ti'a'i ia haere faahou tatou e imi, e faaroo e e parau mai ta tatou i mataro, mai ia Samuela i tahito ra, 'E parau mai e te [Fatu] te faaroo nei ho'i to tavini.' (1 Samuela 3:10). » (« The Candle of the Lord », *Ensign*, tenuare 1983, 53).

Te mārō nei e rave rahi reo i roto i te ao nei no te ruri ê ia outou, e nehenehe atoa ratou e haaparemo i to tatou huru mai te mea aita tatou e haapa'o.

Ohiparaa: Haapiiraa ia oe iho e aore ra, e to oe hoa

A tai'o i te tarena i raro nei. A feruri i te mau taime oe i ite ai i te hoê noa'utu mau mana'o, mau feruriraa e aore râ, te tahi mau horuhoruraa tei faaitehia i roto i te mau irava i raro nei. A tai'o ai oe e a roaa'i ia oe te iteraa, a faao atoa'utu i te tahi mau irava i roto i teie tarena. A feruri e nahea oe ia faaohipa i teie mau parau tumu no te tauturu ia vetahi ia farii e ia ite i te Varua.

PH&PF 6:23 ; 11:12–14 ; Roma 15:13 ; Galatia 5:22–23	E horo'a mai i te here, te oaoa, te hau, te faa'oroma'i, te haehaa, te maitai, te faaroo, e te ti'aturi.
PH&PF 8:2–3	E horo'a mai i te mau mana'o i roto i te feruriraa, te mana'o i roto i te aau.
PH&PF 128:1	E vai noa i roto i te feruriraa e e haapapū mai i te mau mana'o.
Aamu o Iosepha Semita—1:11–12	E tauturu i te mau papa'iraa mo'a ia puai i roto i te aau.
PH&PF 9:8–9	E horo'a i te mana'o maitai no te haapii i te mea ti'a.
Alama 32:28 ; PH&PF 6:14–15 ; 1 Korinetia 2:9–11	E haamaramarama i te feruriraa.
Alama 19:6	E monohia te pouri i te maramarama.
Mosia 5:2–5	E haapuai i te hinaaro no te pato'i i te ino e ia haapa'o i te mau faueraa.
Ioane 14:26	E haapii i te parau mau e e faahaamana'o faahou mai.
Ioane 14:27	E horo'a i te mau mana'o hau e te tamahanahana.
Ioane 16:13	E arata'i i te parau mau e e faaite i te mau mea e tae mai.
Moroni 10:5	E faaite i te parau mau.
PH&PF 45:57	E arata'i e e paruru ia ore e haavarehia.
2 Nephi 31:18 ; PH&PF 20:27 ; Ioane 16:14	E faahanahana e e faaite papū no te Atua te Metua e no Iesu Mesia
PH&PF 42:16 ; 84:85 ; 100:5–8 ; Luka 12:11–12	E arata'i i te mau parau a te mau orometua haapii haehaa.
Ioane 16:8	E faaite e e faatiti'aifaro i te hara.
Moroni 10:8–17 ; PH&PF 46:8–26 ; 1 Korinetia 12	E horo'a i te mau horo'a a te Varua.
Alama 10:17 ; 12:3 ; 18:16, 20, 32, 35 ; PH&PF 63:41	E tauturu ia ite e aore râ, ia haro'aro'a i te mau feruriraa o vetahi ê

« Ua horo'a [Iosepha Semita] i te haamaramaramaraa i te mau Elders ia faatura i te pororaa o te Evanelia, e ua faaara ia ratou e, e mea ti'a roa ia farii i te Varua, ia nehenehe ratou ia poro e te Varua Maitai tei tonohia mai mai te ra'i mai » (*History of the Church*, 4:13).

I roto i ta oe mau putuputuraa faaineineraa o te hebedoma e o te mahana iho, e titauhia oe ia ui i te mau uiraa tumu i te mau mahana'toa—e rahi noa'tu te taime i te mahana (a hi'o i te afata o te Tai'oraa i te papa'iraa mo'a e apeeia e te mau hi'oraa o te mau uiraa). A imi i te faaururaa no te pahono i teie mau uiraa e farereihia. E mea ti'a ia faaohipahia te mau pahonora o ta oe i faaineine. Tera râ, e mea ti'a ia hinaaro oe i te pee tamau i te Varua e ia taui i ta oe mau faanahoraa ia tupu mai te tahi mau ohipa mana'o-ore-hia.

A tai'o i te mau papa'iraa mo'a i muri nei e a feruri e nahea oe ia pahono i teie mau uiraa faufaa o te ti'a ia oe ia ui i te mau mahana atoa. A feruri i te auraa o teie mau irava no ta oe mau tautooraa, ta oe mau putuputuraa faaineineraa, e i ta oe haapiiraa ia oe e to oe hoa. A feruri atoa i to ratou auraa a haapii ai oe i te mau haapiiraa, a ani manihini i te mau taata ia faaoti i te mau fafauraa, e ia hi'opo'a i te mau fafauraa, e ia haapuui i te mau melo apê e i te mau melo itoito rii, e ia rave i te ohipa i pihaiho i te mau melo.

Tai'oraa i te papa'iraa mo'a

E haere au i hea ?

Helamana 10:17 PH&PF 75:26–27
PH&PF 31:11 PH&PF 79:1–2

Eaha te ti'a ia'u ia rave ?

1 Nephi 4:6 PH&PF 28:15
2 Nephi 32:2–5 PH&PF 52:3–4

Eaha te ti'a ia'u ia parau ?

2 Nephi 33:1	PH&PF 33:8–10	Mataio 10:19–20
Alama 5:43–46	PH&PF 50:13–22	Mareko 13:11
Alama 11:22	PH&PF 68:1–4	1 Korinetia 2:4–5, 12–13
Helamana 5:18	PH&PF 75:3–11	Exodo 4:10–12
Helamana 13:3–5	PH&PF 100:5–8	

Nahea vau ia faatano i ta'u haapiiraa i te mau hinaaro o ta'u feia imi ?

Alama 12:7	3 Nephi 17:2–3	PH&PF 84:85
Alama 41:1	PH&PF 71:1	

Eaha te mau papa'iraa mo'a o ta'u e faaohipa e nahea vau ia faaohipa i te reira ?

Mosia 18:19–20	PH&PF 32:4	PH&PF 71:1
Mosia 27:35	PH&PF 42:11–17	PH&PF 80:4
PH&PF 18:32–36	PH&PF 68:1–4	Luka 24:13–32

Parau faaararaa

A pure ai oe ia faauruhia, e mea ti'a ia haapapû oe i to oe mau mana'o. Mai teie te huru, a faaau i ta oe mau opuaraa i te mau papa'iraa mo'a e te mau haapiiraa a te mau peropheta ora. A haapapû e ua tano te mau mana'o i ta oe ohipa ; mai teie te huru, eita oe e farii i te heheuraa no te parau i te hoê episekopo e nahea oia ia rave faaoti i to'na piiraa.

Te mau nota

A aparau i to oe mau mana’o e te mau faaotiraa e to oe hoa misionare, i to oe taata faatere mataeinaa e aore râ, i to oe peresideni misioni ia tano maitai te taimē.

Ua pûpû mai te peresideni Howard W. Hunter i teie a’o: « Te hinaaro nei au e faaara’tu ia outou... Te mana’o nei au e, mai te mea eita tatou e haapa’o... , e haamata ia tatou i te faahuru ê i te faaururaa mau a te Varua o te Fatu na roto i te mau faarapuraa ti’a-ore.

E haape’ape’a roa vau ia tupu aifaito te haaputapuraa rahi e aore râ, te faataheraa pape mata i mua i te aro o te Varua. E mea papû e e hopoi mai te Varua o te Fatu i te mau mana’o aehuehu puai, oia’toa te roimata tera râ, eiaha e ano’i i te faaiteraa no rapae e te Varua iho » (*The Teachings of Howard W. Hunter*, 184). E tamau noa te Varua o te Fatu i te haamaramama mai.

E mea mo’a te heheuraa e te mau iteraa o te pae varua. E mea ti’a ia tape’a mo’emo’ehia te reira e ia parauhia i te taimē tano. Ei misionare, e roaa ia oe te ite i te mau iteraa o te pae varua o ta oe i ore na i ite i roto i to oe oraraa hou te misioni. A pato’i i te faahemaraa no te puhara i teie mau iteraa.

Ua a’o mai o Elder Boyd K. Packer e: « Ua haapii mai au e, eita tatou e farii pinepine i te mau iteraa varua puai e te faahiahia. Ia tae mai râ ho’i te reira, e riro ia ei faateiteiraa ia tatou, ei haapiiraa ia tatou, e aore ra, ei faatitiaifarora ia tatou. Aita râ te reira e horo’a i te mana ia tatou ia a’o, e ia faatitiaifaro ia vetahi ê, maori râ, ua pii te hoê ti’a mana ia tatou ia na reira.

« Te ti’aturi atoa nei au i teie nei e, e ere i te mea maitai ia paraparau tamau noa i te mau iteraa varua taa ê. E mea ti’a ia paruru-maite-hia te reira, e na roto ana’e i te faaururaa a te Varua e ti’a ai ia outou ia faaohipa i te reira ei haamaitairaa ia vetahi ê » (*Ensign*, tēnuare 1983, 53).

« *Mai te mea e, ua ti’amâ tatou, e farii tatou i te mau heheuraa no tatou iho, te mau metua no ta ratou mau tamarii, e te mau melo o te Ekalesia i roto i to ratou mau piiraa. Area te ti’araa no te farii i te heheuraa no vetahi ê, aita te reira e horo’ahia ia tatou i roto i tatou tiaauraa. »*

– PERESIDENI JAMES E. FAUST
« COMMUNION WITH THE HOLY SPIRIT »,
ENSIGN, MATI 2002, 4

Tai’oraa i te papa’iraa mo’a

No te faufaa rahi o te ti’aturiraa i te Varua i faaara ‘u’ana mai ai te Fatu ia tatou eiaha e huna e aore râ, e tapo’ipo’i i te Varua. Eaha te mea o ta oe e haapii mai i roto i teie mau irava o te papa’iraa mo’a ?

Iakoba 6:8–9
3 Nephi 29:5–6

Moromona 9:7–9
Moroni 10:7–8

PH&PF 11:25–26
1 Tesalonia 5:19–20

A haamana’o i teie

- A pure na roto i te faaroo ia pahonohia ta oe mau pure.
- A haapii ia maramarama, ia ite, e ia pee i te mau muhumuhu o te Varua.
- A haapii i te ti’aturi i te Varua no te faaitē e e haere i hea, eaha o te rave, e eaha o te parau.
- A haapii ia vetahi ê e nahea ia ite i te Varua.

Mau mana’o tauturu no te haapii mai e no te faahiparaa

Haapiiraa ia oe iho

- A tapa’o i to oe mau iteraa no te pae varua i roto i ta oe buka tapa’oraa. Teie te huru, a pahono i te mau uiraa mai teie te huru: Ua maramarama anei au i te hoê mea hau atu i to’u tai’oraa i te mau papa’iraa mo’a ? Ua farii anei au i te tahi atu mau rave’a mataro-ore-hia no te farerei i te mau taata o ta’u e nehenehe e faaite i te hoê parau poro’i ? Ua horo’ahia’nei ia’u te mau parau no te parau i te taime mau e hinaaro ai au i te reira ? Ua farii anei au i te mana’o here no te mau taata o ta’u i farerei ? E mea nahea ta’u mau pure i pahonohia’i ?
- A vahi i te hoê api parau i roto e piti tuhaa. A tapa’o i roto i te tahi ana’iraa « Eaha Ta te Fatu i Rave » e i roto i te tahi tuhaa « Eaha ta Lehi e aore râ ta Nephi i rave. ? A tai’o i te aamu i roto i te Liahona e te fana i fati (1 Nephi 16:9–30) e aore râ, te aamu o to Nephi hamaniiraa i te pahi (1 Nephi 17:7–16 ; 18:1–6). A tai’o ai oe, a tabula i te mau ohipa tei tupu i roto i te aamu e a tuu i roto i te tuhaa e tano. A feruri i te mea o ta te aamu e nehenehe e haapii ia oe no ni’a i te natura o te faaururaa.
- A hi’o i roto i ta oe buka tapa’o e a imi i te mau tumu i arata’ihia’i oe e te Varua e aore râ, o ta oe i ite i te heheuraa e aore râ, i te hoê horo’a no te Varua. A feruri e i nahea, i hea, e no te aha teie mau mea i tupu ai. Ua rave anei oe i te hoê ohipa no te faaineineraa ia oe iho no taua iteraa ra ? E mea nahea to te Fatu rima ite-raa-hia i roto i teie iteraa ? Eaha ta oe i ite ? Eaha o ta oe e rave ia roaa’toa teie mau iteraa ia oe ? A haamana’o e nehenehe teie mau iteraa e tauturu ia oe ia ite e ia farii faahou i te Varua.
- Ua pihia te buka a Te Ohipa i roto i te Bibilia te « Buka a te Ohipa a te Varua Maitai na roto i te mau Aposetolo. » A tai’o i te mau upoo parau o te mau pene o te buka a Te Ohipa e a tatara e no te aha teie upoo parau i tano ai no teie buka. A imi i te mau tumu mau no te haapapûraa i ta oe tatararaa.
- A tai’o e a feruri hohonu i te a’o i muri nei. E mea nahea to’na tu’atiraa e to te mau ohipa pororaa o te mahana ?

« A parau i te mau taea’e ia vai haehaa e ia vai faaroo noa e ia haapa’o ratou i te Varua o te Fatu, e na te reira e arata’i maite ia ratou. Eiaha e faatea i te reo iti ha’iha’i ; na te reira e haapii ia ratou i te mea e ti’a ia rave e e haere râ i hea; na te reira e hopoi mai i te mau hotu o te basileia. A parau i te mau taea’e, ia iriti i to ratou aau i te ti’aturi, ia haere ana’e mai te Varua Maitai ia ratou ra, e ineine ia to ratou aau i te farii atu ia’na. E ite ia ratou i te taa-ê-raa o te Varua o te Fatu e te tahi atu mau varua—e muhumuhu mai oia i te hau e te oaoa i to ratou varua ; e i iriti te reira i te ino, i te fe’ii, i te mâro, e i te mau ino atoa mai roto atu i to ratou aau, e ia hinaaro noa ratou i te rave i te mea maitai » (quoted in *Juvenile Instructor*, 19 July 1873, 114).

Ua horo’a mai te Peropheta Iosepha Semita i teie a’o ia Brigham Young na roto i te hoê moemoeâ fatata e toru matahiti i muri mai i te poheraa o Iosepha Semita. Ahiri e o outou o Brigham Young e ua farii i teie nei a’o, eaha ia o ta outou e rave ?
- A tai’o Alama 33:1–12 ; 34:17–19, 38. Eaha te uiraa o ta Alama e pahono nei ? (A hi’opo’a faahou Alama 33:1–12). E mea nahea to Alama pahonoraa i teie mau uiraa ? Eaha te haapapûraa o ta’na i horo’a mai ei faaiteraa e, e faaroo e e pahono te Atua i te mau pure ?
- Ua fafau mai te Fatu e e arata’i te Varua ia tatou na roto e rave rahi mau rave’a. A tai’o ai oe i teie mau irava i muri nei, a imi i te hiro’a o ta oe ohipa o te titau i te arata’iraa a te Varua. Eaha te auraa o te mau faaueraa e o te mau fafauraa i roto i te mau papa’iraa mo’a i muri nei no te haapiiraa a te taata iho e ta te hoa ? No te mau putuputuraa mataeinaa, no te mau amuiraa area, no te mau pureraa bapetizoraa, e no te tahi atu mau putuputuraa ?

Te mau nota

Pure

3 Nephi 19:24 PH&PF 46:30
PH&PF 50:30 Roma 8:26

Faatereraa i te mau putuputuraa

Moroni 6:9 PH&PF 20:45 PH&PF 46:2

Papa'iraa

PH&PF 9:9 PH&PF 124:4 PH&PF 104:81
PH&PF 47:4 PH&PF 24:6 Moses 6:6

- A tai'o i te mau irava o te papa'iraa mo'a i muri nei (a faao mai i te mau upoo parau o teie mau uiraa).

PH&PF 60:1–5 PH&PF 61:1–4, 21–22 PH&PF 62:4–8

I roto i teie parau, eaha te mea faufaa roa i te Fatu ?

Eaha te mea o ta te Fatu i ore e tau'a ?

A feruri i te parau a Elder Dallin H. Oaks i muri nei:

« [E nehenehe te taata] e hiaai i te hoê arata'iraa a te Varua o te Fatu area râ... ma te feruri ore, e faahiaai atu â i te titaaraa ia arata'ihia i roto i te mau mea *atoa*. Te hiaai i te arata'iraa a te Fatu o te hoê ia puai ia apee-atoa-hia mai râ e te hoê iteraa e e vaiiho mai te Metua i te Ao ra e rave rahi mau opuaraa no ta tatou iho mau ma'itiraa. Te opuaraa a te taata iho, o te hoê ia mau rave'a no te tupuraa o te horo'ahia ia tatou ia ite i roto i te tahuti nei. Te feia o te tamata i te 'ape i te mau opuaraa'toa i te Fatu e a titau ai i te heheuraa i roto i te mau ma'itiraa, e ite ratou i muri noa mai i to ratou pureraa no te titau i te arata'iraa e, aita ia e fariihia. Mai teie te huru, e mea papû e e tupu taua mau mea ra i roto e rave rahi na roto i te mau tumu i reira te mau ma'itiraa e riro ai ei mea faufaa-ore e aore râ, e fariihia.

« E mea ti'a ia haapii tatou i roto i to tatou mau feruriraa, ma te faaohipa i te mau mana haava o ta tei Hamani i tuu i roto ia tatou. I muri iho, e pure tatou ia arata'ihia e ia faaohipahia mai te mea e, ua farii tatou i te reira. Ia ore tatou e farii i te arata'iraa, e mea ti'a ia tatou ia faaohipa i ta tatou haavaraa maitai a'e. Te mau taata o te tutava i te imi i te arata'iraa na roto i te heheuraa no te mau tumu o ta te Fatu i ore e ma'iti no te arata'i ia tatou, e nehenehe ratou e hamani noa i te hoê pahonora na roto i to ratou iho mana'o e aore râ, e nehenehe ratou e farii i te hoê pahono na roto mai i te heheuraa hape » (« Our Strengths Can Become Our Downfall », *Ensign*, atopa 1994, 13–14).

Eaha te tu'atiraa i rotopu i te peeraa i ta oe iho haavaraa i te ti'aturiraa i te Varua ?

Haapiiraa e to oe hoa

- A aparau no ni'a i te mau pure o ta oe i pûpû ei hoa misionare. Ua arata'ihia anei e te Varua Maitai ? Ua farii anei oe i te mau pahonora i to oe mau pure ? Ia pure oe ei hoa misionare, e:

– Ti'aturi anei oe e e horo'a mai te Atua i te mea o ta oe e ani ma te parau-ti'a ?

– Haamauruuru anei oe no te pahonora mai i ta oe mau pure ?

– Pure oe no te mau taata ma te faahiti i to ratou i'oa e ma te feruri i to ratou mau fifi ?

– Pure no te tahi e te tahi e no te Varua ia arata'i ia oe ?

– Farii anei oe i te mau pahonora i ta oe mau pure ?

A aparau ei hoa misionare e mea nahea oe ia imi i te Varua ma te mana'o paari.

- A aparau i te mau rave'a taa ê o ta te mau taata i faaite no ni'a i te faaururaa a te Varua Maitai. A papa'i i te mau mana'o o ta te feia imi i horo'a no ni'a i to ratou mau iteraa o te Varua i roto i te haapiiraa i te evanelia e i te tamataraa i te haapa'o i te mau fafauraa. Nahea oe ia tauturu ia vetahi ê ia ite i teie faaururaa mo'a ? Nahea oe ia 'ape i te mau faarapuraa a tauturu ai oe ?
- A feruri e a aparau e mea nahea te peeraa i te a'oraa e tano ai no oe: « Eita e nehenehe ia oe ia haavi i te mau mea o te pae varua. Te mau parau mai te *faahepo*, *haavi*, *faateiaha*, *titau*, eita e tu'ati e te Varua. Eita e nehenehe ia oe ia titau i te Varua ia pahono ia oe i te haavi oe i te hoê huero pipi ia pata e aore râ, i te hoê huero moa ia pata hou to'na taime ti'a mau. E nehenehe oe e atu'atu, e faaamu e e paruru i te tupu eita râ e nehenehe ia oe ia haavi e aore râ, e titau: e mea ti'a râ ia oe ia ti'a'i i to'na tupuraa » (Boyd K. Packer, « The Candle of the Lord », *Ensign*, tenuare 1983, 53).
- A aparau i te mau parau i muri nei e e mea nahea teie mau parau tumu e nehenehe ai e tau i ta oe mau pure e ta oe ohipa. Nahea ta oe mau pure e faauru ai i ta oe faanahoraa, ta oe mau fâ, ta oe ohipa, e ta oe mau ohipaa o te mahana ?
 « Te faito aano o ta tatou mau ohipa, e hopea ia no ta tatou mau pure. Ia oti te pure, e faaohipa tatou i te reira ; e hopea ta tatou mau pure no te hoê titauraa parau-ti'a no to tatou haere'a » (Bruce R. McConkie, « Why the Lord Ordained Prayer », *Ensign*, tenuare 1976, 12).
 « E faatupu te pure haehaa ia ani tatou no te hoê noa'tu haamaitairaa e aore râ, no te hoê peu maitai, e mea ti'a ia ohipa tatou no taua haamaitairaa ra e ia faaamu i taua peu maitai ra » (David O. McKay, *Secrets of a Happy Life*, 114–15).
 « A ani i te [Atua] ia tuu ia oe i te vahi o Ta'na e hinaaro, e ia parau ia oe i te mea o Ta'na e hinaaro ia oe ia rave, e ia ite e ua ineine oe no te rave i te reira » (Brigham Young, *Discourses of Brigham Young*, ma'itihia e John A. Widtsoe [1954], 46).

Te mau apooraa mataeinaa e te mau amuiraa area

- A horo'a i te hoê haapiiraa no ni'a i te faahitiraa i te mau parau e tano i roto i te pure.
- Mai te mea e ti'a, a ani i te mau misionare ia faaite i te hoê aamu e aore râ, i te hoê iteraa o ta ratou i faaroo i roto i te hoê pureraa iritiraa mana'o i tupu iho nei, te hoê iteraa no ni'a i te haapiiraa e aore râ, i te tahi atu ohipa. Te mau aamu no te pae varua e no te mau iteraa i faati'ahia e te tahi atu mau taata e tauturu te reira ia oe ia faarahi i te faaroo e ia ite e ua faauru mai te Varua.
- A faaite i te aau mehara no to oe iteraa i te rima o te Fatu i roto i ta oe ohipa (a hi'o PH&PF 59:21). A aparau e mea nahea te faaiteraa i te aau mehara i te tautururaa ia oe ia ite i te mea iti area râ, te mau rave'a puai o te mau haamaitairaa a te Fatu (a hi'o Ether 3:5).
- A ani i te mau misionare ia horo'a i te mau a'oraa no ni'a i te misioni e te mana o te Varua Maitai.
- A ani i te hoê taata no faafariu noahia maira ia a'o e mea nahea oia i te faauru-
 raa-hia e te Varua ei taata imi.

Peresideni misioni

- I te tahi taime, a ani i te mau misionare ia faaō i te tahi mau iteraa i te pae varua e tano ia papa'i mai ratou ia oe i te hebedoma.

Te mau nota

- I roto i te mau uiuiraa, i te tahi taime, a ani i te mau misionare no ni'a i ta ratou mau pure o te po'ipo'i e o te ahiahi. A ui ia ratou e, ua ite anei ratou e e auraa mau to ta ratou mau pure.
- A ani i te mau misionare e mea nahea to ta ratou tautururaa i te feia imi ia ite i te Varua.
- Mai te mea e ti'a, a faaita i te mau misionare e mea nahea oe ia farii i te heheuraa no ni'a i te mau tauiraa, te mau misionare haapa'o-ore e aore râ, o te ti'a ia tauturuhia, e i te mau parau haapiiraa e tano ia haapiihia.



Eaha te ohipa a te Buka a Moromona ?

A feruri i teie


- No te aha te Buka a Moromona i riro ai ei ofa'i fana no ta tatou ekalesia ?
- E mea nahea to te Buka a Moromona pahonora e te mau uiraa rahi a te taata ?
- No te aha e mea puai te Buka a Moromona i roto i te ohipa faafariuraa ?
- No te aha e mea ti'a ia tatou ia faaohipa i te Buka a Moromona no te paturaa i te faaroo e no te tautururaa ia vetahi ê ia haafatata'tu i te Atua ?
- No te aha te fafauaraa a Moroni 10:3–5 i faairohia'i ei tumu no te ohipa misionare ?

Efaaiteraa papû te Buka a Moromona no te Atuaraa o te Mesia. E faaiteraa papû atoa no te Faaho'i-faahou-raa mai na roto i te Peropheta Iosepha Semita. Te hoê tuhaa faufaa o te faafariuraa o te fariiraa ia i te haapapûraa a te Varua Maitai e e parau mau te Buka a Moromona. Ei misionare, e mea ti'a ia farii oe i te hoê iteraa papû e e parau mau te Buka a Moromona. E arata'i teie iteraa papû ia oe i te hoê faaroo hohonu e e ti'a i te vairaa no te mana o te Buka a Moromona i roto i te ohipa faafariuraa. A ti'aturi e e faaite papû mai te Varua Maitai i te hoê taata o te tai'o e o te feruri hohonu no ni'a i te Buka a Moromona e o te ani i te Atua e parau mau anei te reira ma te aau hinaaro mau, ma te mana'o papû, e ma te faaroo i te Mesia. E mea ti'a ia faairohia teie faaiteraa a te Varua Maitai ei faatumuraa no ta oe haapiiraa.

Te Buka a Moromona te ofa'i fana no ta tatou Ekalesia

Ua haapii te Peropheta Iosepha Semita e ua riro te Buka a Moromona ei « ofa'i fana no ta tatou Ekalesia » (i te omuaraa o te Buka a Moromona). I te tahi atu taime ua parau oia e: « Ia faateahia te Buka a Moromona e te mau heheuraa, tei hea ia ta tatou ekalesia ? Aita ia e vai » (*History of the Church*, 2:52).

Te hoê fana o te hoê ia paturaa paari o te hoê fare o te hamanihia i te mau 'apaapa ofa'i tei apapahia te tahi i ni'a iho i te tahi. Te ofa'i o ropu e aore râ, te ofa'i fana, e mea aano-rîi-a'e



Te mau nota

Te mau nota

ia i te tahi e na'na e tape'a i te tahi mau ofa'i i apapahia. I to Iosepha Semita parauraa e ua riro te Buka a Moromona ei « ofa'i fana no ta tatou ekalesia », ua haapii oia e, na te Buka a Moromona i tape'a i te ekalesia taato'a. Ua parau te peresideni Ezra Taft Benson e, ua riro te Buka a Moromona ei ofa'i fana i roto e toru tuhaa:

Ite no te Mesia. « O te Buka a Moromona te ofa'i fana o to tatou ite no Iesu Mesia, o Oia iho ho'i te ofa'i tahi i te mau mea'toa o ta tatou e rave. E faaite te reira i te iteraa no To'na huru na roto i te mana e te ateate. »

Îraa o te parau haapiiraa. « Ua parau te Fatu Iho e, tei roto i te Buka a Moromona te 'îraa ho'i o te evanelia a Iesu Mesia.' (PH&PF 20:9)... E ite tatou i roto i te Buka a Moromona te îraa o te mau parau haapiiraa i titauhia no to tatou ora. E ua haapiihia ma te ateate e te ohie ia nehenehe atoa te mau tamarii ia haapii i te mau rave'a o te ora e o te faateiteiraa. »



Niu no te iteraa papû. « Ia marua te hoê fana no te mea ua iritihia te ofa'i fana, mai te reira atoa te Ekalesia e amaha te reira oia'toa te parau mau o te Buka a Moromona. Ua ite papû te mau enemi o te Ekalesia i te reira. No reira ratou e 'aro ai no te faahapa i te Buka a Moromona, no te mea ia haafaufaa-ore ana'ehia te reira, oia'toa ia te Peropheta Iosepha Semita. Oia'toa ia ta tatou titauroa i te mau taviri o te autahu'araa, i te heheuraa, e i te Ekalesia tei faaho'i-faahou-hia mai. Tera râ, mai te mea e parau mau te Buka a Moromona—e ua faaite papû milioni feia i teie nei e ua farii ratou i te faaiteraa a te Varua e e parau mau te reira—e mea ti'a ia i te hoê taata ia farii i te titauroa o te Faaho'i-faahou-raa mai e te mau mea'toa e apee mai i te reira »

(*A Witness and a Warning* [1988], 18–19).

Ia amuihia te Buka a Moromona i te Varua, e tao'a mana roa ia i roto i te faafariuraa. O te hoê iritiraa ti'a roa'e o te mau buka atoa i te fenua nei (a hi'o i te omuaraa o te Buka a Moromona). E haapii mai te reira i te parau haapiiraa a te Mesia ma te ateate, no te mau haapiiraa ihoa râ o ta oe e haapii atu i te feia imi. A faaohipa i te reira ei rave'a tumu no te haapiiraa i te evanelia tei faaho'ihia mai. E mau hi'oraa teie i muri nei no te parau mau tei haapii-ateate-hia i roto i te Buka a Moromona e ti'a ia oe no te haapii atu i te feia imi.

Haapiiraa misionare	Te mau parau haapiiraa	Te mau faahororaa
Te parau poro'i no te evanelia a Iesu Mesia i faaho'i-faahou-hia mai	Taivaraa, faaho'i-faahou-raa mai, Iosepha Semita, mana o te autahu'araa	1 Nephi 12–14 2 Nephi 3 ; 26–29 Mosia 18
Te opuaraa no te ora	Te « opuaraa rahi a te atua mure ore », oia'toa te hi'araa o Adamu, te taraehara, te ti'a-faahou-raa e te haavaraa	2 Nephi 2 ; 9 Mosia 3 ; 15 Alama 12 ; 40–42
Te evanelia a Iesu Mesia	Faaroo i te Mesia, te tatarahapa, te bapetizo, te horo'a o te Varua Maitai, e te tape'araa tae noa'tu i te hopea ra.	2 Nephi 31–32 3 Nephi 11 ; 27
Te mau faauerua ; Te mau ture e te mau oro'a	Te mau oro'a mai te bapetizoraa, te haamauraa, te faatoro'araa i te autahu'araa e te oro'a	3 Nephi 11:22–28 ; 18 Moroni 2–6

Ohiparaa: Haapiiraa ia oe iho

A papa'i i te mau pahonuraa o te mau uiraa i muri nei i roto i ta oe buka tapa'o no te tai'oraa.

- E mea nahea ta oe tai'oraa i te Buka a Moromona i te faaururaa i to oe iteraa papû no Iesu Mesia ?
- Nahea oe ia faaohipa i te Buka a Moromona no te tauturu i te haapuaairaa i te tahi atu mau misionare ?

Tai'oraa i te papa'iraa mo'a**Eaha ta te Faaora i parau no ni'a i te Buka a Moromona ?**

PH&PF 1:29

PH&PF 19:26–27

PH&PF 42:12

PH&PF 3:19–20

PH&PF 20:5–16

Mose 7:62

PH&PF 17:6

PH&PF 33:16



Parau Iaitia horoatia e C. Harrison Conroy Co., Inc. Eaha e hamani i te hoho'a.

E ite papû te Buka a Moromona no te Mesia

Te hoê tumu rahi no te Buka a Moromona o te haapapûraa ia i te mau taata atoa e, o Iesu te Mesia (a hi'o i te api upoo parau o te Buka a Moromona). E ite papû no te Mesia na roto i te haapapûraa i te huru mau o To'na oraraa, Ta'na misioni e To'na mana. E haapii mai i te parau haapiiraa mau no ni'a i te tarahara—te niu o te opuaraa no te ora. Ua faahereherehia te mau papa'iraa a te rahiraa o te feia o tei ite mata i te Mesia i roto i te Buka a Moromona. Ua ite te taea'e o Iareda, Nephi, e o Iakoba i te Mesia hou to'na fanauraa. Ua ite mata Moromona e o Moroni i te Mesia tei Ti'a-faahou mai. Hau atu â, tei reira atoa te naho'a rahi a rave ai e a poro ai te Faaora i rotopu i te Ati Nephi (a hi'o 3 Nephi 11–28). Te feia aita roa i haro'aro'a e aore râ, aita roa'tu i ite

no ni'a i te Faaora, e ite ratou Ia'na na roto i te tai'oraa, te feruri hohonuraa, e te pureraa no ni'a i te Buka a Moromona.

E haapapû te iteraa papû o te Buka a Moromona i te iteraa papû o te Bibilia e, o Iesu te Tamaiti Fanau Tahia te Atua e te Faaora o te ao nei. A haapii ai oe i te îraa no te evanelia a Iesu Mesia, e faaite papû tamau oe no ni'a i te Faaora e te Ora o te ao nei. Na roto i te mana o te Varua Maitai, e horo'a'tu oe i to oe iteraa ora no te parau mau o teie parau poro'i.

Te mau nota

Tai'oraa i te papa'iraa mo'a**Eaha te mau tumu te mau peropheta o te Buka a Moromona i papa'i ai ?**

1 Nephi 6:4–6	2 Nephi 33:13–15	Te Mau Parau a Moromona 1:3–8
1 Nephi 9:3–5	Iacoba 1:4–7	Alama 37:2, 14
2 Nephi 4:15–16	Iakoba 4:1–6, 12	3 Nephi 5:14–15
2 Nephi 25:23–29	Enosa 1:13	Moromona 8:35
2 Nephi 26:15–16	Iaroma 1:2	PH&PF 3:16–20
2 Nephi 29:11–14	Omoni 1:25–26	PH&PF10:46–48

E paturu te Buka a Moromona e te Bibilia te tahi i te tahi

E mea rahi te faataupupuraa i roto i te mau taata o te ti'aturi nei i te Bibilia. Vetahi te ti'aturi ra e aita roa e hape to te Bibilia, e ua rava'i noa no te faaora ia tatou. Te mana'o ra vetahi e, e buka tai'o noa area râ, ua huna ratou i te huru atuaraa o te Mesia e te mau semeio e aore râ, te heheuraa afaro mai te Atua mai. Vetahi, ua ma'iti i te ore-raa e tau'a i te Bibilia, e vetahi ra, aita roa'tu i ite i te Bibilia e aore râ, i tai'o a'e nei i te reira.

Te ti'aturi nei te Feia Mo'a i te Mau Mahana Hopea Nei e, « o te Bibilia ra o te parau ia a te Atua, ia ti'a te iriti-raa-hia » (Te Mau Hiro'a Faaroo 1:8). Ma te tata'u ore i te Bibilia, te paturu nei te Buka a Moromona ia'na, ma te a'o mai ia tatou ia tai'o i te reira, e ia faaite i te parau mau no ta'na parau poro'i. E mea ti'a ia faaohipa oe i te Buka a Moromona e te Bibilia no te patururaa te tahi i te tahi.

Te faaite mai nei te Buka a Moromona i te mau fafauraa a te Atua i rave no Ta'na mau tamarii i tahito ra ; te faaite nei te Bibilia no te mau peropheta o tei farii atoa i te mau fafauraa na roto i te faaroo. Te faaite papû nei te Buka a Moromona no te Mesia e no Ta'na taraehara ; ua horo'a mai te Bibilia i te aamu no To'na fanauraa, no Ta'na misioni, no To'na pohe, no Ta'na taraehara e no To'na Ti'a-faahouraa. No reira, e faahoperea e e faaarava'iraa amui te Bibilia e te Buka a Moromona te tahi i te tahi.

Te vai nei te mau faahororaa-tarava e te mau tauturu haapiiraa i roto i nene'iraa a te Ekalesia no te Bibilia na roto i te reo Peretane no te Iritiraa a te Arii Iakoba e na te reira i faatahoê i roto i to tatou rima te raau a Iuda (te Bibilia) e te raau a Iosepha (te Buka a Moromona) (a hi'o Ezekielia 37:15–17 ; a hi'o atoa 1 Nephi 13:34–41 ; e Nephi 3:12 ; 29:8). A rave i te mau irava o te Buka a Moromona ia haapii ana'e oe tera râ, a faaite atoa e, hoê â te mau parau tumu o ta te Buka a Moromona e o ta te Bibilia e haapii nei.

A faaohipa i te Buka a Moromona no te haamaramarama e no te tatara i te mau irava o te Bibilia. Mai teie te huru, te faaite ra te Faufaa Apî e, ua bapetizohia te Mesia no « te faati'araa i te mau parau-ti'a atoa » (Mataio 3:14–15). Te tatara ra te Buka a Moromona i te auraa o te parau faati'a i te mau parau-ti'a atoa (a hi'o 2 Nephi 31:5–9).

E faaohipa apiti oe i te Buka a Moromona e te Bibilia ia ore te mârô ia tupu e no te faaore i te parau haapiiraa hape (a hi'o 2 Nephi 3:12).

Ua haapii te Bibilia i te ture no te mau ite: « Tei te vaha o na ite toopiti e tootoru ra e riro ai te mau parau atoa na ei parau mau » (2 Korinetia 13:1). Ei faati'araa i teie ture, ua faaitehua te Buka a Moromona e te Bibilia no Iesu Mesia.

Ohiparaa: Haapiiraa ia oe iho e aore ra, e to oe hoa

A imi i te faahororaa-hipa o te mau upoo parau i muri nei i roto i te Buka a Moromona e i te Bibilia. Teie te mau hi'oraa i roto i te mau paruru. A faahau atu i te mau irava e te mau upoo parau na oe iho.

- Mau peropheta (Amosa 3:7 e Iakoba 4:4–6)
- Taivaraa (2 Timoteo 4:3–4 e 2 Nephi 28)
- Faaho'i-faahou-raa mai (Te Ohipa 3:19–21 e 1 Nephi 13:34–42)
- Tamarii na te Atua (Te Ohipa 17:29 e 1 Nephi 17:36)

Tai'oraa i te papa'iraa mo'a**Eaha ta te Bibilia i parau no ni'a i te Buka a Moromona ?**

Ioane 10:16

« Guide des écritures », « Ephraïm », sous-titre:

Ezekiela 37:15–17

B Bois d'Ephraïm ou de Joseph

Isaia 29:4, 11–18

Eaha ta te Buka a Moromona i parau no ni'a i te Bibilia ?

1 Nephi 13:20–29, 40–41

3 Nephi 23:1

Moromona 7:8–9

2 Nephi 29:3–14

E mea nahea teie na buka toopiti e faairohia'i ei ite no te Mesia ?

2 Nephi 29:8

Ioane 20:31

Te Ohipa 10:43

E pahono te Buka a Moromona i te mau uiraa a te taata

Ua parau te peresideni Ezra Taft Benson e, e mea ti'a i te mau misionare ia « faaite e mea nahea te [Buka a Moromona ia pahono i te mau uiraa rarahi a te taata » (« Flooding the Earth with the Book of Mormon », *Ensign*, novema 1988, 5).

Teie te tahi o te « mau uiraa rahi a te taata » : Te vaira anei te hoê Atua ? Ua vai anei au hou vau a fanauhia mai ai ? E ora anei au i muri i to'u poheraa ? Eaha te faanahoraa o te oraraa ? O Iesu anei te Faora ?

E faatumuhia vetahi o te mau uiraa i ni'a i te mau hinaaro o te pae tino: Nahea vau i te haamaitai i to'u auraa e ta'u tane e aore râ, ta'u vahine ? Nahea vau ia paruru i ta'u mau tamarii i te mau raau ta'ero e aore râ, i te mau peu viivii ? Nahea vau i te imi i te ohipa no te faamuraa i to'u utuare ?

Na te evanelia a Iesu Mesia e tauturu ia tatou ia pahono i na uiraa e piti nei. Ia roaa ia tatou te ite e e parau mau te Buka a Moromona, e nehenehe tatou e pahono i te mau uiraa no ni'a i te faanahoraa o te oraraa e te ti'aturiraa i te ora mure ore. Na te Buka a Moromona e tatara i te faanahoraa no te oaoa, o te horo'a mai i te auraa e te hi'oraa o te oraraa. A pahono i te mau uiraa mai teie i muri nei ia au i tei haapiihia ateatehia i roto i te Buka a Moromona.



Te mau nota

- Te vaira anei te hoê Atua (Alama 22)
- Eaha ta Iesu Mesia i titau ia'u ? (2 Nephi 9)
- Nahea te hoê ti'aturiraa ia Iesu Mesia i te tauturu ia'u ? (Alama 36)
- E ora to muri mai i te pohe ? (Alama 40)
- Eaha mau te faanahoraa o te ora ? (Alama 34)
- No te aha te Atua i faati'a'i i te ino e ia tupu te oto ? (2 Nephi 2 ; Alama 14:9–11 ; 60:13)
- E titauhia'nei i ta'u tamarii ia bapetizo ? (Moroni 8)
- Ua ite anei te Atua ia'u ? (Alama 5:38, 58)
- E pahono anei te Atua i te mau pure ? (Enosa 1)
- Nahea vau ia ite i te hau e te oaoa ? (Mosia 2, 4)
- Nahea te oaoa e te tahoêraa e roaa'i i to'u utuafare ? (Mosia 2)
- Nahea vau ia faito i to'u utuafare e ta'u ohipa ? (3 Nephi 13)
- Nahea vau i te haapu'ai i to'u auraa e ta'u tane e aore râ, i ta'u vahine ? (3 Nephi 14)
- Nahea vau i te arai i te mau ino o te haavî nei i to'u utuafare ? (Alama 39)
- Nahea vau i te 'aperaa i te hara ? (Helamana 5)

Ia tai'o ana'e tatou i te Buka a Moromona ma te arata'ihia e te Varua, e tauturu te reira ia tatou ia pahono i ta tatou iho mau uiraa. E haapii mai te reira e, te pure e te heheuraa o te mau taviri ia no te tatararaa i te mau fifi. E tauturu te reira ia roaa te faaroo tatou e e pahono te Atua i ta tatou mau pure.

E tauturu atoa te Buka a Moromona ia tatou ia maramarama e, e ere te mau faaueraa a te Atua i te hoê tabula no te rave i te ra e eiaha e rave i te ra, ua riro râ ei arata'i no te hoê oraraa oaoa e te auhune. A haamata'i tatou i te ite e e riro te mau parau tumu e te mau oro'a o te evanelia ei e'a no te hoê oraraa auhune, e oaoa ia tatou i te mea e, ua tauturu teie mau parau tumu i te pahonora a i te mau uiraa e ua faaarava'i i te mau hinaaro. Teie te hoê hi'oraa, ua ite tatou e, e mea faufaa te tatarahapa, te faaoreraa hara, e te fafauraa no te tavini ia vetahi ê no te haamaitai i te mau auraa e to tatou mau hoa faaipopo. Ua ite tatou e, te faaroo i te Mesia, te fariiraa e te haapa'oraa i te mau fafauraa, e te peeraa i te mau muhumuhu a te Varua, e tauturu te reira i te feia apî ia 'ape i te mana o te mau faahemaraa o te haaati nei ia ratou.

E nehenehe te evanelia e tatara i te hoê noa'tu uiraa e aore râ hinaaro. No reira oe e « haapii ai i te mau parau tumu no ta'u nei evanelia, o tei roto i te Bibilia e te Buka a Moromona, tei roto i te reira te îraa o te evanelia » (PH&PF 42:12).

*« I roto i te hoê ao
ataata... te vaira ta te
Buka a Moromona:
te Tahī atu Faaiteeraa no
Iesu Mesia, mana faaamu
no te faaora i te mau
varua po'ia o te ao nei. »*

— PERESIDENI BOYD K. PACKER
« THE BOOK OF MORMON: ANOTHER TESTAMENT OF
JESUS CHRIST », *ENSIGN*, NOVEMA 2001, 64

Ohiparaa: Haapiiraa ia oe iho e aore ra, e to oe hoa

A hamani i te hoê tabula no te « tahi mau uiraa rahi a te taata » o te uihia e te feia imi. A imi i te mau irava i roto i te Buka a Moromona no te pahono i teie mau uiraa. A papa'i i te mau pahonora a i roto i ta oe buka tapa'o no te tai'oraa, e a faaohipa i te reira a haapii ai oe.

Te mau nota

E haafatata te Buka a Moromona i te mau taata i te Atua

Ua parau te Peropheta Iosepha Semita no ni'a i te Buka a Moromona e « e haafatata'tu te hoê taata i te Atua na roto i te haapa'oraa i ta'na mau faaueraa i te tahi noa'tu buka » (omuaraa o te Buka a Moromona). Ua riro te Buka a Moromona mai te hoê e'a no te arata'iraa'tu i te iteraa papû e i te heheuraa. A faaohipa i te Buka a Moromona no te tauturu i te mau taata ia roaa te iteraa i te pae varua, te hoê iho â râ faaiteraa no ô mai i te Varua Maitai e e parau mau teie buka. Na roto i te ani onoonoraa i te mau taata ia ora i te mau parau tumu e itehia i roto i te Buka a Moromona, e tauturu ia oe ia ratou ia faatupu i to ratou Faaroo ia Iesu Mesia e ia haafatata'tu i te Atua.

Teie ta te peresideni Gordon B. Hinckley i parau: « Te feia o tei tai'o i te [Buka a Moromona] o tei pure, noa'tu e taata moni e aore râ, e taata veve, te mea ite e aore râ, te mea ite ore, ua tupu i te paari i raro a'e i to'na mana... Ma te tape'a-ore, te fafau nei au ia oe e mai te mea e pure e e tai'o oe i te Buka a Moromona, noa'tu eaha te rahiraa o te taima to oe tai'oraa, e tae mai i roto i to oe aau... te Varua o te Fatu. E tupu te mana'o puai ia haere na roto i te haapa'oraa i ta'na mau faaueraa, e e tae mai te hoê iteraa papû puai o te huru o te Tamaiti a te Atua » (« The Power of the Book of Mormon », *Ensign*, tiunu 1988, 6).

A faaohipa i te Buka a Moromona no te pahono i te mau pato'iraa

Rave rahi taata o te ore e ti'aturi i te taato'araa o ta oe haapiiraa. Ua haapii râ te peresideni Ezra Taft Benson e mea nahea te Buka a Moromona i riro ai ei rave'a no te pahonora a i taua mau ti'araa ra:

« E faaohipa tatou i te Buka a Moromona no te faatiti'aifaro i te mau pato'iraa i te Ekalesia...

«... Te mau pato'iraa'toa, no ni'a anei i te haamaruaraa tamarii, te faaipoiporaa i te vahine rau, te haamoriraa i te hitu o te mahana, e te vai atura., ua faatumuhia ia i ni'a i te huru o Iosepha Semita e to'na mau mono e e mau peropheta mau anei ratou na te Atua o tei farii i te heheuraa hanahana...

Te mau nota

«... Te fifi hoê roa râ o te taata pato'i o te imiraa ia e e parau mau anei te Buka a Moromona. E mai te mea e parau mau te Buka a Moromona, o Iesu ia te Mesia, e e Peropheta mau ia Iosepha Semita Na'na, e parau mau ia Te Ekalesia a Iesu Mesia i te Feia Mo'a i te Mau Mahana Hopea Nei, e te arata'ihia nei oia i teie mahana e te hoê peropheta o te farii nei i te heheuraa.

« Ta tatou ohipa râ, o te faaiteraa ia i te evanelia e ia rave ma te maitai. Ua titauhia tatou ia pahono i te mau pato'iraa'toa. Ua titauhia te taata tata'itahi ia horo'a i te faaroo, e i reira oia e ti'a'i » (*A Witness and a Warning*, 4–5).

Teie te tahi hi'oraa, e nehenehe te feia imi aau tae ia pato'i i ta oe haapiiraa no ni'a i te Parau Paari. A tauturu ia ratou ia imi i te auraa o ta ratou uiraa, te parau ra anei Iosepha Semita ei peropheta na te Atua a faaap'ihia'i teie faaueraa i roto i teie tau tuuraa evanelia. E parau paha ia oe e: « Na roto i te faaroo no te fariiraa i teie haapiiraa i haapap'uhia'i e, ua tae mai teie faaueraa ia tatou na roto i te heheuraa no ô mai i te Atua i te Peropheta ra ia Iosepha Semita. Te rave'a no te iteraa e e peropheta mau Iosepha Semita na te Atua, o te tai'oraa ia e te pureraa no ni'a i te Buka a Moromona. »

E mea ti'a ia imi te feia imi i to ratou iho mau hepohepo e i ta ratou mau pato'iraa. E nehenehe oe e tauturu na roto i te imiraa e nahea oe ia haapuai i to ratou faaroo ia Iesu Mesia—te tai'oraa e te pureraa no ni'a i te Buka a Moromona. Ia puai mai to ratou iteraa papû no te Faaho'i-faahou-raa mai, e puai ia ratou no te pato'iraa i ta ratou mau haape'ape'araa e to ratou mau hepohepo.

Ia pahono oe i to ratou mau hepohepo, a haamana'o e e mea na roto mai to tatou ite i te mau peropheta o teie nei anotau—Iosepha Semita e to'na mau mono—o tei farii i te heheuraa no ô mai i te Atua. No reira, te uiraa matamua na te hoê taata imi ia pahono maori râ, e peropheta mau anei Iosepha Semita, e nehenehe oia e pahono i teie uiraa, na roto i te tai'oraa e te pureraa no ni'a i te Buka a Moromona.



My Servant Joseph © 2004 Liz Lemon Swindle. Ua faati'ania e pata'ia i teie hoko'a e te Foundation Arts, American Fork, Utah 84003.

Iosepha Semita e te Buka a Moromona

Te hoê rave'a no te iteraa e e peropheta mau Iosepha Semita na te Atua o te tai'oraa e o te pureraa no ni'a i te Buka a Moromona.

Ohiparaa: Haapiiraa ia oe iho

I roto i ta oe buka tapa'o no te tai'oraa, a papa'i e mea nahea to oe raveraa ia Iosepha Semita e i te Buka a Moromona no te pahono i te mau pato'iraa e aore râ, te mau hepohepo:

- « Aita vau e ti'aturi nei e te paraparau faahou mai nei te Atua i te taata. »
- « Te ti'aturi nei au e, e nehenehe au e haamori i te Atua na roto i ta'u iho rave'a, eiaha râ na roto i te tahi atu faaroo. »
- « No te aha vau e faaore ai i ta'u inuraa uaina ia tamaa vau mai te mea e tomo au i roto i ta oe ekalesia ? »
- « No te aha vau e titau ai i e hoê faaroo ? »

Nahea oe ia faaohipa i te Buka a Moromona ?

E rave rahi feia imi aita e hinaaro nei i te tai'ō i te Buka a Moromona e aore rā, aita e mamarama nei i te mea o ta ratou e tai'ō ra. Te feia aita e tai'ō e aore rā, i mamarama i te Buka a Moromona e fifi ia ratou no te farii i te faaiteraa papū e e parau mau te reira.

A tai'ō i te Buka a Moromona e ta oe feia imi

A tai'ō amui ai outou, a pure ia faaite papū mai te Varua Maitai i te feia imi e e parau mau te Buka a Moromona.



E nehenehe oe e tauturu i te feia imi na roto i te tai'ōraa e o ratou i te Buka a Moromona. A pure ia tauturuhia no te ma'iti i te mau irava haafatata'tu i to ratou mau hepohepo e to ratou mau fifi. E nehenehe oe ia tai'ō e o ratou ei tuhaa no ta oe haapiiraa e aore rā, i roto i te mau farereiraa hahaereraa. E nehenehe atoa oe e ani i te mau melo ia tai'ō e te feia imi.

Te tahi mau irava faufaa o te api upoo parau, te omuaraaa (na paratarafa hopea e piti), e Moroni 10:3–5. Na teie na irave e tauturu i te feia imi ia mamarama e mea nahea ia imi i te hoē iteraa papū no te Buka a Moromona. A faaitoito ia ratou ia tai'ō i te Buka a Moromona na te omuaraa mai, oia'toa te mau iteraa papū o na ite e toru e o na ite e va'u e te iteraa papū o te Peropheta Iosepha Semita.

A tai'ō e a aparau no teie mau irava poto (mai 1 Nephi 3:7 e aore rā, Mosia 2:17) e vetahi mau irava huru roa'e e aore rā, te taato'araa o te mau pene (mai 2 Nephi 31, Alama 7 e aore rā, 3 Nephi 18).

Ia tai'ō oe e te feia imi, a tape'a rii i te tahi mau taime e a aparau i te mea i tai'ohia'e nei. A faaite ia ratou te parau poro'i tumu e aore rā, i te mau parau haapiiraa e ti'a ia imihia a tai'ō ai oe e o ratou. A faaite i te mau mana'o, te mau iteraa papū, e te mau iteraa rau. A tauturu ia vetahi ē ia ite i te mana varua o te Buka a Moromona. E nehenehe ia oe e haapii ia ratou te parau haapiiraa mau no roto mai i te Buka a Moromona. A rave tamau noa i te reira i roto i te mau farereiraa ia nehenehe te feia o ta oe e haapii ra ia faarahi i to ratou iho aravihi i te tai'ō e i te pure.

A haapii i te mau parau tumu e te mau parau haapiiraa na roto i te faaohiparaa i te mau parau e te mau pereoda a te mau peropheta o te Buka a Moromona. A tatara i te tumu e i te auraa o te hoē irava. A faaite i te auraa o te mau parau e te mau pereoda aita e faahiti pinepinehia na.

« Eiaha e faahapa i te Buka a Moromona. A pure ia roaa te hoē orama no te faaohipamaitai-roa'tu i te Buka a Moromona i roto i ta oe misioni. Te fafau atu nei au e, mai te mea e na reira oe, e haamaramaramahia mai to oe feruriraa na roto i te arata'i-raa-hia oe i te mea e ti'a ia oe ia rave.

— ELDER JOSEPH B. WIRTHLIN
HAAPIIRAA NA TE MAU PERESIDENI MISIONI API, 23 NO
TIUNU 1999

Te mau nota

Te mau nota

« A faaau » ia oe e i te feia imi i te mea o ta outou i tai’o-iho-nei na roto i te imiraa i te mau tatararaa faufaa no to oe iho huru e no to ta oe feia imi (a hi’o 1 Nephi 19:23). Te « faaauraa » o te hamaniraa ia i te hoê e’a turu no te feruriraa i rotopu i te ite i te parau haapiiraa e i te oraraa i te parau haapiiraa. Ia tai’o ma te aau hinaaro mau, e te mana’o papû, e mea ti’a ia oe e te feia o ta oe e haapii ra ia faaohipa i te parau haapiiraa na roto i te hinaaro mau, e ia faatomo i te reira i roto i to outou oraraa e, mai te mea e ti’a, ia tatarahapa. Na roto i te oraraa i te parau haapiiraa, e roaa ia oe te haapapûraa e e parau mau te reira. E nehenehe paha oe e parau i te hoê taata imi e:

- « Ua tamatahia Nephi mai ia oe atoa. Area râ, ua faaohipa oia i te faaroo no ‘te haere e no te rave i te mea o ta te Fatu i faaue ia’na, e ua manuia oia. (A tai’o 1 Nephi 3:7). Ua ite au e e faaineine te Atua i te hoê rave’a ia nehenehe oe e haapa’o i te Parau paari. »
- « E mea ti’a paha ia oe e John [Ioane] ia tatara i te hara o ta oe e faaruru nei. Mai te au i te fafauaraa o ta te Fatu i te Ati Nephi, mai te mea e tatarahapa outou e ia bapetizohia, e farii ia outou i te Varua Maitai, e ore ia outou e ‘faahapahia i mua i te Metua.’ » (A tai’o 3 Nephi 27:16).

A ti’aturi i te fafau a Moroni 10:3–5. Mai te mea e tai’o te mau taata tata’itahi na roto i te hinaaro mau e ia pure no ni’a i teie buka e faaitehia mai to’na parau mau na roto i te mana o te Varua Maitai. A faaitoito i te tautururaa i te feia imi ia:

- Tai’o i te Buka a Moromona e ia feruri hohonu i ta’na parau poro’i no ni’a ia Iesu Mesia.
- Pure i te Atua na roto i te Faaroo ia Iesu Mesia ia roaa te hoê iteraa papû no te Buka a Moromona e ia ite e o Iosepha Semita te peropheta o te Faaho’i-faahou-raa mai.
- Pure ma te hinaaro mau e ma te mana’o papû, no te faaite e, ua tae mau to ratou mana’o no te faaohipa i te pahono o ta ratou i farii mai ô mai i te Atua ra.

E mea ti’a’toa ia oe ia faaohipa tamau i teie fafauaraa e ia faaapî i to oe iho iteraa papû no te Buka a Moromona. Na teie iteraa papû tei faaapîhia e tauturu ia oe ia tape’a noa i te hoê ti’aturiraa papû e, o te feia atoa e faaohipa i teie fafauaraa e farii atoa ia i te pahonora.

A faaohipa i te Buka a Moromona i roto i te mau hi’oraa’toa o ta oe ohipa

Te Buka a Moromona o te hoê ia rave’a mana i roto i te faafariuraa. A faaohipa i te reira ei mauhaa tumu na oe no te haapiiraa i te parau-mau i faaho’i-hia mai.

A haamana’o i teie:

- Te Buka a Moromona o te ofa’i fana ia no ta tatou faaiteraa i te Mesia, ta tatou parau haapiiraa e to tatou mau iteraa papû.
- E haapii te Buka a Moromona ma te ohie i te parau haapiiraa tei faaitehia i roto i te mau haapiiraa a te misionare.
- A faaohipa i te Buka a Moromona no te pahono i te mau uiraa a te taata e no te pahono i te mau pato’iraa no ni’a i te Ekalesia.
- A tai’o rahi i te Buka a Moromona e ta oe feia imi e te mau taata faafariu apîhia mai. A faaitoito i te tautururaa ia ratou ia tai’o ratou iho i te mau mahana atoa e ia faaohipa i roto i to ratou oraraa i te mea o ta ratou i haapii mai.
- A ti’aturi i te fafauaraa a te Fatu e, te feia atoa o te tai’o ma te hinaaro mau e o te pure no ni’a i te Buka a Moromona e ite ia i to’na parau mau na roto i te mana o te Varua Maitai.

Mau mana'ō tauturu no te haapii mai e no te faaohiparaa

Te mau nota

Haapiiraa ia oe iho

- A tai'ō 2 Nephi 2, 9, 30, 31, 32, e a haapotopoto i te mau faahoraraa no ni'a ia Iesu Mesia. A hamani i te hoê tabula no te mau i'oa e te mau ti'araa o te Mesia tei faaohipahia i roto i teie nei mau pene. A taren i te parau i parauhia no te Mesia. A haapotopoto i To'na mau ateributi e i Ta'na mau ohipa. E hinaaro paha oe i te rave tamau i teie nei ohipa a tai'ō ai oe i te Buka a Moromona taato'a.
- A papa'i i roto i ta oe buka tapa'ō no te tai'ōraa e eaha to oe huru i to oe farii matamuaraa i te hoê iteraa i te pae varua e e parau mau te Buka a Moromona.
- E haamata te pereoda o te PH&PF 20:17 « na roto i teie nei mau mea matou i ite ai » no te faaite i te mau parau haapiiraa tei haapiihia e tei haamaramaramahia e te Buka a Moromona. A tai'ō i te PH&PF 20:15–35 a a hamani i te hoê tabula no te mau parau haapiiraa i faaitehia. A ma'iti hoê o teie mau parau haapiiraa e a faaohipa i te « Guide des écritures » no te faaau i ta oe tabula i te mea o ta te Bibilia e haapii no ni'a i teie mau parau haapiiraa.
- A faaau i te A'ōraa i ni'a i te Mou'a i roto i te buka a Mataio 5–7 e i te a'ōraa a te Mesia i te hiero i roto i te buka 3 Nephi 12–14. A hamani i te hoê tabula no te mau mea papû e te faufaa i faaho'ihia mai na roto i te Buka a Moromona.
- A hamani i te hoê tabula no te mau uiraa e uihia e te feia imi. A imi i te mau irava o te Buka a Moromona te pahono i taua mau uiraa ra, e a faaohipa i te reira i roto i ta oe haapiiraa ia hinaaro ana'e oe.
- A imi i te hoê irava o te Buka a Moromona tei tau i to oe oraraa. A tapa'ō i to oe mau mana'ō no ni'a i teie irava i roto i ta oe buka tapa'ō no te tai'ōraa.
- A imi i roto i te Buka a Moromona te mau vahi tei reira te pure a te hoê taata i te papa'i-raa-hia. I roto i ta oe buka tapa'ō no te tai'ōraa, a papa'i i te mau tumu no teie mau pure.
- A tai'ō 2 Nephi 33:10–15 e Moroni 10:27–29, 34. Eaha te mea o ta oe e hinaaro e parau ia Nephi e ia Moroni i te haavaraa no ni'a i ta oe faaohiparaa i te Buka a Moromona ? A papa'i i ta oe pahonora e a opua i te mau fâ no te haamaitai-roa'tu.
- I roto i te pene upoo parau o Mosia 11–16, a papa'i i te hoê haapotōraa o te haapiiraa a Abinadi. A tai'ō i teie mau pene e a faahotu i ta oe haapotōraa.
- No roto mai i te pene upoo parau o Mosia 2–5, a papa'i i te hoê haapotōraa o te haapiiraa a te Arii Beniamina. A tai'ō i teie mau pene e a faahotu i ta oe haapotōraa.
- A tai'ō ai oe i te mau mahana atoa i te Buka a Moromona, a tapa'ō i roto i ta oe buka tapa'ō no te tai'ōraa te mau irava o tei faahoruhoru ia oe. A papa'i e mea nahea to oe faaohiparaa i te reira i roto i to oe oraraa.

Haapiiraa e to oe hoa

- A tai'ō amui i te mau irava o te Buka a Moromona. A faaite i te mau mea o ta oe i ite. A faaite atoa i to outou iteraa papû te tahi i te tahi.
- O vai te peropheta e aore râ, te misionare o te Buka a Moromona o ta oe e hinaaro ia riro e no te aha ? A faaite i ta oe pahonora i to oe hoa misionare.

Te mau nota

- A tai'o Alama 26 e 29 ei mau hoa misionare. A faaite i to oe iteraa no ni'a i ta oe misioni. A papa'i i to oe mau mana'o i roto i ta oe buka tapa'o no te tai'oraa.
- A tai'o Alama 37:9 e a aparau e mea nahea te mau papa'iraa mo'a i riro ai ei faahaparaa ia Amona e i to'na ra mau hoa misionare. A imi i te mau faahororaa tei faaite e ua faaohipa ratou i te mau papa'iraa mo'a.
- A tai'o Alama 11–14 e to oe hoa misionare, a faaau i te hoê ia Alama e i te tahi ia Amuleka e i te tahi i te feia faaino. A tapa'o e mea nahea teie mau misionare i te pahonoraa i te mau uiraa fifi.
- A tai'o i te mau ohipa mau tei tupu e a aparau i te mea o ta oe i haapii no ni'a i te faufaa e te mana o te Buka a Moromona (ua tauhia te mau i'oa).

« I to maua aniraa i te utuafare Snider ia baptizohia e ia haamauhia, ua ineine roa te Tuahine Sniders area te Taea'e Snider ua parau mai ia, 'Eiaha outou e mana'o e e baptizo vau, Elders. Aita roa i papû e e nehenehe vau e na reira !' Noa'tu e ua farii te Taea'e Snider i te mea ta maua i haapii e e maitai e e mea faahoa ho'i, e ua ite hohonu oia i te huru o to'na utuafare ia tomo amui ana'e i roto i te ekalesia.

« I muri mai tau hebedoma rii i te mata'ita'iraa i te Taea'e Snider ia 'aro, ua feruri maua to'u hoa misionare i te tai'o faahou i te 3 Nephi 11 e te Snider. Aita e mo'ehia ia'u i te ohipa i tupu i taua pô ra. A iriti ai matou i ta matou Buka a Moromona, ua tatara to'u hoa misionare, 'Te haamana'o mai nei teie pene ia tatou i te haereraa te Faaora e farerei i te mau taata o te Buka a Moromona. E ite tatou i te here o te Faaora no teie mau taata e i te mau mea o Ta'na i haapii ia ratou.' I muri iho ua tai'o matou te tahi i muri i te tahi hoê irava e aore râ, e piti. I muri mai i te tai'oraa i te irava 5, faaea ihora to'u hoa e parau ihora, 'ua tamau noa vau i te maere i te faaiteraa tei horo'ahia i o nei no te reo o ta ratou i faaroo. E ere i te reo maniania, e ere atoa ia i te reo rahi, iti ha'iha'i noa te reo, ua patia mai i te aau au iho. Aita teie reo i parau noa mai i to ratou mau tari'a, ua parau atoa râ i to ratou aau.' Ua hi'o atura vau i te Snider a faaroo ai ratou i to'u hoa misionare.

« I muri mai i te aparauraa no ni'a i te pure e i te faaoraa i te Varua, na te Taea'e Snider te tai'oraa: 'E inaha, i te toru o te faaroo-raa'tu i te reo ra, ite atura ratou i te reira, e na o mai ai ia ratou ra e: Inaha, o ta'u Tamaiti here, ua maururu roa vau ia'na, ua haamaitai ho'i au i to'u i'oa ia'na—a faaroo mai ia'na.' Faaea ihora te Taea'e Snider i te tai'o, ma te hi'o tutonu i ta'na Buka a Moromona. E i muri iho hi'o mai nei i ni'a ia'u e parau maira, 'Ua oaoa roa te Metua i te Ao ra i Ta'na Tamaiti, e ere anei?' 'E,' ta'u ia i parau. Hi'o faahou atura te Taea'e Snider i ta'na buka e hi'o tutonu atura i taua mau api ra mai te mea'tura e feruriraa hohonu to'na. Parau maira, 'te hinaaro nei au ia oaoa atoa te Metua i te Ao ra ia'u. Nahea pa'i ia Oia ia farii ia'u. Te feruri nei au, mai te mea... e, mai te mea te hinaaro nei au ia oaoa atoa Oia ia'u e mea ti'a ia rave au i te mea o Ta'na e hinaaro ia'u ia rave.' Pahono atura vau e 'E, te mana'o nei au e e mea faufaa ia ! » 'Parau faahou mai nei te Taea'e Snider. 'Ua horuhoru noa to'u aau i te feruri i te mea o ta te taata e feruri eiaha râ i ta te Atua.' I muri i te hoê maa taime iti, parau maira te Taea'e Snider, 'e baptizo vau.' Ua hitimahuta maua to'u hoa. Parau atura oia e, 'E, o te reira ihoa te ta'no ia rave. I muri rii mai i teie pene ua haapii te Faaora e...' A paraparau noa'i to'u hoa misionare, ua ite au i te ahu i roto i to'u aau e i te aau mehara no te puai o te Buka a Moromona. »

Mea nahea to teie na misionare faaohiparaa i te Buka a Moromona ? Nahea ia orua to oe hoa ia faaohipa maitai atu â i te reira i roto i ta orua tautooraa misionare ?

Te mau apooraa mataeinaa e te mau amuiraa area

- A haapiipii i te faaohipa i te Buka a Moromona ia au i te mau rave'a i faaitahia i roto i te mau upoo parau o teie pene.

Te mau nota

- A tabula i te mau pato'iraa e aore râ, i te mau uiraa e uihia e te feia imi. A faaite te tahi i te tahi e nahea orua ia pahono i teie nei mau uiraa ma te faaohipa i te Buka a Moromona.
- A tai'o amui i te mau irava o te Buka a Moromona. A faaite i te ite, te mau mana'o e te iteraa papû.
- A faaohipa i te Buka a Moromona no te haapapû i te parau poro'i o te Faaho'i-faahou-raa.
- A ma'iti hoê o te mau misionare rahi o te Buka a Moromona. A aparau e a ani i te mau misionare ia tabula i te mau huru o teie misionare. A ani manihini i te mau misionare tata'itahi ia opua i te hoê fâ no te faaohipa hoê o teie mau huru. A faaho'i-tamau-faahou na ni'a teie ohiparaa ma te faaohipa i te mau misionare o te Buka a Moromona.
- A ani manihini i te mau misionare ia faaite i te mau iteraa rau o ta te Buka a Moromona i tauturu i ta ratou feia imi i roto i te ohipa faafariuraa.
- A ani i te mau misionare ia faaite i ta te Buka a Moromona pahonora maitai roa'e no te uiraa a te taata.

Peresideni misioni

- A haapii i te mau misionare nahea ia faaohipa i te Buka a Moromona no te haapapû i te parau mau o te parau poro'i No te Faaho'i-faahou-raa mai.
- A tai'o 1 Nephi 1 e te mau misionare e a faaau i te reira i te iteraa rau o Iosepha Semita.
- A horo'a i te hoê Buka a Moromona mâ i te mau misionare. A ani ia ratou ia taren i roto rave rahi mau û.
 - Te mau faahorora no Iesu Mesia (To'na mau i'oa).
 - Ta'na mau parau (i parauhia e A'na e aore râ, e te mau peropheta a parau ai oia e, « Te na ô maira te Fatu »).
 - To'na mau taipe.
 - Te mau parau haapiiraa e te mau parau tumu tei faaitehia i roto i te Buka a Moromona.

I te raroraa o te api, a ani i te mau misionare ia tai'o i te rahiraa o ta ratou mau ohipa i papa'i. I roto i te mau uiuiraa e i roto i te mau putuputuraa mataeinaa i roto i na piti e aore râ, e toru ava'e no teie nei ohiparaa, a ani i te mau misionare ia faaite i te tahi e te tahi i te mea o ta ratou i haapii. E nehenehe oe ia feruri ia rave faahou i teie huru ohiparaa e te taato'araa o te misioni i te tareniraa i te mau faahorora no te Faaroo ia Iesu Mesia, te tatarahapa, te bapetizo, te horo'a o te Varua Maitai e aore râ, te tahi atu parau tumu o te evanelia.

- I roto i te mau uiuiraa, a ani manihini i te mau misionare ia faataa ia oe, te mau papa'iraa mo'a o te Buka a Moromona o tei tau i to ratou oraraa.
- A tauturu i te mau misionare ia ite nahea ta te Buka a Moromona ia haapii i te mau parau haapiiraa i roto i te mau haapiiraa misionare. Hi'oraa, mai te mea te parau tumu e te taraehara, a ani i te mau misionare ia papa'i i roto i te hoê ana'iraa te mau mea faufaa o te taraehara tei haapiihia i roto i te Buka a Moromona, oia'toa te mau faahorora. I muri iho, i roto i te piti o te ana'iraa, a ani ia ratou ia papa'i i taua mau mea faufaa ra tei haapiihia i roto i te Bibilia. A ani i te mau misionare ia vaiiho mâ

Te mau nota

noa i te vahi i faataahia no te pahonoraā mai te mea aita i faaitēhia e aore rā, aita i haapiihia i roto i te Bibilia. E faaiteraa te reira i te mau misionare e, no te aha te Buka a Moromona i riro ai ei ofa'i fana no ta tatou parau haapiiraa. E nehenehe teie huru ohiparaa e ravehia e te tahi atu mau parau haapiiraa o ta te mau misionare e haapii atu.

- A imi i te mau uiraa mārō a te taata i roto i ta oe misioni. A ani manihini i te mau misionare ia imi i te mau pahonoraā i roto i te Buka a Moromona.



Nahea vau i te faatupu i te mau taipe mai to te Mesia ra te huru ?

Te mau nota

A feruri i teie

- Nahea vau ia faatupu i te mau taipe o te faairi ia'u ei hoê tavini puai e te manuïa no te evanelia a Iesu Mesia ?
- Nahea te faatupuraa i te mau taipe mai to te Mesia ra i te tatururaa ia'u ia rave faaoti i ta'u opuaraa ei misionare ?
- Eaha te taipe o ta'u e ti'a ia faatupu ?

I te omuaraa o Ta'na taviniraa i roto i te tahuti nei, ua haere Iesu Mesia na te hiti o te miti o Galilea e ua pii atu i na taata ravaa'i toopiti, o Petero e Aneterea. « A pee mai ia'u » ua parau atu Oia, « E e faairi Vau ia orua ei ravaa'i taata » (Mataio 4: 19 ; a hi'o atoa Mareko 1: 17). Ua pii atoa te Fatu ia oe ia rave i Ta'na ohipa, e te titau manihini nei Oia ia oe ia pee atu Ia'na. Te titauraa ia pee i te Mesia o te hoê ia titauraa ia pee atu i To'na hi'oraa e ia riro mai Ia'na ra te huru.

Te haapapû nei te tahi mau pene i roto « *Ia Poro Haere i Ta'u nei Evanelia* » i ni'a i te mea e ti'a ia oe ia rave ei misionare-nahea ia tai'o, nahea ia haapii, nahea ia faaohipa maite i te taima. Area râ, mai to oe itoitoe i te raveraa i teie ohipa faufaa, e mea faufaa atoa ia ite e, o vai râ oe.

Ua nehenehe ia oe na roto i te evanelia tei faaho'ihia mai ia riro mai te Metua i te ao ra e mai ia Iesu Mesia. Ua faaite mai te Faaora i te e'a. Ua horo'a mai Oia i te hoho'a maitai, e ua faaue Oia ia tatou ia riro mai Ia'na ra te huru (a hi'o 3 Nephi 27:27). A haapii no ni'a

Te mau nota

Ia'na e a imi i te faahaere To'na mau maitai i roto i to oe nei oraraa. Na roto i te mana no To'na taraehara, e nehenehe ia oe ia rave faaoti i teie nei fâ e ia arata'i atu ia vetahi e ia na reira atoa.

Te faaite mai nei te mau papa'iraa mo'a i te mau maitai mai to te Mesia tei riro ei mea faufaa rahi no oe ia faatupu i muri iho mai te hoê misionare e i te taatoaraa o to oe nei oraraa. A tai'o i te mau irava i roto i te mau papa'iraa mo'a i roto i teie nei pene e a imi i te tahi atu mau hoho'a no te mau maitai mai to te Mesia a tai'o ai oe i te tahi atu mau irava.

Te mau maitai mai to te Mesia e mau horo'araa ia no ô mai i te Atua ra. E tae mai ratou ia faaohipa parau-ti'a oe i to oe ti'amâraa. A ani i to oe Metua i te Ao ra ia haamaitai mai ia oe e teie nei mau maitai ; eita e nehenehe ia oe ia faatupu i te reira ma To'na tautururaa ore. Ma te hoê hinaaro i te faaoaoa i te Atua, a ite i to oe iho mau paruparu e a hinaaro e a mana'ona'o i te haamaitai i to oe oraraa.

Tai'oraa i te papa'iraa mo'a

Eaha ta teie nei mau papa'iraa mo'a e parau mai nei no ni'a i te peeraa'tu i te hi'oraa o Iesu Mesia ?

3 Nephi 12:48 Ioane 13:1-16 1 Petero 2:21
 3 Nephi 27:21, 27

Eaha te auraa i rotopu i te mau parau tumu matamau no te evanelia e te mau taipe mai to te Mesia ra ?

Moroni 8:25-26

Mau mana'o tauturu no te tai'oraa i teie nei pene

E rave rahi mau rave'a no te tai'oraa i teie nei pene. A tamata i te hoê o te mau mana'o i muri nei:

- Ia faahope oe i te « Ohiparaa no te mau taipe » i te hopea o teie nei pene, a ite i te maitai e hinaaro-mau-hia ra e oe e aore râ ta oe e hinaaro nei i te faarahi. A tai'o i te tuhaa no ni'a i taua maitai ra, e a haamau i te mau fâ no te faatupuraa i te reira maitai.
- A tai'o i te taatoaraa o te pene ma te tai'o ore i te mau papa'iraa mo'a e a faaoti eaha te maitai ta oe e hinaaro ia tuatapapa rahi atu â. I muri iho a tai'o i te mau papa'iraa mo'a tumu tei tuatihia'tu i te maitai ra. A imi i te tahi atu mau papa'iraa mo'a tei ore i tabulahia i roto i te pene o te haapii i te parau no te maitai. A papa'i i roto i ta oe buka tapa'oraa haapiiraa te mau mana'o no te faatupuraa i taua maitai ra.
- A ma'iti i te hoê maitai ta oe e hinaaro i te tuatapapa. A pee i te hoho'a i raro a'e i te parau « Te faatupuraa i te mau maitai mai to te Mesia » tei itehia i te hopea o te pene.

Faaroo ia Iesu Mesia

Ia faaroo ana'e oe i te Mesia, te ti'aturi ra ia oe Ia'na mai te Tamaitai a te Atua, te Fanau-Tahi a te Metua i roto i te tino nei. Te farii ra ia oe Ia'na ei Faaora e ei taraehara no oe e te pee ra ia oe i Ta'na ra mau haapiiraa. Te ti'aturi ra ia oe e e nehenehe ta oe mau hara e faaorehia na roto i Ta'na ra taraehara. Te faroo Ia'na o te ti'aturiraa ia Ia'na e te ti'aturi nei oe e te here nei Oia ia oe.

E arata'i atu te faaroo i te ohipa, mai te tatarahaparaa, te haapa'oraa i te faaueraa e te tavini-maite-raa. Ia faaroo ana'e oe ia Iesu Mesia, te nava'i ra ia to oe ti'aturiraa i te Fatu no te pee atu i Ta'na ra mau faaueraa- noa'tu e aita oe i taa hope roa i te mau tumu no ratou. Te rave nei oe i te mea ta te Fatu e hinaaro nei ia oe ia rave. Te tauturu nei oe i te afai mai i te maitai i roto i to oe iho nei oraraa e i roto i te oraraa o te tahi atu mau taata. E nehenehe ia oe ia rave i te mau temeio mai te au i te hinaaro o te Fatu. E iteahia to oe faaroo na roto i te itoito e te ohipa.

Te faaroo o te hoê ia parau tumu no te mana. Te haa nei te Atua na roto i te mana, e faaohipahia râ To'na mana i te rahiraa o te taima ei pahonora a i te faaroo (a hi'o Moroni 10:7). Te haa nei oia mai te au i te faaroo o Ta'na ra mau tamarii. Ua pato'i te feâ e te ri'ari'a i te faaroo.

E rahi mai to oe faaroo na roto i te tai'oraa itoito, te pure, te tavini-maite-raa, e te haapa'oraa i te mau parau rii rii a te Varua Maitai e i te mau faaueraa.

E tupu to oe faaroo ia Iesu Mesia i te rahi ia matau rahi ana'e oe Ia'na e i Ta'na mau haapiiraa. A imi ai oe i te mau papa'iraa mo'a e a tuatapapa ai oe ia ratou, e ite oe i Ta'na ra mau rave'a, To'na here no te mau taata atoa, e Ta'na mau faaueraa.

Tei roto i te faaroo te ti'aturiraa i te misioni e te mana o te Varua Maitai. Na roto i te faaroo e farii ai oe i te mau pahonora a i ta oe mau pure e te faaurûraa no oe iho no te tautururaa ia oe i roto i te ohipa a te Fatu.



© 1989 Conceptions Unlimited Investments, Inc. Etaha e palā i te hoho'a.

Te mau nota

Tai'oraa i te papa'iraa mo'a

Eaha te Faaroo ?

Alama 32:21

Hebera 11:1 ; a hi'o i te faahorora a i roto i te Bibilia peretane

Etera 12:6

Mau maite i te Faaroo, « Faaroo », 52–54

« Guide des écritures. » « Foi »

Nahea e roaa'i ia oe te faaroo, e eaha te mea ta oe e nehenehe e rave na roto i te faaroo ?

2 Nephi 25:29

Alama 32

Moroni 7:33

2 Nephi 26:13

Helamana 15:7–8

Roma 10:17

Mosia 4:6–12

Etera 12:7–22

Hebera 11

Eaha te mau haamaitairaa e tae mai na roto i te faaroo ?

Mosia 3:17

Helamana 5:9–12

Ioane 14:6

Mosia 5:1–15

Te mau nota

Ti'aturiraa

Te ti'aturiraa o te hoê ia haapapûraa e e faatupu te Fatu i Ta'na mau fafauraa ia oe. E iteahia i roto i te ti'aturiraa, te mana'o oaoa, te anaanatae e te tape'a-noa-raa ma te faaoroma'i. O te ti'aturiraa e te tia'iraa e e tupu mai te tahi mea. Ia ti'aturi ana'e oe, e haa oe na roto i te mau tamataraa e te mau fifi ma te ti'aturiraa e te haapapûraa e e ohipa amui mai te mau mea atoa ei maitai no outou. E tauturu te ti'aturiraa ia oe ia haavî i te paruparu. Te faaite pinepine nei te mau papa'iraa mo'a i te ti'aturiraa ia Iesu Mesia mai te haapapûraa e e noaa ia oe i te ora mure ore i roto i te basileia turetiera.

Ua haapii te peresideni James E. Faust:

« Te ti'aturiraa o te tutau ia no to tatou aau... »

« Te Ti'aturiraa o te tia'iraa ia i te mau fafauraa a te Atua, te faaroo e ia rave tatou i te ohipa i teie nei e tupu ia te mau haamaitairaa hinaarohia i te mau mahana i mua nei... »

« Te tumu papû o to tatou ti'aturiraa o te iteraa ia e e tamarii tamaroa e e tamarii tamahine tatou a te Atua e ua faaora Ta'na Tamaiti, te Fatu ra o Iesu Mesia, ia tatou i te pohe » (« Hope, an Anchor of the Soul », *Ensign*, Nov. 1999, 59–60).

« Ma te haamaitailhia e te ti'aturiraa, a haere ana'e na tatou te mau pŕpŕ e toro atu i to tatou rima i te feia atoa, noa'tu eaha te tumu, tei 'faatea e ia ratou i te ti'aturiraa o te evanelia' (Kolosa 1: 23). A haere ana'e e faateitei te rima e topa ra. »

– ELDER NEAL A. MAXWELL
« BRIGHTNESS OF HOPE », *ENSIGN*, NOVEMA 1994, 36

Tai'oraa i te papa'iraa mo'a

Eaha te ti'aturiraa e eaha ta tatou e ti'aturi nei ?

2 Nephi 31:20

Alama 58:10–11

Etera 12:4, 32

Moroni 7:40–48

PH&PF 59:23

PH&PF138:14

Roma 8:24–25

Hebera 6:10–20

« Guide des écritures », « Espoir »

Aroha e te Here

Ua ani atu te hoê taata i te hoê taima ia Iesu, « Teihea te parau rahi i roto i te ture ? » Ua pahono atu Iesu: « Hinaaro oe i to Atua ia Iehova ma to aau atoa, e ma to varua atoa, e ma to mana'o atoa. O te ture matamua teie e te hau i te rahi. E mai te reira atoa te piti ; E aroha'tu oe i to taata tupu, mai to aroha ia oe iho na » (Mataio 22: 36-39).

Te aroha o te « hinaaro mau ia i te Mesia » (Moroni 7: 47). Tei roto te here mure ore a te Atua no Ta'na atoa mau tamarii. E ti'a ia tatou ia imi i te faatupu i taua huru here ra. Ia î ana'e tatou e te aroha, e haapa'o tatou i te mau faaueraa a te Atua e e rave tatou i te mau mea atoa e nehenehe ia tatou no te tavini ia vetahi e e ia tauturu ia ratou ia farii i te evanelia tei faaho'ihia mai.



© 2001 Simon Dewey. Eiaha e patai i te ho'ora.

Te aroha o te hoê ia horo'araa a te Atua. Ua parau te peropheta Moromona e e ti'a ia tatou « e pure i te Metua ma te puai hope o te aau, ia i [tatou] i teie nei aroha » (Moroni 7: 48). Ia pee ana'e oe i teie a'oraa e ia tutava oe i te rave i te ohipa parau-ti'a, e rahi ia to oe here no te mau taata atoa, i rotopu ihoa râ i te mau taata i reira oe i te raveraa i te ohipa. E ite oe i te hoê haape'ape'araa mau no te oraraa mure ore e te oaoa o te tahi atu mau taata. E ite oe ia ratou ei mau tamarii a te Atua e te mana ia riro mai to tatou Metua i te ao ra i te huru, e e rave oe i te ohipa no ratou. E ape oe i te mau mana'o au ore mai te riri, te hiaa'i, te faahinaaro i te mea ino, e aore râ te nounou. E ape oe i te haava ia vetahi ê, ia faahapa ia ratou, e aore râ i te parau i te tahi mau mea ti'a ore no ratou. E tamata oe i te taa i to ratou huru e to ratou mau mana'o. E e faaoroma'i oe ia ratou e e tamata oe i te tauturu ia ratou ia fifi ana'e e aore râ ia paruparu ana'e ratou. E arata'i atu te aroha, mai te faaroo, i te ohipa. E faatupu oe i te aroha a imi ai oe i te mau rave'a no te tavini ia vetahi ê e no te horo'a ia oe iho.

Tai'oraa i te papa'iraa mo'a

Eaha te aroha ?

Moroni 7:45–48

1 Korinetia 13

« Guide des écritures », « Charité »

Nahea to Iesu Mesia faaiteraa i te aroha ?

1 Nephi 19:9

Etera 12:33–34

Luka 7:12–15

Alama 7:11–13

Eaha ta teie nei mau irava e haapii mai nei no ni'a i te aroha ?

2 Nephi 26:30

Alama 7:24

1 Timoteo 4:12

Mosia 2:17

Etera 12:28

1 Petero 4:8 ; a hi'o i te faahororaa a [reo peretane]

Mosia 28:3

PH&PF 88:125

Viivii ore

E haamata te viivii ore i roto i to oe mau mana'o e hinaaro hohonu. E hoho'a no te mana'o e no te huru tei haamauhia i ni'a i te mau ture morare teitei. No te mea ho'i e e ore roa te Varua Maitai e parahi i roto i te mau faaearaa viivii, e mea titauhia ia te viivii ore no te farii i te arata'iraa a te Varua. Eaha te mea ta oe e ma'iti i te mana'o e i te rave ia vai oe o oe ana'e e te ti'aturi nei oe e aore roa e taata e hi'o ra e faito puai ia no to oe viivii ore.

E mea mâ te feia viivii ore i te pae varua. E haapa'o ratou i te mau mana'o parau-ti'a e te faateitei e e tuu ratou i te mau mana'o ti'a ore e arata'i atu i te mau ohipa ti'a ore i rapae au i to ratou feruriraa. E haapa'o ratou i te mau faaueraa a te Atua e e pee ratou i te a'oraa a te Feia faatere o te Ekalesia. E pure ratou no te puai ia pato'i i te faahemaraa e ia rave i te mea ti'a. E tatarahapa 'oi'oi ratou i te mau hara atoa e aore râ i te mau ohipa hape atoa. E ora parau-ti'a ratou no te hoê parau faati'a no te hiero.

Ua riro to oe feruriraa mai te hoê tahua teata i roto i te hoê fare teata ; area râ i roto i te fare teata o to oe feruriraa, hoê ana'e taata e nehenehe e haere atu i ni'a i te tahua i te taima hoê. Mai te mea e vai noa te tahua aore e taata, e tomo pinepine atu te mau mana'o pouri e te hara i ni'a i te tahua no te faahema. Aita râ to teie nei mau mana'o e mana mai te mea ua apiapi te tahua no to oe feruriraa i te mau mana'o maitai, mai te hoê himene

Te mau nota

tamau-aau-hia e aore râ te hoê irava no te papa'iraa mo'a ta oe e nehenehe e pii i roto i te hoê taime faahemaraa. Na roto i te faatereraa i te tahua o to oe feruriraa, e nehenehe ta oe e pato'i manuia atu i te mau hiaai tamau ia topa i te faahemaraa e ia rave i te hara. E nehenehe ta oe ia riro ei mea mâ e te viivii ore.

Tai'oraa i te papa'iraa mo'a

Eaha te auraa no te parau ra, ia viivii ore noa ?

PH&PF 4:6	PH&PF 46:33	2 Petero 1:3-8
PH&PF 25:2	PH&PF 121:45-46	« Guide des écritures », « Vertue »
PH&PF 38:24	Te mau Hiro'a Faaroo 1:13	

Ite

Ua faaue te Fatu ia « imi ho'i i te ite, na roto i te haapii e na roto atoa i te faaroo » (PH&PF 88:118). Ua faaara atoa Oia, « e ore roa'tu e ti'a ia faaorahia mai te taata i roto i te ite ore » (PH&PF 131:6). A imi i te ite, te ite varua ihoa râ. A tai'o i te mau papa'iraa mo'a i te mau mahana atoa, e a tai'o atoa i te mau parau a te mau peropheta ora. Na roto i te tai'oraa e te pure, a imi i te tautururaa no ta oe iho mau uiraa, tamataraa, e rave'a. A haapa'o maitai i te mau papa'iraa mo'a ta oe e nehenehe e faaohipa a haapii e a pahono ai oe i te mau uiraa no ni'a i te evanelia tei faaho'ihia mai.

A feruri e nahea oe e nehenehe ai e faaohipa i te mau parau tumu no te evanelia i roto i to oe iho oraraa. A tai'o itoito ai oe na roto i te pure e ma te hinaaro mau, e haamaramarama mai te Varua Maitai i to oe feruriraa, e haapii ia oe e e tauturu ia oe ia haroaroa i te auraa o te mau papa'iraa mo'a e te mau haapiiraa a te mau peropheta ora. E nehenehe atoa ia oe ia roaa i te ite na roto i te hi'oraa e te faarooraa i te tahi atu mau taata, te feia faatere ihoa râ a te Ekalesia. Mai ia Nephi, e nehenehe ia oe ia parau: « Ua au to'u varua i te parau mo'a i papa'ihia ra e te feruri nei to'u aau i te reira... Inaha, te pou pou nei ta'u varua i te mau mea o te Fatu ; e te feruri noa nei â ta'u aau i te mau mea ta'u i hi'o e ta'u i faaroo ra » (2 Nephi 4: 15-16)

Tai'oraa i te papa'iraa mo'a

Nahea te ite e tauturu ai i te raveraa i te ohipa a te Fatu ?

Alama 17:2-3	PH&PF 88:77-80
--------------	----------------

Nahea e nehenehe ai e noaa ia oe te ite ?

2 Nephi 32:1-5	PH&PF 76:5-10	« Guide des écritures »,
Moroni 10:5	PH&PF 88:118	« Connaissance »
PH&PF 42:61		

Faaoroma'i

Te faaoroma'i o te aravihi ia ia farii i te taere, te pe'ape'a, te pato'iraa e aore râ te mauuira ma te oreraa e riri, mauuru ore e aore râ pe'ape'a. O te aravihi ia i te rave i te hinaaro o te Atua e te fariiraa i Ta'na Talena. Ia faaoroma'i ana'e oe, e vai noa oe ma te tau ore e e noaa ia oe ia faaruru atu i te tamataraa ma te hau e te ti'aturiraa. Ua tuatihia te faaoroma'i i te ti'aturiraa e te faaroo—e ti'a ia oe ia tia'i ia tupu mai te mau haamaitairaa fafauhia a te Fatu

E titauhia ia oe te faaoroma'i i roto i ta oe mau ohipa e ta oe mau auraa i te mau mahana atoa, e to oe ihoa râ hoa. E ti'a ia oe ia faaroromai i te mau taata atoa, ia oe iho, ia rave oe i te ohipa no te upooti'a i te mau hape e te mau paruparu.

« Ua î te oraraa i te mau fifi, e mea ha'iha'i te tahi e te tahi e mea huru teiaha ia. E au ra te vai nei te hoê vairaa hopea ore o te mau tamataraa no te taatoaraa. To tatou fifi no te mea ia e, te ti'a'i pinepine nei tatou i te mau rave'a i te reira iho taima no taua mau tamataraa ra, ma te haamo'e e ua titau-pinepine-hia te viretu no te ra'i no te faaroo. »

— PERESIDENI THOMAS S. MONSON
« PATIENCE—A HEAVENLY VIRTUE », *ENSIGN*, NOVEMA 1995, 59

Ohiparaa: Haapiiraa ia oe iho

- A tai'o Mosia 28: 1-9. Eaha te mau hinaaro a te mau tamaiti a Mosia ?
- Eaha te a'oraa a te Fatu i taua nei mau misionare ? (A hi'o Alama 17:10–11 e 26:27).
- Eaha te tahi mau hotu no to ratou faaroma'i e to ratou itoitoe ? (A hi'o Alama 26)
- A papa'i i to oe mau mana'o i roto i ta oe buka tapa'o no te tai'oraa.

Tai'oraa i te papa'iraa mo'a

No te aha te faaoroma'i i riro ai ei mea faufaa rahi? Nahea te faaoroma'i e te faaroo i tu'atihia'i ?

Mosia 23:21

Mosia 24:9–16

Alama 31:31

Alama 32:41–43

Alama 34:40–41

PH&PF 101:38

Roma 5:3–5

Roma 8:24–25

2 Korinetia 6:1–10

Iakobo 5:10–11

Salamo 46:10

« Guide des écritures », « Patience »

Te mau nota

Te mau nota

Haehaa

Te haehaa o te hinaaroraa ia ia auraro i te hinaaro o te Fatu e ia horo'a i te Fatu i te hanahana no te mea i rave-faaoti-hia. I roto i te reira te mauruuru no Ta'na mau haamaitairaa e te iteraa i to tatou hinaaro i Ta'na arata'iraa hanahana. E ere te haehaa e tapa'o no te paruparu ; e tapa'o no te puai varua. Ia ti'aturi oe Ia'na ma te haehaa e ia ite oe i To'na puai e to'na aroha, e nehenehe ia oe ia papû e e mea maitai Ta'na mau haamaitairaa no oe. E ti'aturi oe e e nehenehe ta oe e rave i te mau mea atoa ta te Fatu e titau ia oe mai te mea e ti'aturi oe ia'na. E hinaaro atoa oe ia ti'aturi i Ta'na mau tavini ma'itihia e ia pee atu i ta ratou a'oraa. E tauturu te haehaa ia oe a tutava ai oe i te haapa'o i te faaueraa, i te rave puai i te ohipa e i te tavini ma te ore e haapa'o ia oe iho.



Te pato'i i te haehaa o te te'ote'o ia, tei faahapahia i roto i te mau papa'iraa mo'a. Te te'ote'o o te tuu-rahi-raa'tu ia te ti'aturiraa i ni'a ia'na iho eiaha râ i te Atua ra e aore râ i To'na mau tavini. O te tuuraa ia i te mau mea o te ao nei i ni'a a'e i te mau mea a te Atua. E faahanahana te feia te'ote'o ia ratou iho eita râ e horo'a te hanahana i te Atua. E mea au na te te'ote'o i te tata'u i te tahi atu taata, e e imi te feia te'ote'o ia rahi atu â ta ratou e e mana'o ratou e e mea maitai a'e ratou i te tahi atu mau taata. E te hotu o te te'ote'o o te mau mana'o riri e te au ore ia, e ua riro te reira ei ofa'i rahi e marua ai te taata.

Tai'oraa i te papa'iraa mo'a

Eaha te auraa ia vai haehaa noa ?

2 Nephi 9:28–29

Alama 5:26–29

Mataio 26: 39

Mosia 4:11–12

Alama 26:12

« Guide des écritures »,
« Humble, Humilité »

Eaha te mau haamaitairaa ta oe e farii ia faahaehaa ana'e oe ia oe iho ?

Alama 32:1–16

PH&PF 67:10

Mataio 23:12

Etera 12:27

PH&PF 112:10

PH&PF 12:8

PH&PF 136:32–33

Nahea e nehenehe ai ia oe ia ite i te te'ote'o i roto ia oe iho ?

1 Nephi 15:7–11

2 Timoteo 3:1–4

Maseli 15:10

1 Nephi 16:1–3

Maseli 13:10

Maseli 28:25

Itoito

Te itoito o te tutavaraa tamau, paari, u'ana e puai i te raveraa i te ohipa a te Fatu. Te ti'a'i nei te Fatu ia rave itoito oe i te ohipa-tamau noa e ma te tutavaraa rahi e te haapa'o maitai. E rave manuia e maitai te hoê misionare itoito. Te itoito i roto i te ohipa misionare o te hoê ia faaiteraa o to oe here no te Fatu e no Ta'na ohipa. Ia itoito ana'e oe, e ite oe i te oaoa e te mauruuru i roto i ta oe ohipa.

A rave i te mau mea maitai e rave rahi na roto i to oe iho hinaaro (a hi'o PH&PF 58: 27). Eiaha e tia'i i to oe feia faatere no te parau atu ia oe eaha te mea e rave. A tamau noa e tae no'atu ua rave oe i te mau mea atoa i nehenehe ia oe ia rave, noa'tu e ua rohirohi oe. A haapa'o noa i te mau mea hau atu i te faufaa rahi e eiaha e haamau'a i te taima. A pure no te arata'iraa e te puai. A faanaho tamau maite. A ape i te mau mea atoa e faatea ê i to oe mau mana'o e aore râ ta oe mau ohipa.

« Ua parau pinepine au e te hoê o te mau tumu ite ore roa'e hia o te ohipa misionare o te ohipa ia ! Mai te mea e rave te hoê misionare i te ohipa, e farii oia i te Varua ; mai te mea e farii oia i te Varua, e haapii ia oia e te Varua ; e mai te mea e haapii oia e te Varua, e haaputapû ia oia i te aau o te mau taata e e oaoa oia. Aita e mihiraa i te utuafare, aita e haape'ape'araa no te mau utuafare, no te mea ua haapûhia te mau taima e te mau taleni e te mau mea anaanataehia i ni'a i te ohipa no te taviniraa. Ohipa, ohipa, ohipa-aita'tu e mono mauruuruhia, i roto ihoa râ i te ohipa misionare. »

– PERESIDENI EZRA TAFT BENSON
THE TEACHINGS OF EZRA TAFT BENSON (1988), 200

Te mau nota

Tai'oraa i te papa'iraa mo'a

Eaha te auraa o te parau ia vai itoito ?

Moroni 9:6
PH&PF 10:4

PH&PF 107:99–100

« Guide des écritures », « Diligence »

No te aha te Fatu e tia'i ai e ia itoito oe ?

PH&PF 75:2–5
PH&PF 123: 12–14

PH&PF 127: 4

PH&PF 130:20–21

Nahea te itoito e tu'ati ai i te ti'amâraa ?

Mosia 4:26–27

PH&PF 58:26–29

Te mau nota

Haapa'oraa [i te faaueraa]

Ua titauhia oe ei misionare ia haapa'o i te mau faaueraa na roto i to oe iho hinaaro, ia haapa'o i te mau ture no te misioni, e ia pee i te a'oraa a to oe feia faatere. Te haapa'oraa i te faaueraa o te ture matamua ia no te ra'i. E ohipa no te faaroo. E titauhia paha oe i te tahi mau taime ia rave i te mau mea aita oe i maramarama hope roa. Ia haapa'o ana'e oe i te faaueraa, e rahi oe i te faaroo, te ite, te paari, te iteraa papû, te parururaa e te ti'amâraa. A tutava i te haapa'o i te parau a te Fatu, te peropheta ora e to oe peresideni misioni.

« E patu te haapa'o i te ture i roto i te haapa'oraa i te mau mahana atoa e te oraraa mâ e te mau oraraa maitai i te hoê ahu tama'i no te paruru e te tape'a ia oe i te mau faahemaraa o te haape'ape'a nei ia oe a tere ai oe i roto i te oraraa tahuti nei. »

– ELDER L. TOM PERRY
« CALLED TO SERVE » ENSIGN, ME 1991, 39

Tai'oraa i te papa'iraa mo'a

Eaha te auraa no te parau ia haapa'o i te faaueraa ?

1 Nephi 2:3	PH&PF 82:8–10	loane 14:15
Mosia 5:8	Mataio 7:24–27	« Guide des écritures »,
Mosia 15:7	loane 7:17	« Obéissance, Obéissant, Obéir »

Eaha te mea ta oe e nehenehe e haapii mai no ni'a i te haapa'oraa i te faaueraa na roto mai i teie nei mau papa'iraa mo'a ?

1 Nephi 3:7	PH&PF 105:6	2 Aarii 5:1–14
-------------	-------------	----------------

No te aha te Faehau apî i roto i te nuu a Helamana i haapa'o ai i te faaueraa ma te papû ? Nahea ratou i haamaitahia'i ?

Alama 56:45–48	Alama 57:21–27
----------------	----------------

Te faatupuraa i te mau taipe mai to te Mesia ra

A tai'o e a imi ai oe i te faatupu i te mau maitai tei faaitehia i roto i teie nei pene e te tahi atu mau maitai tei itehia i roto i te mau papa'iraa mo'a, e nehenehe te hoho'a i muri nei e tauturu:

- A ite i te maitai ta oe e hinaaro i te faatupu.
- A papa'i i te hoê auraa e te faahitiraa no te maitai.
- A papa'i i te mau uiraa no te pahono a tai'o ai oe.
- A tabula e a tai'o maitai i te mau irava no te papa'iraa mo'a o te haapii i teie nei maitai.
- A papa'i i to oe mau mana'o e te mau mea ta oe i ite.
- A haamau i te mau fâ e a rave i te mau opuaraa no te faaohipa i teie nei maitai i roto i to oe nei oraraa.
- A pure i te Fatu no te tauturu ia oe ia faatupu i teie nei maitai.
- A tuatapapa i to oe haereraa i mua tera taime e tera taime i te faatupuraa i te mau maitai tata'itahi.

Ohiparaa: Haapiiraa ia oe iho

A ite i te hoê maitai i roto i teie nei pene e aore râ no roto mai i te mau papa'iraa mo'a. A pee i te hoho'a tei itehia i ni'a'tu no te taa maitai a'e e no te opua i te faatupu i taua maitai ra.

A hi'o i te hoho'a o to oe pine i'oa. Nahea to oe i'oa e taa ê atu i te pine i'oa e oomohia e te hoê taata rave ohipa no te hoê taiete? A hi'o e te na tuhaa e piti faufaa rahi roa o to oe ia i'oa e te i'oa o te Faaora. Nahea ta oe e nehenehe e haapapû e te ti'a nei oe no te Faaora mai te hoê o Ta'na mau pîpî? No te aha e mea faufaa ai no te mau taata ia taati atu i to oe i'oa i te i'oa o te Faaora i roto i te hoê faanahoraa maitai? A papa'i i to oe mau mana'o i roto i ta oe buka tapa'o no te tai'oraa.

**Tai'oraa i te papa'iraa mo'a****Eaha te tahi mau taípe tei tabulahia i roto i te mau papa'iraa mo'a?**

Mosia 3:19

PH&PF 121:41–45

Filipi 4:8

Alama 7:23

Te mau Hiro'a Faaroo 1:13

2 Petero 1:5–8

PH&PF 4

A haamana'o i teie

- E ti'a ia oe ia riro e hoê misionare ei taípe no te Mesia, eiaha e rave noa i te mau mea misionare.
- Ua riro te haapiiraa ia riro mai te Mesia ra e tutavaraa no te taatoaraa o te oraraa.
- E pee oe i te hoho'a o te Mesia—faatupu i To'na mau taípe—te hoê ohipa e te hoê faaotiraa i te haamataraa.
- E titau te tauraa ia riro mai te Mesia ra te huru i te faaohiparaa i te faaroo, te tatarahaparaa, te haapa'oraa i te mau fafauaraa, e te fariiraa i te hoê faito rahi no te Varua Maitai e te tape'a noa raa e tae atu i te hopea.

Te mau nota

Mau mana’o tauturu no te haapii mai e no te faaohiparaa

Haapiiraa ia oe iho

- A faaineine i te hoê a’oraa e pae minuti no ni’a i te hoê o te mau maitai tei tuatapapahia i roto i teie nei pene.
- Ma te faaohiparaa i te « Guide des écritures », a hi’o i te mau rave’a ta te Faaora i faahoho’a i te mau maitai tei faaitehia i roto i teie nei pene. A papa’i i te mea ta oe i haapii mai i roto i ta oe buka tapa’oraa haapiiraa.
- A faa’i tera taime e tera taime i te « Ohipa no te taipe » i te hopea o teie nei pene.
- A ite i te hoê huru maitai i roto i teie nei pene. A ui ia oe iho:
 - Nahea ta’u e nehenehe e faatupu i teie nei huru maitai ?
 - Eaha te mea e ti’a ia tau i roto i to’u aau, to’u feruriraa e ta’u mau ohipa no te faatupu i teie nei huru maitai ?
 - Nahea te haapa’oraa i te mau fafauraa e tauturu ai ia’u ia faatupu i teie nei huru maitai ?
 - Nahea te faatupuraa i teie nei huru maitai e tauturu ai ia’u ia farii i te Varua Maitai e ia riro e misionare puai atu â no te evanelia a lesu Mesia ?
- A imi i te mau hoho’a no te mau huru maitai mai to te Mesia i roto i te oraraa o te mau taata e te mau vahine i roto i te mau papa’iraa mo’a. A papa’i i to oe mau mana’o i roto i ta oe buka tapa’o no te tai’oraa.

Haapiiraa e to oe hoa

- A tai’o i te mau faahororaa no te mau huru maitai mai to te Mesia i roto i te mau buka a te mau misionare.
- A tuatapapa i te mau auraa i rotopu i te mau huru maitai taa ê. Ei hi’oraa:
 - Nahea te faaroo e tu’ati ai i te itoito ?
 - Nahea te haehaa e te here i tu’ati ai ?
 - Nahea te ite e haapuai ai i te faaoroma’i ?

Te mau apooraa mataeinaa e te mau amuiraa area

- E rave rahi mau mahana hou te apooraa mataeinaa e aore râ te amuiraa area, a ani i te mau misionare atoa ia ma’iti i te hoê o te mau huru maitai i roto i teie nei pene e aore râ i roto i te mau papa’iraa mo’a e ia faaineine i te hoê a’oraa e pae minuti no ni’a i taua huru maitai ra, e te mau papa’iraa mo’a tei tauturu ia’na. A horo’a i te taime i roto i te apooraa ia faaite mai te tahi na misionare i ta ratou mau a’oraa.
- a tuha te mau misionare i roto i na pūpū e toru, e a horo’a ia ratou teie nei ohipa:

Pūpū 1: A tai’o 1 Nephi 17:7-16 e a pahono i teie nei mau uiraa:

 - Nahea to Nephi faaohiparaa i to’na faaroo ?
 - Eaha ta Nephi i rave tei riro mai ta te Mesia ?
 - Eaha te mau fafauraa ta te Fatu i rave ia Nephi mai te mea e e vai itoito oia e e tape’a oia i te mau faauerua ?
 - Nahea teie nei aamu e tano ai i te ohipa misionare ?

Te mau nota

Pûpû 2: A tai'o lakoba 7:1-15 e a pahono i teie nei mau uiraa:

- No te eaha te faaroo o lakoba i nava'i ai i te puai no te pato'i atu i te aroraa a Serema ?
- Nahea to lakoba faaohiparaa i te faaroo a paraparau atu ai oia ia Serema ?
- Nahea te mau ohipa a lakoba i reira ai mai to te Mesia ra te huru ?
- Nahea ta tatou e nehenehe i te faatupu i te faaroo mai to lakoba ?

Pûpû 3: A ta i'o Te Aamu o Iosepha Semita 1: 8-18, e a pahono i teie nei mau uiraa:

- Nahea to Iosepha Semita faaohiparaa i te faaroo ia Iesu Mesia ?
- Nahea to'na faaroo i te tatamataaraahia ?
- Eaha ta'na i rave i riro mai ai oia mai te Mesia ra te huru ?
- Eaha ta tatou e nehenehe e rave no te pee atu i te hoho'a o Iosepha Semita ?

Ia oti te tuatapaparaa a te mau pûpû, a amui mai te mau misionare e a ani atu ia ratou ia faaite mai i te mea ta ratou i tuatapapa

- A faaite i te hoê ohipa tei tupu i reira te haamatai-raa-hia e aore râ te faauru-raa-hia te faaroo o te tahi atu taata.
- Ia tai'o te mau misionare i te « Ohiparaa no te Huru Maitai. » A horo'a i te mau misionare atoa te hoê api parau ia papa'i oia i ta'na mau pahonora a ni'a.

Ia oti ratou i te faa'i i te api parau, a ani ia ratou ia haamau i te mau fâ no ratou iho.

A ani atu i te tahi mau misionare ia faaite i te mea ta ratou i haapii mai e i ite a faa'i ai ratou i te api parau.

A faaite i to oe iteraa papû no ni'a i te faufaa rahi i te faatupuraa i te mau huru maitai mai to te Mesia ra.

Peresideni misioni

- A ani i te mau misionare ia tai'o te hoê o na Evanelia e maha i roto i te Faufaa Apî e aore râ 3 Nephi 11-28. Ia tapa'o ratou i te mea ta te Faaora i rave o ta ratou atoa e nehenehe e rave.
- A faaohipa i te faanahoraa e te haamauraa i te fâ no te haapii i te mau misionare i te parau no te itoito. A faaite e nahea te itoito i te haapa'oraa i te mau taata i riro ai ei faaiteraa no te here.
- I roto i te mau uiuiraa, a ani te mau misionare ia paraparau mai no ni'a i te hoê huru maitai ta ratou e tamata nei i te faatupu.
- I roto i te amuiraa area, a ani i te mau misionare ia paraparau mai no ni'a i te mau huru maitai mai to te Mesia ta ratou e faahiahia nei i roto i to ratou mau hoa.

OHIPARAA NO TE TAIPE

A tai'o maitai i te mau mea tata'itahi i raro nei. A faaoti eaha te mau râ o taua parau ra no ni'a iho ia oe, e a ma'iti i te pahonora a au roa'e mai roto mai i te pahonora a taviiri. A papa'i i ta oe pahonora a i te mau mea atoa i roto i ta oe buka tapa'ora a haapiira a. Ua riro te tupuraa varua e faanahora a e haere marû noa i mua, aita roa e taata maitai, no reira e ti'a ia oe ia faito maitai a'e ia oe iho i ni'a i te tahi mau mea eiaha râ i ni'a i te tahi mau mea.

Pahonora a tumu 1= Aita roa'e 2=I te tahi mau taime 3= Pinepine 4= Fatata i te mau taime atoa 5= I te mau taime atoa

Faaroo

1. Te ti'aturi nei au i te Mesia e te farii nei au la'na ei Faaora no'u (2 Nephi 25: 29)
2. Te ti'aturi nei au e te here nei te Atua ia'u. (1 Nephi 11:17)
3. Ua nava'i to'u ti'aturira a i te Faaora no te farii i To'na hinaaro e ia rave i te mea Ta'na e ani mai. (1 Nephi 3:7)
4. Te ti'aturi papû nei au e e nehenehe ta'u mau hara atoa e faaorehia na roto i te taraehara o lesu Mesia. (Enosa 1: 5-8)
5. Ua nava'i to'u faaroo i te Mesia no te roaa te mau pahonora a i ta'u mau pure. (Mosaia 27: 14)
6. Te mana'ona'o nei au i te Faaora i te taatoaraa o te mahana e te haamana'o nei au i te mea Ta'na i rave no'u. (PH&PF 20: 77,79).
7. E faaroo to'u i hinaarohia no te tauturu i te faatupu i te mau mea maitai i roto i to'u nei oraraa e aore râ i roto i te oraraa o vetahi ê. (Etera 12: 12).
8. Te ite nei au na roto i te mana o te Varua Maitai e e parau mau te Buka a Moromona. (Moroni 10: 3-5).
9. Ua nava'i to'u faaroo i te Mesia no te rave i te mau mea atoa Ta'na e hinaaro ia'u ia rave- e tae noa'u i te mau temeio mai te mea e titauhia. (Moroni 7: 33).

Ti'aturira a

10. Te hoê o to'u hinaaro rahi roa'e o te fatu ai'a ia i te ora mure ore i roto i te basileia o te Atua. (Moroni 7: 41)
11. Te ti'aturi nei au e e misioni oaoa e te manuia to'u. (PH&PF 31: 3-5)
12. Te ite nei au i te hau e te oaoa no ni'a i te oraraa i mua. (PH&PF 59: 23)
13. Te ti'aturi papû nei au e e parahi au i te hoê mahana i pihaiho i te Atua e e riro vau mai la'na ra te huru. (Etera 12: 4).

Aroha e te Here

14. Te ite nei au i te hoê hinaaro mau no te oraraa e te oaoa mure ore no te tahi atu mau taata. (Mosaia 28: 3)
15. Ia pure ana'e au, e ani au no te aroha- te hinaaro mau i te Mesia. (Moroni 7: 47-48).
16. E tamata vau i te taa i te mau mana'o o te tahi atu mau taata e ia hi'o i to ratou hi'oraa. (Iuda 1: 22).
17. E faaore au i te hapa a vetahi ê tei faainoino e aore râ tei hamani ino ia'u. (Ephesia 4: 32).
18. E tamata vau i te tauturu ia vetahi ê o te fifi nei e aore râ tei hepohepo. (Mosaia 18: 9)

19. Ia tano ana'e, e parau vau ia vetahi ê e te here nei au ia ratou e te haape'ape'a nei au no ratou. (Luka 7: 12-15)
20. E imi au i te mau rave'a no te tavini i te tahi atu mau taata. (Mosaia 2: 17)
21. E parau vau i te mau mea maitai no vetahi ê. (PH&PF 42: 27)
22. E hamani maitai au e e faaroma'i au i te tahi atu mau taata, noa'tu e ere ratou i te mea au roa. (Moroni 7: 45).
23. E oaoa vau i te mau manuiaraa a te tahi atu mau taata. (Alama 17: 2-4)

Viivii Ore

24. E mea viivii ore e e mea mâ vau i roto i te aau. (Salamo 24: 3-4)
25. Aita to'u e hinaaro i te rave i te mea mo'e i te rave râ i te maitai. (Mosaia 5: 2)
26. E nehenehe au e ti'aturihia- E rave au i te mea ta'u i parau e e rave au. (Alama 53: 20)
27. E haapa'o vau i te mau mana'o parau-ti'a e te faateitei e tuu vau i te mau mana'o au ore i rapae au i to'u nei ferurira a. (PH&PF 121: 45)
28. E tatarahapa vau i ta'u mau hara e e tutava vau i te haavi i to'u mau paruparu (PH&PF 49: 26-28)
29. E ite au i te mana o te Varua Maitai i roto i to'u nei oraraa. (PH&PF 11: 12-13)

Ite

30. E mea papû vau i roto i to'u iteraa i te mau haapiira a e te mau parau tumu o te evanelia. (Etera 3:19-20)
31. Te tai'o nei au i te mau papa'ira a mo'a i te mau mahana atoa. (Ioane 5: 39)
32. Te imi u'ana nei au ia haraora i te parau mau e ia ite i te mau pahonora a i ta'u mau uiraa. (PH&PF 6: 7)
33. Te farii nei au i te ite e te arata'ira a na roto i te Varua. (1 Nephi 4: 6)
34. Te here e te faaherehere nei au i te mau haapiira a e te mau parau tumu o te evanelia. (2 Nephi 4:15)

Faaoroma'i

35. Te ti'a'i nei au ma te faaoroma'i ia tupu te mau haamaitaira a e te mau fafauraa a te Fatu. (2 Nephi 10:17)
36. E nehenehe ta'u ia tia'i i te mau mea ma te ore e riri e aore râ maururu ore. (Roma 8: 25)
37. E mea faaoroma'i e e mea ti'a'i maoro vau e te mau tamataraa no te ti'araa misionare. (Alama 17: 11)

38. E mea faaoroma'i au i te mau hape e te mau paruparu o vetahi ê. (Roma 15: 1)
39. E mea faaoroma'i au ia'u iho e te ti'aturi nei au i te Fatu a ha'a'i au i te haavi i to'u mau paruparu.
40. Te fauruu nei au i te tamataraa e te mau ati ma te hau e te ti'aturi. (Alama 34: 40-41)

Haehaa

41. Te marû nei ho'i au e te haehaa o te aau. (Mataio 11: 29)
42. Te ti'aturi nei au i te Fatu no te tautururaa. (Alama 26:12)
43. Te maururu roa nei au no te mau haamaitaira a ta'u i farii no ô mai i te Fatu. (Alama 7:23)
44. E mea u'ana e e mea mau ta'u mau pure. (Enosa 1:4)
45. Te maururu nei au no te arata'ira a ta'u mau faatere e aore râ orometua haapii. (2 Nephi 9: 28)
46. Te tutava nei au ia aurora i te hinaaro o te Fatu noa'tu eaha te hinaaro. (Mosaia 24: 15)

Itoito

47. Te rave maitai nei au, noa'tu aita vau i faahepohia e aore râ e hi'opo'a maitai hia ra. (PH&PF 58:26-27)
48. Te faahaere nei au ta'u mau tautoora a i ni'a i te mau mea faufaa rahi. (Mataio 23:23)
49. Te pure nei au e piti a'e taime i te mahana. (Alama 34: 18-27)
50. Te faahaere nei au i to'u mau mana'o i ni'a i to'u piira a ei misionare. (PH&PF 4:2,5)
51. Te haamau nei au i te mau fâ e te opua tamau nei au. (PH&PF 88:119)
52. Te rave puai nei au i te ohipa e tae no'atu ua hope e ua manuia te ohipa. (PH&PF 10:4)
53. Te ite nei au i te oaoa e te maururu i roto i ta'u nei ohipa. (Alama 36: 24-25)

Haapa'oraa [i te faaueraa]

54. Ia pure ana'e au, e ani au no te puai ia pato'i i te faahemaraa e ia rave i te mea ti'a. (3 Nephi 18:15)
55. Te haapa'o nei au i te mau faaueraa titauhia no te riro ei taata parau-ti'a no te hoê parau faati'a no te hiero. (PH&PF 97:8)
56. Te haapa'o mau nei au i te mau ture misioni e te pee nei au i te a'oraa a to'u mau taata faatere. (Hebera 13:17).
57. Te tutava nei au i te ora mai te au i te mau ture e te mau parau tumu o te evanelia. (PH&PF 41:5)



Nahea vau ia haapii maitai a'e i te reo o ta'u misioni ?

A feruri i teie

- No te aha e ti'a ia'u ia tamau noa i te haamaitai i to'u aravihi i te reo ?
- Nahea e nehenehe ai ia'u ia haamaitai i to'u aravihi i te paraparau e te haapii na roto i te reo o ta'u misioni ?
- Nahea e nehenehe ai ia'u ia roaa te horo'araa o te mau reo ?

A faaineine ia oe iho i te pae varua

Ua parau te Fatu, « E faaroo te taata atoa i te îraa no te evanelia i roto i to'na iho re'o, e i to'na iho parau na roto ia ratou o tei faatoro'ahia i teie nei mana » (PH&PF 90:11). A haapuai i to oe iho iteraa papû no te afairaa mai te mana faafariu i roto i ta oe mau parau. A tai'o na mua i te mau parau haapiiraa e te mau haapiiraa i roto i to oe iho reo tumu. Na taua iteraa e haapuai i to oe iteraa papû e to oe aravihi i te haapii e te faaite papû. E nehenehe ia oe i reira e faaite i te parau poro'i o te Faaho'iraa hia mai te Evanelia na roto i te reo o ta oe misioni i raro a'e i te arata'iraa a te Varua.

Teie i raro nei te mau rave'a e nehenehe ia outou ia haapuai i to oe faaroo e e tauturu te Fatu ia oe ia haapii e ia faaite papû na roto i te reo o ta oe misioni:

- A ite e ua pihia oe e te Atua na roto i te hoê peropheta.
- A ora parau-ti'a no te hoaraa o te Varua Maitai.
- A haapa'o i te mau faaueraa e te mau faatureraa a te mau misionare.
- A pure ma to aau atoa ia tauturu mai te ra'i ia oe.
- A tai'o, a tamata, e a faahipa i te reo o te misioni i te mau mahana atoa.

Te mau nota

la itoito e ia haapa'ō maitai

E titau te haapiiraa i te haapii ma te manuiaraa na roto i te reo o ta oe misioni i te tuta-varaa itoito. Eiaha e maere mai te mea e au ra e mea paari te haapiiraa i te haamataraa. Ua titauhia te taime no te haapii i te hoê reo. A faaoroma'i ia oe iho. A ani i te tautururaa a to oe hoa misionare, te mau melo, te mau taata ta oe e haapii ra, e te tahi atu mau misionare.

Eiaha e faaea i te haamaitai i to oe mau aravihi e te reo ia haamata ana'e te mau taata ia taa i te mea ta oe e parau ra ia ratou. A rahi noa'tu ai to oe aravihi no te parau i te reo, e rahi atu ia to te taata faarooraa i te mea ta oe e parau i te huru o ta oe paraparauraa. E iti to oe haape'ape'araa no te huru o ta oe faaiteraa i te mau mana'ō e vai nei i roto i to oe na aau. E ite a'e oe i te pahono atu i te mau hinaaro o te mau taata ta oe e haapii ra e i te mau faaûruraa a te Varua.

A tutava i te parau maitai i te reo i te taatoaraa o ta oe misioni e i muri a'e i to oe ho'iraa'tu i te fare. Ua haamaitai-rahi te Fatu ia oe e e faaohipa paha Oia i to oe aravihi no te reo i muri mai i roto i to oe nei oraraa. Ua tatara mai o Elder Jeffrey R. Holland e « Te ti'aturi nei matou e e paraparau maitai mai te mau misionare atoa e haapii ra i te hoê reo apî no te pororaa evanelia. E a na reira ai outou, e e maitai to outou mau ite i te pororaa e te faaite papûraa. E farii maitai a'e hia outou e e mea puai to outou varua i mua i te feia ta outou e haapii ra... Eiaha e faaea noa i te mea ta tatou e parau nei te reo misionare. A faarahi to outou ite no ni'a i te mau tuhaa atoa o te reo e e rahi a'e to outou manuiaraa i te haaputapû i te aau o te taata » (missionary satellite broadcast, Atete. 1998).

E ere o oe ana'e i roto i te haapiiraa i te reo o ta oe misioni. I te mau taime atoa ua horo'a te Fatu i te hoê faaueraa, ua horo'a Oia i te hoê rave'a no te rave hope raa i te reira (a hi'o 1 Nephi 3:7). A imi i Ta'na tautururaa. Ia itoito oe i roto i ta oe haapiiraa. Te vai ra te taime e roaa'i ia oe te ite titauhia no te faatupu i ta oe opuaraa ei misionare.

A haapii i te reo peretane

Mai te mea aita oe e parau nei i te reo marite, e ti'a ia ia oe ia haapii i te reira ei misionare. E e haamaitai te reira ia oe i te taatoaraa o ta oe misioni e i te taatoaraa o to oe nei oraraa. Na roto i te haapiiraa i te reo marite e nehenehe ai ia oe ia tauturu i te patu i te basileia o te Fatu na roto i te tahi atu mau rave'a e e riro te reira e haamaitai no oe e no to oe utuafare. Te vai nei i roto i teie nei pene te mau mana'ō tauturu e rave rahi no te tauturu ia oe. A haapa'ō maite i hoa râ teie nei mau mana'ō i muri nei:

- A haamau i te fâ ia parau na roto i te reo marite e to oe hoa misionare. Mai te mea ua ite a'ena to oe hoa i te reo marite e te tamata ra oia i te haapii i to tatou reo, e ma'iti paha oe i te parau i te reo marite i roto i te fare faaearea e ia parau i te reo o te misioni ia haere ana'e orua i rapae.
- A tai'o e to oe nei hoa misionare i roto i te Buka a Moromona marite. E nehenehe atoa ia oe e ma'iti ia tau: E tai'o oe i te hoê irava na roto i te reo marite e i muri iho e tai'o mai to oe hoa misionare i te hoê irava na roto i te reo o te misioni. A faaafaro i to te tahi tai'oraa e tuuraa reo.
- A ani i to oe peresideni misioni no te mau mana'ō tauturu no te tahi papa'iraa ohie na roto i te reo marite no ni'a i te faatureraa reo mai te mea aita ta oe.

Te mau ture no ni'a i te haapiiraa i te reo

E faaite mai teie nei tuhaa i te mau ture no te tauturu ia outou ia tai'o e ia haapii maitai atu â i te reo.

- **A rave i te hopoi'a.** A haamau e aore râ a faatano tamau noa i ta oe mau fâ e ta oe mau faanahoraa no te haapiiraa i te reo. A tutava i te faaohipa i te reo i te mau taima atoa.
- **A haafaufaa i ta oe haapiiraa.** A ani ia oe iho: Eaha vau e haapii ai i teie ? Nahea te reira e tauturu ia'u ia paraparau maitai a'e ? A faaau i te mea ta oe e haapii ra i te mau mea e tupu nei i roto i te oraraa e i te mau ohipa no te mau mahana atoa. A haapii i te mau tuhaa o te reo o te tauturu ia oe ia parau i te mea ta oe e hinaaro i te parau. Ei hi'oraa, mai te mea te vai nei te hoê aamu i roto i te mau papa'iraa mo'a ta oe e hinaaro nei i te tuu atu i roto i ta oe haapiiraa, a haapii i te mau parau e te mau faatureraa titauphia no te faati'a raa i te reira aamu.
- **A imi te rave'a ia paraparau.** A imi te hoê faito tano i rotopu i te haapiiraa i te faatureraa o te reo e te hamaniraa o te reo e te haapiiraa i te reo na roto i ta oe mau ohipa o te mau mahana atoa. Aita e mono no te paraparauraa i te feia no ratou ihoa to ratou reo.
- **A haapii hohonu i te mau mana'o apî.** E nehenehe ta oe e haamana'o e ia faaohipa maitai i te mau ture no te reo mai te mea e tai'o tamau noa oe i te mea ta oe i haapii e mai te mea e faaohipa oe i te mea ta oe i haapii i roto i te mau mea apî e tupu mai.

A haamau i te hoê faanahoraa no te haapii i te reo.

E tauturu te hoê faanahoraa no te haapiiraa i te reo i te mau misionare api e te misionare aravihi ia haapa'o maite i te mau mea e nehenehe ia ratou ia rave i te mau mahana atoa no te haamaitairaa i to ratou aravihi no te parau i te reo o te misioni. Tei roto i to oe faanahoraa e te mea ta oe e rave i roto i te taima haapiiraa i te reo e i roto i te mau mea ta oe e rave i te taatoaraa o te mahana.

Mai te mea e hinaarohia, a faaohipa i te tahi o ta oe taima haapiiraa i te reo no te hamani e aore râ no te faatitiaifaro i ta oe faanahoraa no te haapiiraa. I reira i te mau po'ipo'i atoa i roto i ta oe taima haapiiraa i te reo, a haapii i te reo hinaarohia no te mau ohipa i taua mahana ra. E tauturu teie nei mau arata'iraa ia oe ia haamau i to oe iho faanahoraa haapiiraa i te reo:

1. **A haamau i te mau fâ.** E tauturu te mau fâ no te hebedoma e no te mahana ia oe ia haapii te reo o te misioni. A faahaere i to oe mana'o i ni'a i ta oe mau fâ no te haamaitai i to oe aravihi i te aparau e te haapii i roto i te mau ohipa i tabulahia, mai te mau hora haapiiraa, te imiraa i te mau rave'a no te haapii, e te mau apoora paroita. A hi'o i to oe haereraa i mua no te faatupuraa i ta oe mau fâ no ni'a i te reo. A ani ia oe iho eaha te mea ta oe e nehenehe e rave no te paraparau maramarama atu e ma te puai atu i roto i ta oe mau ohipa i tabulahia.

Te mau nota

2. A ma'iti i te mau rave'a e faaohipa. A hi'o i teie nei mau rave'a no te reo i muri nei e a faaoti eaha te rave'a ta oe e nehenehe e faaohipa no te faatupu i ta oe mau fâ

- Te mau papa'iraa mo'a i roto i te reo o ta oe misioni.
- Te mau haapiiraa misionare i roto i te reo o ta oe misioni.
- Te hoê titionare na'ina'i.
- Te hoê buka tarame na'ina'i.
- Te mau materia no te haapii i te reo a te PHM.
- Te mau tareta nota.
- Te hoê buka no te papa'i e ô i roto i te pute ahu.
- Te tahi atu mau materia na roto i te reo o ta oe misioni.



3. A tamau aau i te mau pu'e parau e te mau mana'o parauhia. A imi i te mau parau e te mau papa'iraa e tauturu ia oe ia faatupu i ta oe mau opuaraa. E nehenehe e tuu i roto i ta oe faanahoraa no te reo te mau mana'o tauturu i muri nei:

- A imi i te mau pu'e parau e te mau mana'o parau hia i roto i te mau haapiiraa, te mau buka iti, te mau papa'iraa mo'a, e te tahi atu mau ve'a e nehenehe ta oe e faaohipa i roto i te haapiiraa.
- A tapa'o i te mau parau e aore râ te mau papa'iraa aita oe i ite i roto i te hoê buka. A afai na muri ia oe i te hoê buka faatoro parau na'ina'i e a hi'o i te auraa o teie nei mau parau.
- A afai na muri ia oe i te mau tareta nota no te tai'o i te taatoaraa o te mahana. A papa'i i te hoê parau e aore râ i te hoê papa'iraa i ni'a i te hoê pae e te auraa i ni'a i te tahi atu pae. A faataa i te hiti te mau parau ta oe e haapii nei. A haa i ni'a i te mau parau e toe ra e tae noa'tu ua ite maitai oe i te reira.
- A faaohipa i te mau parau e te mau papa'iraa apî roto i te mau parau i roto i taua ihoa taima haapiiraa, te mau haapiiraa e i te taatoaraa o te mahana.
- A haapii nahea e faahiti i te parau na roto i te parau puairaa i te mau parau e te mau papa'iraa.
- A tamau aau i te mau papa'iraa mo'a faufaa rahi na roto i te reo o te misioni.
- A tamau aau i te mau parau ohie no roto mai i te mau haapiiraa e aore râ te mau buka iti o te faaite ra i te mau parau tumu faufaa rahi o te evanelia. A imi i te tahi atu mau rave'a no te faaite i teie nei mau mana'o.

4. A haapii i te tarame. A faaohipa i ta oe mau mauhaa no te haapii i te reo no te maimi i te mau ture o te tarame o te tauturu ia oe ia faatupu i ta oe mau fâ. Mai te mea e hinaarohia, a ani i to oe hoa, te tahi misionare aravihi i te reo, e aore râ te hoê melo no te tauturu ia oe. A feruri i te tuu atu i te mau mana'o tauturu i muri nei:

- A faaohipa i te papa'iraa tarame ta oe i farii i te PHM e aore râ te hoê papa'iraa faati'ahia e to oe peresideni misioni no te tauturu ia oe ia taa i te mau hoho'a no te tarame e te mau parau tei itehia i roto i te mau haapiiraa misionare, te mau buka iti e te mau papa'iraa mo'a.

- A faaineine i te mau papa'iraa no te faaohipa i roto i ta oe mau ohipa i tabulahia o te faaohipa i teie nei mau ture no te tarame. A haapii i te parau e i te papa'i i te mau parau.
- A haapa'o maitai i te faanahoraa o te mau parau i roto i te reo e i te mau parau, e to ratou mau tuhaa.
- A imi i te mau rave'a no te rave e te faaohipa i te mau tarame ta oe e haapii ra i te mau mahana atoa.

5. A faaroo maitai. A feruri i te tuu teie nei mau mana'o i muri nei:

- A faaroo maitai ia parau ana'e te mau taata o te fenua. A na reira atoa oe i te parau.
- Ia faaroo ana'e oe i te tahi mea aita oe e taa ra, a papa'i i te reira e a imi eaha to'na ra auraa. A haapiipii noa ma te faaohipa i te hoho'a o te pu'e parau e aore râ o te mana'o parauhia.
- A faaroo ai oe, a imi i te mau hoho'a o te pu'e parau e te mau hoho'a ta oe i haapii iho nei.
- Ia faaroo ana'e oe i te hoê parau tei faahiti-huruê-hia i te huru ta oe i matau i te parau, a papa'i te reira e a haapii i te parau. No to oe râ ti'araa ei tavini no te Fatu, a faaohipa noa i te parau tano eiaha râ te parau haapa'oraa ore.
- A rave i te hoê tabula no te mau mea ta te taata e parau atu ia oe i roto i ta oe mau ohipa i opuahia. A imi i te mau parau e te mau papa'iraa i tuatihia'tu i teie nei mau pahonoraa. A faanaho e a haapii i te mau rave'a e nehenehe ai ia oe ia pahono atu.

6. A haamaitai i to oe aravihi i te tai'o e te papa'i. A tai'o i te Buka a Moromona na roto i te reo o ta oe misioni no te haapii i te mau parau e te mau papa'iraa e no te faaohipa i te mau faatureraa, te faahitiraa e te faaohieraa. Te vai ra te mana rahi i roto i te faaohiparaa i te mau papa'iraa mo'a i roto i to oe reo haapii. A feuri i teie nei mau mana'o tauturu:

- A haapii i te tai'o e te papa'i i te mau piapa, te papa'i e aore râ te mau huru papa'iraa a to oe reo. No ni'a i te mau faanahoraa o te papa'iraa, a haapa'o i te mau aravihi no te tai'oraa, mai te tai'oraa i te mau papa'iraa mo'a, o te tauturu ia oe ia haapii ana'e oe.
- A tai'o puai i te Buka a Moromona, te tahi atu mau papa'iraa mo'a, e aore râ te mau ve'a a te Ekalesia i roto i te reo o te misioni. A haapa'o maitai i te mau parau, te mau papa'iraa e te mau faatureraa mataro-ore-hia. Mai te mea aita oe e taa ra i te hoê, a tamata i te taa i to'na auraa na roto mai i te papa'iraa hou a imi ai oe i te auraa. A papa'i atu i te parau i roto i ta oe mau tareta papa'iraa. A tuu to oe iho reo tumu e te reo o te misioni te tahi i pihaiho te tahi mai te mea e hinaarohia.
- A ani i te tahi taata ia haapii e ia tauturu ia oe no ni'a i te faahitiraa parau, te tuuraa reo e te mau faafaearaa i roto i ta oe tai'oraa.
- A haapii i te papa'i na roto i te reo o ta oe misioni- ei hi'oraa, ta oe iho mau papa'iraa e haamana'oraa, te mau rata, te mau nota haamauururaa, e te mau nota faaitoitoraa. A papa'i i to oe iteraa papû i roto i te mau Buka a Moromona o ta oe e opere atu.

7. A ani i te tahi atu mau taata ia tauturu ia oe. A feruri te tuu atu i teie nei mau mana'o tauturu:

Te mau nota

- Mai te mea e reo tumu teie reo no to oe hoa, a rave atu ia i teie nei haamaitairaa rahi ma te ani pinepine atu i te mau uiraa e te titauroa i te pahonora.
- A ani i to oe hoa e te mau taata e reo tumu no ratou teie nei reo ia faaafaro ia oe e ia horo'a mai i te mau rave'a no te haamaitai ia oe.
- A ani i te feia ta oe e haapii nei ia tauturu ia oe. A parau atu, « Te haapii nei au i to outou reo. A tauturu mai ia'u. Mai te mea e fifi au i te hoê parau, a tauturu mai ia'u e teie nei parau. »
- Eiaha e mäta'u i te ani i te tautururaa taa ê: « Nahea oe e parau _____ ? » « Nahea ta oe e faahiti _____ ? » « Eaha te auroa o _____ ? » E tapiti na i te parau i te reira ? » A papa'i i te mau pahonora e a tuatapapa maite i te reira.
- A ani i te mau melo ia uiui ia oe na ni'a i ta oe mau tareta nota e aore râ te mau tabula no te mau parau e ia tauturu ia oe ia tai'o puai i te mau papa'iraa mo'a.



8. A tuatapapa e a hi'opo'a faahou i ta oe faanahoraa haapiiraa. A hi'opo'a faahou i te mau hebedoma atoa i ta oe faanahoraa haapiiraa no te hi'o mai te mea e tauturu ra te reira ia oe. A ani i to oe hoa e te mau faatere misioni ia faaite mai i te mau vahi e ti'a ia oe ia haamaitai.

A faahipa i te reo o ta oe misioni i te mau taime atoa. A parau i te reo e to oe hoa i te mau taime atoa i te taatoaraa o te mahana. A pure na roto i te reo o te misioni o oe ana'e e i mua i te taata no te haapii i te parau tano no te pure e ia haapii i te parau i te mea i roto i to oe aau.

Eiaha e mäta'u i te mau hape. E hape ihoa te mau taata atoa o te haapii nei i te hoê reo apî. E taa te mau taata, e e maururu ratou no ta oe mau tutavaraa ia haapii i to ratou ra reo. E tauturu te tamau aauraa i te mau parau e te mau papa'iraa mo'a ia ape i te mau hape, eita râ e ti'a ia oe ia faahipa i te mau papa'iraa roa tamau aau hia e aore râ faaineinehia ei rave'a no te ape i te mau hape.

Ohiparaa: Haapiiraa ia oe iho

A haamau i te hoê faanahoraa haapiiraa ma te faahipa i te mau arata'iraa tei faaitehia i ni'a'e. A hi'opo'a faahou i ta oe faanahoraa e to oe hoa e aore râ te hoê faatere misioni.

A haapii e to oe mau hoa

A tauturu i to oe mau hoa ia ite i te manuiraa e ia itoito i te haapii vitiviti raa i te reo. A haapoupou pinepine e ma te aau mau i to oe mau hoa e te ahi atu mau misionare i roto i to ratou haereraa i mua i roto i te reo. A ara ia ore e parau e aore râ ia rave i te tahi mea e haaparuparu i to ratou ti'aturiraa, eiaha râ e paruru rahi atu ia ratou ia ore ratou e haapii. Eiaha e tape'a i te tautururaa ia hinaaro-ana'e-hia. A horo'a ia ratou i te mau taime atoa

no te haapii e no te faaite papû ma te manuia. A feruri i teie nei mau mana'o tauturu no te haapiiraa i te reo e to oe mau hoa misionare:

- A haapii te tahi e te tahi i te mau faatureraa e te mau parau ta oe i haapii.
- A haapii i te haapii na roto i te reo o te misioni. I te haamataraa, e haapii ohie noa te mau misionare apî, e faaite i te hoê iteraa papû ohie noa, e te faahitiraa i te mau papa'iraa mo'a tei tamau aau hia. A tupu ai to ratou ti'aturiraa e to ratou aravihi i te rahi e nehenehe ia ta ratou e haapii rahi atu i te feia imi i te parau mau.
- A haapii i te faaohipa i te reo no te aparauraa i roto i te mau ohipa misionare matarohia.
- A horo'a atu i te tahi e te tahi te parau ohie e te au no te ohipa i ravehia ma te märû. E mea faufaa rahi roa e ia farii oe i te parau no ni'a i te ohipa i ravehia ma te riri ore.

A hi'o na nahea to te hoê misionare aravihi tautururaa i to'na hoa i roto i teie nei aau mau.

No tae noa mai nei au i roto i te pitiraa o ta'u vahî ohiparaa a parau mai ai to'u hoa e na'u atura te taima no te horo'a raa i te mana'o faaitoitoraa i te hoê tamaaraa. Ua ri'ari'a roa vau. Ua oaoa noa to'u hoa matamua i te horo'a i te haapiiraa, e ua matau vau i te horo'a i ta'u tuhaa iti o te haapiiraa e ia faaroo i muri iho a tatara ai e a pahono ai oia i te mau uiraa atoa.

Ua tamata vau i te parau i to'u hoa e e ti'a ia'na ia horo'a i te mana'o faaitoitoraa, ua faaitoito mai râ oia ia'ua ia horo'a i te mana'o faaitoitoraa. Ua haapii au na roto i ta'na tautururaa.

Ia tae te taima, ua iriti au i ta'u mau papa'iraa mo'a e ua tai'o vau i roto i te 3 Nephi 5 e 7. Ua fifi rii au area râ ua noaa ia'ua i te tatara te tumu i mana'o ai au e e mea faufaa rahi roa te mau irava ta'u i ma'iti e ua topa roa te hau i to'u na reira raa. Ia anihia mai te hoê uiraa, e hi'o ti'a'tu vau i to'u ra hoa no te pahonoraa, aita râ oia i haamâmâ i to'na ra vaha. I reira to'u maereraa ia'ua iho i to'u parauraa'tu i te hoê pahonoraa i roto i te hoê farani e taahia. Ua hau atu to'u maere i te melo tei ore i te to'u papû oreraa no ni'a i to'u aravihi i te paraparau. Ua noaa ia'ua te ti'aturiraa e ua ite au e mea maitai roa'e ta'u reo farani i ta'u i feruri na mua'tu.

E rave rahi mau hebedoma tei tere atu, e ua tamau noa to'u hoa i te vaiiho ia'ua ia haapii- noa'tu e aita vau i mana'o e e maraa ia'ua, noa'tu i te taima ua mana'o oia mai te mea e maraa ia'ua i te rave. E no te mea ua faaitoito oia ia'ua i te parau, i te faaroo, e i te haapii, ua haamata to'u aravihi i te reo i te tupu vitiviti, e ua ite au e ua riro vau ei mauhaa no to tatou Metua i te Ao ra eiha râ e hoê noa hoa mamu noa no te tahi ê atu misionare.

Ohiparaa: Haapiiraa ia oe iho e aore ra, e to oe hoa

- Mai te mea te haa ra oe e te hoê misionare apî, nahea e nehenehe ai ia oe e tauturu maitai atu â i to oe hoa ia haapii i te reo ?
- Mai te mea e misionare apî oe, eaha râ ia te huru tautururaa ta oe e ani i to oe hoa faatere ?

Te haapiiraa i te hiro'a tumu e te reo

E mea piri roa te hiro'a tumu e te reo. Na te iteraa i te hiro'a tumu e tauturu i te tatara no te aha te reo i faaohipahia'i mai te reira te huru. A tutava i te ite i te hiro'a tumu o te mau taata ia nehenehe ia oe ia faaite atu i te mau tuhaa taa ê o te parau poro'i no te Faaho'i-faahou-raa mai te Evanelia na roto i te hoê rave'a maramarama no ratou.

Te hoê o te mau mea faufaa rahi roa'e ta oe e nehenehe e rave o te noaaraa ia te ti'aturiraa e te here o te mau taata o te peeraa'tu ia i to ratou hiro'a tumu na roto i te mau rave'a au maitai. E rave rahi mau misionare tuiroo tei na reira (a hi'o 1 Korinetia 9: 20-23). A imi i te mau rave'a e au maitai mai te mau taata ia oe e to oe reo.

Ohiparaa: Haapiiraa ia oe iho e aore ra, e to oe hoa

- A mana'o na e te rave ra oe i te hoê misioni i Asia. Te faaineine ra oe i te haapii i te tahi taata no ni'a i te ti'afaahouraa, e ua ite ho'i oe e te ti'aturi nei te Feia haamori ia Bouddah i te tifaahouraa mai te taata i roto i te tahi atu taata. Nahea oe e haapii ai i te ti'afaahouraa ia ite te taata e imi ra i te parau mau e e mea huru ê teie nei haapiiraa i te parau no te ti'afaahouraa i roto i te tahi atu taata ? Eaha te mau parau e te mau papa'iraa e hinaarohia e oe no te haapii i te rave faoti i teie nei ohipa ?
- A feruri i te hiro'a tumu e te peu faaroo o te mau taata ta oe e haapii. A imi i te hoê tuhaa no to ratou oraraa e nehenehe e arata'i ia ratou ia taa ore i te haapiiraa a te evanelia. A faanaho i te mau rave'a no te haapii maramarama matai i teie nei mau haapiiraa.

Te horo'a no te parauraa i te mau reo êê

A imi i te mau horo'araa o te Varua, mai te horo'araa o te parauraa i te mau reo êê e te iritiraa i te mau reo êê. Hau atu i te tahi atu mau mea, e tauturu te reira ia oe ia parau e ia ite i te reo o te nunaa i roto i ta oe misioni. Eita e noaa ia oe teie nei horo'araa ia ore oe e tutava ; e ti'a ia oe ia imi itoito i te reira. E tuhaa no te imiraa i te horo'araa o te parauraa i te mau reo êê o te haaraa ia e te aroraa ia e te raveraa ia i te mau mea atoa e nehenehe ia oe ia rave no te haapii i te reo. A ti'aturi e e tauturu te Varua ia oe ia ora oe mai te au i te huru oraraa e ti'a ia oe i te ora e ia horo'a i to oe puai maitai atoa. A faaroo e e nehenehe ta oe e farii i te horo'araa no te parau i te mau reo êê i roto i to'na auraa mau e te hohonu.

I te taime a mana'o ai oe e te fifi ra oe ia faaite ma te maramarama maitai te mea o ta oe e hinaaro ra, a haamana'o e nehenehe ta te Varua e paraparau i roto i te aau o te mau tamarii a te atua. Ua haapii mai te peresideni Thomas S. Monson: « Hoê ana'e reo... o te matauhia e te misionare tata'itahi—te reo o te Varua. Aita e haapiihia mai roto mai i te mau buka o tei papa'ihia e te mau taata aravihi i te pae ite, aita atoa e faariihia na roto i te tai'oraa e te tamau auraa. E tae mai te reo o te Varua ia'na o tei imi ma to'na aau atoa ia ite i te Atua e ia haapa'o i ta'na mau faauerua hanahana. E ti'a roa i te aravihi e vai ra i roto i teie reo ia faaore i te mau faa'oti'araa, ia haamatara i te mau haafifiraa, e ia haaputapû i te aau o te mau taata. (« The Spirit Giveth Life », *Ensign*, tiunu 1997, 2).

A haamana'o i teie

- A haapii mai i te mau parau tumu e te mau haapiiraa o ta oe e haapii i roto i to oe reo tumu na mua roa.
- A haamatau ia faaite i teie mau parau tumu e to oe mau mana'o no ni'a i te reira na roto i te reo o to oe misioni.
- A hamani i te hoê tabula no te haapii mai i te reo e a tamata pinepine noa i te tahi mau rave'a apî i roto i ta oe mau tutavaraa ia haamaitai te reo o ta oe misioni.
- A imi i te arata'iraa a te Varua no te tauturu ia oe ia taa papû e ia aparau i te mau taata i roto i ta oe misioni.

Mau mana'ō tauturu no te haapii mai e no te faaohiparaa

Te mau nota

Haapiiraa ia oe iho

- A hi'ō faahou te mau mana'ō i roto i teie pene. A iriti mai i te hoê mana'ō o ta oe i ore â i tamata, e a faataa i te titauroa ia tamata i te faaohipa i te reira i roto i na mahana i mua nei.
- I roto i ta oe apooraa mataeinaa i mua nei, a ani atu i te hoê misionare o tei aravihi i te pae no te reo e eaha o ta'na i rave no te haapii mai te reo.
- A tai'ō e a aparau i te faahitiraa i muri nei na Elder Richard G. Scott: « Mai te mea... te vai ra te fifi i roto i te hiro'a tumu aore ra te peu tumu o te fenua e te mau haapiiraa a te Atua, a tuu atu te reira i tihiti. Mai te mea râ e afaro te hiro'a tumu e Ta'na mau haapiiraa, a faaherehere maitai i te reira» (Removing Barriers to Happiness », *Ensign*, me 1998, 87). A hi'ō maite i te mau taa ê raa o te mau hiro'a tumu i roto i te vahi o ta oe e tavini ra e i roto i to oe iho fenua. A hamani i te hoê tabula no teie mau taa ê raa. E a vaiiho ê atu o te ore e tu'ati i te mau haapiiraa o te evanelia. A hi-'opo'a tata'itahi i te mau mea o tei toe mai, e a feruri e nahea oe ia faariro mai te reira mau peu tumu ei peu atoa na oe.
- A hamani i te hoê tabula haapiiraa no te faaineine ia oe ia rave i te hoê o te mau ohipa i muri nei i roto te reo o ta oe misioni.
 - A faati'a i te aamu o Iosepha Semita.
 - A haapoto i te 3 Nephi 11.
 - A haapoto i te Alama 32.
 - A faati'a i te aamu o Nephi e te mau papaa parau (a hi'ō 1 Nephi 3–5)
 - A tatara eaha te mau tau tuuraa o te evanelia.
 - A faaite i te ohipa i tupu ia oe iho.
- A hamani i te mau tareta papa'iraa no te mau parau o ta oe i ore i ite i roto i te mau haapiiraa. Ia vai noa te reira ia oe ra e tae noa'tu i te taime ua mau ia oe te taato'araa o taua mau parau ra.

Haapiiraa e to oe hoa

- A haapii te mau haapiiraa misionare i roto i te reo o te misioni na roto i te haapiiraa te tahi i te tahi.
- A ani i to oe hoa misionare ia faaroo i ta oe parauraa e ia tauturu ia oe ia haamaitai i te reira.
- A ma'iti mai te mau aamu e vai ra i roto i te mau papa'iraa mo'a e aore râ te tahi mau faahitiraa parau o ta oe e hinaaro e faaohipa i roto i te haapiiraa. A haapii ia haapoto i te reira i roto i ta oe iho mau parau.
- A Hi'ō faahou te mau mana'ō o teie pene. A aparau te mau mana'ō o ta oe e faaohipa i roto i haapiiraa e te hoa misionare i te hebedoma i mua nei.
- Mai te mea e te haapii ra oe i te hoê misionare apî, a papa'i te mau taime e aita to oe hoa misionare e taa papû ra. A hamani i te hoê tabula no te mau parau, te mau parau mana'ohia faufaa rahi, aore râ te tarame o te tauturu i to oe hoa. A faataa e a haapii nahea ia faaohipa i te mau mea e vai ra i ni'a i te tabula i roto i te mau faanahonahoraa i faaineinehia i mua nei.

Te mau nota

Te mau apooraa mataeinaa e te mau amuiraa area

- A ani i te mau taata tumu ia haere atu i te apooraa. A faanaho i te mau misionare ia haapii atu ia ratou i roto i te mau pûpû na'ina'i. A ani i te mau taata tumu no te fenua ia rave i te mau nota e ia faaite mai i te parau no ni'a i te reo o te mau misionare.
- A faataa hoê e aore râ e piti misionare na mua roa no te faaite mai i to ratou mau manuiaraa a haapii ai ratou i te reo. Ia faaite mau ratou i to ratou mau mana'o.
- A faataa i te hoê misionare aravihi ia faaite poto noa mai i te tahi tuhaa o te reo o te riro e mea fifi no te mau misionare. A faaite i te hi'oraa no ni'a i te mau mea au hia e ia faaohipa te mau misionare i te reira.
- Ia faaiteite mai te mau misionare no ratou te hiro'a tumu i te tahi mau hi'oraa e nehenehe e tauturu.

Peresideni misioni

- I te tahi mau taime a uiui i te mau misionare na roto i te reo ta ratou e haapii ra.
- A ani i te feia faatere no te Autahu'araa no te mau mana'o e nahea te mau misionare e haamaitai ai i to ratou reo.
- A ite i te mau hape e rave pinepine hia e te mau misionare na roto i te haapiiraa i te reo o ta oe misioni. A horo'a i te arata'iraa i roto i te amuiraa tuhaa no te faaafaroraa i teie nei mau hape.
- A haapii i te mau misionare i te parau haapiiraa no te mau horo'araa a te varua.
- A hi'o maite i te mau misionare ia haapii ana'e ratou na roto i te reo
- A hi'o i te mau rave'a no te faaohipa i te reo e ta oe mau misionare.



Nahea vau i te faaohipa maite i te taima ?

Te mau nota

A feruri i teie

- Nahea te mau fâ e nehenehe ai e tauturu ia'u ia riro ei misionare maitai atu â ?
- Eaha te haapûraa e ti'a ia vai mai no ta'u mau fâ ?
- Eaha ta'u mau mauhaa e ta'u mau rave'a no te faanahoraa i te ohipa e nahea vau i te faaohiparaa i te reira ?
- No te aha te buka area i riro ai ei mea faufaa rahi roa ?
- Nahea vau i te faatere i te mau apooraa hebedoma e te mau mahana atoa no te faanahoraa i te ohipa ?
- Nahea vau e ite ai mai te mea e tauturu ra ta'u mau fâ e ta'u mau faanahoraa i te faahaere atu â i te ohipa a te Fatu i mua ?

Ua faataahia oe no te rave i te ohipa a te Fatu i roto i te hoê area taa ê maitai. Ua hinaaro oia e ia tia'i oe i ni'a i ta oe area ma te here e te haapa'o maitai. Ta oe opuaraa o te tautururaa ia i te tahi atu mau taata ia haere Ia'na ra na roto i te bapetizoraa e te haamauraa.

A rave i te mau mea atoa e nehenehe ia oe ia rave no te vaiiho atu i ta oe area puai atu â hou to oe taeraa'tu i reira. Na te mau fâ faufaa rahi e te faanaho-maitai-raa e tauturu ia oe ia rave faaoti i te mea ta te Fatu i titau ia oe ia rave. Ia haapa'o ana'e oe i te feia i roto i ta oe area i faataahia, e riro ia oe e taata tiaau i mua Ia'na e i mua i to oe mau faatere o te misioni.

Te faaite nei ta oe rata piiraa misionare e: « E titauhia oe ia horo'a i to taima atoa e to mana'o atoa i te taviniraa i te Fatu, ma te vaiiho i muri ia oe ta oe atoa mau ohipa ê atu. Ia na reira oe e e haamaitai mai te Fatu ia oe e e riro oe ei auvaha e e ve'a manuia no te parau mau. Te tuu atu nei matou i ni'a ia oe to matou ti'aturiraa e te pure nei matou e ia tauturu mai te Fatu ia oe ia amo i ta oe mau hopoi'a na roto i te rave faaotiraa i teie nei ohipa mo'a. » E tauturu teie nei pene ia oe ia ite e nahea te haamauraa i te fâ, te faanahoraa, e te tiaauraa e nehenehe ai e tauturu i te mau taata e rave rahi ia farii i te evanelia i faaho'ihia mai.

Ohiparaa: Haapiiraa ia oe iho e aore ra, e to oe hoa

A tai'o lakobo 5: 11-13, 61-64, 74-75, e a pahono i teie nei mau uiraa:

- Eaha te mana'o o te Fatu no ni'a i Ta'na ra mau tamarii ?
- Eaha te huru tautooraa ta te Fatu e titau nei i Ta'na ra mau tavini ?

Te mau tumu faufaa no te faafariuraa

Te feruri nei râ paha oe eaha râ i roto i ta oe mau hopoi'a e rave rahi te mau hopoi'a faufaa rahi roa'e. Ia nehenehe ia oe ia pahono i teie nei uuiraa, e ti'a ia oe ia ite i ta oe fâ e ia ite nahea te faaohipa-maite-raa i te taime e nehenehe ai e tauturu ia oe ia rave faoti i teie nei fâ.

Ta oe fâ o te aniraa ia ia vetahi ê ia haere mai i te Mesia ra na roto i te tautururaa ia ratou ia farii i te evanelia i faaho'ihia mai na roto i te fariiraa ia Iesu Mesia e Ta'na ra taraehara, te tatarahapa, te bapetizoraa, te fariiraa i te Varua Maitai, e te tape'a noa raa e tae noa'tu i te hopea. Ua faataahia te mau tumu faufaa e te Feia Faatere o te Ekalesia no te tauturu ia oe ia faahaere to oe mana'o i ni'a i teie nei fâ. Ia faahaere oe i to oe mana'o i ni'a i teie nei mau tapa'o faaite, te tauturu ra ia oe i te mau taata ia haere ti'a'tu i te bapetizoraa, te haamauraa, te ohipa tamau-noa-raa i roto i te Ekalesia e te faafariuraa e vai noa mai.

Te mau tumu faufaa ia tapa'o e ia faaau

- Feia imi tei bapetizohia e tei haamauhia
- Feia imi e tai'o mahana bapetizoraa
- Feia imi e haere nei i te pureraa oro'a
- Mau haapiiraa i haapiihia i te feia imi e hoê melo i reira
- Te tahi atu mau haapiiraa i haapiihia
- Feia imi e haere nei i mua
- Mau i'oa o te mau taata melo ore tei fariihia e tei farereihia
- Feia imi apî
- Mau haapiiraa i haapiihia i te feia faafariu apî e te mau melo itoito rii

E faaite mai teie nei mau tapa'o faaite i te mau mea e tupu ra e te mau huru o te faaite mau i te tereraa i mua o te hoê taata e tae atu i te faafariuraa e vai noa mai. Ua horo'ahia te hoê faaiteraa poto no te tumu faufaa tata'itahi i muri nei:

Mau taata faafariuhia i bapetizohia e tei haamauhia: Te melo faafariuhia tata'itahi tei farii i te mau oro'a no te bapetizoraa e te haamauraa.

Feia imi e tai'o mahana bapetizoraa: Te taata imi tata'itahi o tei farii ia bapetizohia e ia haamauhia i te hoê tai'o mahana papû.

Feia imi e haere nei i te pureraa oro'a: Te taata tata'itahi haapiihia o tei haere atu i te pureraa oro'a

Mau haapiiraa i haapiihia i te feia imi e hoê melo i reira: Te rahiraa haapiiraa i haapiihia i te feia atoa e haapiihia ra i reira atoa te hoê melo i te taime haapiiraa. I roto i te hoê haapiiraa tumu te hoê haapiiraa i te hoê parau tumu no te evanelia e aore râ hau atu

i te hoê no roto mai i te mau haapiiraa misionare, te hoê pure matamua e te hoê pure hopea, e te aniraa ia rave i te mau faaotiraa. E ere i te mea titauhia ia haapii i te taatoaraa o te mau parau tumu no te hoê haapiiraa no te faairi i te reira e hoê haapiiraa taatoa. E nehenehe te maitai o ta oe haapiiraa e faitohia mai te mea te tupu ra te feia imi i roto i to ratou faaroo i te Faaora, te tatarahapa ra i ta ratou mau hara, e te faaineine maite ra ratou i te farii i te mau oro'a no te bapetizoraa e te haamauraa.

Te tahi mau haapiiraa i haapiihia: Te rahiraa haapiiraa i haapiihia i te feia imi aita te hoê melo o te Ekalesia i reira i te taime haapiiraa.

Feia imi e haere nei i mua: Te rahiraa o te feia imi tei haapiihia e piti e aore râ hau atu e te tape'a ra i te mau fafauraa mai te pure, te tai'oraa i te Buka a Moromona, te haereraa i te pureraa, te faaineine ra no te bapetizoraa e te haamauraa. Te feia e haapiihia nei o te hinaaro nei i te tamau i te haapii i te evanelia o te fifi ra i te tape'a i te mau fafauraa e ere ia i te feia imi e haere ra i mua mai tei faataahia i ô nei. Ua parauhia ratou e feia apî e haapiihia ra e aore râ te tahi atu feia imi.

Mau i'oa o te mau taata melo ore tei fariihia e tei farereihia: Te rahiraa o te feia ta oe i farerei atu e tei haapiihia e aore râ tei anihia'tu no te hoê taime farereiraa. Ia farerei ana'e oe i te hoê taata tei horo'ahia ia oe te i'oa, e turaihia ia to'na i'oa mai te vairaa o te feia tei horo'ahia mai te i'oa e e riro mai oia e hoê taata apî e haapiihia ra, tapa'ohia te i'oa no te farerei, e aore râ e vaihohia. E faairi atoa hia te hoê taata tei horo'ahia mai te i'oa mai te taata i farereihia mai te mea aita i roaa ia oe i te farerei i muri a'e i te mau tamataraa e rave rahi e aore râ ua ite oe e mea hape te vahi nohoraa tei horo'ahia'tu ia oe. Eita teie nei mau i'oa e faaho'ihia i te piha toro'a o te misioni ma te hoê parau faaiteraa no te aha aita teie nei taata i noaa i te farereihia.

Te rahiraa i'oa tei fariihia o te mau i'oa atoa ia ta oe i farii tei ore i farerei-hi'atura (mau i'oa na roto mai i te mau melo, te feia imi, te Pû Faatere o te Ekalesia, e te tahi atu â).

Feia imi apî: Te rahiraa taata tei farii i te hoê haapiiraa e tei farii i te tahi atu farereiraa.

Mau haapiiraa i haapiihia i te feia faafariu apî e i te mau melo itoito rii: Te rahiraa haapiiraa tei haapiihia i te mau taata tei riro ei melo iti mai i te hoê matahiti e i te mau melo itoito-rii.

Ia haamau ana'e oe i te mau fâ e ia rave ana'e oe i te mau faanahoraa, a tuatapapa e nahea râ ta oe mau tutavaraa e amui atu i te rahiraa taata i faahoho'ahia i roto i te mau tapa'o faaite tata'itahi. Ta oe fâ o te faarahiraa ia i te numera i roto i te mau tumu faufaa tata'itahi.

E rave oe i te mau mea e rave rahi tei ore i faaitehia i roto i te mau tapa'o faaite, mai te farereiraa i te taata i te pae purumu e aore râ te haapiiraa ia oe iho e te haapiiraa e to oe hoa. Ua riro teie nei mau ohipa e tautururaa i te hoê a ore ra hau atu o te mau tapa'o faaite. Ei hi'oraa, ia haapii ana'e oe i te feia ta oe i ite na roto i ta oe iho tautooraa, te amui atu nei ia oe i te mau taata e haapiihia ra i roto i ta oe vairaa haapiiraa. Oia atoa, na te huru maitai o ta oe haapiiraa ia oe iho e e to oe hoa e haamaitai i to oe aravihi i te haapii ma te Varua, o te haamaitai i ta oe mau taata apî e haapiihia ra e te haere ra i mua. Na te puai o ta oe iteraa e haapiiraa e haamaitai i te mau tapa'o faaite atoa. A tuatapapa i te mau mea atoa ta oe e rave mai te mea e rahi atu te rahiraa taata i roto i teie nei mau tuhaa. Mai te mea aita oe e to oe hoa e nehenehe e ite nahea te hoê ohipa pororaa e tauturu i te faarahi i te rahiraa taata i roto i te hoê e aore râ hau atu o te mau tumu faufaa, e ti'a ia ia oe ia uiui mai te mea e hoona to oe taime no teie ohipa.

Te mau nota


Ohiparaa: Haapiiraa e to oe hoa

A papa'i i roto i ta oe buka tapa'oraa haapiiraa, te mau ohipa pororaa ta oe i rave i na mahana e toru mahemo a'enei. No te mau ohipa atoa, a faataa mai te mea ua haamaitai te reira i te hoê o te mau tapa'o faaite. Mai te mea ua na reira, a papa'i oia i pihaiho. Mai te mea aita, a papa'i aita. No te mau ohipa atoa e oia, a faaite eaha to'na maitai i ni'a i te tapa'o faaite. No te mau ohipa atoa e aita, a faaoti no te aha oe i rave ai i te reira e mai te mea e tamau noa oe i teie nei faanahoraa i te mau mahana i mua atu. A tuatapapa i ta oe tabula e to oe hoa, e a faaite eaha oe i papa'i ai te tahi mau ohipa e oia e te tahi aita. A aparau no ni'a i te mau ohipa ta oe e faaea i te rave.

Te buka area e te mau mauhaa no te faanahoraa e no te faaiteraa

Teie ta Moroni i haapii no ni'a i te mau taata tei fariihia i roto i te Ekalesia na roto i te bapetizoraa e te haamauraa i to'na ra tau, « E ua papa'ihia to ratou mau i'oa, ia haamana'ohia e ia faamuhia ratou i te parau maitai a te Atua ra, e tape'ahia' tu ratou i ni'a i te e'a ti'a » (Moroni 6:4).

Ua horo'ahia' tu ia outou te mau mauhaa no te tauturu ia outou ia tapa'o i te mau haamaramaramaraa faufaa no ni'a i te mau taata ta outou e haapii. Na teie atoa mau mauhaa e tauturu ia outou ia faaite i te mau haamaramaramaraa ti'a i roto i te feia e titau ra i te reira, mai tei faaitehia i ni'a i teie hoho'a i muri nei.



Ua tape'ahia teie nei mau mauhaa e te mau haamaramaramaraa atoa tei hinaarohia no te rave i ta oe ohipa i roto i te buka area e te Buka arata'i ohipa tamahana a te misionare. Ua faanahonahohia te buka area mai teie te huru:

- **Hoho'a fenua no te area**
 - Te hoho'a fenua o te area e te hoê faaiteraa o te mau oti'a
- **Parau faaite no te haereraa i mua**
 - Te mau api no te Parau faaite no te haereraa i mua
- **Feia imi e tai'o mahana bapetizoraa e haamauraa**
 - Te mau api no te Parau tapa'oraa haapiiraa
- **Feia imi e haere nei i mua**
 - Te mau api no te Parau tapa'oraa haapiiraa
- **Feia imi apî e te tahi atu**
 - Te mau api no te Parau tapa'oraa haapiiraa
- **Mau taata e riro ei feia imi**
 - Te mau api no te Mau taata e riro ei feia imi
 - Mau taata no roto mai i te mau ve'a e te tahi atu mau rave'a tapa'oraa i'oa e ti'a ia farereihia

- **Feia imi tahito**
 - Te mau api no te Parau tapa’oraa haapiiraa
- **Feia faafariu-apî-hia e te mau melo itoito-rîi**
 - Te mau api no te Parau tapa’oraa haapiiraa
 - Te mau api no te Tabula no te faaohiparaa i te feia faafariuhia
- **Haamaramaramaraa no ni’a i te paroita e te misioni**
 - Tabula i’oa no te mau melo o te paroita
 - Tabula no te mau ti’araa i roto i te paroita.
 - Tabula no te mau apooraa misionare e paroita
 - Tabula i’oa no te mau utuafare afa-melo
 - Tabula i’oa no te mau misionare i roto i ta oe mataeinaa e aore râ area
- **Feia faatere**
 - Te mau Parau faataaraa na roto i te niniu
- Haamaramaramaraa no ni’a i te vahi pororaa
 - Haamaramaramaraa no ni’a i te nohoraa
 - Pereoo utaraa
 - Vahi tapuraa rouru
 - Vahi puaraa ahu
 - Mau fare toa
 - Mau vahi opanihia ia haere
 - Feia no te faatere

Te buka area

Te vai nei i roto i te mau area pororaa atoa te hoê buka area, tei riro e buka e vai maoro mai no ta oe mau tautooraa i te mau mahana atoa. A faahope i te haamaramaramaraa faufaa rahi i te mau mahana atoa, e a hi’o atu i te reira i te mau hebedoma atoa i roto i te taime no te faanahoraa i ta oe ohipa i te mau hebedoma atoa. Ia vai mâ noa, te papû e te nahonaho te reira buka ia nehenehe i te hoê misionare apî ia faahaere atu i te ohipa i mua na ni’a i te taviniraa faaûruhia ta oe i horo’a. Ia anihia oe, a afai atu i ta oe buka area i te mau uiuiraa e aore râ te mau amuiraa area, i reira te mau faatere misioni e hi’o maite faahou ai e e tauturu ai ia oe ia ite nahea i te faaohipa-mai- i te reira.

E ti’a ia oe ia hi’o atu i te tahi tuhaa o te buka no te area i te mau mahana atoa ia papa’i ana’e oe i te haamaramaramaraa apî e ia faatano oe i ta oe mau opuaraa. A afati ta oe buka area i te mau amuiraa tuhaa e te mau uiuiraa ia nehenehe i te mau taata faatere o te misioni ia hi’o i te reira. E ti’a i teie nei buka ia vai noa i roto i to oe vahi faaearea ia tauihia oe i te tahi atu vahi ia nehenehe i te mau misionare i muri mai ia faaohipa i te parau haamaramaramaraa.

A papa’i, a faahope e tape’a papû noa i roto i ta oe buka no te area te i’oa o te mau taata atoa ta oe e haapii ra. Teie te haamaramaramaraa no ni’a i te mau mauhaa tei horo’ahia’tu.

Te mau nota

Te mau nota

Parau tapa'oraa haapiiraa: E tauturu teie nei api parau ia oe ia tapa'o i te haamaramaramaraa no ni'a i te haereraa i mua o te feia imi, te mau taata faafariu-apî-hia, e te mau melo itoito-rii ta oe e haapii ra.

- Haamaramaramaraa no ni'a i te taata.
- Mau tai'o mahana no te bapetizoraa e te haamauraa.

Parau tapa'oraa haapiiraa

TE EKALEŪIA A
IESU MĒSIA
I TE FEIA IMI
I TE MAU MAHANA
HOPEA NEI

Vahi paroraa _____ Paroiti e aore rā, aama _____ TŪ e aore rā, mataehaa _____

Haamaramaramaraa no ni'a i te taata (A Ni'o i muri mai no te tahi atu mau haamaramaramaraa).

(Mau) I'oa o te taata e aore rā, o te tane e o te vahine	Huru	Tai'o mahana no te faareina matamua	Tai'o mahana no te bapetizoraa i fenutia	Tai'o mahana no te bapetizoraa	Tai'o mahana no te haamauraa	Mau i'oa no te mau tamarii (hō no te tahi atu mau i'oa, a papa'i i roto i te tuhāa hūtapaparaa chipa i muri i koe api).	Matahi	Matahi
							Matahi	Matahi

Nohoraa _____ Namera niuru _____ Mau misionare o tei haapii matamua _____

Mau i'oa o te feia asipuru, to te mau onometua e to te mau tūahine hahāere _____ Namera niuru _____ Nohoraa _____

*Huru: FI—Feia imi; FA—Faafariu-apî-hia; MI—Melo itoito rii; M—Melo; AM—Utufare ata-melo

Tai'o mahana no te mau haapiiraa e te mau parau tumu i haapiiraa (A nei haameneme mai te mea us haapiiraa e te mea us parau tumu)	Hau te bapetizoraa/bapetizoraa	Imuri mai te bapetizoraa/bapetizoraa	Mau faaueraa	Hau te bapetizoraa/bapetizoraa	Imuri mai te bapetizoraa/bapetizoraa	Hau te bapetizoraa/bapetizoraa	Amihia	Haapa'o nei
O te Atua iō fatou melua here i te aore rā			Haapa'o i te faueraa					Tai'o i roto i te Buka a Moromona
E hasamaitai te evanēlia i te mau utufare			Pure pinepine					Pure no ni'a ia Joseph Semita e i te Buka a Moromona
Te mau tau tuuraa evanēlia			Tai'o i te mau papa'iraa mo'a					Haere i te pueraraa o'ā e i te tahi atu mau puhupuluraa
Te misiona a te Faora i te fenua nei			Haapa'o e haamo'a i te mahana sabati					Haere te mau tamarii i te Paraimere, i te Feia Api Tamaroa e aore rā, i te Feia Api Tamahine
Te taivaraa rahi			Bapetizoraa e haamauraa					Haafareni i te utufare e i te mau hōa i te mau misionare
Te faahō'i-faahō'i-rāa mai: Joseph Semita			Poe i te peropheta					Haere i te hōe pueraraa bapetizoraa
Te Buka a Moromona			Haapa'o i na ture hōe ahuru					Fa'ere i te episikopo e i te mau melo no te apooraa paroiti
Pure, Varua Matia			Haapa'o i te ture no te viivii-ore					Fa'atupu i te auhoaraa e te mau melo o te paroiti
Opuaraa no te Ora			Haapa'o i te ture no te parau paari					Haapa'o i na ture hōe Ahuru
Oraraa hou teie oraraa			Haapa'o i te ture no te tuhāa ahuru					Haapa'o i te ture no te viivii-ore
Te hamaniara			Haapa'o i te ture no te haapaeraa maa					Haapa'o i te ture no te parau paari
Ti'amāraa e te hi'araa			Haapa'o i te ture no te tuhāa ahuru					Haapa'o i te ture no te tuhāa ahuru
To talou oraraa i ni'a i te fenua nei			Haapa'o e faatura i te ture					Haapa'o i te ture no te haapaeraa maa
Te taraehata			Mau ture e te mau oro'a					Haapa'o i te ture o te fenua
Te ao varua			Auhā'araa e te mau pipū tauturu					Uiuihia no te bapetizoraa e no te haamauraa
Te ti'a-faahō'i-rāa, te haavaraa, e te tahiti ore			Ohipa misionare					Ani manihini i te mau hōa e i te utufare ia haere i to ratou bapetizoraa e haamauraa
Mau basileia no te hanahana			Faipohitoraa mure ore					Bapetizohia e ia haamauraa
Te evanēlia a Iesu Mesia			Mau hiepo e te aamu utufare					Fa'atupu i te pure e i te tai'ora i te papa'iraa mo'a na te taata hōe i te mahana hōe
Tamāhia i te hāra			Tavinira					Fa'atupu i te pure e i te tai'ora i te papa'iraa mo'a na te utufare i te mahana hōe
Faaroo ia Iesu Mesia			Haapiiraa e te tamaruaa					Fa'atupu i te pueraraa pō utufare i te hebedoma
Tatarahapa			Tape'a e tae noa tu i te hopea					Farii i te autahū'araa
Bapetizoraa, ta talou tafaraa matamua			Hi'opo a i te mau uiuira no te bapetizoraa					Farii i te hōe piaraa i roto i te Ekalesia
Te hōrō'a o te Varua Matia								Haere i te mau bapetizoraa monoraa
Tape'a e tae noa tu i te hopea								

(A Ni'o i muri i te api no te tahi atu mau haamaramaramaraa)

© 2014 F.M. 7.04, 7.04, New Pā i te mau hōa o Maru, 3937 915

(I mua)

- Te hōe buka no te mau taimē i haapii ai oe i te mau parau tumu no na haapiiraa e pae atoa e mai te mea i reira te hōe melo o te ekalesia. E faati'a teie nei tuhāa ia oe ia ite eaha te mea ta oe e haapii ra, ma te haapa'o ore i te faanahoraa o te mau parau tumu ta oe e haapii nei.
- E nehenehe ta oe e ite i te mau haapiiraa i haapiihia na mua i te bapetizoraa e te mau haapiiraa i haapiihia i muri a'e i te bapetizoraa.
- Te hōe tabula no te huru o te mau fafauaraa e ti'a i te mau taata e haapiihia ra ia haapa'o. I roto i teie nei tuhāa e tapa'o oe i te tai'o mahana i hōrō'a'i oe i te aniraa e tapa'o oe mai te mea te tamau ra ratou i te haapa'o i te afauaraa.

- A pee i te Varua
- A faahaere to oe mana’o i ni’a i te mau tumu faufaa.
- Faahaere to oe mana’o i ni’a i te taata. Noa’tu e e faohipa oe i te mau numera, ia nehenehe ia oe ia turu i ta oe mau numera e te mau i’oa o te mau taata mai te mea e nehenehe.
- Ia papû e ia vai ara noa oe, a haamau râ i te mau fâ o te ume ia oe.
- A haamau i te mau fâ mahana e hebedoma
- A haamau i te mau fâ no to oe iho haapiiraa e te haapiiraa e to oe hoa, ia tuuhia te haapiiraa i te reo mai te mea te haapii ra oe i te tahi atu reo.
- A faito i to oe haereraa i mua i te mau mahana atoa, i te mau hebedoma atoa, e i muri a’e i na hebedoma e one. Ia ore oe i manuia e te hoê fâ, a tuatapapa i ta oe mau tautooraa e a imi i te mau rave’a no te rave faaoti i te fâ. Mai te mea e hinaarohia, a faaafaro i ta oe mau titauroa.

E tae i te taime e haamau paha to oe mau faatere i te mau faito no te maitai tei opuahia no te faateitei i to oe hi’oraa e no te faarahi i to oe faaroo. E tauturu te mau faito no te mataeinaa, no te tuhaa, e te misioni ia ope ia ume, ia rave manuia i te ohipa, e ia roaa i te mau faito teitei a’e atu no te raveraa i te ohipa. Eita ratou e ti’a ia faohipahia ei mau faito no te faahepo i ni’a ia oe e to oe hoa i te mau fâ taa ê.

Ohiparaa: Haapiiraa e to oe hoa

A haamau i te mau fâ hebedoma no te tapa’o faaite tata’itahi. A ani ia outou iho no te fâ tata’itahi:

- E tuatiraa anei o te mau i’oa e te numera ?
- E mea papû maitai anei te fâ ?
- E noaa anei te fâ i te ravehia ?
- E faarahi anei te fâ ia tatou ?
- Ua itoito anei tatou i te tutavaraa i teie nei fâ ?

A aparau no ni’a i te fâ tata’itahi. Mai te mea e hinaarohia, a hi’o nahea ra outou e tui i te reira e no te aha ?

Te apoora faanahonahoraa hebedoma

I muri a’e i to orua haamauraa i te mau fâ, a faaoti nahea orua e rave faaoti i te reira. E ti’a ia oe e to oe hoa ia faatupu i te hoê apoora faanahonahoraa hebedoma i te hoê mahana e te hoê hora eita e mea manuiaraa i te pae pororaa, mai te po’ipo’i mahana maa e aore râ mahana pae. Na to orua peresideni misioni e faataa i te mahana e te hora no te apoora faanahonahoraa hebedoma. E nehenehe teie nei apoora hebedoma e maoro e piti e tae atu i te toru hora.

E ti’a i ta orua aparauraa ia haatumu i ni’a i te mau hinaaro o te mau taata e nahea e tauturu ia ratou ia haere i mua. I roto i teie nei apoora faanahonahoraa hebedoma, a hi’o faahou i te mau fâ tahito e a haamau i te mau fâ api no te hebedoma e haere mai nei. A tuatapapa i te mau tuhaa atoa no ta orua pororaa evanelia.

Te pō sabati o te taime hinaarohia ia no te niuniu atu no te faaite i ta orua parau faataa. E horo’a mai te parau faataa i te pō sabati i te huru papû e tano no te misioni no te mea

ua tupu te rahiraa o te mau baptizoraa e te mau haamauraa i te mahana maa ra e aore râ i te sabati.

No te mea ho'i e e te mahana e rave ai orua i ta orua apooraa faanahonahoraa hebedoma i te tahi atu mahana i te mahana sabati, a feruri i te faanahonaho i ta orua ohipa no na mahana 10. Ei hi'oraa, mai te mea tei te mahana maha ta orua apooraa faanahonahoraa hebedoma, e hi'o ia orua i te haereraa i mua o ta orua mau fâ e tae noa'tu i taua hebedoma ra, e e faanaho atu ai orua i te mea e ti'a ia orua i te rave no te faatupu i teie nei mau fâ e tae atu i te sabati. I reira, a haamau i te mau fâ e a rave i te mau faanahoraa no te hebedoma i muri iho mai te Monire e tae atu i te sabati. I te pô sabati e amui orua i te mau numera e e faaite orua i te mau ohipa tei ravehia i te hebedoma i mahemo, e e ua ineine ta orua opuaraa no te hebedoma e haere mai nei. I raro mai o te hoê ia faaiteraa nahea te mau arata'iraa no te faanahonahoraa e faaauhia i te hoê apooraa faanahonahoraa hebedoma.


1. A pure e a imi i te faaûruraa. Hou orua a haamata ai, ia vai i pihaiho ia orua ta orua Faanahonahoraa Hebedoma Misionare e te Buka area. A haamata i ta orua apooraa faanahonahoraa e te pure. A imi i te faaûruraa a aparau ai orua i te mau hinaaro o te mau taata e a faanaho nahea i te tavini maitai ia ratou e i te tautururaa ia ratou ia haere i mua i roto i te evanelia. A pure taa ê no ta orua feia imi. E faaroo to orua e ti'a'i no te aniraa i te Metua i te Ao ra ia haamaitai ia ratou e te mau pahonora a i ta ratou mau pure, ma te hinaaro ia haere i te pureraa, e te tahi atu â.

2. A haamau i te mau fâ e a rave i te mau faanahonahoraa ia baptizohia e ia haamauhia te feia imi i te hebedoma e haere mai nei. A hi'opo'a faahou i te Parau tapa'oraa haapiiraa no te taata tata'itahi tei fafau ia baptizohia e ia haamauhia i te hebedoma e haere mai nei. A aparau no ni'a i te mau faanahoraa e ti'a ia orua ia rave no te mau uiuiraa no te baptizoraa, te oro'a baptizoraa, e te mau haamauraa Ma te faaohipa i te Parau tapa'oraa haapiiraa, a tauaparau no ni'a i te mau fafauaraa atoa e fifihia ra teie nei mau taata e nahea ta orua e nehenehe e tauturu ia ratou. A opua i te farerei ia ratou i te mau mahana atoa. A tuatapapa e nahea ta orua e nehenehe e tauturu i te faatere misioni paroita ia faanaho e te episekopo no to ratou haamauraa i roto i te pureraa oro'a.

3. A haamau i te mau fâ e a rave i te mau opuaraa no te feia imi tei faataa i te tai'o mahana no to ratou baptizoraa. A hi'opo'a i te Parau tapa'oraa haapiiraa no te mau taata atoa e baptizohia i te mau hebedoma e haere mai nei. A aparau no ni'a i te mau haapiiraa e ti'a ia orua ia haapii atu ia ratou. A feruri e nahea ta orua e nehenehe e tauturu ia ratou iafaaineine no te baptizoraa e te haamauraa. A aparau no te mau taata e haapiihia ra tei ore i baptizohia i to ratou ra tai'o mahana. A haapa'o maitai e a tuatapapa maitai i to ratou mau hinaaro. A haamau i te mau fâ api e a rave i te mau opuaraa o te tauturu ia ratou ia haere i mua no te hoê tai'o mahana e hora ia nehenehe ai ia ratou ia tomo atu i roto i te fafauaraa no te baptizoraa e ia farii i te oro'a no te haamauraa. A tapa'o i ni'a i ta orua Parau tapa'oraa haapiiraa te mau parau tumu ta orua e opua ra i te haapii e te mau fafauaraa ia orua e tauturu ia ratou i te tape'a. A faaoti eaha ta orua e nehenehe e tauturu ia ratou ia farii i teie nei mau haapiiraa e ia tape'a i teie nei mau fafauaraa.

4. A haamau i te mau fâ e a rave i te mau opuaraa no te tauturu i te mau taata e haapiihia ra ia haere atu i te pureraa oro'a.

A hi'o faahou i te Parau tapa'oraa haapiiraa no te feia imi atoa, e a aparau no to ratou haereraa i te pureraa oro'a. No te feia imi o te tae tamau ra i te pureraa oro'a, a aparau i te mea e ti'a ia orua ia rave no te tauturu ia ratou ia tamau noa i te farii i te hoê ohipa varua o te faaûru ia ratou. No ratou o tei ore roa i haere i te hoê pureraa oro'a, tei haere i te hoê noa taime, e aore râ tei haere i te tahi mau taime, a aparau eaha râ te mau mea e tape'a ra ia ratou i te haere i te pureraa oro'a. Ei hi'oraa, e hinaaro paha ratou i te tautururaa no te utaraa taata,



ua mätä'u e aore râ aita ratou i matau i te mau pureraa a te Feia Mo'a i te mau Mahana Hopea nei, e aore râ aita paha ratou i oaoa i te haereraa i te pureraa na mua'tu. A aparau nahea ta orua e nehenehe e rave no te tautururaa ia ratou ia faaore i teie nei mau fifi.

A haamau i te mau fâ no te rahiraa taata e haapiihia ra ta orua e opua ia haere mai i te pureraa oro'a i mua'tu. A faanahonaho e o vai te afai atu i teie nei mau taata i te pureraa, na vai e farii ia ratou, e o vai te parahi i pihaiho ia ratou i roto i te mau pureraa. A opua i te farerei i te mau faatere no te pûpû autahu'araa e te mau pûpû tauturu e te mau orometua haapii atoa o te haapii nei i te mau piha haapiiraa e haerehia'tu e te mau taata e haapiihia ra. A opua i te faaara'tu i te episekopo. A tabula i ni'a i te Parau faaite no te haereraa i mua, i te mau rave'a e nehenehe ta te apooraa paroita e tauturu. A rave i te mau opuaraa no te mau mea e ti'a ia orua ia rave i te mau mahana atoa o te hebedoma no te faaineine i teie nei mau taata i te haere atu.

5. Haamau i te mau opuaraa e a faanaho i te mau haapiiraa e haapii i te feia imi e haere nei i mua.

A hi'opo'a i te Parau tapa'oraa haapiiraa no te feia imi tata'itahi e haere nei i mua o tei haapiihia ma te apiti atoa'tu te hoê melo. A faaite i to outou mana'o no ni'a i to ratou fariiraa i te parau poro'i. A hi'opo'a i te mau fafauraa e te mau ohipa i faaitehia i roto i te Parau tapa'oraa haapiiraa o ta ratou e tutava nei ia haapa'o, e aore râ, ia faaoti. A aparau i ni'a i te huru no te tautururaa i te mau melo o te paroita e i te apooraa paroita ia tauturu noa ia ratou i roto i to ratou haereraa i mua. A haamau i te mau opuaraa no te mau haapiiraa ta outou e haapii ; no te mau fafauraa ta outou e tauturu ia ratou ia tape'a noa, te haereraa ihoa i te pure ; e no te mau iteraa faufaa ta outou e tauturu ia ratou ia farii i roto i te mau hepetoma i muri nei.

A hi'opo'a faahou i te Parau tapa'oraa haapiiraa no te feia imi e haere ra i mua o tei haapiihia e aita te hoê melo i reira. E taata paha teie nei feia imi ta outou i ite na roto i ta orua iho tautooraa. A aparau e eaha râ ia te faatere autahu'araa e aore râ pûpû e nehenehe e anihia no te faahoa ia ratou. A hi'o faahou i te mau haapiiraa ta orua e haapii e te mau fafauraa ta orua e tauturu ia ratou ia tape'a. A haamau i te mau fâ no te mau haapiiraa ta orua e haapii, nahea orua e faaohipa ai i te mau melo, e nahea orua e tauturu i teie nei mau taata e haapiihia ra ia haere atu i te pureraa oro'a. A papa'i i teie nei mau fâ i roto i te Parau tapa'oraa haapiiraa, a rave i te mau opuaraa e hinaarohia.

6. A haamau i te mau fâ e a rave i te mau opuaraa no te mau haapiiraa e ti'a ia haapiihia'tu i te tahi atu feia imi. A hi'opo'a faahou i te Parau tapa'oraa haapiiraa no te mau taata atoa e imi ra o te ore e haere ra i mua. A aparau eaha te taata tata'itahi e imi ra e ore ai e tape'a i te mau fafauraa. A aparau nahea orua e faaohipa i te mau faatere autahu'araa e pûpû i roto i te faahoaraa i teie nei feia imi. A aparau i te mau mea tei faahitihia i roto i te tuhaa 5. A haamau i te mau fâ e a rave i te mau opuaraa no te tautururaa i teie nei mau taata ia haere i mua. A papa'i i teie nei mau fâ i roto i te Parau tapa'oraa haapiiraa.

7. A haamau i te mau fâ e a rave i te mau opuaraa no te farerei e no te haapii i te mau taata tei horo'ahia e te mau melo, te feia imi, te mau melo ore, e te Pû o te Ekalesia. A hi'opo'a faahou i te mau api no te mau taata e riro ei feia imi. A hi'o faahou i te mau i'oa atoa o te mau taata ta orua i farii. A hi'o faahou i te mau i'oa o te mau taata ta orua i ore â i farerei. A haamau i te mau fâ e a rave i te mau opuaraa no te farerei i te mau taata e nehenehe ia orua i roto i te hebedoma-e mea au a'e te mau i'oa atoa. E ti'a i te mau i'oa i horo'ahia mai e te Pû a te Ekalesia ia farereihia i roto i te area 24 hora, mai te mea e nehenehe. A aparau nahea ta orua e nehenehe e farerei i te taata e aore râ utuafare tata'itahi e eaha te parau poro'i e nehenehe e horo'a'tu. Mai te mea no ô mai te Pû a te Ekalesia te i'oa, a aparau e nahea orua e haapii i te hoê parau poro'i a te evanelia ma te faaohiparaa i te video, te buka, e aore râ te tahi atu materia ta ratou i ani. A haapapû e tei ia orua ra te materia ta ratou i ani. Mai te mea e mea maitai, a niuniu atu i te taata e a faataa i te hoê taime farereiraa. A aparau i te mea e ti'a ia orua i te rave no te raveraa i taua ohipa ra.

8. A haamau i te mau fâ e a rave i te mau opuaraa no te imi â i te mau i'oa o te mau taata ia haapii i pihaiho i te mau melo, te feia imi, e te mau melo ore. A ite na roto i te pure i te tahi atu mau melo e taata e imi nei o ta outou e haere nei e farerei. A faanaho e nahea râ orua i te tauturu ia ratou ia ani i to ratou mau hoa e te mau melo o te utuafare no te haapii i te evanelia i faaho'ihia mai. A aparau e nahea orua e ani ia ratou ia tauturu i roto i te ohipa misionare. A faataa i te mau farereiraa e a rave i te opuaraa e hinaarohia.

9. A haamau i te mau fâ e a rave i te mau faanahoraa haapiiraa ta orua e haapii atu i te mau taata faafariu-apî-hia e te mau melo itoito-rii. A hi'opo'a faahou i te Parau tapa'oraa haapiiraa no te taata tata'itahi faafariu-apî-hia e te melo itoito-rii ta orua e haapii nei. A haamau i te mau fâ e a rave i te mau faanahoraa haapiiraa ta orua e haapii. A faaoti e nahea orua e tauturu i teie nei feia ia haere i te pureraa oro'a e ia tape'a i te tahi atu mau fafauraa.

10. A haamau i te mau fâ e a rave i te mau opuaraa ia ite i te feia imi apî. A hi'o faahou i te mau tautooraa no te hebedoma i mahemo no te iteraa i te feia imi apî na roto i te i'oa e horo'ahia mai, te mau opuaraa tautururaa, e te mau ohipa ta oe i rave no te imiraa. A hi'o atu i te haamaramaramaraa i roto i te tuhaa « Mau taata e riro ei feia imi » no ta outou buka area. A aparau no te aha ua riro te tahi mau taata ei feia imi e te tahi, aita ia. A haamau i te mau fâ no ni'a i te rahiraa taata apî ta outou e ite i teie nei hebedoma. A imi i te mau taata e nehenehe e riro mai ei mau taata e imi ra i te parau mau. A imi i te mau utuafare melo e afa melo ta outou e hinaaro i te farerei, te mau i'oa o te mau taata e ti'a ia farereihia, e te mau rave'a no te tautururaa ta outou e imi. A faanaho eaha te mau mauhaa no te imiraa ta outou e faaohipa, mai te mau tareta horo'a noa, te mau hoho'a video, DVD, te mau papa'iraa mo'a, e aore râ te mau buka iti. A aparau atoa e ihea orua e haere ai no te farerei i te mau taata, efea rahiraa taata ta orua e farerei i te mahana hoê, te feia imi ta orua e ani no te mau i'oa o to ratou mau hoa. Te mau taata tahito e imi nei ta orua e haere atu e farerei, te mau rave'a e nehenehe ta te Apooraa paroita e tauturu, e te tahi atu â. A rave i te mau opuaraa taa ê maitai no te mahana i muri iho. A faa'i te

toeraa o te taima e te mau ohipa imiraa o te tauturu ia outou i te faatupu i ta outou mau fâ. A haamau i te mau fâ e a opua i te paraparau atu i te mau taata e rave rahi ta te Fatu e tuu atu i mua i to outou haerea. A tutava noa i te imi i te taata ia haapii.

11. A opua i te rave i te ohipa e te apooraa paroita. O te Episekopo te mana faatere. A faatura e a faahanahana i to'na ra mana. I raro a'e i ta'na faatereraa, a hi'o faahou i te Tabula Haereraa i mua tei faaohipahia i roto i te apooraa faatitiaifarora e aore râ te apooraa paroita na mua atu. A aparau no ni'a i te mau faataaraa ohipa ta outou i farii no ô mai i te episekopo e aore râ te faatere misioni paroita, e a faaite atu mai te mea ua hope te reira mau ohipa i te ravehia. A aparau nahea i te faaohia i te tahi atu mau taata o te nehenehe e tauturu mai, mai te faatere misioni paroita, te mau faatere no te autahu'araa e no te mau pûpû tauturu, e te tahi atu mau melo. A faaineine maite i te hoê Tabula Haereraa i mua no te rururaa i mua a te apooraa paroita, te apooraa a te tomite faatere no te autahu'araa, e aore râ te apooraa faatitiaifaro misionare. A haapapû e e mea papa'i-mâ-maitai-hia A haamau i te mau fâ e a rave i te mau opuaraa no te rave au i te ohipa e te feia faatere no te paroita. Mai te mea e nehenehe, a horo'a'tu te mau hoho'a o te Tabula Haereraa i mua i te feia faatere no te paroita o te haere mai.

12. A faataa i te tai'o mahana o te mau apooraa e tupu tamau nei. I roto i ta oe Buka arata'i ohipa tamahana a te misionare, a tapa'o i te tai'o mahana no te mau apooraa e tupu tamau nei, mai te mau apooraa mataeinaa, te mau amuiraa tuhaa, te mau uiuiraa, e te mau pureraa a te Ekalesia. A aparau i te mau ohipa e ti'a ia oe ia rave hou te hoê o teie nei mau apooraa, e a tuu atu i roto i ta oe tabula no te mau mea e ti'a ia rave.

13. A faatere i te hi'opo'araa no te hoaraa. I te pae hopea o ta orua apooraa faaineineraa hebedoma, a faaite i to oe hoa te mau fâ e au, e a ani atu ia'na i ta'na tautururaa no te rave faaoti i te reira mau fâ. A aparau no ni'a i te puairaa o to orua auaa ei hoa. A aparau i te mau fifi atoa e tape'a i to orua hoaraa ia rave hoê i te ohipa e aore râ e tape'a ia orua ia haapa'o i te mau faaueraa. A tatara i te mau pe'ape'a. A faaite atu i to oe hoa eaha i to oe mana'oraa to'na mau puai. A ani i te mau mana'o e nahea oe e haamaitai ai ia oe. Mai te mea e hinaarohia, a haamau i te mau fâ o te haamaitairaa i to orua auaa. A faaoti na roto i te pure.

Te apooraa faaineineraa i te mahana tata'itahi

A faatere i te hoê apooraa faaineineraa i te hopea o te mau mahana atoa. Mai te mea te haapii ra orua i te hoê haapiiraa, tei rapae au paha orua e tae no'atu i te hora 9:30 i te pô. Aita ana'e ra, a ho'i atu i to orua fare faeeraa i te hora 9:00 i te pô e a faatere i te hoê apooraa faaineineraa no te mahana mai te hora 9:00 e tae atu i te hora 9:30 i te pô. (E mana to te mau peresideni misioni ia faatano i te hora mai te au i te huru oraraa). A faaohipa i te mau ture e te mau arata'iraa i roto i te hoê apooraa faaineineraa no te mahana ta orua e faaohipa ra i roto i te apooraa hebedoma e mea ohie atu ra. A aparau na roto i pure no ni'a i te mau haapiiraa e aore râ te mau tumu parau ta orua e nehenehe e haapii i roto i te taima no te haapiiraa tata'itahi e te hoa o te tauturu ia orua e ta orua opuaraa. A papa'i i teie nei mau tumu parau i te vahi faataahia i ni'a i te tabula mahana. A hi'o faahou i ta orua tabula mahana. A faanaho i te hoê ohipa faufaa rahi no te mau hora atoa o te mahana. I roto i te apooraa faaineineraa no te pô sabati, a numera e a horo'a i ta orua Parau faataaraa na roto i te niuniu, a papa'i i ta orua rata hebedoma i te peresideni misioni, e faahope i ta orua mau fâ no te hebedoma i mua.

Hou a faaru'e ai orua i to orua fare faaearea i te po'ipo'i a'e, a hi'o faahou i ta orua mau fâ, opuaraa e te tabula ohipa no taua mahana ra. A rave i te mau tauiraa mai te mea e hinaarohia. A pure noa hou a faaru'e ai i to orua fare faaearea. E nehenehe ta orua e faaite i te manuiaraa o ta orua opuaraa no taua mahana ra ia ore ana'e orua e ani atu i te tahi atu mau misionare, « I teie nei, eaha te mea e ti'a ia'u ia rave ? »

Tiaauraa

E mea faufaa rahi roa te ture no te tiaauraa i roto i te opuaraa mure ore a te Atua. E ti'a paatoa tatou i mua i te Fatu i te haavaraa hopea no te horo'a i te hoê tiaauraa no te mau mea ta tatou i rave na roto i te mau rave'a ta 'na i horo'a mai ia tatou (a hi'o Alama 5:15–19 ; PH&PF 137:9). E rave rahi te mau mea ta oe e nehenehe e haapii mai no ni'a i te tiaauraa no ni'a i ta oe misioni o te haamaitai ia oe i te taatoaraa o to oe nei oraraa. E haamaitai mai te ture no te tiaauraa ia oe mai te mea e:

- Hi'o oe i ta oe haamauraa fâ e te faanahonahoraa ma te mana'o e horo'a oe i ta oe tiaauraa no ta oe mau ohipa i to oe mau faatere misioni e i te Fatu na roto i te pure.
- Ite oe i ta oe iho hopoi'a no te ti'aturiraa mo'a ta te Fatu i horo'a ia oe.
- Haamau oe i te mau fâ faufaa mau.
- Ma'iti oe i te haa no te horo'araa i ta oe tiaauraa no ta oe ohipa i te Fatu e i to oe mau faatere misioni. Eiaha e tia'i ia anihia oe. Eiaha e titau ia vetahi ê ia hi'opo'a pinepine ia oe. Ia vai te hinaaro no te faaite i te tiaauraa no ta oe ohipa.
- Farii oe i te taatoaraa o te hopoi'a no ta oe mau ohipa. Eiaha e pari ia vetahi ê no te mau fifi e aore râ no te manuia ore raa.
- Imi oe ia haapii mai i pihaiho i to oe mau faatere, e a ani ia ratou ia horo'a mai i te mau rave'a e nehenehe ai oe e haamaitai.
- Anaanatae oe i te rave-maitai-raa i ta oe ohipa.

Eita te tiaauraa e tae mai noa i te hopea raa o ta oe misioni. E ture teie tei haamaitai i te huru na to oe haamataraa, te huru o to oe feruriraa e iteraa no ni'a i te hopoi'a ta te Fatu i horo'a ia oe, te huru no to oe raveraa i ta oe ohipa, e te huru no to oe faaoromairaa. Te huru no to oe hi'oraa i ta oe ohipa misionare o te hoê ia faaiteraa no to oe here i to oe Metua i te ao ra e Ta'na Tamaiti e to oe faatura i te autahu'araa.

A pure ai oe o oe iho e to oe hoa, a imi i te faaûruraa no ni'a i te mea e ti'a ia oe ia rave i te mau mahana atoa. A pee ai oe i ta oe mau opuaraa, a pure e a ani i te Fatu no te arata'iraa. Ia vai te pure i roto i to oe aau i te taatoaraa o te mahana ia tauturu te Varua ia oe ia ite i te vahie e haere, te mea e rave, e te mea e parau. A ui ia oe iho, « Eaha'tu â te mea e nehenehe ia'u ia rave ? » I roto i to oe pure i te hopea o te mahana, a horo'a i ta oe tiaauraa no ta oe ohipa.

E horo'a oe i te hoê tiaauraa i te mau hebedoma atoa i to oe mau faatere misioni ma te faaohipa i te Parau faataaraa na roto i te niuniu. Mai te mea e faatere misioni oe, e farii ia oe i teie nei haamaramamaraa no ô mai i te tahi atu mau misionare. A faaite i te anaanatae

« Ia faito-ana'e-hia te raveraa, e maitai ia te raveraa. Ia faitohia e ia tapa'ohia te raveraa, e rahi atu â ia te faito no te haamaitairaa. »

– ELDER THOMAS S. MONSON

« THOU ART A TEACHER COME FROM GOD »,
IMPROVEMENT ERA, DITEMA 1970, 101

i roto i to ratou oraraa e i roto i te oraraa o te mau taata ta ratou e haapii ra eiaha noa i roto i te mau numera. Eiaha e faaohipa i teie nei mau mauhaa a ore ra haamaramaramaraa ta oe e farii no te haavî e aore râ no te faatere haere. Na teie haamaramaramaraa ta oe e farii na roto mai i teie nei mau mauhaa e horo'a ia oe te mau rave'a no te haapoupou i te mau misionare no to ratou itoito e ia hi'o i te mau mana'o no te mau haapiiraa i mua atu.

Tai'oraa i te papa'iraa mo'a

Eaha te auraa o te parau ia vai tiaau ?

PH&PF 58:26–33

PH&PF 101:78

Ezekiela 33:1–6

No te aha te ti'amâraa e mea faufaa rahi roa ia i roto i te tiaauraa ?

2 Nephi 2:26–29

Helamana 14:30–31

No te aha e ti'a i te hoê misionare e te hoê faatere misioni ia rave amui i te ohipa ?

PH&PF 38:23–25

Hebera 13:17–18

A haamana'o i teie

- A haapuui ta oe mau tautooraa i ni'a i ta oe fâ
- A haamau i te mau fâ mai te au i te mau tumu faufaa.
- A pure ma te puai no ta oe mau fâ e opuaraa.
- A faaohipa i te buka area e te Buka arata'i ohipa tamahana a te misionare no te tauturu i te mau taata ia faarahi i te faaroo, ia tatarahapa, ia bapetizohia, ia farii i te horo'araa o te Varua Maitai, e ia tape'a noa e tae noa'tu i te hopea.
- A haamau i te mau fâ no te mau faufaa tumu atoa o te tauturu ia oe ia faarahi, ia faaohipa i te faaroo e ia rave manuia i te ohipa.
- A faatere i te mau apooraa hebedoma e mahana faaineineraa o te faatumu i ni'a i te tautururaa ia vetahi ê ia haere i mua i roto i te evanelia.
- A faaite i ta oe tiaau i ta oe mau tautooraa i te Fatu e i te mau faatere misioni.

Te mau nota

Mau mana'o tauturu no te haapii mai e no te faaohiparaa

Haapiiraa ia oe iho

- I roto i ta oe buka tapa'oraa haapiiraa, a papa'i i te pahonuraa na roto i te hoê parau mana'ohia no te mau uiraa i roto i « A feruri i teie »
- A rave tau na minuti e a feruri i ta oe mahana hopea i roto i te misioni. Ia tae mai taua mahana ra:
 - Eaha ia ta oe e hinaaro e parau no ni'a i te ohipa ta oe i rave ei misionare ?
 - Eaha te mea ta oe e hinaaro ia riro mai ?
 - Eaha te mau huru-ê-raa ta oe hinaaro ia vetahi ê ia ite i roto ia oe ?

I roto i ta oe buka tapa'oraa haapiiraa, a papa'i i te hoê pahonuraa i teie mau uiraa atoa. A faaoti i te mea e ti'a ia oe ia rave i teie nei no te faatupuraa i teie nei mau fâ. A papa'i i te mau opuaraa e tae mai i to oe feruriraa.

Haapiiraa e to oe hoa

- Ma te faaohipa i ta orua buka area, a pahono i teie nei mau uiraa:
 - E mea tano, e mea papû e mea ohie anei ia tai'o te mau buka atoa ?
 - Eaha ta te hoê misionare apî i te area e nehenehe e hi'o i roto i te buka area e ia ite i hea râ te mau taata i roto i to ratou haereraa varua e eaha'tu â te mea e ti'a ia ravehia no te tauturu ia ratou ?
 - Eaha te maitai e noaa i te hoê misionare apî i te area na roto i ta orua mau tautooraa no te imiraa i te mau taata apî e imi nei i te parau mau ?
 - A faahoho'a na ia orua iho i te faaiteraa i ta orua buka area i te Fatu a horo'a'i orua i te hoê tiaauraa no ni'a i te huru o to orua haapa'oraa i te feia i roto i ta orua area. E mauruuru ra anei te Fatu i ta orua tutavaraa ?
- A aparau no ni'a i te hoê o ta orua feia imi apî. I roto i ta orua Buka arata'i ohipa tamahana a te misionare, a imi i te api tei topahia « Te mau mea i tupu e arata'i atu i te Bapetizoraa, te Haamauraa, e te Ohiparaa i roto i te Ekalesia. » A ma'iti i te hoê ohipa i tupu, e a hamani i te hoê tabula no te mau mea atoa e ti'a ia orua ia rave ia tupu ihoa teie nei ohipa. A aparau e nahea orua i te opua i teie nei mau ohipa ia nehenehe i teie nei ohipa ia tupu vitiviti noa.
- A aparau no ni'a i teie nei faaauraa e to oe hoa. A tuatapapa eaha te maororaa ta orua « reni » tai'a i roto i te pape i te mau mahana atoa.

« Eiaha roa te hoê o tatou ia riro mai te hoê taata ravaa'i o te mana'o nei e i tai'a na oia i te taatooraa o te mahana e te ti'araa mau i te rahiraa o te taime ua haere atu oia i roto i te pape e ua haere mai i rapae, ua tamaa, e ua hauti e ta'na tauhaa. E au te manuiaraa o te ravaa'i i te roaraa o te taime te vairaa ta outou a'iraa hi i roto i te pape, e ere te huru maoro o to outou haereraa'tu i rapae au i to outou vahi faaearea. Te vai nei te tahi feia ravaa'i tei atea i to ratou ra fare e ahuru ma piti hora e ua vai ta ratou mau a'iraa hi i roto i te pape e hoê ahuru noa iho hora. Te vai ra te tahi mau taata ravaa'i tei atea i te fare e ahuru ma piti hora e ua vai noa ta ratou mau a'iraa hîraa i roto i te pape piti noa iho hora. E maere paha teie mau huru taata ravaa'i no te aha ratou i ore ai i manuia mai te tahi atu mau taata ravaa'i.

« E tano atoa teie nei ture ia faaauhia i te mau misionare, ta te Fatu i pii 'Feia ravaa'i taata'. E ti'a i te a'iraa hî a te hoê misionare e topa i roto i te pape hîraa te taime e faaru'e atu ai oia i te fare faaearea » (Dallin H. Oaks, seminar for new mission presidents, tiunu 20, 2000).

Te mau apooraa mataeinaa e te mau amuiraa area

- A tai'o i te hoê o te mau mea e tupu nei i te mau misionare. Ia tuatapapa te mau misionare i roto i te mau pûpû iti i te mau fâ e te mau opuaraa o te tauturu i te mau taata i roto i teie nei mau hi'oraa ia haere e tae atu i te bapetizoraa e te haamauraa. Ia faaite mai te mau pûpû atoa i to ratou mau mana'o.

Hi'oraa hoê: Ua farerei outou ia Larry e Beth i te taime a tauturu ai raua i roto i te hoê fare tunuraa maa. Ua haapii outou ia raua i te hoê haapiiraa, e te hinaaro nei raua i te ite faahou atu. Aita raua i ite i te hoê noa'e melo o te Ekalesia. E keresetiano o Beth e aita Larry i faaite mai eaha râ ta'na haapa'oraa. Aita raua i faaipoipohia ua faaea fare râ raua toopiti. Te rave nei Larry i te ohipa mai te hora 4 i te ahiahi e tae atu i te hora 12 i te tuiraa pô. Te rave nei Beth i te ohipa mai te po'ipo'i e tae atu i te ahiahi.

Hi'oraa piti: Ua farii o Steve i te mau haapiiraa atoa e te haere nei oia i te pureraa e piti a'e taime i te ava'e. Te ti'aturi nei oia e e peropheta o Iosepha Semita e e parau mau te Buka a Moromona. E mau Katolika te mau melo no to'na utuafare e aita ratou e farii roa ra i ta'na mau fareireara e te mau misionare.

Hi'oraa toru: E piahi o Jill no te Fare Haapiiraa Tuarua. E hoa to'na e melo no te Ekalesia. Ua ani to'na hoa melo ia'na ia farerei ia orua. Ua haapii outou ia'na e piti na haapiiraa. I reira to'na hoa melo i na haapiiraa e piti. Aita â oia i haere mai i te pureraa e no te rahi o ta'na ohipa haapiiraa e mea fifi roa na'na ia tai'o i te Buka a Moromona.

- A ani i te mau misionare ia faaite mai i te mau mea i tupu ia ratou i nehenehe ai ia ratou na roto i te haamauraa i te mau fâ e te raveraa i te mau opuaraa ia tauturu i te mau taata:
 - Ia faatupu i te faaroo rahi i te Faora
 - Ia tatarahapa e ia rave i te mau tauraa o te haafatata'tu ia ratou i te Atua.
 - Ia farii i te mau fafauraa no te bapetizoraa e te haamauraa.
 - Ia ho'i mai i te Ekalesia e ia faaapî i te mau fafauraa no te bapetizoraa.
- A tufa te mau misionare i roto i na pûpû e toru. A faaite atu e e farii te pûpû tata'itahi i te hoê ohipa faufaa rahi roa. I muri iho a horo'a'tu i te pûpû tata'itahi i te mau ohipa i muri nei:
 - Iriti i te hoê vahi apî no te pororaa evanelia.
 - Faaineine i te hoê haapiiraa i roto i te Amuiraa Tuhaa no ni'a i te faaiteraa i te Buka a Moromona i te feia.
 - Farii i te hoê utuafare e imi ra i te parau mau i roto i te paroita. E toru tamarii to te utuafare: e hoê tamahine e 8 matahiti, e hoê tamahine 12 matahiti, e te hoê tamaiti 16 matahiti.

A faaite atu i te mau misionare e, e va'u minuti ta ratou no te faatupu i te hoê opuaraa. E ti'a i te hoê o te mau misionare ia papa'i i te opuaraa e tae noa'tu i te mau ohipa e ravehia i te mau mahana atoa.

Ia faaite mai te mau pûpû atoa i ta ratou mau opuaraa. I muri a'e i te mau opuaraa a ui:

- Eaha te mau mea e ti'a i te mau misionare ia ite i roto i te mau hi'oraa atoa.
- Eaha râ ia te hopea ahani aita outou i opua i te mau ohiparaa faufaa mau e aore râ aita roa'tu outou i opua noa'e ?

Te mau nota

I muri a'e i te mau faaiteitaraa, a ui:

- Nahea te opuaraa e te haamauraa i te mau fâ i riro ai ei mau raveraa no te here ? e mau raveraa no te faaroo ?

Peresideni misioni

- A ani i te mau misionare ia afai mai i ta ratou mau buka area i te amuiraa tuhaa e aore râ i te mau uiuiraa. Taa ê noa'tu i ta oe iho hi'opo'araa i te mau buka area, a feruri i te ani i te mau faatere misioni e aore râ i to oe hoa faaipoipo ia hi'o i te mau buka area.
- A mataitai i te tahi mau taime i te mau apooraa hebedoma aore ra mahana faaineineraa a te mau misionare
- A faatere i te tahi mau taime i te mau uiuiraa i roto i te mau fare faaearea misionare. Ia na reira oe, ia hi'opo'a ta oe hoa faaipoipo e aore râ te mau tauturu no te peresideni i te mau buka area e te mau buka arata'i tamahana.
- A hi'opo'a pinepine i te mau buka arata'i ohipa tamahana a te mau misionare.
- A haere i te tahi mau taime i te rururaa a te apooraa paroita.



Nahea vau ia imi i te taata no te haapii ?

A feruri i teie

- Eaha te auraa o te parau « e ite mai outou ia ratou o te farii mai ia outou » (PH&PF 42:8) ?
- Nahea vau i te faarahi i to'u faaroo no te iteraa i te taata no te haapii ?
- No te aha e ti'a ia'u ia faaohipa i te mau melo i roto i ta'u mau tutavaraa no te ite i te mau taata no te haapii ?
- Eaha te ohipa a te mau i'oa o te mau taata e horo'ahia mai nei e te mau ve'a e te Pû Faatere o te Ekalesia ?
- Eaha te auraa i rotopu i te iteraa e te haapiiraa ?
- Eaha te ohipa a te taviniraa i roto i te iteraa i te taata no te haapii ?
- Eaha te tahi mau mana'o no te iteraa i te taata no te haapii tei ore â i tamatahia e au ?

Faatupuraa i te faaroo no te imi

Ehaapuai te mau parau haapiiraa e te mau ture i roto i teie nei pene i to oe faaroo e e faaineine te Fatu i te mau taata no te farii atu ia oe e te evanelia i faaho'ihia mai. E e arata'i Oia ia oe ia ratou ra e aore râ e arata'i Oia ia ratou ia oe ra. E mea huru ê te iteraa i roto i te mau tuhaa ê o te ao nei. E ti'a i te mau misionare e te mau peresideni misioni ia faatano i te huru o te vahi. Noa'tu te mau huru ê raa, hoê â ra te mau ture no te iteraa i te mau vahi atoa.

Te utuafare o te Atua. E melo ana'e te mau taata atoa i ni'a i te fenua nei no te utuafare o te Atua i roto i te oraraa matamua (a hi'o Te Ohipa 17: 26-29 ; Hebera 12: 9). E tuhaa tatou no te utuafare o te Atua i roto i teie nei oraraa e e nehenehe ta tatou e oaoa i te mau haamaitairaa rahi atu â ei melo no To'na ra utuafare i roto i te oraraa a muri atu. E mau taea'e e mau tuahine ana'e paatoa tatou i roto i te utuafare a te Atua. Te horo'a

Te mau nota

Te mau nota

mai nei teie nei iteraa ia tatou e o vai ra tatou e e melo tatou no te hoê utuafare. Te horo'a mai nei te reira ia tatou i te hoê tumu no te ti'aturi i te ora mure ore i mua i te aro o te Atua. Ua taa ia tatou i teie nei mau parau mau tumu na roto i te Faaho'iraa hia mai te Evanelia. E hopoi'a e e haamaitairaa na oe te haapiiraa i te mau parau mau i faaho'ihia mai i to oe mau taea'e e tuahine. E nehenehe ta oe e pure mai ia Alama tei imi i te mau rave'a no te tauturu atu i te mau Ati Zorama tei taiva,: « E te Fatu, ia haamanu'ia mai oe ia matou, ia arata'i faahou mai matou ia ratou ia oe na i roto i te Mesia. Inaha, e te Fatu, e mea faufaa rahi to ratou varua,.. ; no reira e horo'a mai na matou, e te Fatu, i te mana e te paari ia ti'a ia matou i te arata'i faahou mai ia ratou, e to matou mau taea'e, ia oe na. » (Alama 31: 34–35).

« **E imi ia ratou o te farii mai ia outou.** » E hopoi'a na outou i te paturaa i te Ekalesia na roto i te iteraa « ia ratou o te farii mai ia outou » (PH&PF 42: 8). E ite taua mau taata e e mau tavini outou na te Fatu. E hinaaro ratou i te rave i te ohipa i muri a'e i ta outou parau poro'i. E rave rahi o teie nei feia tei « faaerehia'tu i te parau mau no te mea [ana'e] aita ratou i ite i te vahi te reira e itea mai ai » (PH&PF 123: 12).

I te rahiraa o te taima aita outou e ite o vai râ teie nei mau taata. Eita paha ratou e ite i te reira iho taima e e tavini outou na te Fatu. Eita paha ratou e taa e na roto ana'e i te evanelia i faaho'ihia mai hau atu i te tahi atu mau mea e tae mai ai te hau huru rahi a'e, te arata'iraa e te opuaraa i roto i te oraraa. Eita ratou e ite pinepine nei e te hi'o atura ratou i te evanelia i faaho'ihia mai e tae noa'tu ua itea ia ratou. Ei hi'oraa, ua parau te hoê taata faafariuhia, « I to'u faarooraa i te evanelia, ua î a'era to'u aau i te hinaaro e aita vau i ite e i vai na te reira i roto i te aau. » Ua parau mai te tahi atu taata, « Ua faaoti au i te imiraa e aita vau i ite e te na reira ra vau. »

Ia faataahia outou ia tavini i te hoê vahi, a haamana'o e na te Fatu i « faati'a ia orua ia haere mai teie vahi nei ; no te mea ua ti'a ia ia'u nei ia na reira orua no te faaoraraa i te mau varua nei. » A haa maitai ia « faateitei mai na orua i to orua na re'o i teie nei nei feia ; a parau atu i te mau mana'o ta [te Fatu] e tuu atu i roto i to orua no aau. » Ia na reira orua, e e farii ia orua i te fafauaraa e « ore roa orua e faahaamahia i mua i te taata nei » , e « e horo'ahia ia ia orua i te hora mau ihoa... i te mea ta orua e parau ra. » (PH&PF 100: 4-6). Ua riro te iteraa ma te Varua ei mea faufaa mai te haapiiraa ma te Varua. Mai i roto i te haapiiraa, e e manuia ta orua mau tautooraa no te ite mai te mea e arata'ihia orua e te Varua. A faaroo e e ite orua i te mea e haapii e te mea ia rave no te ite ia ratou o te farii mai ia outou.

Ohiparaa: Haapiiraa e to oe hoa

E mau taata faafariuhia paha i te Ekalesia te rahiraa o te mau melo ta orua e haere e farerei. A opua i te hoê taima no te ani ia ratou nahea to ratou farereiraa i te Ekalesia e nahea to ratou iteraa e te haapii ra te mau misionare i te parau mau ia ratou. A haapoto i to ratou mau aamu i roto i ta oe buka no te haapiiraa.

Tai'oraa i te papa'iraa mo'a

Nahea te mau tamarii a te Atua i faaineinehia'i e arata'ihia'i i te evanelia tei faaho'ihia mai ?

Alama 13:24

PH&PF 29:7

PH&PF 84:45–47, 88

Alama 16:16–17

PH&PF 33:6

PH&PF 136:32–33

A paraparau i te mau taata atoa

A tere ai te Peropheta Iosepha Semia e te hoê pŭpŭ misionare na ni'a i te anavai no Missouri, ua heheu mai te Fatu, e « E ere te mea i hinaarohia ia tere 'oi'oi... ta'u mau peresibutero... a pohe noa'i te mau taata o tei parahi i na pae pape ra i roto i te faaroo ore. » (PH&PF 61:3). Ia haere 'oi'oi atu outou i te mau ohipa opuahia, a pure no te aravihi ia ite i te mau rave'a opua ore hia no te tavini e no te haapii ia ratou e « pohe ra i roto i te faaroo ore. » A pure no te iteraa varua ia ite i te mau rave'a. E ite outou e e tuu atu te Atua i ni'a i to outou haerea Ta'na mau tamarii o tei faaineinehia no te farii i te evanelia tei faaho'ihia mai.



Aore roa ohipa e tupu i roto i te ohipa misionare e tae noa'tu i te taima ua itea ia oe i te tahi taata no te haapii. A paraparau atu i te mau taata atoa e nehenehe ia oe i te mahana hoê. E huru taata ihoa i te mātā'u rii i te paraparau atu i te mau taata, e nehenehe râ ta oe e pure no te faaroo e no te puai no te itoito i te haamâmâraa i to oe vaha no te faaiteraa'tu i te evanelia tei faaho'ihia mai. A tamata i te faaohipa i te mau mana'o i muri nei a imi ai oe i te paraparau atu i te mau taata atoa ta oe e farerei:

- A paraparau i te mau taata no ni'a i to ratou mau utuafare. A tauturu ia ratou ia ite e nahea te evanelia tei faaho'ihia mai e nehenehe ai e riro ei haamaitairaa no to ratou mau utuafare.
- A hi'o i te mau tapa'o—te mau taoa i roto i te mau fare e aore râ te mau aua, te papa'iraa i ni'a i te ahu, e aore râ te mau faaiteraa no ni'a i te mau tamarii—no te tauturu ia outou ia ite nahea e haamata i te paraparau e te mau taata.
- A faaroo maitai atu i te mea ta te mau taata e parau atu ia outou.
- Ia au maitai outou, ia hoa e ia anaanatae outou. A horo'a i te tauturu.
- A ti'aturi i te Varua no te tuuraa i roto i to oe aau e to oe mana'o te mau mea e haapii.
- A ani i te mau taata atoa ia haapii no ni'a i te evanelia tei faaho'ihia mai.
- A horo'a'tu i te mau tareta no te opere no ni'a i te Ekalesia.
- A ani i te i'oa o te feia matauhia e te mau taata o te anaanatae paha i ta oe parau poro'i.

A tai'o ai outou i teie nei aamu mau, a hi'o nahea teie nei taata faaineineraahia no te farii i te mau misionare e nahea te mau misionare faaohiparaa i te hoê taima opua-ore-hia no te haapii atu ia'na i te evanelia.

I to'u vai tamariiaraa, aita roa'tu vau i haapiihia i te tai'o. Ua haere au i te fare pure i te mau sabati, aita ra vau i rave i te hoê mea e aita vau i ite noa'e i te hoê mea. Aita vau i oaoa e to'u nei haapa'oraa... Ua imi au... i te Atua—ma te hinaaroraa i te ite mai te mea ua ora na Oia. Ua hiaa'i au i te ite Ia'na e Ta'na mau parau. E aua eita roa'tu e noaa ia'u te mea ta'u e imi nei.

Te vai ra te mau taima ua piri au i te haamâha i to'u hiaa'i. I to'u tape'araa i ta'u tamarii matamua, te hoê tamahine, i roto i to'u na rima no te taima matamua, ua ite au e te ora mau ra te Atua. E rave rahi mau matahiti i muri, a fanauhia'i to'na tuahine, ua itea ia'u taua huru mana'o ra... I te rahiraa râ o te taima, ua tae mai te hoê rohirohiraa taaore i ni'a i to'u nei aau. Te hiaai ra vau i te mea varua e aita i itea ia'u te vahi no te inu atu.

Te mau nota

Te mau nota

I te ava'e eperera 1994 te ora ra vau i roto i te oire no Monterrey, i Mexico, e te rave ra vau i te ohipa ei taata faahoro pereoo uira. I te hoê mahana ua ûa noa e rave rahi hora te maoro, e ua puehu mai te pape na ni'a mai i te mou'a. I muri a'e i to'u faahororaa i te pereoo uira i roto i te ua e rave rahi mau hora, ua ite atura vau ia'u iho i roto i te hoê oire iti fatata e vau kilometa i te atea ia Monterrey. Ua fatata roa te taima no te ho'i atu i te fare. I reira iho ite atura vau na feia apî tamaroa e piti e haere avae ra. E piripau avae roa ereere e te ahu uouo to raua, e ua rari roa raua i te ua mai te upoo e tae atu i te avae.

I to'u haafatataraa'tu ia raua, ua iriti au i te opani no te pereoo uira e ua pii atu, « A tomo mai ! Te haere nei au i Monterrey. »

Ua pahono maira te mea roa, e hoho'a huru uouo roa, « Aita ta maua e moni. »

« Aita e moni », pahono atura vau.

Ua tomo 'oi'oi atura raua i roto i te pereoo uira.

A faahoro noa'i au, ua paraparau matou. Ua ani mai raua mai te mea e nehenehe ta raua e faaite mai ia'u i te hoê parau poro'i no ni'a ia Iesu Mesia. Ua farii au e ua horo'a'tu vau ia raua i to'u vahine nohoraa.

I to'u taeraa'tu i te fare, ua faaara vau i ta'u vahine faaipoipo e ua parau atu vau ia'na no ni'a na feia apî tane e piti. « E mea maere roa, ua parau atu vau, « Hoê e taata Mexico e te tahi e marite, e hoê to raua i'oa o Elder. »

« Te auraa o Elder e misionare », pahono maira ta'u vahine, ua ite rii oia no ni'a i te Ekalesia.

Mai te hohonuraa o to'u nei aau, ua ite au i te tahi mana'o fanao. Ua vaiiho mai teie na feia apî tane i te hoê mana'o maere au maitai i roto i to'u nei aau. Ua ite au e ua fatata vau i te ite i te pape e haamâha i to'u poiha, e ua piri roa te reira ia'u nei.

Ua haere mai te mau misionare i to matou nei fare i te 5 no tiunu ra, e ua oaoa vau i te faaroora'tu ia raua. E piti hebedoma i muri iho, i te 19 no tiunu, ua baptizohia vau. Ua baptizohia ta'u vahine e maha ava'e i muri iho, i te ava'e atopa. Ua farii ta maua nei tamahine matahiapo i te haapiiraa faaroo i te hoê fare haapiiraa. I to'na haereraa i te fare pure no te taima matamua, ua ta'i oia, « Papa, e mea hau roa'tu teie i te mea ta'u e haapii n ei i te fare haapiiraa ! » Ua baptizo atoa hia oia i te ava'e atopa.

I te ava'e ditema 1995, ua taatihia matou ei utuafare i roto i te Hiero no Mexico Mexico City no teie nei oraraa e no amuri noa'tu. I teie nei te oaoa nei matou i te auraa maitai, te hau, e te oaoa. Te ite nei matou o vai ta matou e haamori ra. Ua ite matou no hea mai matou e e haere matou i hea. Ua here matou i te parau a te Atua, te Buka a Moromona ihoa râ, e ua here matou i Ta'na Ekalesia, Te Ekalesia a Iesu Mesia i te Feia Mo'a i te mau Mahana Hopea nei. Na roto i teie nei mau horo'araa ua itea ia matou te apoo pape ora ta te Faaora i parau



i te vahine no Samaria: « Area te inu i te pape e horo'ahia'tu e au nei, e ore roa ia oia e poiha faahou, e riro râ taua pape e horo'ahia'tu e au na'na ra, ei pape pihaa i roto ia'na iho, e ti'a i te pihaaraa e tae noa'tu i te ora mure ore ra. » (Ioane 4: 14). [Victor Manuel Cabrera, « Thirsting for the Living Water », Ensign, atete 2001, 60–61]

Ohiparaa: Haapiiraa ia oe iho e aore ra, e to oe hoa

- Nahea to teie taata faaineineraahia no te evanelia tei faaho'ihia mai ?
- Eaha ia te tupu mai ahani aita te mau misionare i haamâmâ i to ratou mau vaha no te faaite atu i te hoê parau poro'i no te evanelia.
- A hi'o faahou eaha ta orua i rave inanahi ra. Ua paraparau anei orua i te mau taata e rave rahi ? Mai te mea aita, a rave i te mau opuaraa e a haamau i te mau fâ no te raveraa i teie nei mahana.

Tai'oraa i te papa'iraa mo'a

Eaha ta te Fatu i parau no ni'a i te haamāmāraa i to outou vaha ? Eaha te mea e ti'a ia outou ia haapii ? Eaha tei fafauhia'tu ia outou ?

PH&PF 24:12
PH&PF 28:16

PH&PF 33:7-15

PH&PF 60:2-3, 7-8

Ia ite outou i te hoê taata a haapii atu ia'na, e ia haapii outou i te hoê taata a faaohipa i taua taata ia itea

Te iteraa e te haapiiraa e mau ohipa ia tei tu'ati te tahi i te tahi. Ia farerei outou i te mau taata, a faaineine ia outou ia haapii atu i te tahi mau haapiiraa poto no ni'a i te parau mau tei faaho'ihia mai ia nehenehe i te Varua Maitai ia faaite papû e e mau tavini mau outou na te Fatu. I roto i te mau huru e rave rahi, e ti'a ia outou ia nehenehe i te horo'a i te hoê parau poro'i i roto i te hoê minuti e aore râ iti mai. Ua matau te taata i te mau parau poto e te puai. Ei hi'oraa, e hinaaro paha outou i te faaite i te parau poro'i no te Faaho'i-faahou-raa mai te Evanelia i roto noa e piti e aore râ e toru parau:

I muri a'e i te mau tenetere o to ratou moeraa, ua faaho'ihia mai te mau parau mau a te Atua (te evanelia a Iesu Mesia) e te hoê Atua here na roto i te hoê peropheta ora. E tapa'o ta matou no te reira ta oe e nehenehe e tape'a i roto i to outou rima, tai'o, e feruri i roto i to outou aau, e ia pure no te ite i to'na parau mau no outou iho. E faati'a anei oe ia matou i te...

Mai te mea te vai nei â te taime, e nehenehe ta outou e parau faahou atu:

E mea ohie ta matou parau poro'i. O te Atua to tatou Metua. E mau tamarii tatou Na'na. E tuhaa tatou no To'na utuafare. Te here nei oia ia tatou. Mai te haamataraa mai o te ao nei, ua haapa'o noa oia i te hoê hoho'a no te here e te haape'ape'a. Ua faatoro atu oia i to'na rima e rave rahi mau taime na roto i te here no te heheu mai i te evanelia a Iesu Mesia ia nehenehe i Ta'na mau tamarii e ite nahea e ho'i atu Ia'na ra. Ua heheu mai Oia i te reira i te mau peropheta mai ia Adamu, Noa, Aberahama, e Mose. Ua ma'iti tamau noa râ te tahi mau taata i te pato'i i taua evanelia ra. E piti tauasini matahiti mairi a'enei, ua haapii Iesu Mesia iho i Ta'na evanelia. E te mea maere roa'tu, ua pato'i te mau taata ia Iesu. I te mau taime atoa e faafaufaa ore e aore râ e faahuru ê te taata i te mau parau haapiiraa e te mau oro'a mau, e iriti te Atua i To'na ra mana no te faatere i te Ekalesia.

Ta matou aniraa ia outou o te faarahi atu â te mau parau mau ta outou i faaherehere a'ena. A hi'opo'a na i te tapa'o e ua toro faahou to tatou Metua i te Ao ra i to'na rima i Ta'na ra mau tamarii na roto i te here e ua heheu mai oia i te mau parau haapiiraa e te mau oro'a mau i te hoê peropheta. Te i'oa o teie nei peropheta o Iosepha Semita ia. E itehia te tapa'o o teie nei parau mau hanahana i roto i te hoê Buka- te Buka a Moromona. E nehenehe ta outou e tape'a te reira i roto i to outou rima, ia tai'o i te reira, e ia feruri hohonu i to'na parau mau i roto i to outou feruriraa e to outou aau.

A ape i te peu i te parauraa i te mau mea mai : « E taime anei to oe ia nehenehe ia maua ia haapii atu ia oe i te hoê parau poro'i no ni'a... » A faatupu râ i te peu no te haamata i taua iho taime i te haapii e te faaite papû a farerei ai orua i te taata. E rahi atu te taata ta orua e ite no te haapii ia faaite papû atu ana'e orua e ia faati'a orua ia ratou ia ite i te mana o te Varua Maitai.

Noa'tu eaha ta orua faahaereraa matamua, a faahaere vitiviti noa e ohie noa i ni'a i te parau no te Faaho'iraa hia mai te Evanelia, no te mea o teie ana'e ta tatou parau poro'i i to te ao nei. O ratou ta orua e haapii ra e hoa e aore râ e fetii to ratou tei faaineinehia ia farii i te evanelia tei faaho'ihia mai. I roto i te mau taime haapiiraa-mai te iteraa, te haapiiraa i te feia imi, te raveraa i te ohipa e te mau melo—a ui, « O vai to oe i ite e anaanatae e e maitai na roto i teie nei parau poro'i ? » I muri a'e i to orua fariiraa i te hoê i'oa, a ani, « O vai atu

Te mau nota

Te mau nota

â o te nehenehe e fanao i ta matou nei parau poro'i ? » Eiaha e feaa no te afai noa raa mai i te reira e faahou â i roto i te mau apooraa i muri mai. A ite ai o ratou o ta outou e haapii nei i te mau haamaitairaa o te evanelia, e rahi atu â to ratou hinaaro ia faaite atu te reira(1 Nephi 8: 12). E faahoa pinepine ratou i te mau hoa apî a haapii ai ratou i te evanelia. Te mau misionare o te faahou i teie nei ture e rahi ia ta ratou mau taata e haapii.

Ohiparaa: Haapiiraa e to oe hoa

- A faaineine i te hoê parau poro'i hoê minuti i te maoro faatumuhia i ni'a i te hoê o te mau haapiiraa. A feruri i te mau rave'a o te haapii i teie nei haapiiraa i roto i te hoê taima iteraa.
- A faaoti nahea orua i te faahaere vitiviti atu teie nei parau poro'i i te parau no te Faaho'i-faahou-raa mai.
- A faaite atu te parau poro'i i to oe hoa.
- A haamau i te fâ ia haapii i teie nei parau poro'i i te hoê taima tano i teie nei mahana no te tuu atu te hoê taata imi i roto i ta orua vairaa no te feia e haapiihia.
- A hi'o faahou i te tabula i'oa o te taata ta orua e haapii nei. A rave i te hoê tabula no ratou ta orua i ani atu i te mau i'oa e o ratou ta orua i ore i ani atu. A haapii nahea orua e horo'a i te hoê aniraa no te horo'araa mai i te hoê i'oa i te feia i roto i te pûpû tata'itahi. A papa'i i roto i ta orua buka arata'i i te hoê nota no te horo'a i teie nei aniraa i ta outou mau tere i mua.

Te paraparauraa no ni'a i te faufaa rahi o te Utuafare

E haamaitai te Faaho'i-faahou-raa mai o te evanelia a Iesu Mesia i te mau utuafare. Na roto i te oraraa i te mau ture no te evanelia tei faaho'ihia mai, e haapuaihia te mau utuafarer e e nehenehe ta ratou e ite i te hau, te oaoa e te hoê mana'o e e melo ratou no te hoê utuafare e o vai ratou.

Na te paraparauraa i te faufaa rahi o te utuafare i te feia ta orua e farerei nei i te mau mahana atoa e



tauturu ia orua ia ite i te mau taata no te haapii. Te rahiraa o te taata e anaanatae to ratou no te mau utuafare. I roro i te mau taima atoa no te iteraa, e nehenehe ta orua e tu'ati vitiviti atu te mea ta te rahiraa o te mau taata i ite i te parau poro'i no te Faaho'i-faahou-raa mai. I te taima no te iteraa e parau paha orua i te tahi mea mai teie te huru:

Aita'tu e mea hau atu i te faufaa no matou maori râ to matou mau utuafare. Na to matou nei utuafare e taati te tahi i te tahi, e horo'a mai ia matou i te hoê i'oa, e e tauturu ia tatou ia ite e te hinaarohia ra e te herehia ra tatou. Ua farii ai'a tatou na roto mai i to tatou mau utuafare i te mau huru taata, e peu, e te huru tino, o te horo'a mai ia tatou te hoê huru taata mau.

Te hoê utuafare puai e te oaoa o te titauraa matamua roa ia no te mau taata e rave rahi na te ao taatoa nei. E mea fifi i te mau taima atoa ia faatupu i teie nei fâ. E au ra eita e maraa i te tahi mau taima i te atuatu i te mau tamarii e te titauraa i te hoê faaipoiporaa paari i roto i te ao i teie nei mahana e te mau ino atoa e haati nei ia tatou.

E nehenehe ta orua e faahaere atu i te parau poro'i no te Faaho'i-faahou-raa mai.

E mea mure ore to matou mau mana'o here e te haape'ape'a no to matou mau utuafare e ua aahia te reira mau mana'o i roto i to matou mau aau. Ua faatumuhia ratou i ni'a i to matou auraa e te Atua. E tuhaa oe no te utuafare a te Atua mai te taima mai â hou oe i fanauhia'i. O Oia to tatou Metua. No te mea ho'i e, e o Oia to tatou Metua, e mau taea'e e e mau tuahine ana'e tatou. Te hinaaro nei te Metua i te ao ra ia ho'i tatou e ora i pihaiho Ia'na ei tuhaa no To'na ra utuafare. E tuatiraa to te mau utuafare i ni'a i te fenua nei i te utuafare o te Atua. E nehenehe te mau utuafare e ora amui e amuri noa'tu i muri a'e i teie nei oraraa. Ua ite matou i teie no te mea i muri a'e i te mau tenetere no to ratou mo'eraa, ua faaho'i-faahou-hia mai te mau parau haapiiraa e te mau oro'a mau mai te bapetizoraa na roto i te utuhiraa i ni'a i te fenua nei e to tatou Metua i te Ao ra na roto i te hoê peropheta ora. Eita teie nei mau parau mau i faaho'ihia mai e tauturu noa ia tatou ia ite i to tatou ti'araa i roto i te utuafare o te Atua, ua riro atoa râ ratou to tatou ti'aturiraa rahi roa'e no te hoê utuafare puai, e te oaoa i roto i teie nei oraraa. Ia nehenehe anei ia maua ia haapii atu â ia oe no ni'a...

E nehenehe teie iho mea e ravehia e te tahi atu mau parau tumu, mai te oaoa, te ati, te tumu no te oraraa, e aore râ te pohe. Noa'tu eaha ta orua rave'a no te iteraa, a haamana'o i te tu'ati 'oi'oi atu te reira i ta tatou parau poro'i hoê roa i to te ao nei.

Te faufaa rahi o te mau melo

A rave i te ohipa e te mau melo o te Ekalesia no te ite i te mau taata no te haapii. Te hi'oraa maitai o te taima e ani te mau melo i te tahi atu mau taata ia haapiihia e i reira ratou no te haapiiraa. Ia rave ana'e te mau melo i te reira, e rahi atu â te feia e bapetizohia e e vai itoito i roto i te Ekalesia. E mea faufaa rahi roa te auraa e te mau melo no te mea e tamârû te reira i te aau o te mau taata e e mea pinepine te reira i te arata'i ia ratou ia imi i te evanelia i faaho'ihia mai. Oia ho'i e faahaerehia mai ratou i roto i te haamenemeneraa o te mau hoa o te mau melo o te Ekalesia, te mea itoito e te mea paruparu, te feia faafariu-apî-hia e te mau utuafare afa melo.

Ua haapii te peresideni Gordon B. Hinckley e:
« E rave rahi roa i rotopu ia tatou e hi'o nei i te ohipa misionare ei ohipa patotoraa i te uputa fare. Te mau taata atoa i mataro i teie nei ohipa, ua ite ia ratou e, te vai ra te tahi rave'a mea na roto atu ia i te mau melo o te Ekalesia. I te mau taima atoa e afai mai te hoê melo i te hoê taata e imi nei, te vai ra te hoê faanahoraa no te patururaa. E faaite te melo i te iteraa papû no te parau mau o te ohipa. E haape'ape'a to'na feruriraa no te oaoa o teie hoa to'na e imi mai nei. E oaoa rahi atu oia a ite ai oia i taua hoa ra i te haereraa i mua i roto i te haapiiraa mai i te evanelia.

« E nehenehe te mau misionare rave tamau e haapii atu, tera râ, i te vahi e nehenehe, na te melo e na muri atu te tauturu i taua haapiiraa ra ma te pûpû atu i to'na utuafare no te faahaere i mua teie ohipa misionare. E faaite oia i te iteraa papû no roto mai i te aau no te hanahana o te ohipa. E parahi mai oia i reira no te pahono i te mau uiraa aore ana'e te mau misionare i reira. E riro oia ei hoa no te melo faafariu o te rave nei i te hoê tauraa rahi e, e mea pinepine e tauraa fîfî ia... Te rave'a no te afai mai i te mau taata apî i roto i te Ekalesia e ere i te hopoi'a na te mau misionare ana'e ra. E manuia rahi atu ratou ia riro ana'e te mau melo ei pû i reira te mau taata apî e imi nei e iteahia'i. »
(*Ensign*, me 1999, 105–6)

« I muri a'e i te mau mea atoa tei parauhia, te ohipa hau atu i te rahi e te mea faufaa rahi roa'tu o te pororaa ia i te Evanelia. »

TE PEROPHETA IOSEPHA SEMITA
TEACHINGS OF THE PROPHET JOSEPH SMITH, 113

Te mau nota

Te omuaraa o te paturaa i te mau auraa puai e te mau melo o te episekopo ia. A horo'a i te tautururaa e a tavini i roto i te mau mea parau-ti'a atoa ta'na e ani mai. A ui ia oe iho, « E haamaitairaa anei au e aore râ e hopoi'a vau no te episekopo ? A faatupu i te huru « Nahea e nehenehe ai ia'u e tauturu ? » Mai te mea e imi oe i te mau rave'a no te here, no te tavini, e no te haapii, e ti'aturi mai ia te episekopo e te mau melo no te paroita no te horo'a'tu ia oe te mau melo no to ratou utuafare e to ratou mau hoa.

A feruri i teie nei tuhaa rata tei papa'ihia e te hoê misionare i to'na ra peresideni misioni:

E te peresideni e,

Ua niuniu mai te mau tauturu i teie nei mahana no te parau mai ia'u e ua tauihia vau i te tahi atu vahi. Ua mana'o vau e e ti'a ia'u ia papa'i atu no te haamauruuru ia oe no to oe tonoraa mai ia'u i teie nei vahi. E au ra mai te mea inanahi noa to oe parauraa mai ia'u i te mau tamataraa i mua nei.

Na to maua sabati matamua i haapapû mai i te mea ta oe i parau mai ia'u. Aita maua i farii poupou hia i roto i te paroita. Te hihii mahana ana'e i taua sabati matamua o Scott ia, te faatere misioni paroita apî. Ua faahaerehia mai oia i te vahi o te Nuu no te Ara hoê ava'e na mua'tu e te tavini ra oia ei faatere misioni paroita e piti hebedoma i teie nei. Ua ani mai Scott ia maua ia haere atu i to'na fare no te tamaa i to maua sabati matamua no te aparau eaha te mea e nehenehe ia ravehia no te faahaereraa te ohipa i mua. I muri a'e i te tamaaraa, ua tuturi matou no te pure e ua ani atu i te Metua i te Ao ra no Ta'na ra arata'iraa. A pure ai matou, ua ite matou i te hau e te mana'o itoito. Ua faaoti matou e te rave'a maitai roa'e no te faahaereraa te ohipa i mua o te roaaraa ia te ti'aturiraa o te mau melo. Ua faaoti matou i te pee i te hoho'a o Ammona e ia tavini ia ratou.

Ua haamata matou e te episekopo. No te oreraa o te mau baptizoraa i te area e te tautooraa tei ore i ravehia e te mau misionare na mua'tu, e ere oia e ua taa ia matou i te mea anaanatae roa i ta matou aniraa ia farerei ia'na. E ua ani mai oia ia matou ia haere atu i to'na ra fare no te tamaa. Ua ite maua e te faaineine ra te episekopo i te tatara i te tapo'i tahua i roto i to'na piha faafaearaa e ia faaapî i te tahua i raro a'e i te tapo'i tahua. Ua pûpû atu maua i to maua tauturu e ua farii mai oia. I te hopea raa o te ohipa, ua ani te Episekopo ia maua ia paraparau i roto i te hoê pureraa oro'a. Ua farii maua i te reira mai te hoê tapa'o e te haamata ra oia i te ti'aturi ia maua.

Ua pee maua i teie huru hoho'a no te taviniraa a farerei atu ai maua i te tahi atu mau melo. Ua ite maua i te mau rave'a no te tauturu ia ratou na roto i te mau huru rave'a ohie. Mai te mea aita maua i pihaihiho i te mau melo, te patoto ra ia maua i te mau uputa e te paraparauraa'tu i te mau taata e rave rahi no ni'a i te evanelia tei faaho'ihia mai. Ua haamaitaihia maua e te mau taata no te haapii, e ua ite te mau melo ia maua i te afa'iraa mai i te mau taata i te pureraa ta maua i ite na roto i to maua iho itoito. Ua haamata te huru o te taatoaraa o te paroita i te tau. Ua rahi te anaanataeraa no ni'a i te ohipa misionare. Ia ti'aturi te mau melo ia maua, ua tere te ohipa. E rave rahi mau baptizoraa tei tupu mai.

E rave rahi te mau melo o te Ekalesia e mātā'u nei i te rave i te ohipa misionare. E rave rahi tei ore i papû i hea e haamata'i e aore râ eaha te parau. E rave rahi o te mātā'u nei e haere atu to ratou mau hoa piri mai te mea e tamata ratou i te faaite i te evanelia ia ratou. Te vai nei te mau rave'a e rave rahi no te tauturu i te mau melo. Ei hi'oraa, a tauturu i te patu i to ratou faaroo na roto i te haapiiraa ia ratou



te parau poro'i no te Faaho'iraahia mai te evanelia e te tahi atu mau parau haapiiraa o te mau haapiiraa. A tauturu ia ratou ia ite i te Varua e te mana no ta tatou nei parau poro'i. Na te haapuairaa i to ratou iteraa no ni'a i te haapiiraa a te Mesia e faarahi i to ratou ti'aturiraa ia outou e ia faatupu i to ratou anaanatae i te raveraa i te ohipa misionare hau atu i te tahi

mea ta outou e nehenehe e rave. A tauturu ia ratou ia taa e riro te horo'araa i te evanelia faaho'ihia mai e ohipa natura na roto mai i te mau auraa i reira ratou e imi nei i te here e te tavini i te mau melo o te utuafare e te mau hoa. A haapii ia ratou i te mau ture no roto mai i te tuhaa « Haere e rave i te maitai » no teie nei pene. A faaitoito i te mau melo « ia amui atu ma te haapaeraa maa e ma te pure faau'ana ia rooa te maitai i te taata o tei ore i ite i te Atua ra » (Alama 6:6). I roto i te mau mea atoa ta outou e rave e te mau melo, a imi i te faaitoito e te patu i to ratou faaroo no te tauturu ia ratou ia rave i te ohipa misionare.

Taa ê noa'tu i te raveraa i te ohipa e te mau melo itoito, a imi i te mau taata no te haapii na roto i te mau taea'e e au e peresibutero, te mau melo itoito-rii, e te mau melo apî. E mea papû e rave rahi hoa to teie nei mau melo no te tahi atu mau faaroo e e haamaitaihia ratou ia faaite ratou i te evanelia i faaho'ihia mai e te mau melo no to ratou iho utuafare e to ratou mau hoa.

I roto i te mau tere farereira i te mau melo, a rave i te mau mea atoa e nehenehe ia oe ia faaitoito ia ratou ia:

- Pure e ia pee i te Varua.
- Horo'a i te taviniraa
- Faatupu i te mau hoaraa.
- Haamāmā i to ratou mau vaha no te faaite i te evanelia tei faaho'ihia mai.
- Ani i te tahi atu mau taata ia rave i te mau mea no te faarahi to ratou faaroo i te Mesia.

E ti'a i te mau i'oa atoa ta outou e farii na roto mai i te hoê melo ia faairohia mai te tahi mea faufaa rahi. Ia horo'a ana'e te hoê melo ia outou i te i'oa o te hoê hoa no te niuniu e aore râ no te farerei, a pahono vitiviti noa e a faaite i te hopea o te ohipa i te melo.

Te mau mana'o tautururaa i te mau melo

Te vai nei te mau rave'a e rave rahi no te faaitoito i te mau melo ia rave rahi atu â i te ohipa misionare.

- A imi i te arata'iraa a te episekopo e a te tahi atu mau faatere no te paroita. A hi'o i te pene 13 no te tahi atu â tautururaa i roto i teie nei area.
- A haapii i te feia faatere e te mau melo o te Ekalesia i te parau poro'i no te Faaho'i-faahou-raa ai e te tahi atu mau haapiiraa.
- A haapii ia ratou ia here e ia tavini i to ratou mau taata tupu e mau hoa.
- A faaitoito ia ratou ia haapae i te maa e ia pure no te mau taime maitai no te raveraa i te ohipa misionare.
- A faaitoito ia ratou ia farerei i te mau taata ta ratou i mataro tei farii iho nei i te mau ohipa i faataui i to ratou nei oraraa (fanauraa, pohe i roto i te utuafare, te faaipoiporaa, a ore â tei tae apî mai).
- A ani ia ratou ia tauturu ia oe ia haapii. Te taime tano maitai o te afairaa mai ia i te hoê melo o te Ekalesia na muri ia oe tei riro na ei melo no te hoê â Ekalesia mai te taata e maimi ra.
- A tauturu ia ratou ia faataa i te mau tai'o mahana e ani ai ratou i to ratou mau hoa ia haapii i te parau poro'i no te Faaho'i-faahou-raa mai.
- A faaite atu ia ratou i te mau mea ta ratou e nehenehe e horo'a'tu i te tahi mau taata, mai te mau Buka a Moromona, te mau hoho'a video e te mau taretā opereraa.
- A faaitoito ia ratou ia ani i to ratou mau hoa ia haere mai i te pureraa e aore râ i te pureraa pô utuafare, no te hi'o i te hoê hoho'a i hamanihia e te Ekalesia, e aore râ ia tomo atu i roto i te hoê tau'araa parau no ni'a i te evanelia.

Te mau nota

- A tauturu ia ratou ia haapiipii i te mea ta ratou e nehenehe e parau atu i to ratou ra mau hoa.
- A haapii ia ratou no te aha e mea faufaa roa ia faaite i te evanelia noa'tu eaha te hotu.

Te vai ra te tahi atu mau rave'a e rave rahi no te tauturu i te mau melo ia rave rahi atu â i te ohipa misionare. A imi i te amui atu i teie nei tabula i te taatoaraa o ta oe misioni. A faaite atu i to outou mau mana'o tauturu i te tahi atu mau misionare.

Ohiparaa: Haapiiraa e to oe hoa

A hi'opo'a faahou e to oe hoa, eaha ta orua i rave no te tavini e te tauturu i te episekopo e te tahi atu mau taata faatere e melo i te ava'e mairi a'enei. A aparau e a opua i te mea e nehenehe ta oe e rave i roto i te ava'e e haere mai nei no te faatupu i te hoê auraa puaai atu e ratou.

A hi'o faahou i te mau mana'o tauturu tei tabulahia i roto i te afata « Te mau mana'o tauturu. » A hi'o i te tahi mau mana'o o ta outou e ore atura i tamata. Ma te faaohipa i te buka arata'i tamahana, a rave i te mau opuaraa e a tamata i te tahi o te mau mana'o i te hebedoma i mua.

Te mau i'oa na roto mai i te mau ve'a e te Pû Faatere a te Ekalesia

Te mau i'oa o te tahi ia vahi no te iteraa ia ratou tei faaineinehia no te evanelia tei faaho'ihia mai. Taa ê noa'tu i te mau i'oa tei horo'ahia mai e te mau melo, te imi itoito nei te Ekalesia i te mau rave'a e rave rahi no te haere ti'a'tu i te mau tamarii a te Atua. Te faatupu nei te Ekalesia i te anaanatae na roto i te mau tutavaraa mai te faati'aniraa na roto i te mau rave'a o te mau ve'a papa'i e aore râ hoho'a, te mau pû faaiteitaraa na te feia mataitai, te mau vai no te aai o te Ekalesia, te ohipa totauturu, e te itenati (www.mormon.org, www.lds.org, www.familysearch.org). Te mau i'oa tei fariihia na roto mai i te mau ve'a e te Pû Faatere a te Ekalesia o te feia ia tei farii e ia haere atu te mau ti'a o te Ekalesia e farerei ia ratou no te horo'a'tu i te hoê taoa (mai te Bibilia Mo'a e aore râ te Buka a Moromona) e ia haapii-hau-hia'tu no ni'a i te Ekalesia. E ti'a teie nei mau rave'a haapiiraa ia hi'ohia ei hopoi'a mo'a e te mau misionare.

Hou orua a haere atu ai e farerei te taata tei horo'ahia mai to'na i'oa, a haapapû e ua ite orua i te taoa tei anihia mai. A opua i te hoê haapiiraa poto no te tauraa mai te tao'a i te haapiiraa i te parau poro'i o te Faaho'i-faahou-raa mai. I te tahi mau taime e arata'i teie nei mau taata ia outou i te tahi atu mau taata ta te Atua i faaineine. Mai te mea aita te mau taata ta orua i farerei i te mea anaanatae, a ani ia ratou mai te mea te vai ra te tahi taata e anaanatae i ta orua parau poro'i. A paraparau atoa i te tahi atu mau melo o te utuafare e i to ratou mau taata tupu. A ani ia ratou tata'itahi o vai râ te taata e anaanatae i ta orua parau poro'i. Peneia'e e arata'ihia orua i teie nei taata no te mea ua ineine te tahi atu taata i roto i te utuafare e aore râ i pihaiho no te evanelia.

Ia rave ana'e orua i te ohipa e te mau i'oa o te mau taata tei faataehia'tu a haamana'o e:

- Farerei ia ratou i roto i te area 24 hora
- Mai te mea e nehenehe, a niuniu atu na mua no te faanahoraa i te hoê taime farereiraa. Mai te mea aita ratou i te fare, a tamata i te tahi mau taime o te mahana.
- Horo'a'tu i te tao'a i anihia, e a haamana'o ia ratou e na ratou i ani ia orua ia haere mai. A haaputupu mai te taatoaraa o te utuafare no te faarooraa ia orua.
- Haapii i te parau poro'i no te Faaho'i-faahou-raa mai
- Horo'a i te mau aniraa o te patu i to ratou faaroo i te Mesia.
- Ani i te mau i'oa o to ratou mau hoa

- Faanaho i te hoê no te ho'i mai e farerei.
- Opuia i te rave i te ohipa i taua vahi faaearea i muri a'e i to orua tere farerei.
- Mai te mea aita e taata i te fare, a paraparau i te mau taata tupu.

Ohiparaa: Haapiiraa e to oe hoa

A imi i roto i to orua area i te i'oa o te mau taata atoa tei fariihia i te ava'e mairi a'enei. A ite te mau taata tei ore i farereihia, e a haere atu e farerei ia ratou. A faaoti o vai o ratou tei farereihia na mua'tu e ti'a ia farerei faahou.

Aamu utuafare

Te horo'a nei te Aamu Utuafare e aore râ te parau tuatapaparaa tupuna i te tahi atu rave'a e nehenehe ia orua e ite i te mau taata no te haapii. Ua riro te Aamu Utuafare te hoê o te mau ohipa au roa hia i te ao nei. Te haamaitai ra te Varua o Eliaha i te mau milioni taata na roto i te ao taatoa nei i te maimiraa i to ratou mau tupuna. Te hinaaro nei e rave o ratou i te hoê tuatiraa puai e to ratou utuafare. E nehenehe te reira e arata'itu i te hinaaro ia ite i te hoê tuatiraa e te huru mau e te utuafare o te Atua.

A faaoti eaha te mau huru mauhaa no te aamu utuafare e vai nei i roto i to orua area. Ei hi'oaraa, e nehenehe ta orua e ani i te mau taata ia haere mai i te pû aamu utuafare e aore râ ia faaite atu ia ratou i te mau melo o te nehenehe e tauturu ia ratou ia haamata i te hoê maimiraa matamua no to ratou mau reni heeraa tupuna. Aita orua i titauhia ia ite i te mau mea atoa no ni'a i te aamu utuafare no te horo'a i teie nei raveraa mai te mea e tautururaa ta orua na te mau melo o te Ekalesia. I te rahiraa o te mau vahi o te ao nei, te vai nei te mau melo o te nehenehe e tauturu ia vetahi ê ia maimi i to raotu mau aa utuafare. A faaohipa i te mau melo ia nehenehe te mau taata e au e taata maimi e farerei i te mau taata e nehenehe e faahoa'itu ia ratou. A faataa'itu e, e mea tamoni ore te mau Pû aamu Utuafare.

Ia haere ana'e orua e farerei haere i te mau taata, e nehenehe ta orua e horo'a'itu i te mau taata te hoê tareta faati'ani no te aamu utuafare ma te numera niuniu i ni'a i te tareta, ma te horo'a'itu i te hoê haamatauraa matamua no te maimi i te mau aa utuafare. A haere faahou atu i te mahana i muri mai e aore râ e piti i te mau utuafare i reira to orua vaiihoraa'itu te mau tareta. A horo'a'itu teie nei mau tareta i te mau taata e maimi ra o te nehenehe e horo'a'itu i to ratou mau hoa e te mau fetii. E mana'o maitai i te afairaa na muri ia orua i to orua tabula e maha ui ei hoho'a e ia faaite atu te reira i te feia e hoê i'oa utuafare to orua.

No te haamata i teie nei ohipa, A feruri i teie nei mau mea:

- A haere e mataitai i te hoê Pû Aamu Utuafare mai te mea te vai nei te hoê i roto i to orua Area.
- A aparau atu e te episekopo e te apoora paroita i to oe hinaaro no te tauturu i te mau taata ta orua e farerei nei i te mau mahana atoa no ni'a i te aamu utuafare.

*« Te ti'aturi nei i te hi'o
atu ia tatou ia faatahe i te
feni faataaraa tei ravehia e
te taata ta tatou e tuu
pinepine nei i rotopu i
te ohipa misionare e te
hieru e te ohipa
parau tuatapaparaa,
no te mea hoê â ohipa
rahi no te faaora ! »*

— PRESIDENI SPENCER W. KIMBALL
« THE THINGS OF ETERNITY—STAND WE IN
JEOPARDY ? » ENSIGN, TENUARE, 1977.

Te mau nota

Te mau nota

- A tuatapapa e te mau faatere paroita nahea e faatitiaifaro i teie nei tutavaraa.
 - E au maitai anei te Episekopo i ta orua horo'araa i te tauturu o te mau melo o te paroita ?
 - O vai te mau melo o te paroita e tavini nei i te pû aamu utuafare e aore râ tei aravihi i te ohipa aamu utuafare ?
 - Eaha te rave'a maitai roa'e no te aniraa i teie nei mau melo ia tauturu mai ?
 - O vai te apee atu ia orua ia horo'a orua i te mau tabula i'oa e aore râ te mau buka utuafare.

A tai'o i teie nei aamu tei faati'ahia e te hoê misionare paari. A hi'o na i te ohipa o te aamu utuafare tei faahoho'ahia hia i roto i te faafariuraa o te tane e te vahine.

E melo itoito o Mildred Shultz no ta'na ekalesia. E ere ia i te ohipa maere a patoto mai ai te mau misionare i to'na ra uputa ; aita oia i haamau'a i te taima no te aniraa ia raua ia tomo atu ia nehenehe ta'na e haapii ia ratou i « te parau mau. » A haapii ai te mau misionare, ua putapû to'na aau e te mau parau mau o te evanelia tei faaho'ihia mai e ua baptizohia oia. Ua ma'iti ta'na tane faaipopo o Franck eiaha e faaroo a haapii ai te mau misionare.

I reira to'u tomoraa'tu i roto i te aamu. Ua faaite te mau misionare ia matou i te Tuahine Schultz. Ua tauturu matou ia'na ia haamata i to'na tumu raau utuafare e ua ani atu matou ia'na ia farerei ia matou i roto i te Pû Aamu Utuafare. Ua tae maira te mahana no ta matou nei farereiraa, e ua ani Franck mai te mea e nehenehe ta'na e haere atoa mai ia nehenehe ia'na ia maimi i to'na atoa mau tupuna. Oia mau, ua oaoa oia no te opuaraa a ua haere ti'atu matou i te Pû.

Ua faanaho te mau misionare ia farerei ia matou i reira i muri iho i taua mahana. Hou raua i tae mai ai, ua faaite matou ia Frank e Mildred te fare Aamu utuafare e ua faaite atu ia ratou te Tuahine Wright. E aivanaa te Tuahine Wright no te ohipa Aamu Utuafare, e ua hinaaro oia i te tauturu i te imi i te haamaramaramaraa no ni'a i te metua tane o Frank. Ua ite oia i to'na ra i'oa i roto i te hoê buka e ua nehenehe ia'na ia horo'a'tu ia Frank te hoê hoho'a fenua no te fenua Helemani o te faaite i te vahi no te fanauraa o to'na metua tane. Ua oaoa ino roa oia no teie nei mau mea ta'na i ite e a tae mai ai te mau misionare, ua ani oia ia ratou ia haere e tamaa no te faaite atu ia ratou i te mau hoho'a e no te faaite i to'na aamu utuafare. Ua haaputapû e ua tamârû te Varua o Eliaha i to'na ra aau e ua iriti oia i te hoê uputa i te evanelia no te faa'i i to'na ra oraraa.

I taua pô ra, ua feruri o Mildred eaha ra ta'na e parau no te tauturu ia Frank ia anaanatae atu â i te evanelia. Ua tae mai te hoê uiraa i roto i to'na ra feruriraa. « Frank » , ua haamata oia, « te hinaaro mau ra anei oe ia parahi i pihaiho ia'u e amuri noa'tu, e tae noa'tu ua oti teie nei oraraa ? Te hinaaro ra anei oe i te hoê utuafare mure ore ? Ua pahono 'oi'oi atu oia, « E Mildred e, oia mau te hinaaro nei au. Nahea ra vau i te rave ? » O teie te uiraa ta'na i pure noa na. « A faaroo na i te mea ta te mau misionare e parau », pahono atura oia. Ua farii oia. A haapii ai te mau misionare, ua faatahe ê atu te mahanahana o te parau poro'i no te Faaho'i-faahou-raa mai i to'na ra mau feaa e to'na ra mau mâtâ'u. Ua ineine oia i te farii i te mau parau mau ta te mau misionare i faaite. Ua farii oia i te aniraa ia baptizohia oia. Ua puai e ua itoito noa o Frank e Mildred i roto i te Ekalesia mai taua taima mai â.

Ua haa puai o Frank e Mildred no te faahope i te ohipa ia nehenehe te mau oro'a faaora ia ravehia no to raua nei utuafare. Ua riro e mahana oaoa mau te mahana a baptizohia'i raua no to mau melo o to raua utuafare. Na roto i te raveraa i te ohipa i roto i te hiero, ua farii te Taea'e Schultz i te hoê moemoea no ni'a i to'na ra metua tane. Ua ite oia i to'na metua tane i te faaapu tei riro ei fare no'na i to'na ra tamarii raa. Te ti'a ra to'na metua tane i pihaiho i te parahiraa i te taupee fare ahuhia i te ahu uouo e te toro ra oia i to'na na rima i ta'na ra tamaiti. Ua ara mai o Frank na roto i te moemoea ma te ta'i. Ua ite oia e ua farii to'na metua tane i te ohipa ta raua i rave.

Ohiparaa: Haapiiraa e to oe hoa

- Eaha te mea i turai ia Frank ia faaoti e ia haapii te mau misionare ia'na ?
- Nahea e nehenehe ta outou e tu'ati maitai atu â i te ohipa no te aamu utuafare i te opuaraa a te Atua no te mau utuafare ?
- Nahea outou e faaohipa ra i te aamu utuafare ei mauhaa no te imi i te taata no te haapii ? Eaha te mau rave'a ta outou e nehenehe e horo'a i te hamaramaramaraa no te aamu utuafare i te mau taata ta outou e farerei nei i te mau mahana atoa ? A rave i te mau opuaraa no te haamata i te faaohipa i te aamu utuafare ei mauhaa hau atu i te faufaa rahi i roto i ta outou mau tautooraa no te ite i te taata no te haapii.

Ua riro te Aamu utuafare ei mauhaa puai ia faaohipa i roto i te imiraia ia ratou ta te Fatu e faaineine nei no te farii i te evanelia tei faaho'ihia mai. A pure e ia ara outou i te mau rave'a no te faaohipa i te aamu utuafare i roto i ta outou mau tutavaraa no te ite i te mau taata no te haapii. E mana'o varua ihoa to te mau taata ia paraparau ana'e ratou no ni'a i te mau utuafare. E ite atoa te mau taata i te Varua ia haapiihia ana'e ratou no ni'a i te haapiiraa no ni'a i te tumu e rave ai tatou i te ohipa no te aamu utuafare. Taa ê atu, e rahi te tape'araa i te mau taata faafariuhia ia nehenehe ana'e i te mau melo apî ia imi i to ratou mau aa utuafare e ia rave i te mau oro'a mo'a no to ratou mau tupuna.

Tai'oraa i te papa'iraa mo'a**Eaha ta te Fatu i faaho'i mai i ni'a i te fenua nei na roto ia Eliaha ?**

PH&PF 110:14–16

PH&PF138:32–34

Malaki 4:5–6

PH&PF 128:16–18

Ohiparaa: Haapiiraa ia oe iho e aore ra, e to oe hoa

A faanahonaho ia haere atu e mataitai i te hoê pû aamu utuafare e te hoê melo tei aravihi i te aamu utuafare. A mataitai ai orua i te Pû aamu utuafare, a ite i te mau huru ohipa e vai nei. A imi i te tahi atu haamaramaramaraa, mai te hora iritiraa o te pû, o vai te tavini nei i roto i te pû, e eaha te horo'a i te feia ta orua e farerei i te mau mahana atoa.

A haapiipii e nahea orua e horo'a i te tautururaa no te aamu utuafare i te feia ta orua e farerei atu. A rave i te mau opuaraa no te horo'a i te aamu utuafare na roto i ta orua tutavaraa no te imi.

A tai'o e a tau'aparau « Te Ohipa no te Aamu utuafare e te parau tuatapaparaa tupuna » i roto i te buka *Mau maiti i te Faaroo* no te noaaraa i te hoê iteraa puai atu no ni'a i te ohipa aamu utuafare. A papa'i i te mea ta orua i haapii i roto i ta orua buka tapa'oraa haapiiraa.

Te mau nota

Te feia imi tahito

Ua riro te mau taata imi tahito e vahi faufaa roa no te imi raa i te taata no te haapii. Te vai nei te mau tumu e rave rahi no te aha te mau taata e faaea'i i te imi i te Ekalesia. I roto i te mau tumu o te tauraa ia o te mau misionare i te tahi atu vahi, te mau taata imi tei haere i te tau faafaearaa, te mau misionare tei faaea i te hahaere noa'tu e te ti'a'i noa ra te mau taata e imi i te mau tere farerei, e te feia imi e ti'aturi nei e aita e mea apî ta te mau misionare no te haapii atu ia ratou. E parau te mau taata maimi tahito e e farerei faahou â ratou i te mau misionare.

A hi'opo'a pinepine faahou i ta orua buka area no te iteraa i te mau taata tahito e imi ra. A feruri na roto i te pure i te haamaramaramaraa i roto i te buka area no ni'a i te huru o to te feia imi farerei-matamua- raa i te Ekalesia, eaha te mea i haapiihia ia ratou, nahea to ratou pahonora, e no te aha ratou i faaea ai i te maimi i te evanelia. Mai te mea tei roto te mau melo i te haapiiraa e te faahoaraa i te mau taata tahito e maimi ra, a ani i te mau melo eaha ta ratou e haamana'o no teie ohipa. Na roto i teie nei haamaramaramaraa a rave i te mau opuaraa no te farerei faahou i te feia imi.

Mai te mea e ma'iti te tahi taata ta orua e haapiiraa i te faaea i ta'na imiraa i te evanelia, a tapa'o te haamaramaramaraa i roto i te buka area e nehenehe e tauturu i te mau misionare o te farerei atu ia ratou i te mau mahana i mua nei.

A tai'o ai orua i teie nei aamu, a feruri i te puai no te farereiraa i te mau taata tahito e imi ra.

I to'u maereraa rahi, ua pihia vau no te rave i te ohipa i roto i te hoê misioni i reira to'u tuahine paari i tavini hoê matahiti na mua'tu. I muri a'e i te tahi nau ava'e i roto i te misioni, ua tauihia vau i te hoê vahi i reira to'u tuahine te taviniraa. I to'na faarooraa i te parau no to'u tauraaahia, ua papa'i mai to'u tuahine e ua ani mai ia'u ia hahaere i te hoê utuafare ta'na e to'na hoa i haapii. Ua faaite oia to'na here e to'na piri i te utuafare Norma e to'na oto i to ratou faaeeraa i te imi i te Ekalesia.

Ua itea i to'u hoa e o vau nei i te utuafare Norman e ua farii poupouhia maua e ratou. Ua farii ratou i ta maua aniraa ia faaroo faahou i te evanelia tei faaho'ihia mai. Aita vau i papû eaha te vahi huru ê i teie nei taime, area râ ua ineine roa ratou i te farii i ta maua nei parau poro'i. Ua baptizohia e ua haamauhia te taatoaraa o te utuafare.

I muri a'e i teie nei ohipa, ua feruri au no te tahi atu mau taata tahito e imi ra ta to'u tuahine i haapii. Ua mana'o vau, « Mai te mea ua manuia te utuafare Norma, e manuia atoa paha te tahi atu mau taata ta'na i haapii. » Faaoti ihora vau i te papa'i i to'u tuahine no te mana'o i te farerei i te tahi atu taata ta'na i haapii. Ua hi'o oia i ta'na buka aamu e ua hapono mai ia'u te i'oa o te tahi atu mau taata tahito i imi i roto i te area.

Ua rave au e to'u hoa i te hebedoma i muri iho no te farereiraa i teie nei feia. I to maua oaoa, fatata te afa o ratou tei farii i te hoê aniraa no te faaroo faahou i te evanelia tei faaho'ihia mai. E rave rahi i roto i teie nei pûpû tei baptizohia e tei haamauhia. I to maua farereiraa i teie nei mau taata tahito e imi ra, ua ani maua ia ratou no te i'oa o to ratou mau hoa e te feia ta ratou i matau o te anaanatae i ta maua nei parau poro'i. Ei hopea raa, ua itea ia maua te tahi atu mau taata no te haapii. Teie te taime ohipa roa'e o ta'u misioni.



© 1990 Del Parson, Eialha e patai i te hohoa.

Ohiparaa: Haapiiraa e to oe hoa

- A ite i te mau taata tahito atoa i imi na i roto i ta orua buka area
- A rave i te mau opuaraa ia farerei te mau taata atoa e noaa ia maua i roto i na 24 hora i mua nei.

Te imiraa na roto i ta orua iho tutavaraa

A imi i te haapuai i to orua faaroo e te faaineine ra te Atua i Ta'na mau tamarii ia farii i te parau poro'i no te Faaho'i-faahou-raa mai te Evanelia. Ia rave ana'e orua i te mau mea atoa e nehenehe ia orua i raro a'e i te arata'iraa a te Varua Mo'a no te imi te taata no te haapii, e tuu mai te Fatu i taua huru taata i ni'a i to orua haerea.

Te vai nei e rave rahi mau rave'a maitai no te imiraa ia ratou tei faaineinehia no te evanelia tei faaho'ihia mai. E ti'a ia orua ia rave i te mau mea atoa e nehenehe ia orua i te rave ia tuuhia orua i ni'a i te e'a o ratou tei faaineinehia. Ua ite te mau misionare e ua tauturu te mau mana'o i muri nei ia ite i te mau taata no te haapii na roto i to ratou iho tutavaraa. A hi'opo'a'i orua i te tabula, a rave i te mau opuaraa no te tamata i te tahi o te mau mana'o ap'i no orua. E riro atoa teie nei tabula ei vahi haamataraa no orua ia feruri i te tahi atu mau rave'a maitai no te ite i te mau taata no te haapii.

- A ohipa e te episekopo e te apooraa paroita no te ite e no te farerei i te mau taata tei farii iho nei i te hoê aiû, tei haere mai i te area, e aore râ tei farii i te pohe i roto i te utuafare.
- A hi'o i te mau rave'a no te tautururaa.
- A haapii i te mau melo- e tae noa'tu i te mau melo itoito e te paruparu, te feia faafariu-ap'ihia, te mau utuafare afa melo- te parau poro'i no te Faaho'i-faahou-raa mai te evanelia. A ani atu ia ratou no te faaite atu ia orua i te mau taata e nehenehe ta orua e haapii.
- A faanaho i te faatupu i te mau pureraa pae auahi na te mau melo i reira ta ratou e nehenehe e afai mai i to ratou mau hoa e aore râ i reira ta orua e nehenehe i te haapii i te evanelia e e ani atu i te i'oa o te mau taata no te haapii.
- A haapii i te mau taata nahea e faatere i te pureraa pô utuafare.
- A afai atu te feia ta orua i farerei no te haamataitai i te fare pureraa.
- A faanaho i te hoê farereiraa e te episekopo.
- A ani i te mau taata ia haere e hi'o www.mormon.org
- A faanaho i te hoê piha haapiiraa no te tai'oraa i te papa'iraa mo'a
- A haapii i te reo marite ei piti o te reo
- A ani i te mau taata no te faito matahiti tano ia haere i te haapiiraa evanelia a te feia ap'i e aore râ i te haapiiraa evanelia a te feia ap'i paari.
- A haere i tera fare e i tera'tu fare e aore râ a paraparau atu i te mau taata i ni'a i te purumu.
- A faaohipa i te mau tareta no te opere, te mau DVDs, te video e te mau buka iti haamaramarama.
- A imi i te mau i'oa o te mau taata i pihaiho i te feia imi, te mau taata tahito i imi na, te mau melo itoito-rii, te mau taea'e e au e peresibutero, e te mau taata atoa ta orua e farerei nei.
- A ohipa maitai e te mau ti'a no te Piha Haapa'oraa i te ohipa e te huiraatira a te Ekalesia no te mau rave'a ia pia i roto i te mau ve'a te parau no te ohipa misionare.



Te mau nota

- A ani i te mau taata ia haere mai i te mau pureraa, te mau faaoaoaraa, e te mau faanahoraa uputa iriti a te Ekalesia.
- A titau manihini atu i te mau taata i te mau oro'a bapetizoraa. Ua riro teie nei mau oro'a e faaiteraa maitai i te Ekalesia e e horo'a mai te reira i te mau rave'a maitai no te mau taata e maimi ia ite i te mana o te Varua.

A haere e rave i te maitai

E faaitehia mai to orua faaroo no te ite i te mau taata no te haapii na roto i ta orua mau ohipa. I roto i To'na taviniraa i ni'a i te fenua nei, ua « rave oia i to te tavini ra huru » (Philipi 2:7). Ua « hamani maitai haere ra » (Te Ohipa 10:38) e « te a'oraa i te parau maitai » (Mataio 4:23). Ia pee ana'e orua i teie nei hoho'a, e itea ia ia orua te feia o te farii ia orua.

Na roto i te taviniraa, e amui atu orua e te feia tei faaineinehia no te evanelia tei faaho'ihia mai na roto i te ho'e rave'a puai e te faa'uruhia. E tauturu ta orua mau ohipa maitai i te mau taata ia ite ia oe ei tavini a te Atua e e arata'i te reira ia oe i te mau rave'a no te haapii te evanelia tei faaho'ihia mai.

E rave rahi misionare tei ite i te parau no te taviniraa hou ta ratou mau misioni na roto i te mau « opuaraa tauturu » faaineinehia mai te tautururaa i te tahi taata ia tau te faae meta, te taviniraa i roto i te ho'e faaapu a te Ekalesia, e aore ra te tamaraa i te aua. Ei misionare, e horo'a oe i taua huru tautururaa faanahohia i te mau hebedoma atoa (a hi'o i te *Buka Arata'i Misionare* no te tahi atu â haamaramaramaraa).



Te huru o te tavinira tei faaitehia i roto i teie nei tuhaa e faatumu ra ia i ni'a i te mau rave'a faanaho ore hia. E titau teie nei huru taviniraa i te faarooaraa i te Varua no te ite i te mau taima no te mau ohipa hamani maitai ha'iha'i ta oe e nehenehe e horo'a'tu i te mau tamarii a te Atua. A pure e a ara i te mau rave'a i te taatoaraa o te mahana no te hamani maitai. A imi ai oe i te hamani maitai, e arata'ihia'tu oe i te mau taata tei faaineinehia no te evanelia tei faaho'ihia mai.

Ia tai'o oe i teie nei aamu, a hi'o e nahea to te mau misionare « hamani maitairaa » e pororaa i te evanelia.

Ua haere tamau noa mai o Pablo i ta matou nei piha haapiiraa i te reo marite i te mau hebedoma atoa. E taata faatuaahia oia o te haapii ra i te reo marite no te faatea to'na mana'o i te pe'ape'a no ta'na vahine tei roohia i te ma'i. Ua faaea oia i te haere mai i te ho'e hebedoma. E au ra aita e taata i ite i te tumu. Ho'e ava'e i muri iho, ua ho'i faahou mai oia i te piha haapiiraa. E mea e to'na huru. Ua pararai oia, e au ra e mea huru anaanatae ore oia. Aita oia i paraparau i roto i te piha haapiiraa mai na mua'tu, e ua faaru'e mai oia i te piha haapiiraa hou e nehenehe ai ia matou ia aparau atu ia'na.

I roto i te hebedoma i muri mai, ua pure au e to'u hoa e e ho'i faahou mai o Pablo i te piha haapiiraa ia nehenehe ia maua ia paraparau atu ia'na. Ua pahonohia ta maua nei pure i to'na haereraa mai i te haapiiraa. A aparau ai maua ia'na i muri i te haapiiraa, ua faaite mai oia e ua pohe ta'na vahine. Ua parau rii mai oia i te ohipa i tupu, e ua faaite atu maua i to maua mana'o here. Ua parau atu maua ia'na e ua hinaaro maua i te tauturu ia'na ia ite e nahea oia e nehenehe e faaea faahou i pihaiho i ta'na ra vahine. Ua hi'o mai oia i ni'a, hi'o maira i to'u mata, e ma te roimata no te riri e te oto ua parau maira: « Mai te mea e hinaaro mau to orua i te tauturu ia'u, e haere mai orua i to'u nei fare e e tauturu mai orua ia'u ia faaafaro faahou i to'u oraraa. E ere anei tera ta te mau misionare e rave. E hinaaro to'u i te tautururaa no te faaafaro i to'u utuafare e ta'u mau ohipa.

Ua hitimahuta e ua haehaa mau te mana'o o Pablo. Ua pûpû maua i ta maua tautururaa no te mau mea atoa ta'na e hinaaro. Te mana'o nei au o tera te taime i haamata'i oia i te ti'aturi i ta maua nei mau opuaraa. Ua parau oia ia maua ia tae atu i to'na ra fare i te po'ipo'i a'e no te tautururaa ia'na ia topetope i ta'na mau tumu raau. Ua haere atu maua i to'na fare i te hora i faataahia e ua haamata maua i te ohipa i pihaiho ia'na. Na roto i te mau ava'e i to'na atuaturaa i to'na hoa faaipoipo, aita oia i haapa'o i te mau ohipa i roto i to'na aua e to'na fare. Ua rahi te ohipa na matou e toru i te rave. Ua riro mai te reira e ohipa tautururaa i te mau hebedoma atoa i to'na ra fare. Ua topetope matou i te mau tumu raau, ua huti i te mau aihere, e ua pofai i te maa hotu. Aita maua i haamata i te haapii- i te mau taime atoa ua tamata maua i te haamata, ua faaoti 'oi'oi noa oia i ta matou paraparauraa. Ua au roa oia ia paraparau ana'e matou i te parau no to'na oraraa e to'na utuafare,. Ua faaroo noa maua i te rahiraa o te taime.

I muri a'e fatata e hoê ava'e e te afa, ua faahitimahuta mai Pablo ia maua i te aniraa mai, « E ite mau faahou ra anei au i ta'u vahine ? » Ua pahono atu maua ma te oaoa e e ite faahou â oia ia'na. Ua faaite atu maua i to maua iteraa papû no ni'a i te mau utuafare mure ore e ua pahono maitai atu maua i ta'na mau uiraa.

Ua haapii maua ia Pablo i te opuaraa no te ora. Ua putapûhia oia e te haapiiraa. Hou maua i haere atu ai ua horo'a mai oia i te hoê tabula no te mau uiraa ta'na e hinaaro ia pahonohia mai, « E tino anei to to'u hoa ia ite faahou ana'e au ia'na ? » e « E tiamâ anei tatou i te ma'i e te mauuiui ? » Ua pahono maua i ta'na mau uiraa e ua faataa i te tahi atu fareireira no te aparau i te mau ture no te evanelia a Iesu Mesia tei faaho'i-faahou-hia mai.

Aita i maoro roa i muri mai, ua tau i te hoho'a mata o Pablo. Ua ata pinepine oia e e au ra ua ite oia i te hau. Ua « ti'a'i mau oia i te hoê ao maitai roa » (Etera 12: 4). Ua tauturu ta maua nei taviniraa ia'na ia ti'aturi i te mau mea ta maua i haapii atu.

« Te hinaaro ra anei oe e oaoa ?
Eiaha e haapa'o ia oe e a haere
atu i roto i teie nei ohipa rahi.
A horo'a i ta oe mau tautooraa
no te tauturu i te mau taata...
A ti'a'tu i ni'a a'e, a aupuru i
te feia paruparu, a faateitei
mai i te rima tautau ra i ni'a.

A ora i te evanelia a
Iesu Mesia. »

– PERESIDENI GORDON B. HINCKLEY
TEACHINGS OF GORDON B. HINCKLEY, 597

Ohiparaa: Haapiiraa ia oe iho e aore ra, e to oe hoa

- Nahea to te mau misionare i roto i teie nei aamu « hamani maitai haere raa » ?
- Eaha te ohipa ta te taviniraa i rave i ni'a i te faaotiraa a Pablo ia haapiihia oia i te evanelia ?
- E imi ra anei orua i te mau taime no te hamani maitai i te taatoaraa o te mau mahana atoa ? E nehenehe anei ta orua e haamaitai i teie nei vahi ?

A papa'i i roto i ta orua buka tapa'oraa haapiiraa e aore râ a aparau e to oe hoa nahea e nehenehe ta orua e hamani maitai atu â i te taatoaraa o te mahana no te ite rahi atu â i te mau taata no te haapii.

Te mau nota

A ti'aturi e e tuuhia te mau taata o te faaineinehia ra no te farii i te parau poro'i no te Faaho'i-faahou-raa mai i ni'a i to orua nei haerea. E tuu atoa te Atua ia orua i te vahi i reira ta orua mau ohipa e parau maitai e faaineine ai i te mau taata ia farii i te mau misionare e te mau melo o te Ekalesia. I roto atoa i ta orua mau tutavaraa no te imi, a pure e a hi'o i te mau taime tano o te tavini, no te tauturu, e no te faateitei ia vetahi e. A tavini ai orua, a paraparau atu i te mau taata atoa ta orua e farerei. Ia vai to orua faaroo ia nehenehe ia orua i faaite te evanelia tei faaho'ihia mai.



I te mau huru atoa o ta orua taviniraa, e ti'a ia orua ia rave i te reira no te mea ua here orua i to orua mau taea'e e mau tuahine e no reira a ti'aturi, a pure, e a hinaaro u'ana i te haapii ia ratou i te evanelia tei faaho'ihia mai.

Te mau reni arata'i

A haamana'o i teie nei mau reni arata'iraa a imi ai orua i te hamani maitai:

- A faaea noa i pihaiho i to oe hoa
- A faaherehere i te natura mo'a no to oe piiraa.
- A haapa'o i te mau ture misionare, e eiaha e horo'a e aore ra e faaohipa i ta orua moni.
- A hi'o i ta orua *Buka Arata'i Misionare* no te mau arata'iraa no ni'a i te taviniraa hebedoma i roto i te oire.

Tai'oraa i te papa'iraa mo'a

Eaha te ohipa a te taviniraa i roto i te oraraa o te Faaora ?

3 Nephi 17:7, 21 Mataio 9:1-8 Ioane 4:46-54
 Mataio 8:1-4 Mareko 1:21-28

Eaha te ohipa a te taviniraa i roto i ta Amona e ta Aarona misioni ?

Alama 17:19-25 Alama 18:8-10 Alama 22:3

Eaha ta te Fatu e ani ra ia oe ia rave ?

3 Nephi 27:21

Aore roa e tutavaraa e mau'a

Ia maitai ana'e te taata ia ore e imi i te evanelia tei faaho'ihia mai, aita ta oe ohipa i mau'a. Ta oe mau tautooraa tamau no te tavini e te haapii i te mau taata e rave rahi e noaa ia oe o te ho'e ia rave'a ta te Atua e faaineine i Ta'na mau tamarii ia farii amuri a'e i Ta'na mau tavini. E mea pinepine oia i te toro atu i Ta'na mau tamarii na roto atu ia oe. E noa'tu e eita ana'e te mau taata e farii i te haamaitairaa no te haapii i te evanelia, ua riro ta oe taviniraa e ta oe mau parau ei tapa'o no te here o te Atua no ratou e na te reira paha e tanu i te mau huero ta te mau misionare e te mau melo o te Ekalesia e ooti a raua'e.

Eiaha e faataia ia ore ana'e te taata e farii i te evanelia. Ua faateitei oe i te ho'e reo faaararaa. Ua horo'a oe ia ratou i te ho'e ma'itiraa maramarama. E oto te mau pipi a te Mesia ia ma'iti ana'e te mau taata eiaha e tatarahapa, e tamau ra ratou i te ho'e orama e o vai ratou e eaha ta ratou e rave ra. E tamau noa ratou i te haere atu i mua.

A haamana'o i teie

- A patu i te Ekalesia na roto i te iteraa « ia ratou o te farii ia outou » (PH&PF 42:8).
- A imi e a pee i te Varua ia imi ana'e outou.
- Te faaineinehia ra te mau taata i to outou ra vahi no te farii i te evanelia tei faaho'i-faahou-hia mai.
- Ua riro te mau melo o te Ekalesia- te mea itoito, te mea paruparu, te mau taea'e e au e pereibutero, e te mau taata faafariu-apî-hia- ta outou mau vahi maitai roa'e no te ite i te mau taata no te haapii, bapetizo, e haamau.
- A faatupu i te mau auraa puai e te episekopo e te mau melo.
- A haapii ia itea ia outou, e ia itea ia outou ia haapii ana'e outou.
- A ara i te mau taime imiraa faanahonaho-ore-hia.
- A pure no te mau taime ia hamani maitai e ia poro i te parau poro'i no te Faaho'iraa-hia-mai te evanelia a Iesu Mesia.
- Te vai nei e rave rahi mau rave'a no te ite i te mau taata no te haapii. A ape i te haapa'o noa i te hoê e aore râ e piti noa'e rave'a.

Te mau nota

Mau mana’o tauturu no te haapii mai e no te faaohiparaa

Haapiiraa ia oe iho

- A tai’o i teie nei rata na te hoê misionare i to’na na metua: « Ua haapii au i te hoê vahine faahiahia mau i roto i te pereoo faauta taata. Te ho’i maira matou na te apooraa mataeinaa e tera ana’e te parahiraa e toe ra no reira ua parahi au i raro e ua haamata i te tai’o i ta’u mau rata. Oia mau, te rata matamua no te tai’o o ta oe ia, e te mau hoho’a aiû no Evan. Ua ite au e te hi’o atoa ra te mau mata i pihaiho ia’u i te mau hoho’a, e ua hi’o atu vau no te hi’o atu i te mata o te hoê vahine paari. Ua ata rii mai oia e ua hi’o atu i rapae na roto i te hi’o pereoo. Ua tapiri ihora oia i to’na ra mata e au ra e taoto oia. Ua pure au, « E te Metua i te ao ra, te hinaaro nei au i te paraparau ia’na. A tauturu mai na ia’u. » Hoê minuti i muri iho ua iriti oia i to’na ra mata e ua parahi ti’a, e ua parau ‘oi’oi noa’tu vau, ‘I to oe mana’oraa e ere anei oia i te mea haviti ? Ua faaite atu vau ia’na te mau hoho’a no Evan aiû e ua haamata maua i te paraparau no ni’a i te mau utuafare. Ua ani au ia’na no ni’a i ta’na mau tamarii, e ua i to’na mata i te roimata e ua parau mai oia i te hoê aamu e nahea ta’na tamahine i te au ore raa ia’na e aita roa e hinaaro faahou i te rave i te tahi ohipa e ona. Ua ta’i oia e ua ta’i atoa vau. Ua parau vau ia’na no ni’a i te opuaraa no te ora e nahea to te Metua i te ao ra iteraa ia’na e te mea ta’na e farerei ra. Ua ta’i au e ua parau atu vau ia’na e ua ite au e te here nei ta’na tamahine ia’na no te mea e tamahine au no te hoê metua vahine tei here ia’u, e ua here au ia’na. Ua faaite au e i te tahi mau taime e rave te taata i te mau faaotiraa hape e e ti’amâraa to ta’na tamahine. Ua parau mai oia ma te ata, ‘ E mea papû roa ia’u e e te mihi mau nei to oe metua vahine ia oe, e eita oia e vaiiho faahou ia oe ia haere ia ite faahou oia ia oel. » Ua haamauruuru mai oia ia’u no te paraparauraa’tu ia’na e ua horo’a mai oia i te vahi oia e faaea’i ia nehenehe ia matou e faaite atu te evanelia ia’na. A pou atu ai oia na ni’a i te pereoo uta taata, ua parau mai oia, ‘Ua hape au i te pereoo aita râ vau i pou. Aita roa e taata i parahi mai e tae noa’tu ua haere mai oe... e a hi’o eaha tei tupu. E mea maitai mau te opuaraa a te Atua ! »
- Eaha te mau ture no roto mai i teie nei pene ta oe i ite i roto i teie nei aamu ? A tai’o faahou i te pene e a hamani i te hoê tabula i roto i ta oe buka tapa’oraa haapiiraa. Eaha o teie nei mau ture ta oe e tamata i te faaohipa i teie nei mahana ?
- A tai’o loane 15: 12-13 ; 21:15–17 ; 1 Tesalonia 2 ; e Mosia 18:8–10. Eaha te huru o ta oe rave faaotiraa i ta oe hopoi’a no te here e te tavini ia vetahi ê ? Nahea ta oe e nehenehe e haamaitai ? A papa’i i ta oe pahonora a roto i ta oe buka tapa’oraa haapiiraa.
- Nahea te taata e ite ai e e tavini oe na te Fatu ? A feruri ai oe i teie nei uiraa, a tai’o Moroni 7:3–5 ; Mataio 7:20 ; loane 13:34–35. A papa’i i to oe mau mana’o i roto i ta oe buka tapa’oraa haapiiraa.
- A tai’o 3 Nephi 18:31–32 ; Alama 8:16 ; Alama 24:7–8 ; e Alama 32:41. A feruri eaha ta teie nei mau irava e haapii mai no ni’a i te raveraa i ohipa misionare e te mau taata tahito i imi. A papa’i i te mea ta oe i haapii i roto i ta oe buka tapa’oraa haapiiraa e a haapii atu i te reira i to oe ra hoa.

Haapiiraa e to oe hoa

- Ma te faaohiparaa i ta orua buka arata’i tamahana, a rave i te mau opuaraa no te farerei atu i te mau taata faafariu-api-hia. A ani ia ratou ia faaite mai e nahea to ratou faaineineraa hia no te evanelia. A ani i te mau uiraa mai: Eaha te taime matamua to ratou iteraa i te Ekalesia ? Eaha tei turai ia outou i te pae hopea ia farerei i te mau misionare ? A papa’i i te mea ta orua i haapii i roto i ta orua buka tapa’oraa haapiiraa.

- A tai'o faahou i te mau parau tumu atoa. Ma te faaohiparaa i te mau haapiiraa misionare, a faaineine i te hoê raveraa ohie. A haapiipii i te haapii i roto i te hoê ohipa imiraa e a tu'ati 'oi'oi atu i te mau parau tumu atoa i te parau no te Faaho'i-faahou-raa mai te Evanelia.
 - Te iteraa i te hoê hinaaro i te tahi atu â arata'iraa e tumu i roto i te oraraa nei.
 - Te hinaaroraa ia fatata'tu i te Atua.
 - Te hinaaroraa ia tauturu i roto i te mau faaotiraa faufaa roa.
 - A tai'o i te mau api 66–68 no *Our Search for Happiness* e te mau api 59–64 no *Mau maite i te Faaroo* no te taa maitai i te niu haapiiraa no te ohipa aamu utuafare. A faaineine i te hoê a'oraa no ni'a i te ohipa aamu utuafare e faaite atu te reira i to oe hoa.
 - A mana'o na e ua tauihia orua i te hoê vahi apî. Ua ite orua i te buka area nahonaho maitai, aita râ ta orua e taata e imi ra. Eaha i'a ta orua e rave no te amui 'oi'oi noa atu te mau taata i roto i ta orua fare haapiiraa ? A opua i te faaohipa i te tahi o teie nei mau mana'o i teie nei mahana.
 - Ua manuia teie nei mana'o no te mau misionare e te mau melo e rave rahi. A tai'o e a haapii i teie nei mana'o e to oe hoa.
 - Tauturu i te mau melo ia hamani i te hoê tabula no te mau hoa, fetii e te feia matauhia e ratou o ta orua e nehenehe e faaite atu te Evanelia. A tai'o faahou i teie nei tabula e te mau melo, e a tauturu ia ratou ia maitai na roto i te pure te tahi taata ta ratou e hinaaro ia faaineine no te faaroo i te evanelia.
 - A tauturu ia ratou ia faataa i te hoê mahana e nehenehe ia ratou (a) e rave i te ohipa ia ineine te taata e aore râ utuafare i te haapiihia i to ratou ra fare e aore râ (b) ia rave i te tahi ohipa faahoaraa no te faaineine ia ratou. E horo'a te faataaraa i te hoê mahana i te mau melo te hoê fâ e e tauturu ia ratou ia faaohipa i te faaroo.
 - A tauturu ia ratou ia opua eaha ta ratou e rave mai teie nei e tae atu i te tai'o mahana ta ratou i faataa.
 - A farerei tamau ia ratou no te tururaa e te faaitoitoraa ia ratou. A ani atu ia ratou ia faaite mai i ta ratou mau manuiaraa e ta ratou mau pe'ape'a.
- A aparau e nahea ta orua e nehenehe e faaohipa i teie nei mana'o i te vahi ta orua e tavini ra.

Te mau apooraa mataeinaa e te mau amuiraa area

- A tai'o e a tuatapapa i te tuhaa « Te imiraa na roto i ta orua iho tutavaraa. »
 - A tuatapapa nahea teie nei mau mana'o i tauturu i te mau misionare ia ite i te mau taata no te haapii.
 - A papa'i i ni'a i te hoê tabula te tahi atu mau mana'o no te iteraa i te taata no te haapii. A ani i te mau misionare ia faaiteite mai i to ratou mau mana'o.
 - A ani i te mau misionare ia haamau i te mau fâ no ratou iho no te haamaitai i ta ratou mau tutavaraa no te imi.

Te mau nota

- A hamani i te hoê tabula no te mau mea e rave no te iteraa i te mau taata no te haapii.
 - A faataa i te mau misionare atoa i te hoê o teie nei mau hoho'a. A horo'a i te misionare tata'itahi e 5 minuti no te faaineine e nahea râ oia e haapii ai i te parau poro'i no te Faaho'i-faahou-raa mai. A faahoro atu ia ratou i te haapiiraa « Te parau poro'i no te Faaho'i-faahou-raa mai te Evanelia a Iesu Mesia » mai te mea e hinaarohia.
 - A haapuai i te faufaa rahi no te tape'a-au-raa te roa o te parau poro'i ia au i te ohipa e tupu ra. Ei hi'oraa, e rahi atu paha te taime ta te mau misionare e rave no te haapii i roto i te utuafare o te hoê melo i te haapiiraa i te tahi taata i te fare toa.
 - A faati'a mai te mea e taime i te mau misionare ia haapii i te parau poro'i no te Faaho'i-faahou-raa mai te au i te huru o te aamu ta ratou i farii.
- A haapii i te mau ture itehia i roto i te tuhaa « A haapii ia itea ia outou, ia itea ia haapii ana'e outou. »
 - A faataa i te misionare tata'itahi ia faaineine i te hoê parau poro'i hoê minuti te maoro ta'na e nehenehe e faaite mai i roto i te hoê hi'oraa no te imiraa i te taata no te haapii. E ti'a i teie nei mau parau poro'i ia faatumuhia i ni'a i te parau haapiiraa itehia i roto i te mau haapiiraa misionare.
 - A ani i te mau misionare ia haapiipii i te faaite i ta ratou parau poro'i e hoê minuti te roa i te tahi e te tahi. E hinaaro paha outou i te faatupu i te mau huru imiraa huru rau, mai te haapiiraa i roto i te fare o te hoê melo, te haapiiraa i te pae uputa, te haapiiraa i te hiti purumu, e aore râ te niuniuraa i te hoê taata. Ia haapiipii te mau misionare i te haapii i roto i teie nei mau huru atoa.

Peresideni misioni

- A horo'a i te hoê hi'oraa no te ohipa melo-misionare i roto i to oe utuafare. A faaite i te mau mea ta oe i rave i te mau misionare e te mau melo.
- A imi te tautururaa e te mau faatere no te autahu'araa i te mau rave'a maitai na te mau misionare ia ite i te mau taata no te haapii i roto i ta oe misioni.
- A faanaho i te mau pureraa pae auahi misionare i reira oe e paraparau atu ai i te feia imi i roto i ta oe misioni. A faaau e te mau faatere autahu'araa ia nehenehe i te mau melo ia afai mai i to ratou mau hoa i te pureraa pae auahi. Ei tuhaa no teie nei mau pureraa pae auahi, ia faaite mai te mau taata faafariu-apî-hia i to ratou iteraa papû e ia faaite mai i te aamu no to ratou faafariuraahia hou oe a'a'o ai. A faahaere to oe mau mana'o i ni'a i te parau poro'i no te Faaho'i-faahou-raa mai.
- A faaite i ta oe tabula e maha u'i e te mau misionare e a faataa nahea to oe faaohipraa i te reira i roto i ta oe mau tutavaraa no te imi i te taata no te haapii.
- I te tahi mau taime a haere na muri i te mau misionare no te tauturu ia ratou ia ite i te taata no te haapii.



Nahea vau i te haamaitai i to'u mau aravihi no te haapii ?

Te mau nota

A feruri i teie

- Nahea e ti'a ai ia'u ia haapii na roto mai i te mau papa'iraa mo'a ?
- No te aha e ti'a ai ia'u ia ani i te mau uiraa ia haapii ana'e au ?
- Eaha te huru o te mau uiraa e ti'a ia'u ia ani ?
- Nahea e nehenehe ai ia'u ia faaroo maita'i atu â i te feia ta'u e haapii e i te Varua ?
- Nahea e nehenehe ai ia'u ia tauturu i te mau taata ia tatara i to ratou mau mana'o pe'ape'a ?
- Nahea e nehenehe ai ia'u ia tauturu ia vetahi ia upooti'a i ni'a i ta ratou mau peu ino e te mau mea i matauhia ?

Ua piihia oe no te haapii i te evanelia tei faaho'ihia mai i te mau taata e rave rahi o te farii ia oe. Te haapiiraa e niu ia no te mau mea atoa ta oe e rave. E faatupu oe i te mau peu a te Mesia, e tai'o oe i te mau haapiiraa misionare, e haamaitai oe i to aravihi i te parau na roto i te reo o te misioni, e e turu'i oe i ni'a i te Varua no te haapii ma te mana haapapûraa. Ua parau te Fatu i teie nei a'oraa ohie mai te hoê faaueraa e te hoê fafauraa:

« Eiaha e titau i te faaite i ta'u nei parau, ia na mua râ i te noaa i ta'u parau, ei reira to oe arero e matara'i ; ei reira, mai te mea te hinaaro ra oe, e noaa ia ia oe ta'u Varua e ta'u nei parau, oia ia, te mana o te Atua e tae noa'tu i te haapapûraa'tu i te mana'o o te taata nei » (PH&PF 11: 21).

« Eiaha outou e feruri na mua i te mea ta outou e parau ra ; a haaputu noa râ i roto i to outou mau feruriraa i te mau taima atoa te mau parau no te ora, e e horo'ahia mai ia ia outou na i te hora ti'a mau ra te reira tuhaa o te horo'ahia'tu i te taata atoa » (PH&PF 84:85).

Ua faaite te Peresideniraa Matamua e te Tino Ahuru ma Piti Aposetolo e: « Ta tatou opuaraa o te haapiiraa ia i te parau poro'i no te evanelia tei faaho'ihia mai na roto i te hoê rave'a o te faati'a i te Varua ia arata'i i te mau misionare e i te feia imi. E mea faufaa rahi

Te mau nota

ia haapii i te mau [haapiiraa misionare] eita râ teie nei mau haapiiraa e haapiihia na roto i te tamau aau. E ti'a i te misionare ia mana'o e tiamâ raa to'na ia faahipa i ta'na iho mau parau mai te faaurûhia e te Varua. Eita e ti'a ia'na ia horo'a i te hoê tai'oraa tamau-aau-hia, e parau râ oia mai roto mai i te aau na roto i ta'na ihoa mau parau. E atea paha oia i te faanahoraa o te mau haapiiraa, ma te horo'a i te mea ta'na i faaurûhia i te rave, mai te au i te maitai e te mau hinaaro o te taata e imi ra. Ma te faaite i to'na iho iteraa e na roto i ta'na iho mau parau e ti'a ia'na ia faaite i to'na iteraa papû no te parau mau o ta'na mau haapiiraa. » (« Parau faataaraa no ni'a i te ohipa misionare », rata na te Peresideniraa Matamua, 11 no ditema 2002).

A haapii i te turu'i i ni'a i te Varua no te horo'a ia oe i te mea e ti'a ia oe ia parau e ia rave. Na roto i te tai'oraa, te faarahiraa, e te faahiparaa i te mau rave'a aravihi no te haapii i roto i teie nei pene, e riro mai ia oe ei mauhaa maitai atu i roto i te rima o te Fatu. E faahipa te Varua i te ite e te mau aravihi ta oe i faatupu no te tautururaa ia oe ia haapii puai atu. E tauturu te huru maitai e te mana no ta oe haapiiraa i te tahi atu mau taata ia taa e ia ite i te faufaa rahi no te evanelia tei faaho'ihia mai no ratou. E haamaitahia to ratou iteraa e to oe iho parau-ti'a. E haamaitai atoa hia to ratou ite e to outou haapa'oraa ia ratou, i te maitairaa o ta oe tatararaa te evanelia ia ratou, ta oe faahiparaa i te mau papa'iraa mo'a, to oe faaiteraa i to oe iteraa papû, te aniraa i te mau uiraa, e te aniraa'tu ia ratou ia rave e ia tape'a i te mau fafauraa.

A pee i te Varua

« Te varua o te hoê taoa faufaa rahi roa i roto i teie nei ohipa. Ma te Varua e faarahi ra i to outou piiraa, e nehenehe ta outou e faatupu i te mau temeio no te Fatu i roto i te misioni. Ia ore te Varua, e ore roa ia outou e manuia noa'tu ta outou taleni e to outou aravihi. » (Ezra Taft Benson, seminar for new mission presidents, 25 tiunu 1986).

A titau i te Varua

E nehenehe te mau mana'o i muri nei e tauturu ia oe ia titau i te Varua a haapii ai oe:

- A pure
- A faaite i te mau mea i tupu i ni'a ia oe
- A faahipa i te mau papa'iraa mo'a
- A faaite i te here no te Fatu e no vetahi ê
- A faaite i te iteraa papû

Nahea ia haamata i te haapii

Mea faufaa rahi roa te mau taime matamua i pihaiho i te feia imi. E ti'a i te feia imi ia haapii i te ti'aturi ia orua. A haamata i ta outou farereiraa matamua na roto i te hoê huru mahanahana, te tura e te au maitai. A ani i te tahi mau uiraa ohie no te tauturu ia orua ia ite i te oraraa faaroo e ta ratou mau tia'iraa no to orua tere farerei. Ei hi'oraa, a ani », Eaha te ohipa a te haapa'oraa faaroo i roto i to outou nei oraraa ? » Eiaha roa râ e ani i te mau uiraa no ni'a ia ratou iho o te faaau ore ia ratou.

Hou outou a haamata ai, a ani atu i te feia atoa i reira ia amui atu ia oe i roto i te haapiiraa. A faaitoito ia ratou ia tupohe te radio teata e ia faatea ê atu te tahi atu mau mea ia ore te Varua o te Fatu e haamarirauhia.

A faaite e e hinaaro orua e haamata e e faaoti te mau haapiiraa atoa na roto i te te hoê pure. A faaite e e horo'a orua i te pure iritiraa. A pure ohie noa e ma te u'ana ia haamaitai mai te Fatu i te mau taata ta orua e haapii nei i roto i te mau tuhaa atoa o to ratou nei oraraa, e ia nehenehe ihoa râ ia ratou ia ite i te parau mau ta orua e haapii nei.

A faaite i to orua anaanatae e to orua here mau no te feia imi e te faaroo i roto i te mana faafariuraa o te evanelia (a hi'o Moroni 7:43–48). Na roto i te arata'iraa a te Varua, e nehenehe ta orua e faaite i te mau mana'o mai teie i muri nei i ta outou feia imi:

- No te mea ho'i e o te Atua to tatou Metua i te Ao ra, e mau taea'e e e mau tuahine ana'e tatou paatoa. Te hinaaro nei maua ia parau atu e mau taea'e e e mau tuahine.
- E fifi e e mana'o pe'ape'a to te taata tata'itahi ta maua e haapii nei. Noa'tu eaha to outou mau hinaaro e aore râ to outou mau mana'o pe'ape'a, e tauturu te Faaora e Ta'na mau haapiiraa—te evanelia- ia outou.
- E nehenehe ta maua parau poro'i e faati'a ia outou ia haamaitai i te huru o to outou nei oraraa. E tauturu te reira ia outou ia tatara i te mau pe'ape'a e te mau titauraa ta tatou paatoa e faarii i roto i te oraraa nei.
- E mea maitai e e faufaa rahi roa ta maua nei parau poro'i tei haatumuhia i ni'a ia Iesu Mesia.
- E rave paatoa tatou i te mau hape i roto i te oraraa nei, e na teie nei mau hape e faatupu i te mau mana'o hape e te haamâ. Eita teie nei mau mana'o e haamâmâhia ma te tatarahapa ore e te faaoreraa hapa ore. E nehenehe ratou e faaorahia na roto i te taraehara a te Mesia.
- Eita ta maua nei parau poro'i e nehenehe e haapiihia i te hoê noa taime. E tae mai te taaraa i roto i te tau na roto i te pure, te tai'oraa, te iteraa, e te haapa'oraa i te mau faauearaa a te Atua.
- Te vai nei to maua vahi paruparu mai te mau taata atoa. Eita paha maua e parau maitai i te reo e aore râ e noaa i te pahono i te taatoaraa o ta outou mau uiraa. Ua piuhia râ maua e te hoê peropheta a te Atua no te faaite atu te mea ta maua i ite. Ua ite maua e e parau mau teie nei parau poro'i.
- E riro maua ei mau arata'i ia nehenehe ia outou e ite i te parau mau no ta maua nei parau poro'i. Na outou te ma'itiraa ia farii e ia rave mai te au i te parau poro'i. No reira, e ti'a ia outou ia anihia mai i te mau uiraa.
- A imi ai outou ma te aau mau ia taa i ta maua nei parau poro'i, e faaruru paha outou i te mau tamataraa, e tauturu râ te Atua ia outou.
- A farii ai outou i ta maua nei parau poro'i, e ite ia outou e nahea i te rave i te mau fafauraa, e aore râ mau faaauraa, e te Atua. E haapii outou e nahea ia rave i te mau tauiraa no te haafatata atu to outou oraraa i Ta'na mau haapiiraa. E hinaaro outou i te pee atu i te mau haapiiraa a Iesu Mesia e ia bapetizohia e te mana au(a hi'o Ioane 3:5).


Hou te haapiiraa i te mau parau haapiiraa i roto i te hoê haapiiraa, a feruri i te hoê hi'oraa amui o te mea ta orua e haapii. A tauturu i te mau taata ia ite e te vai nei to teie nei mau haapiiraa te hoê auraa faufaa rahi no ratou. E rave rahi te feia imi o ta orua e haapii ra o tei faaineinehia e te Fatu (Alama 16:16–17). A faaite amui atu ai orua i te mau ohipa varua tei tupu i roto i te apooraa matamua, e roaa ia ratou te iteraa e mau tavini orua na te Fatu.

Ohiparaa: Haapiiraa e to oe hoa

A haapiipii e to oe hoa i te mau rave'a huru rau no te haamata i te hoê haapiiraa ma te faaohipa i te tahi o tei nei mau mana'o.

A faaau i ta orua haapiiraa no te pahono i te mau hinaaro

E mea taa ê mau te taata tata'itahi e aore râ te utuafare tata'itahi. Noa'tu e eita orua e ite i te taatoaraa o to ratou mau anaanataeraa, ta ratou mau ohipa i rave, to ratou mau hinaaro e to ratou mau pe'ape'a, e ti'a ia orua ia ara i te huru o to ratou nei oraraa. Taa ê no'a'tu te mau hinaaro e aore râ te mau fifi, e tauturu maitaihia'tu te mau taata atoa ia farii e ia ora ratou i te evanelia. E nehenehe ia orua ia faaau ta orua haapiiraa a faaroo ai orua i te mau faaiteraa a te Varua.



E nehenehe ta orua e faahuru ê te faanahoraa o te mau haapiiraa ia faaurûhia orua e ia faatano atu i te mau mea anaanatae e te mau hinaaro o te feia imi. E rave paha orua hau atu i te hoê farereiraa no te haapii i te mau parau tumu i roto i te hoê haapiiraa, e i te tahi taima e nehenehe ta orua e haapii te parau o na haapiiraa e piti i roto noa i te hoê farereiraa. Ua ite te Metua i te Ao ra i Ta'na ra mau tamarii, no reira a turu'i atu i ni'a i te heheuraa no te rave i teie nei mau faaotiraa a haapii ai orua. A pure no te horo'araa no te ite varua, e a haapa'o maitai i te mau mana'o e tae mai i to orua feruriraa e aore ra mau mana'o ta orua e fatata i te haapii atu.

E ti'a ia orua ia faatano ta orua haapiiraa no te haapa'o maitai atu â i taua mau fafauraa e mea hau roa i te fifi na te hoê taata e imi ra ia haapa'o. Ei hi'oraa, e farii ohie paha te hoê taata i te Buka a Moromona ei parau a te Atua, e fifi paha ia te tahi atu taata i te farii i te tahi atu â buka maori râ te Bibilia. E fifi paha to te hoê taata i te faaru'e i te avaava e ua ineine râ oia i te farii i te ture no te Tuhaa Ahuru.

A opua ai orua i te taima ia haapii i te tahi mau parau haapiiraa, a ara i ni'a i te rahiraa parau apî ta orua e faaite atu. A haapii i te hoê faito e au i te feia imi. E mea vitiviti a'e to te tahi haereraa i mua e mea taere rii a'e i te tahi. A haapapû e e ani orua i te mau uiraa e e faaroo maitai orua i ta ratou mau pahonoraia ia noaa ia orua te taaraa papû no ni'a i te huru vitiviti e te huru maitai o to te taata e imi ra e haapii ra e e faaohipa ra i te mau parau haapiiraa ta orua e faaite atu.

A haapa'o maitai i te taima. Eita e ti'a i te mau haapiiraa atoa ia hau atu i te 45 minuti. E nehenehe te hoê haapiiraa e oti i roto i te area 15 e aore râ 20 minuti mai te mea e titauhia. Mai te mea e 15 minuti noa ta teie nei taata no te farereiraa ia orua, a faatano i ta orua haapiiraa no te faatura i taua faaotiraa taima.

A ti'aturi i te fafauraa o ta te Varua e horo'a mai ia orua « i te hora mau ihoa, oia ia, i te taima mau ihoa, i te mea ta orua e parau ra » (PH&PF 100:6).

Ohiparaa: Haapiiraa ia oe iho

A mana'o na e te haere ra orua na ni'a i te purumu e ua ite orua i te hoê taata paari e fifi ra no te tuu i te tahi mau pute teiaha i roto i te hoê farii faarueraa pehu. Ua tauturu oe e to oe hoa ia'na, e ei hopearaa ua ani mai oia e o vai orua. I muri a'e i te tahi aparauraa, ua ani oia ia orua ia haere atu i to'na fare e ua farii i te faaroo i ta orua parau poro'i. I roto i te aparauraa matamua ua parau atu oia ia orua e:

- Ua pohe ta'na vahine e hoê matahiti i teie nei, e te mihi mau nei oia ia'na.
- E rohirohi haere noa oia no te hoê ma'i mafatu.
- Te mana'ona'o nei oia i teie nei, hau atu i na mua a'e, e te ora mau anei te Atua.

Eaha ia ta orua e haapii atu ia'na ? Nahea e nehenehe ai ta orua i te faatano ta orua haapiiraa no te pahono maitai atu i to'na mau hinaaro e to'na mau mana'o pe'ape'a ?

Tai'oraa i te papa'iraa mo'a

Eaha te auraa o te parau e horo'ahia « te reira tuhaa o te horo'ahia'tu i te taata atoa » ?

Alama 29:8

PH&PF 84:85

Eaha ta te Fatu i fafau atu i te mau misionare haapa'o maitai ?

PH&PF 68:2-4

PH&PF 100:5-8

Mataio 10:19-20

A haapii e to oe hoa na roto i te hoêraa

Ua faaue te Fatu e « E haere outou atoa na roto i te mana o to'u nei Varua, i te poro haereraa i ta'u nei evanelia, tata'ipiti » (PH&PF 42:6). E hau atu â ta orua haapiiraa i te puai e te anaanatae mai te mea e rave oe e to oe hoa i te ohipa ma te hoê. A opua ai e a haapii ai orua i te mau mahana atoa, a tuatapapa e nahea orua ia haapii ia nehenehe ia orua ia hoêhia e ia haapii ma te reo hoê.



E hau atu â ta orua haapiiraa i te puai mai te mea e horo'a oe e to oe hoa te tahi mau tuhaa poto o te haapiiraa. Eiaha e topa i roto i te peu matau-noa-hia ia horo'a ana'e i te parau poro'i. A paturu i to oe hoa ma te horo'araa'tu ei piti o te ite no te mau parau mau ta'na i faaita. A pee i to oe mau mana'o ia parau ana'e mai te Varua ia parau i te tahi mea. Ei nau hoa, a vai ineine noa i te turu te tahi i te tahi ia ore orua e haamarirau i te arata'iraa a te Varua. Ia paraparau ana'e oe, ia vai noa to oe mata i ni'a i te taata e imi ra. Ia ore ana'e oe e parau ra, a pure no to oe hoa e a hi'o maite i te mau pahonora a te taata e imi ra.

Tai'oraa i te papa'iraa mo'a

Nahea te mau hoa e turu ai te tahi i te tahi ?

Alama 12: 1

PH&PF 42:6

PH&PF 52: 9-10

A titau i te mau melo ia tauturu ia orua ia haapii

Mai te mea e nehenehe a titau i te mau melo, te feia o tei faafariu-apî-hia mai ihoa râ, ia tauturu ia orua. Te mea faahiahia atu â a faaohipa i te mau melo o te Ekalesia o te parahi ra i roto i te oti'a i reira atoa te feia imi e parahi ai. A faaite atu te hoê hoho'a o te haapiiraa i te mau melo, e a aparau eaha o ta orua e hinaaro ia ratou ia haapii. A paraparau e nahea ia rave amui i te ohipa. Mai teie hi'oraa, ia faaite te mau melo, mai te mea e tiahia, nahea ratou i nehenehe ai e ite, e faarii, e e ora i te hoê parau tumu taa ê o te vai ra i roto i te haaapiiraa. Ia faataa mai ratou e mea nahea to ratou raveraa i te faaotiraa ia tomo mai i roto i te Ekalesia. Ia amui mai ana'e te mau melo i roto i te haapiiraa, e nehenehe ia ratou ia faarii te oaoa i roto i te ohipa misionare. E tupu atoa te hoê hoaraa ia ratou e te taata e imi ra. Ua haapii te peresideni Thomas s. Monson:

I roto i te taime haapiiraa e nehenehe te feia imi e haamataihia na roto mai i te puai o te iteraa papû o te hoê atu melo o tei baptizohia e o tei riro mai ei melo no te Ekalesia i roto noa i nau matahiti i muri. I roto i te Misioni no Canada i Ontario e Quebec, i reira ho'i to'u utuafare i te oraraa a peresideni ai au i taua misioni ra, ua ite matou e te pae'au rahi o te nunaa i reira e melo ia ratou no na haapa'oraa rahi roa a'e e toru i reira: Te Katolika, te Ekalesia Peretane, e te Ekalesia Amui no Canada. I roto i te mau oire tata'itahi o te misioni ua faanahonaho matou ia nehenehe i te hoê utuafare baptizo-apî-hia no roto mai i teie mau haapa'oraa ia vai ineine noa a haapii ai te mau misionare i te feia imi ia nehenehe ia ratou ia apee atu i te mau misionare i te piti e aore ra te toru o te haapiiraa.

E faahiahia anei outou, mai teie hi'oraa, ia ohipa te mau misionare e te râ mau taata no roto mai i te Ekalesia Amui no Canada. Ua parau te nene'i parau, te taea'e Stoneman « I to'u tomoraa i roto i te Ekalesia a Jesu Mesia i Te Feia Moa i Te Mau Mahana Hopea Nei, o vau ia te taata nene'i ve'a faatere no te Ekalesia Amui no Canada. Ua vaihohia vau i taua ohipa ra. Tera râ ua itehia ia'u te hoê ohipa maitai a'e. E rahi atu â, ua itehia ia'u te taatoaraa o te parau mau. O outou atoa e nehenehe atoa ia outou ia faatitiaifaro. E nehenehe ia outou ia rave i taua faaotiraa ra. Oia mau, e haere mai matou e tii ia outou i te sabati po'ipo'i ia nehenehe ia tatou ia parahi amui i te fare purerara. I reira outou e faaroo ai e feruri ai no outou iho. Tei reira noa ia matou i pihaiho ia outou. »

Ua riro o Anthony e Edith Belfiglio ei nau taata apee i te râ mau taata no roto mai i te faaroo katolita no Roma. Hoê â hopearaa.. E nehenehe ia ravehia. E vai fariu noa teie mau taata faafariu-hia-mai. E hau atu i te reira, te mau taata faaiipoiphia o tei ma'itihia no teie tuhaa ohipa e faatoro hohonu atu â ia ratou i to ratou mau aa i roto te repo maitai o te evanelia. Ua riro mai o na taea'e e piti atoa ra o Stoneman e o Belfiglio ei patereaha faatoro'ahia. Na te rave hoêraa te mau melo e te mau misionare i roto i teie tuhaa e faatupu i te ootiraa rahi no te mau varua faufaa rahi (missionary training satellite broadcast, 25 no eperera 2003).

Ohiparaa: Haapiiraa ia oe iho

A mana'o na e te vai ra ta orua haapiiraa matamua i te hoê utuafare i roto i te utuafare o te hoê melo. A faaoti e nahea orua ia faaineine i te mau melo tata'itahi i muri nei no te tauturu ia orua ia haapii:

- Te hoê misionare paroita o tei ho'i-apî-mai na te misioni
- Te hoê tahua
- Te hoê melo faafariu-apî
- Te episekopo

Faaohipa i te mau papa'iraa mo'a

Te mau papa'iraa mo'a a te Ekalesia o ta oe ia mauhaa no te haapiiraa i te evanelia a Iesu Mesia o tei faaho'ihia mai. E ti'a atoa ia faaohipahia te mau parau a te mau peropheta. E rave rahi te mau tumu e titauhia'i ia faaohipa i te mau papa'iraa mo'a ei niu no ta orua haapiiraa. Te hoê hi'oraa:

- Ua faaue mai te Fatu e te mau peropheta ia tatou ia na reira (a hi'o PH&PF 42:12, 56-58 ; 71:1). Ua a'o te hoê peropheta o te tau hopea nei, « E ti'a roa ia tatou ia faaohipa i te mau parau e te mau rave'a i faaitehia e te Fatu i roto i te Buka a Moromona... i roto i te haapiiraa i te mau parau tumu o te evanelia » (Ezra Taft Benson, « Te Buka a Moromona e te Parau Haapiiraa e te mau Parau Fafau », Ensign, me 1987, 84).
- E faahaere mai te mau papa'iraa mo'a i te Varua Maitai i roto i ta orua haapiiraa. E haapii ratou i te parau a te Atua ma te mana (a hi'o Alama 31:5).
- E pahono te mau papa'iraa mo'a i te mau aniraa rarahi o te aau (a hi'o 2 Nephi 32:3 ; Iakobo 2:8).
- E horo'a te mau papa'iraa mo'a i te mana e te haamanaraa i ta orua haapiiraa, i roto atoa i te mau tuhaa e ere ra i te huru keretetano.

To oe aravihi no te haapii ma te mana no roto mai i te mau papa'iraa mo'a e noaa mai ia te reira na roto i te taime o ta oe e faataa no te tai'o i teie mau papa'iraa mo'a. A poupou ai oe i te parau a te Mesia i te mau mahana atoa, e maitai atu â ia to oe aravihi i te haapii mai roto mai i te mau papa'iraa mo'a. E hau atu â, te aniraa o ta oe e horo'a'tu i te mau taata ia tai'o e ia feruri hohonu i te mau papa'iraa mo'a e rahi atu â ia te mana no te mea te na reira atoa ra oe i roto i to oe oraraa. A tauturu i te mau taata ia noaa te faaroo i roto i te mau papa'iraa mo'a—te Buka a Moromona ihoa râ—ei pû no te parau mau o te heheuhia mai. Ia ti'aturi ana'e te mau taata i te mau papa'iraa mo'a, e nehenehe ia oe ia tauturu maitai atu â ia ratou ia taa papû i te mau parau haapiiraa. E nehenehe te mau mana'o i muri nei e tauturu.



© Greg K. Olsen. Eiaha e patai te hoho'a.

A faaite atu te papa'iraa mo'a. A faaite poto noa te aamu e te huru o te tuhaa parau o ta oe e faaohipa. A ani i te taata e imi ra ia hi'o i te mau tuhaa taa ê i roto i te papa'iraa. Ia haapii ana'e i te mau taata e mea iti te iteraa no ni'a i te mau papa'iraa mo'a, e ti'a paha ia oe ia haamata na roto i te faaiteraa i te mau mea i roto i te hoê tuhaa, ma te faaohipa i te mau parau o ta ratou e taa ohie. Te vai nei i raro nei te mau faahi'oraa no te faaiteraa'tu i te hoê papa'iraa.

- « I roto i te aamu o Iosepha Semita te vai nei te mau parau o ta'na iho i parau o te faaite te mea i tupu ia'na a haere ai oia i roto i te uru raau no te pure. Ua parau oia, « Ua ite atura vau i te pou maramarama... »
- « I roto i teie papa'i'raa te haapii nei te peropheta Alama i te mau taata o tei ore i ite i te faaohipa i to ratou faaroo i roto i te parau a te Atua. Ua faau oia i te parau a te Atua i te hoê huero o te nehenehe ia tanuhia i roto i to tatou mau aau. E nehenehe anei ia oe ia haamata i te tai'o i te irava... »

Tai'o i te tuhaa parau. A tai'o haapuui i te tuhaa parau e aore ra a ani i te taata e imi ra ia tai'o haapuui. A haamana'o i te feia e fifi ra i te pae no te tai'o. Mai te mea te vai ra te hoê

Te mau nota

tuhaa parau e mea fifi ia ratou ia taa maitai, a tai’o maite e o ratou e a tauturu ia ratou ia taa maitai i te vahi e fifi ra ratou. Aore ra a horo’a ia ratou te hoê tuhaa parau ohie ia tai’o. A tatara atoa te auraa o te mau parau e te mau parau papa’i e ere i te mea ohie.

- « E ani oia i te Atua ra, o tei horo’a hua mai i te taata atoa ra, ma te pato’i ore (te auraa « ma te pato’i ore » aita te Atua e imi i te faahapa e aore ra te hape) e e horo’ahia ta’na » (Iakobo 1:5)

Mea maramarama roa te tahi mau papa’iraa parau e aita e faufaa ia tatarahia te auraa. No te tahi atu râ e ti’a roa ia oe ia haamaramarama te mea i tai’ohia.

Faahipa te papa’iraa mo’a. « Faaau » te mau parau papa’i mo’a ia oe iho e ia te feia imi na roto i te faaiteraa e nahea te mau parau tumu e faaohipahia’i i teie tau(a hi’o 1 Nephi 19:23). A faaite i te feia imi e nahea ia faaohipa i te mau parau tumu i roto i to ratou mau oraraa. Ia na reira ratou, e ite ia ratou e parau mau te parau haapiiraa. A faaite i to oe iteraa papû i te parau tumu, e a fafau atu e haamaitahia ratou. Teie te hoê hi’oraa:

- « Mai ia outou, ua faautahia te mau utua teimaha i ni’a i te tua o te nunaa o Alama, ua hau atu i te mea e nehenehe ia faaoroma’i. Tera râ ua faaohipa ratou i te faaroo e ua « tau hua’tu i te Atua », Ua haapuai oia ia ratou ia nehenehe ia ratou ia faaoroma’i i te mau ati e ua faaora oia ia ratou i to ratou mau fifi. Mai ta’na i na reira i teie nunaa, ua ite au e tauturu te Atua ia outou i roto i to outou mau fifi ia... ana’e outou »
- « E tano atoa te mau a’oraa a Alama i te mau taata i te pape o Moromona ia tatou i teie mahana. E Ioane, e ti’a anei ia oe ia... »

Te vai ra te taa-ê-raa i rotopu i te mau taata o ta orua e haapii, eaha to ratou huru i ni’a i te mau parau mo’a, ua ite anei ratou i te Bibilia, eaha te huru o to ratou ite i te reo o te evanelia, e eaha te hohonuraa o to ratou ti’aturi e te vai ra te parau a te Atua i roto i te Bibilia. A tauturu i te feia atoa e imi ra ia noaa ia ratou te auraa i te mau papa’iraa mo’a. Na roto i te faaohipa maitairaa i te mau papa’iraa mo’a i roto i ta oe haapiiraa, e nehenehe ia ia oe ia tauturu i te feia imi ia haamata i te tai’o o ratou ana’e i te mau papa’iraa mo’a. I muri a’e i te mau tere farereiraa tata’itahi, a horo’a atu ia ratou te tahi mau pene e aore ra irava papû ia tai’o. E nehenehe atoa ia horo’a atu te tahi mau uiraa no te faaferuri a tai’o ai ratou, o ta outou e aparau i roto i to outou farereiraa i mua nei. E tauturu te reira ia ratou ia tai’o i te mau papa’iraa mo’a i te mau mahana atoa i roto i to ratou mau utuafare e ia aparau atoa i roto i te mau pureraa e te mau piha haapiiraa a te Ekalesia i reira ho’i e faaohipahia ai te mau papa’iraa mo’a.

Te mau hi’oraa o te hiro’a tumu no ni’a i te mau papa’iraa mo’a

Te vai nei ta te rahiraa o te mau haapa’oraa te mau papa’iraa mo’a e te mau buka mo’a no te mau papa’iraa, tera râ ta ratou huru hi’oraa e te faaohiparaa i teie mau papa’iraa e taa ê ia i te huru hi’oraa a te mau melo o te Ekalesia i te mau papa’iraa mo’a. Teie te tahi hi’oraa, e ti’a paha ia orua ia haamaramarama e te mau papa’ipa’iraa e vai ra i roto i ta orua papa’iraa mo’a e hinaaro ia te reira ia maramarama maitai e ia faaohipa te mau haapiiraa o te mau papa’iraa mo’a e ere râ i te hoê tapa’o no te faatura ore. A tauturu i te feia o ta orua e haapii ra ia ite e mea faufaa roa te mau papa’iraa mo’a no te mea te vai nei i roto ia ratou te parau a te Fatu o tei papa’ihia e te mau peropheta a te Atua e te faarii nei tatou i te reira ei parau mau.

Ohiparaa: Haapiiraa e to oe hoa**A hi'opo'a faahou hoê o te tuhaa i muri nei. A faaoti e nahea orua ia:**

- Faaite i te tuhaa parau.
- Horo'a i te aamu o te papa'iraa mo'a
- Tai'o i te tuhaa parau e a tatara i to'na auraa.
- Tatara i te mau parau fifi.
- Tauturu i te feia imi ia faaohipa te reira i roto i to ratou mau oraraa.

Te api upoo o te Buka a Moromona ; 3 Nephi 11 ; Moroni 10:3–8 ; Ioane 17:3 ; Roma 8:16–17 ; Korinetia 1 15:29 ; Iakobo 1:5 ; Petero 1 3:19–20 ; Amosa 3:7

Tai'oraa i te papa'iraa mo'a**No te aha e mea faufaa ia haapii mai roto mai i te mau papa'iraa mo'a ?**

1 Nephi 19:23

PH&PF 20:7–12

2 Timoteo 3:15–17

2 Nephi 4:15–16

Haapii ia taa maitai

E hau a'e to te taata neheneheraa i te ti'a-turi i te parau poro'i o te faaho'iraa-hia-mai te evanelia ia maramarama maitai ana'e ratou i te parau poro'i. Ua parau te peresideni James E. Faust: « A tai'o, a feruri, e a haapii atu mai roto i te mau papa'iraa mo'a, te Buka a Moromona e te Faufaa Apî ihoa râ. A ite papû maitai i te parau mau ia nehenehe ia outou ia faaite i te reira ma te maramarama maitai ». Ua papa'i o B.H. Roberts, « Ia itehia te parau mau e ti'a ia faaitethia, e mai te mea e mea maramarama maitai e e mea hope roa taua faaiteraa ra, e riro ia te reira ei rave'a faahiahia na te Varua Maitai i te faaiteraa i te mau varua o te mau taata e parau mau teie ohipa ». [*New Witnesses for God*, 3 buka (1909), 2:vii]. Aita outou e nehenehe ia faafariu mai i te taata mai te mea e aita outou iho i faafariuhia » (« What I want my son to know before he leaves on his mision », *Ensign*, me 1996, 41).

Ua faauehia orua ia feruri e ia tatara te mau papa'iraa mo'a ia haapii ana'e orua (a hi'o PH&PF 68:&). *Tatara* oia ia e faaano e e haamaramarama maitai. Tatara i te evanelia oia e haamaramarama maitai orua i te auraa o te mau parau haapiiraa e te mau tuhaa o te papa'iraa mo'a na roto i te ohie e te papû maitai, ma te titau i te Varua ia arata'i i te mea o ta orua e parau. E faaohipa orua i te reo viivii ore e o tei matauhia no te tauturu i te taata ia taa papû i te tumu parau. E ani orua i te mau uiraa no te tauturu ia ratou ia feruri i ni'a i te mau tumu parau e ia hi'o e te taa papû ra anei e te faarii ra ratou i te mau mea o ta orua i haapii atu.

« *E iteraa mau no te hoê taata ia rave i te hoê parau tumu aro e te rahi i roto ia'na iho e ia tatara i te reira e ia faaohie i te reira ia nehenehe i te hoê tamarii rii ia taa i te reira.* »

– PERESIDENI JOHN TAYLOR
THE GOSPEL KINGDOM, MAITIIHIA E G. HOMER DURHAM (1943), 270

Te mau nota

I te pae hopea o te mau haapiiraa tata'itahi matamua e toru i te pene 3 te vai ra te hoê tabula o te mau reta parau o ta te mau taata o ta orua e haapii ra i ore paha i matau. Te tuhaa o te haapiiraa no te taaraa maitai oia ia haapapû e ua tatara maitai orua i te auraa o te mau reta parau, te mau mana'o parau, e te mau mana'o ia taa papû maitai te mau taata ia orua. E nehenehe ta orua e faarahi i te aravihi no te tatara i te evanelia ia:

- Taa papû maitai i te mau reta parau o ta orua e faaohipa.
- Tatara i te mau reta parau o ta te tahi mau taata e ore e taa. Te vai ra te tatararaa ohie e rave rahi o te tahi mau reta parau e auraa taa ê to ratou i te mau melo o te Ekalesia i roto i te « Guide des écritures » e te buka *Mau maite i te Faaroo*.
- Ani i te mau taata i te mau uiraa mai teie te huru, « Te ite ra outou eaha te auraa o ta maua parau ia parau ana'e maua e... ? » aore ra « E nehenehe anei ta outou e faaite mai na roto i ta outou iho mau parau eaha te mea o ta tatou i paraparau iho nei ? »

Ia tai'o orua i te parau haapiiraa i roto i te pene 3, a tape'a mai te mau reta parau o ta orua e mana'o ra e mea fifi no te hoê taata e imi ra ia taa maitai. A haapii atu ai orua i te parau haapiiraa i te pene 3, a iriti mai te mau reta parau, te mau mana'o parau, e te mau mana'o o ta te feia imi e ore ra e taa maitai. A tatara te auraa o taua mau parau ra ma te faaohipa i te mau rave'a i faahitihia i ni'a nei. A tamata i ta orua mau tatararaa i pihaiiho i te feia imi e te feia faafariu-apî-hia.

Tai'oraa i te papa'iraa mo'a

No te aha tatou e ti'a'i ia tatara e ia haamaramarama maitai i te mau parau haapiiraa ?

Mosia 8:23	Alama 12:1	PH&PF 68:1-5
Mosia 27:35	3 Nephi 26:1	PH&PF 71:1

Nahea tatou ia ite ? No te aha e mea faufaa roa ia hohora aore ra ia faaite mârû noa'tu i te haamaramaramaraa

2 Nephi 28:30	Mosia 2:9	PH&PF 98:11-12
Iakobo 4:13		

No te aha mea faufaa roa te tatara-papû-raa ?

2 Nephi 25:4,7,28	Alama 13:23	Nehemia 8:8
2 nephi 32:7		

Nahea te Fatu ia aparau i Ta'na mau tamarii ?

2 Nephi 31:3	PH&PF 1:24
--------------	------------

Ani i te mau uiraa

Ua ani pinepine o Iesu Mesia i te mau uiraa no te tauturu i te mau taata ia feruri hohonu e ia faaohipa i te mau parau tumu. Ua faatupu ta'na mau uiraa i te mana'o, te feruriraa hohonu o te aau e te fafauraa.

E tauturu te mau uiraa maitai ia orua ia taa i te mau mea auhia, te mau mana'o pe'ape'a, aore ra te mau uiraa a te mau taata. E nehenehe te reira e haamaitai atu â i ta orua haapiiraa, e faahaere mai te Varua, e e tauturu i te feia imi ia ite.

E riro te mau uiraa haapa'oraa ore i te faamamahu, te faariri, e te faainoino i te feia imi. E nehenehe atoa e faatupu i te fifi no te tere maiteraa o te haapiiraa. A tamata i te ani i te mau uiraa:

- Ohie e te ohie atoa ia taa.
- O te tauturu i te mau taata ia feruri i ni'a i te mea o ta orua e haapii ra.
- O te tauturu ia orua ia ite eaha te huru o te taa maitairaa o te taata e imi ra i te mea o ta orua e haapii ra.
- O te tauturu i te mau taata ia rave i te mau mea o ta ratou i ite.

A pahono ai o ratou o ta orua e haapii ra i teie mau huru uiraa, e ite ia ratou e e nehenehe ta ratou e paraparau ma te mātā'u ore. E tura'i te mau uiraa maitai i te feia imi ia ani i te mau uiraa ia ore ana'e ratou e taa maitai, mai te mea te vai ra te mana'o pe'ape'a, aore ra i te taima e hinaaro ai ratou ia ite eaha te rave. E nehenehe ta te mau uiraa maitai e tauturu ia ratou o ta orua e haapii ra ia faaite i to ratou mau mana'o e na roto mai i te reira e ite ai ratou i te tupuraa o te iteraa papū. O teie te mau hi'oraa o te mau uiraa maitai:

- Eaha ta outou mau uiraa no ni'a i te mau mea o ta maua i haapii atu ?
- Te ti'aturi ra anei outou e te here nei te Metua i te Ao ra ia outou ? No te aha ?
- Nahea tatou i te tahi mau taima ia rave i te hape mai teie mau taata i roto i te aamu ?

No te faaineine ia ratou o ta orua e haapii ra ia pahono i te mau uiraa, e parau paha orua e, « A haamaramama atu ai au i te faufaa rahi no te haamo'araa i te mahana sabati, a ani ia oe iho, 'Eaha te auraa o teie faauerua no'u nei ?' » Eiaha e ani i te mau uiraa o te:

- Vai ra i roto e hau atu i te hoê mana'o.
- Tuatapapa râ i te mau parau haapiiraa o ta orua i ore â i haapii atu.
- Aore roa e opuaraa maramarama
- Uiuu e te titorotoro faufaa ore noa.

Ia rahi roa te aniraa i te mau uiraa, i te tere farerei matamua ihoa râ, e au ia te reira e te faatere ra orua i te hoê « uiraa mana'o. » Eiaha e ani i te feia imi ia horo'a mai i te mau pahonora a taa e no ni'a i te mau parau rii faufaa ore e te ite noa hia ra. E faataui roa te reira i te huru o te hoê haapiiraa maitai o te riro ei hauti no te hi'ohi'o. Ia hinaaro orua i



Te mau nota

te hoê pahonora a taa ê, mea maitai a'e ia ani i te hoê uiraa i ni'a i te ohipa i tupu e aore ra ia horo'a i te haamaramaramaraa na roto i te tahi atu huru taa ê. Eiaha e ani i te mau uiraa o te faahaamâ i te taata mai te mea e aita ratou i ite i te mau pahonora a. Mea faufaa a'e te mau uiraa ia anihia i muri a'e i to orua haapiiraa e te faaiteraa i te iteraa papû no ni'a i te hoê parau tumu faufaa rahi. Teie te mau uiraa aita e manuia roa.

- O vai te peropheta matamua ? (ia anihia na mua i te haapiiraa no ni'a i te mau tau tuuraa evanelia).
- Nahea te tape'a mâ raa i to tatou mau tino e tauturu ai ia tatou ia faarii i te Varua e ia faaite e te hinaaro nei tatou ia pee i te peropheta a te Atua ? (ua hau atu i te hoê mana'o).
- E Mea faufaa anei ia ite i te mau faaueraa a te Atua ? (E pahonora a E-aita e ite-noa-hia ra).
- Eaha to oe mana'o no ni'a i te Buka a Moromona ? (Na mua ratou e tai'o ai).
- Eaha te hoê mea o ta tatou e nehenehe ia rave i te mau mahana atoa o te tauturu ia tatou ia ite e tei pihaiho tatou i te Atua ? (e uiraa papû ore o te titau ra i te hoê pahonora a taa è: pure).
- O vai te peropheta i muri mai ia Noa ? (Aniraa ia ratou ia uiui).

A haapii mai ia ani i te mau uiraa mai te faaiteraa a te Varua. Te mau huru uiraa tano o te anihia i te taima tano e tauturu rahi roa te reira ia ratou o ta orua e haapii ra ia haapii mai i te evanelia e ia faarii i te Varua. Mai te reira atoa, te mau huru uiraa tano ore o te anihia i te taima tano ore e haafifi ia i ta ratou haapiiraa. Te aniraa i te mau uiraa e tano i te taima tano, e titauhia ia vai au noa orua e te Varua, ia faaroo orua ia ratou o ta orua e haapii ra, e ia haapa'o maitai orua i te taatoaraa o te haapiiraa. E nehenehe te hoê haapiiraa manuia maitai e riro ei ohipa rahi e e titauhia te tano e te itoito no ô mai ia oe e to oe hoa.



© 1985 Robert T. Barrett. Eiaha e patai te hoho'a.

Ohiparaa: Haapiiraa ia oe iho e aore ra, e to oe hoa

Eaha te nehenehe e tupu mai i ni'a i te haereraa i mua o te hoê taata e imi ra mai te mea te vai ra oia i roto i teie mau huru oraraa i muri nei o ta orua i ore i ite ?

- Te mau hoa ohipa o te faa'o'o noa nei i te ohipa pae varua.
- Te mau melo o te utuafare e melo puai ia no te tahi atu haapa'oraa.
- Te mau hoa o te ti'aturi nei e te mau Momoni e ere ia ratou te keretesiano.
- Te hoê ohipa pae varua i tupu na roto i te tai'oraa i te Buka a Moromona.

A feruri i te hoê uiraa o ta orua e ani ia noaa ia orua te hoê iteraa hau atu no ni'a i te mau huru i ni'a nei. A papa'i taua mau uiraa i roto i ta orua buka tapa'oraa haapiiraa. A aparau e to oe hoa nahea ia haamaitai atu â te mau uiraa o ta orua tata'itahi i papa'i no teie ohiparaa.

Faaroo

Ia faaroo maitai ana'e orua ia vetahi ê, e taa maitai ia orua ia ratou. Ia ite ana'e ratou e mea faufaa ia orua to ratou mau feruriraa e te mau mana'o, e faaroo maitai ia ratou i ta orua mau haapiiraa, e faaite mai ratou i te mau ohipa i tupu ia ratou, e rave ratou i te hoê faaotiraa. A faaroo ai orua, e nehenehe ia orua ia faatano maitai i te haapiiraaa mai te au i to ratou mau hinaaro e te mau ananataeraa.

A faaroo ihoa râ i te faaurûraa a te Varua. A faaite ai te mau taata i to ratou mau mana'o ia orua, e ô mai paha te mau feruriraa e te mau mana'o i roto i to orua aau no ô mai i te Varua. E nehenehe atoa ia orua ia taa maitai te mau mea o ta ratou e tamata ra i te faaite.

Ia parau mai ana'e te tahi ia oe, eiaha e feruri i taua taima ra te mea o ta oe e parau atu. Ia papû maitai e te haapa'o ra oe i te taata e paraparau ra eiaha râ e hamani i ta oe pahonora. Ua haapii o Elder Jeffrey R. Holland: « Te mea faufaa rahi roa a'e i te parauraa o te faarooraa ia. E ere teie mau taata i te mau tauihaa pohe aore e faufaa o te riro noa ei tuhaa no te mau taata o te bapetizohia. E tamarii ratou na te Atua, to tatou mau taea'e e mau tuahine, e te hinaaro nei ratou i te mau mea o ta tatou e vai ra. Eiaha e haavare. A haapa'o maitai ia ratou. A ani i teie mau hoa eaha te mea faufaa rahi roa ia ratou. Eaha ta ratou mea here roa, e eaha ta ratou tao'a here roa ? E i muri iho a faaroo. Mai te mea e taima tano, e ani atu paha outou eaha to ratou mau mata'u e vai ra, eaha ta ratou e titau ra, e eaha te ere ra i roto i to ratou mau oraraa. E te fafau atu nei au ia outou e haamatara mai ihoa te tahi ohipa o ta ratou i faahiti i te parau mau o te evanelia o ta outou e nehenehe e faaite atu i te iteraa papû e e horo'a atu â i te tauturaa e hinaarohia... Ia faaroo tatou ma te here, aita ia tatou e haape'ape'a eaha ta tatou e parau. E horo'ahia te reira ia tatou— na te Varua e na to tatou mau hoa » (« Witnesses Unto Me », *Ensign*, me 2001, 15 ; mau haapapûraa i roto i te a'oraa matamua).

E aparau te taata na roto i te huru o ta ratou parahi, te mau faaohiparaa o te aro, te faaohiparaa i to ratou mau rima, te toma o te reo, e te mau hautiraa o te mau mata. A hi'opo'a i teie mau parau poro'i parau ore hia ; e nehenehe te reira e tauturu ia orua ia taa i te mau mana'o o te feia ta orua e haapii ra. A haapa'o maitai atoa i te huru o to orua iho tino. A horo'a i te hoê faaiteraa no te anaanatae e te oaoa na roto i te faaroo mau raa.

Eiaha e mātā'u i te mamu noaraa. I te tahi mau taima e titau te taata i te tahi maa taima no te feruri e no te pahono i te mau uiraa e aore ra no te faaite i to ratou mana'o. E ti'a ia orua ia faaea rii i te tahi maa taima i muri a'e i to orua aniraa i te uiraa, i muri a'e i te faaiteraa i te hoê huru ohipa pae varua o tei tupu, e aore ra te fifi ra te mau taata i te faaite i to ratou mau mana'o. A horo'a i te mau taata te taima no te faaoti i to ratou mau mana'o hou orua e pahono ai, e eiaha e tâpu i te taima e paraparau ai ratou.

Ia mana'o ana'e orua e ua taa maitai ia orua te mea i parauhia, a faaite te reira na roto i te parauraa'tu mai teie te huru « Te mea o ta oe e parau ra o teie ia _____. E ere anei ? » e aore ra « Mai te mea te taa ra ia maua, te mana'o ra oe e _____. » Mai te mea aita orua i papû e ua taa ia orua, a ani i taua taata ra ia hamaramarama mai.

E tamata te tahi mau taata i te faatere i te aparauraa e ia faataupupu ia orua ia haapii i te evanelia o tei faaho'ihia mai. E ti'a roa ia orua ia ite e nahea ia faatitiaifaro i teie mau huru tupuraa na roto i te aravihi. Mai teie te huru, « Te maururu nei maua i te mea o ta oe e faaite nei ia maua, tera râ te hinaaro nei maua ia aparau i te reira amuri a'e. E ani au i to'u hoa ia papa'i te reira ia ore ia mo'ehia i te tuatapapa i roto i te hoê o te tere farerei i mua nei. » A haamana'o, e tauturu rahi roa a'e orua i te taata na roto i te haapiiraa ia ratou i te evanelia a Iesu Mesia.

Te mau nota

A faaroo maite ai orua, e tauturu te Varua ia orua ia ite eaha te parau. E titau te faaroo i te tutavaraa e te haapa’o tamauraa. Ua faaite te hoê misionare i teie ohipa o tei tupu mau i muri nei(ua tauihia te i’oa) :

Te haapii ra maua to’u hoa i te utuafare Schez. E mea ve’ave’a roa e mea maniania roa te mau tamarii. Ua ani au i te tuahine Sanchez te huru o ta’na tai’oraa i te Buka a Moromona. A haamata ai oia i te faaite mai, ua ite atura vau i ta raua tamaiti i te raveraa i te buka tapa’opa’o parau a to’u hoa e te horohoro ra oia i roto i te piha ma te afai te buka i ni’a. Noatu e te hi’o ra vau i ni’a i te tuahine Sanchez, e vahi ê ra to’u feruriraa. Ua mana’o ihora vau i roto ia’u iho, « Mea ve’ave’a roa, e te hinaaro nei au ia mârû teie tamaiti iti. Eita roa teie ohipa e afaro. » A ori haere noa ai to’u mau mana’o, ua ite ihora vau e te fifi ra o te tuahine Sanchez i te paraparau. Ua tupu maira te mana’o ia’u ia faaroo. Ua aro vau ia haamoina te ve’ave’a e te maniania. Ua hi’o maite atu vau i to’na aro a paraparau ai oia. Ua hi’o oia i raro i te tahua, e ua hi’o i to’u hoa e ia’u nei. Ua tamata noa ta’na tane i te tamârû i te mau tamarii. E ua faaea oia, e i muri mai, e ma te rûrû i roto i to’na reo ua parau mai oia, « Ua rave au i ta orua i ani mai. Ua tai’o vau i te mau pene o ta orua i hinaaro ia’u ia tai’o, e ua pure au. » Ua faaea faahou ihora oia e ua hi’o atu i raro. Ua hi’o atu oia i ni’a i ta’na mau tamarii, e i muri mai ua farerei to maua nau mata. Ua parau maira oia ma to’na nau mata ataata e o tei i te roi mata », Ua noaa ia’u te hoê pahonora, » « E parau mau, ua ite au e parau mau te reira. » Ua i roa te piha i te Varua. Ma te hoê mafatu o tei i roa i te maururu no te mea ua faaroo vau, ua ataata vau e ua parau atu, « E,oia mau. »

Ohiparaa: Haapiiraa ia oe iho e aore ra, e to oe hoa

I muri mai i te hi’o faahouraa i te aamu i ni’a nei, a papa’i i te hoê pahonora i te mau uiraa i raro nei i roto i ta oe buka tapa’oraa haapiiraa e aore ra a aparau e to oe hoa.

- Eaha ia o tei nehenehe e tupu mai te mea e ua haapa’o rahi a’e te misionare i to’na iho afaroraa e aore ra te buka tapa’opa’o parau a to’na hoa ?
- Nahea teie taata e imi ra i haamaitaihia’i no te mea ua faaroo te misionare ?

Pahono i te mau uiraa i raro nei:

- A = Aore roa e parau mau no’u
- B = Te tahi mau taime e parau mau no’u
- C = Te rahiraa o te taime e parau mau no’u
- D = I te mau taime atoa e parau mau no’u

- la paraparau ana’e au i te mau taata, e feruri au i te mau ohipa o tei tupu mai te reira atoa o ta’u e nehenehe ia faaite aita râ vau e faaroo maitai ra.
- la faaite mai te mau taata i to ratou mau mana’o, e tamata vau i te tuu ia’u iho i roto i ta ratou e parau ra no te ite e eaha râ to’u mau mana’o.
- la haapii au i te feia imi, e haape’ape’a vau i te mea o ta’u e parau aore ra e haapii atu.
- E maururu ore rii au ia hinaaro ana’e te feia imi ia paraparau rahi roa.
- E fifi au i te apee aore ra i te taa i te mau mea o ta te tahi e hinaaro ra i te parau mai ia’u.
- E ori haere noa to’u mau mana’o i te taime e haapii ai to’u hoa.
- E maururu ore rii au ia tapû mai e aore ra ia faatea ê atu te tahi mau taata i to’u feruriraa i te taime a paraparau mai ai te hoê taata ia’u.
- E faarii au i te mau faaurûraa a te Varua no te parau aore ra no te rave i te tahi mea, aita râ vau e haapa’o i te reira.

A opua papû i te mea o ta oe e nehenehe e rave no te haamaitai i to oe aravihi i te faaroo.

Faatupu i te hoê auraa maitai e te feia imi

No te paruru i te pe'ape'a, e pahono te tahi mau taata i te mau uiraa ia au mai ta ratou e mana'o ra e o te reira ta outou pahonora e hinaaro tera râ aita ratou e faaite ra i te mau mana'o mau. A imi i te rave'a ia faatupu i te hoê auraa i rotopu ia ratou e o orua ia nehenehe ia ratou ia faaite i to ratou mau mana'o mau ia orua.

Tauturu i te mau taata ia tatara i to ratou mau mana'o pe'ape'a

Eita te tahi pae o ratou o ta orua e haapii ra e noaa te faaroo no te tape'a i te mau fafauraa, te tahi râ o ratou e faaruru ia i te pato'iraa, e te tahi atu eita roa ia e farii i te mau mea o ta orua e faaite atu. E ti'a roa ia ratou ia ma'iti, tera râ e hinaaro orua ia rave i te mau mea atoa e nehenehe ia rave no te pahono i ta ratou mau uiraa, a tauturu ia ratou ia tatara i to ratou mau mana'o pe'ape'a, e ia upooti'a i ni'a i te pato'iraa.

I te tahi mau taima e au ia te mau mana'o pe'ape'a o te mau taata i te hoê pape paari i ni'a i te miti. O te hoê noa tuhaa iti o te itehia i ni'a. E nehenehe teie mau mana'o pe'ape'a e riro e mea fifi roa ia tatara. No reira e ti'a roa ia orua ia apee i te Varua e ia pahono na roto i te hoê raveraa o te tano i te huru e tupu ra. A pure ia noaa mai te horo'a o te ite varua e a pee i to orua mau mana'o. Ua ite te Metua i te Ao ra i te mau aau e te mau huru ohipa o tei tupu i te mau taata atoa (te taato'araa o te pape paari) e e tauturu oia ia orua ia ite eaha te mea maitai a'e no te taata tata'itahi.

Ia tauturu orua ia vetahi ê ia tatara i to ratou mau mana'o pe'ape'a, a imi na mua roa ia taa maitai i to ratou mau mana'o pe'ape'a na roto i te aniraa i te mau uiraa e ia faaroo. A tai'o i ni'a i te Varua no te tauturu ia orua ia tatara i to ratou mau mana'o pe'ape'a. Ei hi'oraa, e ti'a paha ia orua ia rave i te hoê papa'iraa mo'a no te tatara i te mana'o pe'ape'a no ni'a i te bapetizoraa, aore ra e ti'a paha ia orua ia faaite i to orua iteraa papû no ni'a i te peropheta o Iosepha Semita.

I te tahi mau taima e mea rahi a'e te mau mana'o pe'ape'a no te pae toti'are i te pae parau haapiiraa. Ei hi'oraa, e mäta'u paha te feia imi i te pato'iraa no roto mai i te mau melo o te utuafare ia tomo mai ratou i roto i te Ekalesia. Aore ra e mäta'u ratou i to ratou mau hoa ohipa o te faaru'e mai ia ratou. Noa'tu te huru o te mana'o pe'ape'a, te vai ra paha te mau ohipa o tei tupu na mua a'e e aore ra te tahi mau haafifiraa i ta orua feia imi e o ta orua e ore e taa. E rave rahi mau tupuraa, e nehenehe paha ta te mau melo e tauturu ia orua ia taa e ia tauturu i teie mau mana'o pe'ape'a.

Te huru o ta orua raveraa no te tatara i te mana'o pe'ape'a o ta orua feia imi tei te huru ia o taua mana'o pe'ape'a ra. A taa maitai e, teie mau mana'o pe'ape'a ua tupu mai ia no te mea aita te hoê haapapûraa no ni'a i te parau mau o te faaho'i-faahou-raa mai te evanelia no ô mai i te varua e aore ra aita te taata e hinaaro i te fafau ia haapa'o i te hoê, tumu parau. Te taa maitairaa te tumu o te fifi mai teie te huru e tauturu ia te reira ia orua ia ite e ia faatano i ni'a i te iteraa papû e aore ra i te fafauraa.



Eaha e paha i te honoa.

Te mau nota

Te mau nota

Ohiparaa: Haapiiraa e to oe hoa

Ma'iti i te hoê titauroa ia fafau o ta orua e horo'a'tu ia haapii orua i te mau haapiiraa. E a imi te mau mana'o pe'ape'a e vai ra o te haaffi ra i te hoê taata ia farii e ia haapa'o i te fafauaraa. A aparau e a haapiipii nahea orua e nehenehe ai e tauturu rahi roa i te mau taata a tatara ai ratou i to ratou mau mana'o pe'ape'a.

Te tatarahapa e te faaoreraa i te mea i matauhia

Te tatarahapa e rave'a pae varua ia o te titau i te haehaa, te faaiteraa, te faaho'iraa, e te faaru'eraa i te hara. E tauraa tamau ia no te mau mana'o e te mau ohipa. Te tanoraa mau, e titauhia hoê ana'e tatarahaparaa i te hoê hara papû maitai. Te ra râ, ia rave faahouhia te hara, e riro ia te tatarahapa ei rave'a no te faaoraraa (a hi'o Mosia 26:30 ; Moroni 6:8 ; PH&PF 1:31-32).

E titauhia paha te hoê rave'a no te pae mana'o e te pae tino i roto i te tatarahaparaa. E ti'a i te mau taata ia faaea roa i te na reira noa, i te faaore roa i te mau huru tano ore. E monohia te peu hinaaro orehia na te mau haerea maitai e te afaro.

E titauhia paha te hoê taime roa no te tatarahaparaa e te faaoraraa. I te tahi mau taime, noa'tu te vai ra to ratou mau hinaaro mau, e hema te mau taata faafariu-apî-hia i te tamataraa a haere ai ratou i mua i te haaviraa ia ratou iho. No teie mau huru, e ohipa te mau taata faafariu-apî-hia i pihaiiho i to ratou feia faatere o te autahu'araa, eiaha râ i pihaiiho i te mau misionare, a tutava ai ratou i te upooti'a i ni'a i te faahemaraa e ia tatarahapa hope roa.

Na roto i te baptizoraa e te haamauraa e farii te mau taata i te horo'araa a te Varua Maitai, o te horo'a i te puai i to ratou aravihi ia upoti'a i ni'a i teie mau fifi. Aita râ te baptizoraa e te horo'araa i te varua maitai e tinai roa i te mau hinaaro o te pae mana'o e te pae tino o te apee ra i teie mau haerea. Noa'tu paha e ua manuia te hoê taata i te tahi mau tuhaa matamua, e titau faahouhia paha te tahi faaoraraa i te pae mana'o no te tatarahapa hope roaraa e no te faaora roaraa i taua taata ra.

Ohiparaa: Haapiiraa ia oe iho e aore ra, e to oe hoa

- A feruri i te hoê taata imi, hoê taata faafariu-apî-hia mai, aore ra hoê melo itoito-rii o te tamata ra i te upooti'a i ni'a i te mea i matauhia.
- A hi'o faahou « Faaroo ia lesu Mesia » e « Tarahaparaa » mai roto mai i te haapiiraa « Te Evanelia a lesu Mesia » i roto i te pene 3.
- Eaha ta oe e nehenehe ia haapii i teie taata mai roto mai i teie haapiiraa e teie pene no te tauturu ia'na ia upooti'a i ni'a i te mea i matauhia ?
- A hamani i te hoê arata'iraa haapiiraa no te tauturu i te reira taata.

Tautururaa i te feia imi e te mau taata faafariu-apî-hia ia taa i te tatarahapa e te faaoreraa i te mea i matauhia

E anihia paha ia oe ia pahono i te mau uiraa e te mau mana'o pe'ape'a no ni'a i te mea i matauhia. E hinaaro atoa paha oe ia tauturu i te feia imi i te pahonora e teie mau uiraa fifi roa no ni'a i teie fifi. E tauturu teie mau mana'o i muri nei:

- Faaite i to oe iteraa papû no ni'a i te mana faaora o te evanelia, te taraehara ihoa râ (a hi'o Alama 7:11–13).
- Faaite papû e o te Atua ana'e o te nehenehe e faatupu i te semeio no te faaoraraa pae varua (a hi'o Salamo 147:3).
- A faataa e te horo'araa no te faaora no te tino e no te varua atoa.



© 2000 Simon Dewey, Eaha e paha i te hoho'a.

Teie te mau taahiraa matamua no te tauturu i te mau taata i roto i te raveraa no te faaoraraa:

- Te iteraa e te faaiteraa i te fifi. E titauhia ia te hoê hi'opo'araa maite e te ti'a i te taata iho.
- Te faaiteraa e mea taiâ te haerea. E haafifi ia vetahi ê e e ti'a ia tau.
- Te faahaehaaraa e te mana'o oto.
- Te imiraa i te faaoreraa hara mai roto mai ia vetahi o tei mauiui, e te haapiiraa ia faaore i te hara ia oe iho.
- Te faaore-roa-raa i te mau peu i matauhia e ia haamata i te rave i te mau peu maitai.
- Te haapa'o-maitai-raa—haapa'oraa i te mau fafauraa o te bapetizoraa, te taviniraa, te pureraa no te tautururaa a te Varua Maitai, e te faaiteraa i te hoê hinaaro ia haapa'o i te mau faaueraa a te Atua.
- Te taaraa e here noa te Fatu i Ta'na mau tamarii—noa'tu e rave ratou i te hoê hape e e ho'i faahou i te mau huru matamua. E matara noa te tatarahapa e te e'a no te faaoreraa i te mau mea i matauhia.

Hoê faanahonahoraa no te faaoreraa i te haerea o te mau mea i matauhia

E ani mai paha te feia imi e te mau melo apî e te mau melo itoitaiti eaha ta ratou e ti'a ia rave ia upooti'a ratou i ni'a i te mea i matauhia. E ti'aturi ratou i to orua aravihi no te horo'a atu i te arata'iraa e te tururaa ia ratou. E tauturu paha teie mau mana'o i raro nei ia orua:

- Ia faaite mai ratou i te mau taime, te mau vahia, e te mau taata o te faaitoitaiti nei i teie huru haerea. A aparau i teie tabula e te hoê hoa faaipoipo, te episekopo, te misionare paroita, aore ra te tahi mau hoa maitai. A tuatapapa i te mau mea o ta ratou e ti'a ia rave no te tau aore ra no te faaru'e i te mau mea e vai ra i ni'a i te tabula.
- A parau ia ratou ia papa'i i te mau mea e ere ra i teie nei i roto i to ratou oraraa o ta teie huru haerea i faatupu, e ia ore ia faatitiaifarohia, eaha ia ta ratou e ere i roto i te oraraa i mua nei.
- A parau ia ratou ia papa'i te mau mea taa ê o ta ratou e nehenehe ia rave no te ape aore ra no te faaore i te huru haerea tano ore. Mai teie te huru, te aparauraa i te hoa faaipoipo, te piiraa i te epitekopo aore ra i te hoê hoa no te tauturu, te faa'eta'etaraa i te tino, e te tahi atu â mau ohiparaa o te tauturu ia ratou ia faatea ê i te faahemaraa.

Te mau nota

Te mau nota

- A faaitoito pinepine noa ia ratou ia pure, ia tai’o i te mau papa’iraa mo’a, ia faaroo i te mau pehe maitai, e ia tai’o i te mau buka maitai.
- A faaitoito ia ratou ia farii i te hoê haamaitairaa o te autahu’araa.
- A faaitoito ia ratou ia tamau noa i te itoito i roto i te Ekalesia, i reira ho’i e noaa ai ia ratou te tauturu no te upooti’a i ni’a i to ratou mau fifi e ia haafatata atu i te Fatu.
- A faaitoito ia ratou ia haere atu i roto i te hoê pŭpŭ no te tauturu aore ra ia faarii i te tauturu a te mau taata aravihi. Te vai nei i te tahi mau vahi, te LDS Family Services [Te Pŭ Tautururaa i te Utuafare a te Feia Mo’a i te mau Mahana Hopea nei]
- A faaitoito ia ratou ia ore roa e faaru’e ! E tauturu te Fatu ia ratou, noa’tu te roaraa o te taime.



E nehenehe ta te feia mo’a itoito i te mau mahana hopea nei e tauturu rahi roa i te mau melo apî ia faaea itoito noa na roto i te faahoaraa ia ratou. E ti’a roa i te mau melo ia tapiri atu i te feia imi e i te mau melo apî ma te hoê huru mahanahana e te papŭ mau. E pahono maitai mai te Feia imi e te mau melo apî ia faariiia ratou na roto i te ataata, ia ani mauhia eaha to ratou huru, ia parahi vetahi i pihaiho ia ratou i roto i te mau pureraa, e ia titau manihini hia ratou no te hoê tamaaraa utuafare aore ra pureraa pŭ utuafare.

No te mea e ho’i te tahi pae i te mau mea i matauhia, eiaha roa te feia faatere o te autahu’araa e te mau melo ia huru ê e ia paruparu mai te mea e ite ratou e te aro râ te hoê taata e imi ra aore ra te hoê melo apî i teie mau fifi. Ia faaite ratou i to ratou ti’aturi i taua taata ra eiaha râ e haava mai te mea te ho’i ra taua taata ra i te mau peu tahito. Ia faaairo ratou i te reira mai te hoê ohipa no te hoê noa taime potu. Aita roa e faahaparaa i te hoê taata e imi ra o tei ora i roto i te mea i matauhia aore ra i te hoê melo faafariu-apî-hia e tauturu e arata’i râ oia i te haaparuparuraa, te ati, e te ohipa-ore-raa. Te hoê taata faafariu-apî-hia o te faaea ta’u’e noa i te haere i te pureraa ua ho’i faahou â paha oia i te mea tahito i matauhia e te vai ra ia to’na mana’o mâ ore e te paruparu. E nehenehe te hoê tere farereiraa no te faaitoito o te rave oiiohia e tauturu i te taata ia manuia. E faaite te mau melo na roto i te parau e te ohipa e te faarii ra ratou i te mau melo faafariu-hia (a hi’o 3 Nephi 18:32).

Te faaea itoito noaraa i roto i te Ekalesia e te tutava noaraa i te ora ma te haapa’o maitai o te reira ia te mau ohipa hau roa a’e i te faufaa ta te hoê taata e ti’a ia rave ia upoti’a oia i ni’a i te mea i matauhia.

Ohiparaa: Haapiiraa ia oe iho

A feruri i te tahi o ta oe mau peu—te tahi ohipa o ta oe e rave pinepine, e rave ma te feruri ore, mai te haapaa’inaraa i te mau tuatiraa ivi, te faafaroraa i to oe titea mata, te amuraa rahi i te maa, aore ra te taotoraa maoro. I teie nei, a tamata ia ore roa ia rave hoê noa a’e taime teie mau mea i roto i te hoê mahana. Ia manuia oe, a tamata i te na reira no te hoê hepetoma taatoa. A aparau i to oe hoa te ohipa ta oe i rave. Tamata na râ i te feruri e mea teimaha atu â te tutavaraa a te hoê taata e imi ra no te aro i te mea i matauhia mai te faaohipa rahiraa i te avaava e te inu taero.

Vaiiho te tahi mea i Muri

I te pae hopea o te mau haapiiraa tata'itahi, a horo'a i te taata e imi ra te tahi mea no te tai'o e no te feruri no te faaineineraa no te farereiraa i mua atu. E faataa atu paha orua te tahi mau pene no roto atu i te Buka a Moromona. E horo'a atu paha orua ia ratou hoê buka iti o te faaite ra i te mea o ta orua i haapii aore râ e haapii atu i teie tere farereiraa i mua nei, aore râ te hoê atu buka e aore râ te hoê haapiiraa na roto i te hoho'a. Mai te mea te vai ra ta ratou Itenati, a faaitoito ia ratou ia haere atu i roto www.mormon.org. Ia vaiiho-ihoa-hia te tahi ohipa ia ratou no te faaferuri, feruri hohonu, e ia pure i ni'a i taua mau mea ra. E riro te reira ei tumu parau no te haamataraa o te haapiiraa i te taime e farerei ai i mua nei.

Ohiparaa: Haapiiraa e to oe hoa

A hi'opo'a faahou te mau tauihaa o ta orua e vai ra no te vaiiho atu i te feia imi te mau buka rii e te mau hoho'a. Te vai ra anei te tahi atu mau tauihaa o ta orua e hinaaro nei ia nehenehe ia orua ia horo'a atu i ta orua feia imi ? A hamani i te hoê tabula i roto i ta orua buka faanahonahoraa no te mau tauihaa o ta orua e hinaaro i te ani.

A haapa'o maitai i te feia imi tata'itahi o ta orua i faanaho no te haapii i teie hepetoma. Eaha te pene i roto i te Buka a Moromona o te riro ei tautururaa rahi roa no ratou ? Eaha atu â te tahi mau tauihaa e faafanao ia ratou ? A papa'i i roto i te Tabula Nota te mea o ta orua e hinaaro i te horo'a i te taata e imi ra tata'itahi e eaha ta orua e rave no te hi'opo'a faahou i te tere farerei i mua nei.

Haapii i te evanelia i faaho'ihia mai ia ratou e aore e hiro'a keretesiano

Te tahi o te mau taata o ta orua e haapii aita paha ratou e ti'aturi i te Metua i te Ao ra e ia Iesu Mesia aore ra aita roa e peu keretesiano. Te rahiraa râ o teie mau taata, te vai ra to ratou ti'aturiraa, e te mau vahi o ta ratou e faairi ei vahi mo'a. Ei tavini na te Atua, e ti'a roa ia orua ia faaite i te faatura e titauhia i to ratou mau ti'aturiraa e ta ratou mau peu. Eiaha roa e rave i te hoê noa'e ohipa o te faaite i te faatura ore i te mau mea faufaa no ratou.

Te aniani ra paha orua e nahea râ ia faatano maite i ta orua horo'araa i te haapiiraa i teie mau taata. E noaa te tautururaa ia haamana'o e no te faafariu, e titauhia i te taatoaraa o te mau tamarii a te Atua, ma te hi'o ore i te mau peu, ia faarahi te Faaroo ia Iesu Mesia, ia tatarahapa, ia faarii i te mau oro'a o te bapetizoraa e te haamauraa, e ia faaoroma'i noa e tae noa'tu i te hopea na roto i te haapa'oraa i te mau faaueraa e te taviniraa. Te mau parau tumu no te tauturu ia vetahi ia faatupu i te Faaroo ia Iesu Mesia hoê â ia i roto i te mau peu tumu atoa.

E nehenehe ta orua e tauturu i te mau taata ia noaa te hoê taaraa papû e te Atua o to tatou ia Metua i te Ao ra e ia faarahi te Faaroo ia Iesu Mesia na roto i te tautururaa ia ratou ia noaa te mau tupuraa ohipa pae varua ia ratou iho eiaha noa râ na roto i te parauraa atu ia ratou te huru o te Atua. Teie te hi'oraa, e tauturu orua i te mau taata ia noaa teie taaraa:

- Ia noaa te hoê mana'o papû pae varua e ua fâ mai te Atua e Tana Tamaiti, Iesu Mesia, i te peropheta o Iosepha Semita.
- Ia faaroo i ta orua haapiiraa mau e te iteraa papû o te evanelia, oia atoa no te aha orua i ma'iti ai i te pee ia Iesu Mesia.

Te mau nota

- Ia faaroo pinepine ia orua e ia te tahi mau melo ia aparau i te Metua i te Ao ra na roto i te hoê pure ohie, e no roto roa mai i te aau.
- Ia faaroo ia orua ia faaite i te hoê iteraa papû puai mau.
- Ia pure e orua oia atoa o ratou ana'e
- Ite ratou eaha to orua mana'o no ni'a i te mau papa'iraa mo'a a tai'o ai e a aparau ai orua i te reira.
- Ia tai'o i te parau a te Atua i roto i te papa'iraa mo'a i te mau mahana atoa (te buka a Moromona ihoa râ)
- Haere i te pureraa ia nehenehe ia ratou ia ite nahea tatou ia haamori i te Fatu.
- Ia farerei i te mau melo o te Ekalesia o te nehenehe ia faataa e nahea ratou i te haamataraa i te ti'aturi i te Metua i te Ao ra e ia Iesu Mesia.
- Ia haapa'o i te mau faaueraa.

E riro teie mau ohiparaa e faufaa no te mau taata atoa o ta orua e haapii, e mea titau roahia no te haapiiraa ia ratou e aore to ratou e hiro'a keretesiano no te mea aita teie mau taata i faarii i teie mau huru ohipa tei tupu na mua a'e.

E rave rahi te mau taata faafariu-hia e aore to ratou e mau hiro'a keretesiano o tei faaite e aita ratou i taa rahi roa eaha ta te mau misionare e parau ra, tera râ ua faarii ratou i te Varua e ua hinaaro ratou i te rave te mea o ta te mau misionare e ani ia ratou ia rave. E ti'a ia orua ia rave i te mau mea atoa o ta orua e nehenehe ia rave no te tauturu i te feia imi ia taa i te mau parau haapiiraa o te evanelia. A faaoroma'i e a turu papû, e taime roa paha no te mau taata ia ite e ia faaite i te mau mana'o e vai ra i roto ia ratou. E ti'a paha ia orua ia faatano i te roaraa e te hohonuraa o ta orua haapiiraa ia tauturu ia ratou ia taa. A faaineine ai orua i te haapii ia ratou e aore e hiro'a keretesiano, teie te tahi mau mana'o i raro nei no te tauturu:

- A faanaho i te mau hi'oraa ohie no te haapiiraa tata'itahi.
- A ani ia ratou ia faaite ia orua te mea o ta ratou i taa e eaha te huru ohipa i tupu ia ratou.
- A rave i te taime no te tatara i te mau reta parau faufaa e te mau tumu parau. Aita paha o ratou o ta orua e haapii ra i matau i te mau parau o ta orua e faaohipa a haapii ai orua.
- A ho'i faahou â i roto i te hoê haapiiraa o tei haapiihia no te haapii i te parau haapiiraa ma te maramarama mau. E na reira hia i te mau taime atoa e hinaarohia i roto i te haapiiraa.

Te mau hi'oraa i roto i te papa'iraa mo'a

Te vai ra i roto i te mau papa'iraa mo'a te mau hi'oraa o te mau misionare o tei haapii i te mau taata o tei ore i ti'aturi i te Atua aore ra o tei taa ore i To'na natura mau. A haapii i te mau papa'iraa mo'a i raro nei, e a tatara atu i to oe hoa aore ra a papa'i i roto i te buka tapa'oraa haapiiraa e nahea teie mau misionare i te tauturaa i te mau taata ia noaa te iteraa papû e te vai ra te Atua.

- Alama e amuleka (Alama 9–12 ;15)
- Amona e Aarona (Alama 17–22)
- Alama (Alama 30)
- Alama e te tahi atu (Alama 31–35)
- Paulo (Ohipa 17:16–34)

Ohiparaa: Haapiiraa e to oe hoa

Mai te mea e nehenehe, a maimi te hoê taata faafariu-hia e ere i te melo o te hoê peu keretesiano na mua a'e i te farereiraa e te mau misionare. A faanaho no te farerei ia'na, e a ani atu no ni'a i te huru o te ohipa i tupu no ni'a i to'na fariuraa mai. Mai teie te huru, e ani paha orua eaha te mea i arata'i taua taata ra ia ti'aturi i te Atua, te taima matamua i pure ai oia, te taima matamua i ite ai oia i te pahonora a ta'na pure, te tuhaa a te papa'iraa mo'a i roto i to'na fariuraa mai, e eaha te huru ia tae i te mau pureraa i te mahana sabati. A papa'i te mea o ta orua i haapii mai i roto i ta oe buka tapa'oraa haapiiraa.

A haamana'o i teie

- Ia haapiihia te taata i te evanelia i faaho'ihia mai e ia haapa'o ratou, e manuia ia to ratou mau hinaaro.
- A faanaho e a haapii e to oe hoa i te mau mahana atoa ia hoê e ia haapii ma te hoê reo.
- A faaite pinepine i to oe iteraa papû.
- Te mau papa'iraa mo'a, te Buka ihoa râ a Moromona, o ta orua ia mau mauhaa tumu no te haapiiraa.
- A pure ia noaa te horo'araa o te ite varua ia ite eaha te taima ia faaohipa i te mau rave'a aravihi i faaitehia i roto i teie pene.

Te mau nota

Mau mana’o tauturu no te haapii mai e no te faaohiparaa

Haapiiraa a te Taata iho

- A faahoho’a na e tei roto oe i te mau ti’araa i muri nei. Nahea oe ia rave i te mau tumu parau e te mau rave’a aravihi o teie pene no te tauturu i teie mau taata ia haere i mua ? A faanaho e nahea oe ia faaohipa ia ratou i roto i te mau ti’araa tata’itahi.
 - A haere ai oe na roto i te hoê vahi fafaearaa, ite atura orua i te hoê vahine e te hoê tamaitiiti o te parahi ra o raua ana’e i ni’a i te parahiraa. Te ta’i ra te vahine.
 - Ua tae atu orua i te fare o te feia imi o tei faaineine no te bapetizo, e te parau mai nei ratou ia orua eita ratou e hinaaro faahou ia farerei ia orua.
 - No te hituraa o te taima te farerei nei orua i teie taata e imi ra o tei haapiihia e rave rahi mau misionare i roto i te area e piti matahiti. Mea iti roa te mau tapa’o faaite i te haereraa i mua.
 - Te haamata ra orua i te haapii i te hoê parau poro’i o te evanelia i te hoê utuafare melo, e ua parau mai, « ua ani matou i te hoê taata o ta matou i matau ia farerei i te mau misionare, e ua parau paatoa mai ratou e aita. »
- A ma’iti hoê o te mau haapiiraa misionare. A rave mai hoê aore ra e piti papa’iraa mo’a no roto mai i te parau tumu. A haapiipii no te haapii mai roto mai i taua mau papa’iraa ra mai te faahitihia i roto i te tuhaa « Faaohipa i te mau papa’iraa mo’a » o teie pene.
- I muri a’e i te mau hebetoma e rave rahi, a hi’o faahou i te mau haapiiraa a te Faaora te vai ra i roto i te mau Evanelia a (Mataio, Mareko, Luka, Ioane) e 3 Nepi. I roto i ta orua buka tapa’oraa haapiiraa, a hamani i te hoê tabula o te mau uiraa o ta’na i ani. A faaau teie mau uiraa i ta orua mau uiraa o ta orua i matau noa i te ani.
- A tai’o i te aamu o Amona e te Arii Lamoni i roto i te Alama 18 e te aamu o Aarona i roto i te Alama 22:4–18. A tai’o ai orua, a hi’o e a faaite nahea o Amona e o Aarona i te:
 - Peeraa i te Varua e te haapiiraa ma te here.
 - Haamataraa i te haapii.
 - Faatanoraa i ta raua mau haapiiraa no te pahono i te mau hinaaro.
 - Faaiteraa i te iteraa papû.
 - Faaohiparaa i te mau papa’iraa mo’a.
 - Aniraa i te mau uiraa, faarooraa, e tatararaa i te mau mana’o pe’ape’a.
 - Faaitoitoraa ia ratou o ta raua i haapii ia rave i te mau fafauraa.
- A feruri maite i te mau faahitiraa i muri nei a te peresideni Harold. B. Lee no ni’a i te haapiiraa no te taa maitairaa. A tuatapapa e nahea orua ia haapii ma te maramarama mau i te Mau parau haapiiraa o te evanelia. A papa’i te mea o ta orua i ite mai i roto i ta orua buka tapa’oraa haapiiraa.

« Ia vai noa outou i roto i te aamu o te papa’iraa mo’a e ia faaohie te reira na roto i te mau parau e taahia. » (The Teachings of Harold B. Lee, ma’itihia e Clyde J. Williams (1996), 444).

« E teie nei o outou te mau orometua aita outou i faauehia ia haapii i te parau haapiiraa api. E ti’a ia outou ia haapii i te mau parau haapiiraa tahito, a haapii ma te maramarama maitai eiaha no te mea e nehenehe noa ia ratou ia taa, e ti’a râ ia outou ia haapii i te mau parau haapiiraa a te Ekalesia ma te maramarama maitai ia ore te hoê noa’e taata e vai i roto i te poiri. » (The Teachings of Harold B. Lee, 458)

Haapiiraa e to oe hoa

- A hi'o faahou te faanahoraa haapiiraa o te hoê haapiiraa o ta orua i haapii noa'ihoni. A papa'i hoê uiraa no ni'a i te mau tumu parau faufaa o te faaitehia i roto i ta orua faanahoraa. I muri mai, a pahono i te mau aniraa tata'itahi mai te mea ra e taata e imi ra orua. A hi'o faahou i ta orua mau uiraa mai te mea e hinaarohia. A faaite i ta oe mau uiraa i to oe hoa. A tuatapapa amui i ta orua mau uiraa.

A haapa'o maitai i te mau hinaaro o te hoê taata e imi ra o ta orua e haapii ra. A aparau e nahea ona ia pahono i ta orua mau uiraa. A aparau atoa e nahea teie mau uiraa ia faahaere mai i te Varua no te tauturu i te taata e imi ra ia ite i te evanelia.

- A feruri i ta orua feia imi apî tata'itahi. A aparau eaha ta orua e nehenehe ia rave no te tauturu ia ratou ia riro mai ei taata e imi ra o te haere i mua. A papa'i i to orua mau mana'o i roto i te buka tapa'oraa haapiiraa e a hamani i te mau faanahoraa i roto i ta orua buka arata'i tamahana.

Te mau apooraa mataeinaa e te mau amuiraa area

- A titau manihini i te mau melo aore ra te feia apî e imi ra i roto i ta outou apooraa. A faataa i to te pûpû e te hinaaro nei orua i te mau misionare ia haamaitai faahou atu â i to ratou aravihi no te faaiteraa i ta ratou parau poro'i faufaa. A ma'iti i te hoê haapiiraa e te hoê rave'a aravihi. A vaiiho i te mau misionare ia haapii i te mau melo aore ra te feia imi te haapiiraa o ta orua i ma'iti e 20 minuti, ma te faaohipa maitai i te mau rave'a o ta orua i ma'iti. Ia hope te 20 minuti a parau ia ratou ia tau. I muri mai i to te mau misionare otiraa i te haapii, faa amui faahou te pûpû e a ani i te mau melo e te feia imi ia faaite i te mau misionare eaha te mea hau roa a'e i te manuia e te hoê rave'a o ta ratou e ti'a ia haamaitai.
- A faaite te hoho'a o te mau misionare o te haapii ra aore ra e farerei ra i te mau taata. A ma'iti i te hoê rave'a aravihi e a aparau i roto i te pûpû e nahea te mau misionare i roto i te hoho'a i te faaohipa maitairaa i te mau tumu parau o taua rave'a ra.
- A ma'iti i te hoê rave'a aravihi aore ra hoê huru faufaa o te hoê rave'a aravihi, e a tape'a mai te mau tuhaa o te parau haapiiraa aore ra o te papa'iraa mo'a o te paturu i te rave'a aravihi. A haapii te niu haapa'oraa o te rave'a aravihi i te mau misionare.

Peresideni misioni

- I te tahi mau taime a apee i te mau misionare ia haapii ratou. A faanaho e o ratou nahea oe e nehenehe ai e tauturu i roto i te haapiiraa.
- A faitoito i te feia faatere o te autahu'araa ia apee i te mau misionare i to ratou mau tere farerei e ia vai ineine noa no te turu mai.
- A faaite i te faaohipa manuiaraa i te mau papa'iraa mo'a, te mau uiraa, e te faarooraa ia haapii oe i te mau misionare i roto i te mau amuiraa area e te mau uiuiraa.



Naeha vau i te tauturu i te taata ia rave e ia tape'a i te mau fafauaraa ?

A feruri i teie

- No te aha e ti'a ia'u ia tutava i te aniraa i te mau taata ia rave i te mau fafauaraa ?
- Nahea te mau fafauaraa e tu'ati atu ai i te faafariuraa ?
- Nahea ta'u e nehenehe e faaite i te hoê iteraa papû haehaa ?
- Eaha te mau haamaitairaa ta'u e nehenehe e fafau atu ?
- No te aha e mea faufaa rahi roa na'u ia hi'o maite ia rave ana'e te mau taata i te mau fafauaraa ?

A faatae i te mau aniraa ia rave i te mau fafauaraa

Ei misionare te hinaaro nei oe te ora o te mau aau (a hi'o Mosia 28:3). Ua ite oe e e nehenehe ta te mau taata ia haere atu i te Mesia e ia faaorahia i ni'a i te mau titauroa o te tarahaparaa (a hi'o PH&PF 18:10–16). Hoê rave'a no te faatupu i ta oe mau hinaaro o te pororaa ia i te parau no te tatarahaparaa (a hi'o Alama 5:49 ; PH&PF 15:6 ; 16:6) e ia ani ma te mātā'u ore i te taata ia faaohipa i te faaroo e arata'i atu i te tatarahaparaa, ia bapetizohia e te pape e te Varua, e ia tape'a noa e tae noa'itu i te hopea (a hi'o 3 Nephi 27:16–20 ; Moromona 7:10).

Ua riro te fafauaraa ei tuhaa faufaa rahi no te tatarahaparaa. O te faaheporaa ia'na iho ia rave i te hoê tere ohipa e te pee-noa-raa i taua faaotiraa ra. Ia fafau mau ana'e te taata, e hinaaro mau to ratou, oia ho'i te opua mau nei ratou ia rave i te ohipa ta ratou i fafau e rave. E rave ratou i te hoê faaotiraa aueue ore ia tau. E riro ratou ei feia e haamori ia Iesu

Te mau nota

e te pûpû nei ratou ia ratou iho i Ta'na ra evanelia. Te tape'araa i ta ratou fafauaraa o te huru ia o to ratou « faaite mau raa na roto i ta ratou mau ohipa e ua farii ratou i te maramarama o te Mesia no te matararaa o ta ratou mau hara » (PH&PF 20:37). Ia ani ana'e oe i te mau fafauaraa ei tuhaa no ta oe haapiiaraa, te ani ra ia oe i te taata e imi ia tatarahapa.

Te hoê o te mau rave'a maitai roa'e no te tauturu i te mau taata ia rave e ia tape'a i te mau fafauaraa o te faataeraa ia i te hoê aniraa ia fafau. E mea faufaa rahi roa te faataeraa e te hi'opo'araa i te aniraa no te fafauaraa no te mea:

- E faafariu te taata a ora noa ai ratou i te mau ture ta ratou i haapii (a hi'o Ioane 7:17) e a ite i to te Varua haapapûraa e te mau mea atoa ta ratou e rave nei e mea au ia i to ratou Metua i e ao ra.
- E tauturu te tatarahaparaa e te tauiraa i te taata ia haavî i te mau upooti'araa e faatea ê atu ia ratou i te haamâ e te mana'o hape e ia ite i te hau e te oaoa no to te Atua faaorerera i ta ratou mau hara.
- E faaineine te tape'araa i te mau fafauaraa i te mau taata ia rave e ia tape'a i te mau fafauaraa mo'a.



© 2001 Simon Dewey. Eiaha e paita i te ho'ora.

E nehenehe ta oe e faaite i to oe here i te taata e i to oe faaroo i te mau fafauaraa a te Atua na roto i te hi'oraa no te tauturu ia ratou ia tarahapa e ia tape'a i ta ratou mau fafauaraa.

Ua faahitihia te mau fafauaraa tei titauhia no te bapetizoraa i roto i na haapiiaraa matamua e maha. Ua tabulahia te mau fafauaraa no te tereraa varua i mua i muri a'e i te bapetizoraa e te haamauraa i roto i te haapiiaraa 5. A ara tamau noa i te hinaaro ia titau manihini i te taata ia rave i te mau rave'a e haapuai i to ratou faaroo i te Mesia. A haamana'o i te mau ture i muri nei:

- E ti'a i te mau rave'a atoa no te imi—e te mau melo, te mau i'oa o te mau taata tei horo'ahia mai, e aore râ te farerei tino-roa-raa—e arata'i atu i te hoê aniraa ia rave i te ohipa, oia ho'i te haapii atu â i te parau poro'i no te Faaho'i-faahou-raa mai.
- Eita roa e ti'a ia oe ia paraparau atu i te mau taata e aore râ ia haapii atu ia ratou ma te ore e faatae i te hoê aniraa ia rave i te tahi mea o te haapuai i to raua faaroo i a Iesu Mesia.
- A haapa'o noa i te hoê fafauaraa e aore râ hau atu ia haapii ana'e oe. Mai te mea e ore oe e ani i te mau taata ia rave i teie nei mau fafauaraa, aita oe e ani ra ia ratou ia tatarahapa e ia haere atu i te Mesia.
- A faaineine ai orua i roto i te haapiiaraa e te hoa no te haapii i te hoê haapiiaraa, a feruri na i te mau hinaaro e te ti'araa o te mau taata atoa e imi ra e a tuu atu i roto i ta orua faanahoraa haapiiaraa i te hoê fafauaraa e aore râ hau atu.
- I roto i te hoê haapiiaraa e faaurûhia paha orua i te horo'a i te mau aniraa ia fafau taa ê atu i te mau fafauaraa ta orua i opua. A ani noa i te mau taata ia tatarahapa.
- Eiaha e mātā'u e a ti'aturi a ani ai orua i te taata ia rave i te mau fafauaraa (Alama 38:12). Na to orua mātā'u ore e faaite i to orua faaroo e e afai mai te haapa'oraa i te mau faaueraa te Fatu i te mau haamaitairaa.
- Eita paha te mau taata e tau maori râ e anihia ratou ia na reira.

Tai'oraa i te papa'iraa mo'a**No te aha e mea faufaa roa ia horo'a i te mau aniraa ?**

Alama 5:62

Moroni 7:13

No te aha e mea faufaa rahi roa te mau fafauraa ?

2 Nephi 31

Alama 32:27

PH&PF 20:37

Mosia 2:41

PH&PF 14:7

Ioane 7:17

Alama 7:14–16

A ani atu i te mau uiraa papû

Te rahiraa o te taima e riro te hoê aniraa no te fafauraa e hoê uiraa « e na reira anei oe » o te titau i te hoê pahonoraa e e aore râ *aita*. E ti'a i te mau aniraa e mau aniraa papû, ti'a e te maramarama. E ani ratou e aore râ e arata'i ratou i te taata ia ma'iti i te hoê haerea no te ohipa. E titau teie nei mau uiraa i te mau taata ia rave i te hoê fafauraa e ia faahipa i te faaroo itoito i roto i te mau ture ta orua i haapii atu ia ratou.

Teie te tahi mau hi'oraa no te mau aniraa maitai, ma te peehia e te haamataraa no te hoê fafauraa e te iteraa papû:

- E tai'o anei oe [3 Nephi 11, Moroni 10:3–5, teie nei buka iti] hou to mau tere ananahi i te hora 7 i te pô ? Ua ite au e ia na reira oe e... Te faaite papû atu nei au e te Buka a Moromona e...
- E pure anei oe e e ani anei oe i te Atua e, e peropheta mau anei o Iosepha Semita ? Ua ite au e ia pure oe e... te Atua... Ua ite au e peropheta o Iosepha Semita...
- E haere anei oe i te fare pureraa na muri ia maua i teie nei sabati i te hora 9 i te po'ipo'i. Mai te mea e na reira oe, e... oe... Ua ite au e ua faaho'ihia mai te Ekalesia a te Mesia...
- E haamata anei oe i te haapa'o i teie nei taima i te ture no te viivii ore mai ta maua i haamaramarama atu i te reira ? Na te haapa'oraa i teie nei ture e... Ei tavini no te Fatu te faaite papû atu nei au e na roto i te oraraa i te hoê oraraa mâ e...
- E ani anei oe ia [i'oa] hou te mahana pae no te farereiraa ia maua e ia haamata i te haapii no ni'a i te evanelia ? E taturu te Varua ia oe... E haamaitai te faaiteraa i te evanelia i to oe nei oraraa...
- E nehenehe anei ta maua ia haere atu i to oe fare e ia faaite hau atu nahea to te Atua piiraa i te hoê peropheta i to tatou nei anotau mai ta'na i na reira i mutaa ihora ? E rahi te opuaraa, te arata'iraa e te hau e tae mai i roto i to oe nei oraraa ia taa ana'e ia oe... Te faaite papû atu nei au e ua pii faahou te Atua...

Ohiparaa: Haapiiraa ia oe iho e aore ra, e to oe hoa

I roto i ta orua buka tapa'oraa haapiiraa, a papa'i i te hoê aniraa ohie, afaro e te maramarama no te mau fafauraa atoa i roto i te hoê haapiiraa. Mai te mea ua rave orua i teie nei ohipa ma mua, a na reira noa e a faaau i ta orua mau aniraa apî e te mau aniraa tahito. A ui ia orua mai te mea ua maitai to orua aravihi i te horo'a i te mau aniraa.

Te mau nota

Te mau nota

A hi'opo'a i te mau aniraa ta oe i papa'i e to oe hoa. No te aniraa tata'itahi, a tuatapapa i te mau uiraa i muri nei:

- E haamaramarama anei au i te mau haamaitairaa tei fafauhia e te Fatu ia horo'a ana'e au i te mau titau mahiniraa ? Mai te mea aita, no te aha ?
- E ape anei au i te faatae atu i teie nei aniraa ? Mai te mea e, no te aha ?
- E haamâ anei au ia horo'a ana'e au i teie nei aniraa ? Nahea ta'u e nehenehe e haamaitai ?
- Eaha te faufaa rahi o teie nei aniraa no'u iho ?
- Eaha te rahiraa taime e ti'a ia'u ia haamana'o i te hi'o eaha ra te hopea o te mau aniraa ta'u i horo'a ? Nahea ta'u e nehenehe e haamaitai ?

A feruri i te feia e imi nei e aore râ te mau melo itoito-rii ta oe i ite, e a haapiipii i te faataeraa i teie nei mau aniraa mai te mea te paraparau ra oe i teie nei feia.

Mai te mea e ti'a ia na reirahia, a hi'opo'a faahou i te mau aniraa i roto i ta orua faanahoraa haapiiraa. A haamau i te mau fâ taa ê o te tauturu ia orua ia horo'a i te mau aniraa i te taatoaraa o te mahana e te hebedoma.

A fafau atu i te mau taata i te mau haamaitairaa

Te hinaaro nei te mau taata i te hoê tumu no te tau i to ratou mau mana'o e ta ratou mau ohipa. E mea pinepine te mau haamaitairaa i fafauhia e horo'a i te turairaa puai ia haapa'o i te faaueraa a te Atua. Ia horo'a ana'e te Fatu i te hoê faaueraa, e mea pinepine Oia i te fafau i te mau haamaitairaa no te haapa'oraa i taua faaueraa (a hi'o PH&PF 130:20–21). A faaineine ai orua i te mau taata ia haapa'o i te hoê faaueraa taa ê, a haapii atu ia ratou e:

- Te faaite nei te haapa'oraa i te mau faaueraa i te here i te Atua e i Ta'na Tamaiti.
- Te faaite nei ratou i to ratou ti'aturi i te Atua a haapa'o ai ratou i Ta'na ra mau faaueraa.
- E farii ratou i te mau haamaitairaa Ta'na i fafau mai i te hopearaa.

Ia faaite orua i te iteraa no te hoê faaueraa, a faahiti i te mau haamaitairaa ta orua i farii na roto i te haapa'oraa i taua faaueraa ra. A fafau atu i te feia ta orua e haapii ra e e nehenehe atoa ia ratou ia oaoa i taua mau haamaitairaa ra.

Ia tutava ana'e te mau taata i te tape'a i te hoê fafauaraa, a ani ia ratou ia paraparau no ni'a i te mau haamaitairaa ta te Metua i te Ao ra i horo'a no ratou. A haapapû atu ia ratou e noa'tu te mau fifi e tomo atu i roto i to ratou nei oraraa, e tamau noa Ta'na mau haamaitairaa ia haapa'o ana'e ratou i To'na hinaaro.

Tai'oraa i te papa'iraa mo'a

Eaha ta te Fatu e parau ra no ni'a i To'na hinaaro ia haamaitai ia tatou ?

Alama 37:17

PH&PF 1:37

PH&PF 76:5–10

Ohiparaa: Haapiiraa ia oe iho

A tai'o i te PH&PF 82:10 e 130: 20–21. A tai'o i te mau irava i muri nei. A hamani e piti reni faataaraa i roto i ta oe buka tapa'oraa haapiiraa. A papa'i i te hoê pae te faaueraa ta oe i ite i roto i te mau irava atoa. I te tahi atu pae a papa'i i te fafauaraa no te haapa'oraa i te faaueraa.

PH&PF 11:21
PH&PF 84:85

PH&PF 89:18–21
PH&PF95:8–9

PH&PF 100:5–8
Malaki 3:10–12

A hi'opo'a faahou i te mau fafauaraa tei tabulahia i roto i te hoê o te mau haapiiraa misionare. A pahono no te fafauaraa tata'itahi i teie nei mau uiraa:

- Eaha te mau haamaitairaa ta te Fatu i fafau atu ia ratou o te haapa'o i teie nei fafauaraa ?
- Nahea te haapa'oraa i teie nei ture e tauturu ai i te taata ia noaa te faaroo e te iteraa papû ?
- Nahea ta teie nei fafauaraa e tauturu i te mau taata ia tatarahapa e ia farii atu â i te Varua ?

A faaite pinepine i te iteraa papû

Te hoê iteraa papû o te hoê iteraa a te varua e te hoê haapapûraa horo'ahia e te Varua Maitai. Te faaiteraa i te iteraa papû o te horo'araa ia i te hoê faaiteraa ohie e te papû no te ti'aturiraa- te hoê mana'o, te hoê haapapûraa, te hoê iteraa no te parau mau o te evanelia. Te faaite pinepine raa i to oe iteraa papû o te hoê ia rave'a puai roa'e no te aniraa i te Varua e te tautururaa ia vetahi ia ite i te Varua. E amui teie iteraa i te hoê iteraa apî e no oe iho i te mau parau mau ta oe i haapii mai roto mai i te mau papa'iraa mo'a. E haapii, e faaite, e ani te hoê misionare manuïa ia vetahi ê ia rave i te mau mea o te patu i te faaroo ia Iesu Mesia. I roto te reira te raveraa i te mau fafauaraa o te tae mai na roto i te oraraa i te mau ture mau. Ei hi'oraa, e parau paha te misionare, « Ua ite au e, ia haamo'a oe i te mahana sabati, e rahi atu â ia te hau ta oe e ite i roto i to oe aau. »

Ia noaa i to oe iteraa papû te mana haapapûraa, e ti'a ia oe ia hinaaro mau. Eita te iteraa papû puai e tupu i ni'a i te ite o te reo e aore râ te puai o to oe reo tei ni'a râ i te iteraa o to oe aau. A tutava i te mau mahana atoa ia haapuai i to oe taaraa e to oe iteraa no te mau parau haapiiraa e te mau ture ta oe e haapii. A faaite pinepine i to oe iteraa papû no te titiro i te parau mau no te mau ture e aore râ haapiiraa ta oe e haapii nei. Mai te mea e nehenehe a haapii pinepine, i muri iho a faaite papû, e a faaite papû a haapii ai oe.

E mea ohie paha to oe iteraa papû « O Iesu Mesia te Tamaiti a te Atua » e aore râ « Ua haapii au no'u iho e e parau mau te Buka a Moromona. » E nehenehe atoa ta oe e faaite i te hoê ohipa poto i tupu no te huru o to oe noaaraa i teie nei iteraa. A faaite papû e rave rahi mau taima i roto i te mau haapiiraa atoa, eiaha i te pae hopea noa o te haapiiraa. A faaite papû e te mea ta to oe hoa i haapii no ô mai ia i te Atua ra. A faaite papû e te ture ta oe e haapii e haamaitai ia i te oraraa o te feia imi

« No ni'a i to vetahi iteraa papû, a haamana'o e te iteraa ta te taata e hinaaro mau i te faaite e tape'a ia i te reira, o te iteraa ta'na ra e tape'a noa e ere ia oia i te reira... A haapii e a faaite papû. Aita'tu e faanahoraa maitai a'e. »

– ELDER THOMAS S. MONSON
PATHWAYS TO PERFECTION [1973], 100–101



Te mau nota

mai te mea e pee atu ratou i te reira haapiiraa. A paraparau nahea te horo'araa i te hoê haapiiraa i haamaitai ai i to oe nei oraraa.

I te tahi mau taima te uiui nei te feia i roto i to ratou feruriraa i te mea ta oe e haapii nei, e mea fifi râ i te mârô atu i te hoê iteraa parau mau no roto mai i te aau. Ia faaite papû ana'e oe, a pure e ia ite te feia ta oe e haapii ra i te iteraa haapapû o te Varua Maitai. Ia faaite papû ana'e oe, e nehenehe ta oe e faatupu i te hoê varua ia ite te feia imi i te Varua Maitai i te haapapûraa i to oe iteraa no te parau mau. E faaineine teie iteraa ia ratou ia farii i te mau fafauraa ta oe e horo'a'tu.

Aita o Brigham Young i bapetizohia i te matahiti matamua no to'na haapiiraa i te evanelia tei faaho'ihia mai. Teie râ ta'na i parau no ni'a i to'na faafariuraahiaa, « Ahani ua tonohia mai ia'u te taleni, te aravihi, te paari e te peu maitai o te ao nei e te Buka a Moromona, e ua faaite mai i roto i te orero teitei o te fenua nei i te parau mau o te reira, ma te opua i te faaite i te reira na roto i te haapiiraa e te paari o te ao nei, ua riro ia ratou mai te rehu auahi o te ti'a mai no te mo'e ê atu. Ia ite râ vau i te hoê taata aore e aravihi no te orero e aore râ e taleni no te a'o i mua i te taata, o te nehenehe noa râ e parau, 'Ua ite au na roto i te mana o te Varua Maitai e, e parau mau te Buka a Moromona, taua Iosepha Semita ra, e Peropheta a ia na te Fatu', ua haamaramarama te Varua Maitai o te haere mai mai roto mai i taua taata ra i to'u iteraa, e ua vai mai te hoê mori, te hoê hanahana, e te tahuti ore i mua ia'u nei. Ua faatihia vau e ratou, ua î au ia ratou, e ua ite au no'u iho e e parau mau te iteraa papû o taua taata ra » (i roto i te *Journal of Discourses*, 1:90).

Ohiparaa: Haapiiraa ia oe iho

Ua riro te mau irava i raro nei ei mau hoho'a no te faaiteraa i te iteraa papû. A tai'o i te mau uiraa e te mau papa'iraa atoa. A papa'i i ta oe mau pahonora a i roto i ta oe buka tapa'oraa haapiiraa.

- I roto i teie nei mau irava, eaha ta te mau aposetolo e te mau peropheta e faaite papû ra ?
- Eaha te puai o to ratou ti'aturiraa i te mea ta ratou e parau nei ? Nahea ta oe e nehenehe e parau e ua ite papû ratou i te parau mau ?
- Ia parau ana'e oe, « Ua ite au e, e parau mau », eaha ia ta oe e hinaaro ra e parau ? Eaha te tahi mau parau e nehenehe ta oe e faaohipa no te faaite atu i to oe mau iteraa ?

Iakoba 7:7–12
Alama 5:45–48
Alama 34:1, 8

PH&PF 76:22–24
loane 3:3–11

Te Ohipa 2:14–38
Te Ohipa 10:34–44

Tai'oraa i te papa'iraa mo'a

Eaha te tahi mau parau tumu e te mau fafauraa no te faaiteraa i te iteraa papû ?

2 Nephi 33:1
PH&PF 62:3

PH&PF 84:61
PH&PF 100:5–8

loane 15:26

Hi'opo'araa i te mau mea e tupu

Te horo'araa i te hoê aniraa ma te hi'o i te hopea mai te haamataraa ia i te hoê tere ma te faaoti ore i te reira e aore râ te hooraa mai i te hoê titeti no te hoê himeneraa ma te ore e haere atu i te fare himeneraa. Ia ore ana'e te ohipa e rave faaotihia, e mea faufaa ore te fafauraa.

E nehenehe te tauraa i te mea paari. Ta oe ohipa o te tautururaa i te haapuui i te mau taata i roto i ta ratou faaotiraa ia tau. E ti'a ia oe ia rave i te mau mea atoa e nehenehe ia oe no te tauturu i te feia ia tape'a i ta ratou mau fafauraa.

E faaite-maitai-roa-hia te tatarahaparaa mau e te mau ohipa parau-ti'a i roto i te hoê tau huru roa, no te mau faauerua ihoa râ mai te viivii ore, te Parau Paari, e te tuhaa ahuru. Ia haa ana'e oe e te feia faatere no te paroita no te tauturu ia ratou ia tape'a i ta ratou ra mau fafauraa, a faaite i to oe ite. A faaoroma'i e a tamau noa. Aita ta oe ohipa i oti e tae noa'tu e haapa'o te mau taata i teie nei mau fafauraa, e aore râ na roto i te tahi atu mau parau, e tae noa'tu ua taparahapa ratou (a hi'o 3 Nephi 18: 32). I te tahi mau taima e mea titauhia paha te tahi mau tere farereiraa no oe no te tauturu i te feia ia faatupu i te faaroo puai i roto i te hoê ture e arata'i ti'atu i te tatarahaparaa.

E haamata te hi'oraa i te hopea ia farerei matamua e ia haapii ana'e oe i te mau taata:

- Ia papa'i ratou i ta ratou mau fafauraa no te tahi mea ta oe e vaiiho atu ia ratou ra, mai te hoê buka ite e aore râ te hoê tareta e to outou mau i'oa e te numera niuniu.
- A haapapû e ua ite te mau taata e e rave oe i te tahi mau tere farereiraa poto i te mau mahana i ropu i te mau mahana haapiiraa. A faaite e ta oe opuaraa o te patururaa ia e te tautururaa ia ratou. A horo'a ia ratou te hoê mana'o o te mea ta oe e rave i roto i taua mau tere farereiraa.
- A papa'i i te tahi mau nota taa ê i roto i te tuhaa Te mau nota/Te mau mea e ti'a ia rave o ta oe buka arata'i tamahana no te hi'o i te mea ananahi no te mau aniraa no te fafauraa ta oe i horo'a i teie nei mahana.

A farerei pinepine, i te mau mahana atoa mai te mea e nehenehe, no te ite eaha te huru haereraa i mua o te mau taata e ta ratou mau fafauraa, no te pahono i te mau uiraa, no te haapii i te tahi atu â mau haapiiraa, no te tai'o amui i roto i te Buka a Moromona, no te faaiteraa i te tahi mau irava i roto i te mau papa'iraa mo'a, e aore râ te faaohiparaa i te mau hoho'a teata. Ia farerei pinepine ana'e oe i te mau taata, e haapuui ia oe i te mau mana'o varua ta ratou i ite a haapii ai oe ia ratou i te parau poro'i no te Faaho'i-faahou-raa mai te Evanelia a Iesu Mesia. E mea faufaa rahi roa teie nei mana paturu o te Varua. Te vai ra te tahi mau taima e pii oe i te feia imi no te faahaamana'o e no te faaitoito ia ratou ia tape'a i te hoê fafauraa.

A tauturu i te feia imi ia ite i te mau haamaitairaa ta ratou i farii a tape'a'i ratou i ta ratou ra mau fafauraa. A tauturu ihoa râ ia ratou ia faaite mai i to ratou mau mana'o a faaite ai te Varua i te parau mau o te parau poro'i.

A haapoupou e a faaitoito i te mau taata o te manuia ra i te tape'a i ta ratou mau fafauraa. Te tau ra te feia imi i to ratou mau oraraa. E rave rahi ta ratou mau mea e haapii e e rave. A haapoupou pinepine e ma te here mau ia ratou. A faaite i to oe mauruuru no to ratou haereraa i mua e to oe ti'aturiraa e e nehenehe ta ratou e manuia. A faaitoito ia ratou i te mau taima atoa tei pihaiho oe ia ratou.

A faaite i to oe pe'ape'a e to oe oaoa ore ia mairi ana'e te feia i te tape'a i ta ratou ra mau fafauraa e aita ho'i ratou i manuia i te iteraa i te mau haamaitairaa.

Te mau nota

Ohiparaa: Haapiiraa ia oe iho e aore ra, e to oe hoa

A papa'i i roto i ta oe Buka arata'i tamahana i ta oe mau opuaraa no te farereiraa i te mau mahana atoa i te feia imi. A opua e rave rahi mau mahana na mua i te mea ta oe e rave no te hi'o te huru o te feia imi.

A ma'iti i te hoê aniraa no te fafauraa ta oe e horo'a ia haapii ana'e i te mau haapiiraa. A ite i muri iho i te mau huru haape'ape'araa o te nehenehe e tape'a i te tahi taata ia farii e aore râ ia tape'a i taua fafauraa ra. A aparau e a haapiipii nahea orua e nehenehe ai e tauturu maitai atu i te feia a haa ai ratou no te tatara i to ratou mau haape'ape'araa.

A haamana'o i teie

- A haapa'o maitai i te aniraa i te feia ia rave i te mau fafauraa i roto i te mau huru imiraa e aore râ haapiiraa e te feia e ere te melo no te Ekalesia e te mau melo o te Ekalesia.
- A horo'a i te mau aniraa ia fafau no te tauturu i te feia ia ite i te fariuraa.
- A fafau atu i te mau haamaitairaa.
- A faaite papû atu.
- A hi'o maite no te tauturu i te mau taata ia tape'a i te mau fafauraa.

Mau mana'o tauturu no te haapii mai e no te faaohiparaa

Te mau nota

Haapiiraa ia oe iho

- A ite i te hoê faaueraa tei tabulahia i roto anei i te haapiiraa 4 e aore râ te haapiiraa 5. A feruri i te mau haamaitairaa ta oe i farii na roto i te haaporaa i teie nei faaueraa e a papa'i i te reira i roto i ta oe buka aamu.
- A ani i roto i te hoê rata i te mau melo no to oe utuafare nahea to ratou haamaitairaa-hia na roto i te haapa'oraa i te hoê faaueraa taa ê maitai(ei hi'oraa, te tuhaa ahuru)
- A papa'i i to oe mana'o no ni'a i te horo'araa'tu i te mau fafauraa. E mea mäta'u ore e aore râ e mea mamahu anei oe ? E ti'aturi anei oe e e haamaitahia te mau taata e aore râ te feââ nei oe ? E mea tamau, e mea faaoroma'i e te mea tauturu anei oe a rave ai oe i te mau farereiraa i te mau mahana atoa ? Ua ite râ anei te mau taata e te here nei oe ia ratou ? Nahea ta oe e nehenehe e faaafaro i te mau paruparu atoa ta oe e ite i roto i ta oe mau aniraa ?
- A hi'o faahou i ta oe mau faanahoraa haapiiraa no te mau haapiiraa misionare atoa ? E tuu anei oe i roto i te mau fafauraa taa ê ? E arata'i maramarama râ anei ta oe faanahoraa haapiiraa i te mau fafauraa ?

Haapiiraa e to oe hoa

- Mai roto atu i ta orua buka arata'i tamahana, a hamani i te hoê tabula o te feia ta orua i farerei no na mahana e piti mairi a'enei, e tae no'atu i te feia imi e te mau melo. No te taata tata'itahi a papa'i i te mau fafauraa ta ratou i rave e te tahi atu mau aniraa ta oe i horo'a a ore ra i ti'a ia oe ia horo'a'tu. A aparau no te aha i noaa'i ia orua i te roaaraa i te mau fafauraa na roto mai i te tahi o teie nei mau taata e eaha tei tape'a ia outou i te farii i te mau fafauraa i te tahi atu mau taata. Eaha ia ta orua e rave no te hi'o i te hopea raa o teie nei mau fafauraa ?
- A hi'o i ta orua buka arata'i tamahana, e a papa'i i te mau i'oa o te feia taa ê e imi ra ta orua e haapii ananahi e aore râ ananahi atu. A feruri e te hea te mau faueraa tei tabulahia i roto i te mau haapiiraa 4 e te 5 e e ani orua ia ratou ia ora. A aparau nahea râ orua i te horo'a i te fafauraa e te mau haamaitairaa taa ê ta orua e fafau atu no to ratou haapa'oraa.
- A feruri i te faaite i te Parau tapa'oraa haapiiraa i te feia e imi nei no te faaite ia ratou i te mea tei titauhia ia ratou. Mai te mea e mea tano, a faaite atu i te hoê hoho'a ia ratou.
- A hi'o faahou i te Te mau nota/Te mea e ti'a ia rave i roto i ta orua buka arata'i ohipa no na mahana e toru mairi a'enei no te hi'o mai te mea ua papa'i orua i ta orua ohipa no te hi'oraa i te mau aniraa atoa ta orua i horo'a.

Te mau apooraa mataeinaa e te mau amuiraa area

- A tuatapapa i te mau mana'o maitai e te manu'ia no te farereiraa i te mau mahana atoa i te feia imi. Nahea to te mau misionare rave manu'iaraa i te ohipa e te mau melo ? Eaha te mau materia nene'ihia e aore râ e mau hoho'a i te mea maitai roa'e ia faaohipa ? Eaha te mea ta outou e rave aita ana'e te mau taata i te fare e aore râ e mea ohipa roa ratou no te farerei ia outou ?
- A tuatapapa i te mau rave'a ta te mau misionare i haapii manu'ia maitai raa i te mau faueraa i roto i te mau haapiiraa 4 e te 5.
- A tuatapapa i te mau pe'ape'a taa ê o to te tahi feia api e imi ra. Eaha te natura o teie nei mau pe'ape'araa ? Eaha ta te mau misionare e nehenehe e rave no te tatara i teie nei mau pe'ape'a ?

Te mau nota

Peresideni misioni

- A haere i te tahi mau taime na muri i te mau misionare ia haapii ana'e ratou. A tauturu ia ratou ia haapa'o maite i te tautururaa i te feia ia rave e ia tape'a i te mau fafauraa.
- A faaitoito i te feia faatere no te autahu'araa e te mau melo ia rave itoito i te ohipa no te farereiraa i te mau mahana atoa i te feia e imi nei.
- A riro ei hi'oraa maitai no te horo'araa i te mau aniraa i roto i ta oe mau tutavaraa misionare e na muri i te mau misionare ta oe e tavini nei.



Nahea vau ia faaineine i te mau taata no te bapetizoraa e no te haamauraa ?

A feruri i teie

- Eaha te mea e ti'a ia'u ia rave no te faaineine i te mau taata no te bapetizoraa e te haamauraa ?
- Nahea vau i te faatere i te hoê uiuiraa maitai no te bapetizoraa ?
- Nahea te hoê oro'a varua no te bapetizoraa e faaineinehia'i e e faaterehia'i ?
- Nahea vau e haa piri ai e te episekopo no te haapapû e e haamauhia te feia i faafariuhia ?
- No te eaha e mea faufaa rahi ai ia rave faaoti maitai i te mau parau bapetizoraa e te haamauraa ?

A faaineine i te mau taata no te bapetizoraa e no te haamauraa

Te tumu matamua no ta oe haapiiraa o te tautururaa ia i te tahi atu mau taata ia faatupu i te faaroo ia Iesu Mesia e ia tatarahapa i ta ratou ra mau hara. Mai ta Moromona i haapii, « te mau hotu matamua o te tatarahaparaa o te bapetizoraa ia » (Moroni 8:25). Te uiuiraa no te bapetizoraa o te rave'a ia tei haamauhia e te Ekalesia no te haapapû e e haapa'o te mau taata atoa e bapetizohia i te mau titauraa a te Fatu no te bapetizoraa e ua ineine ratou i te farii i te horo'araa a te Varua Maitai. Na roto i teie nei uiuiraa, e faaoti râ ia te feia e bapetizohia i te titauraa i roto i te papa'iraa mo'a e te faaite nei ratou i mua i te hoê ti'a mana o te Ekalesia e ua « tatarahapa mau ratou i ta ratou atoa mau hara » (PH&PF 20:37) E faaineine te mau fafauraa a te feia e imi i rave ia ratou ia rave e ia tape'a i te fafauraa no te bapetizoraa. E ti'a i te feia tei tape'a i te mau fafauraa ta oe i ani atu ia rave ia faaineine-maitai-hia no te uiuiraa e no te riroraa ei melo e no te raveraa i te ohipa i roto i te Ekalesia.

A haapii ai oe i te feia imi e a faaineine ai oe ia ratou no te bapetizoraa e te haamauraa, a haapapû e ua faaî ratou i te mau titauraa no te bapetizoraa.

Te mau nota

Te mau titauroa no te baptizoraa

Te Parau Haapiiraa e te mau Parau fafau 20:37

- Faahaehaa ia ratou iho i mua i te Atua.
- Hinaaro ia baptizohia
- Haere mai ma te aau oto e te mana’o haehaa
- Tatarahapa i ta ratou atoa mau hara
- Hinaaro ia rave i ni’a iho ia ratou te i’oa o te Mesia.
- Rave te hoê faaotiraa ia tavini te Mesia e tae no’atu i te hopea.
- Faaite mai na roto i ta ratou mau ohipa e ua farii ratou i te maramarama o te Mesia no te haamatararaa no to ratou ra mau hara.

Te Peresideniraa Matamua e te Pūpū no te Tino Ahuru ma Piti

- Ia nava’i te mau tauraa i roto i to ratou mau oraraa no te baptizoraa mai tei faauehia i roto i te Parau Haapiiraa e te mau Parau Fafau 20:37.
- Faatupu i te faaroo i te Mesia.
- Tatarahapa i te mau hara.
- Ora i te mau ture no te parau-ti’a–raa morare.
- Haapa’o i te parau paari.
- Fafau ia aufau i te tuhaa ahuru.
- Farii i te mau haapiiraa misionare atoa [te mau haapiiraa 1–4 i roto i te Parau tapa’oraa haapiiraa e te mau fafauraa i tuatihia].
- Farerei i te episekopo e aore râ te peresideni amaa.
- Haere atu i te mau pureraa oro’a e rave rahi.

(« Parau faataaraa no ni’a i te ohipa misionare », rata na te Peresideniraa Matamua, 11 no ditema 2002)

Ia faataa ana’e te hoê taata e imi i te hoê tai’o mahana papû no te baptizoraa, a faataa i te reira ia faahope ana’e oe i te mau mea atoa e arata’i atu i te baptizoraa e te haamauraa mai tei tabulahia i roto i ta oe buka arata’i tamahana. A hi’opo’a maite i te Parau tapa’oraa haapiiraa no te haapapû e ua haapii oe i te mau parau tumu titauhia e ua ineine te feia atoa e baptizohia i te pahono i te mau uiraa atoa i roto i te uiuiraa no te baptizoraa. A hi’opo’a faahou i teie nei tabula e te taata e baptizohia i roto i ta orua farereiraa i mua. Mai te mea e nehenehe, e ti’a i te taata ia tae atu i te hoê oro’a baptizoraa na mua i to’na iho baptizoraa.

Mai te mea te hinaaro nei te taata ta oe e haapii ra i te tahi atu â faaineineraa, eiaha ia e faanaho i te hoê uiuiraa e ta’e noa’tu ua haapa’o te taata e imi ra i te mau titauroa. Mai te mea tei raro mai teie nei taata i te ahuru ma vau o te matahiti, a haapapû e ua horo’a mai te mau metua e aore râ te mau tia’i i te parau faati’a, na roto ihoa râ i te papa’iraa, ia baptizohia oia.

A tauturu ai oe i te feia ia faaineine no to ratou uiuiraa no te baptizoraa, a paraparau atu ia ratou no ni’a i te tumu no te uiuiraa. A haapii ia ratou e a faaite i to oe iteraa papû no ni’a i te mo’araa no te baptizoraa e te fariiraa i te horo’araa a te Varua Maitai. A tatara atu, e te hinaaro nei oe ia haapapû e ua taa ia ratou te mau ture ta oe i haapii e te fafauraa ta ratou e rave. A haamaramarama atoa ia ratou e ua riro te uiuiraa ei rave’a no ratou no te faaite i mua i te ti’a o te Fatu e ua ineine ratou no teie nei mau oro’a mo’a. A tape’a’i ratou i te mau fafauraa o te ravehia i te taime o te baptizoraqa e te haamauraa, e farii ia ratou i te

haamatararaa o te mau hara. A faaite atu ia ratou i te mau uiraa ta te taata uiui e ani mai no ni'a i to ratou ti'aturiraa i roto i te mau haapiiraa faufaa rahi, to ratou tatarahaparaa i te mau hara tahito, e to ratou hinaaro ia fafau ia faaroo ia Iesu Mesia i roto i te taatoaraa o to ratou oraraa. A faaite papû atu e e ore te baptizoraa e te pape i te mea hope mai te mea aita e haamauraa e te horo'araa a te Varua Maitai.

Ohiparaa: Haapiiraa ia oe iho e aore ra, e to oe hoa

- A tai'o i te mau irava atoa i muri nei, e a hamani i te hoê tabula haapotoraa no te mau titauroa atoa no te baptizoraa e te haamauraa.

2 Nephi 9:23 ; 31:4–13	3 Nephi 27:13–21	PH&PF 20:37
Mosia 18:8–10	Moroni 6:1–4	PH&PF 22
Alama 7:14–15	Moroni 8:25–26	Te ohipa 2:37–39

- I roto i te mau uiuiraa no te baptizoraa, e anihia te feia e baptizohia mai te mea ua hinaaro ratou i te rave i ni'a iho ia ratou te i'oa o te Mesia. Eaha te mea ta oe e nehenehe e tauturu atu ia ratou i ia taa i teie nei uiraa ? A feruri noa'i oe i teie nei uiraa, a tai'o i teie nei mau papa'iraa:

Mosia 4–5	Mosia 26:18, 21–27	3 Nephi 27:1–10
Mosia 18:1–11		

E hinaaro atoa paha oe e hi'o atu i te tahi atu mau irava o te tauturu ia oe ia maramarama i teie nei ture.

Nahea ia faatere i te uiuiraa

E ti'a i te taata e faatere ra i te uiuiraa ia faaohipa i te mau uiraa no te uiuiraa no te baptizoraa e te arata'iraa a te Varua no te faaoti mai te mea ua haapa'o te taata e baptizohia i te mau titauroa tei faaitohia i roto i te Parau Haapiiraa e te mau Parau Fafau 20:37. E ti'a atoa ia'na ia faatano i te mau uiraa i te faito matahiti e te paari o te taata e baptizohia.

Mai te mea aita te taata e baptizohia e haapa'o i ineine mai te au i te mau uiraa no te uiuiraa no te baptizoraa, e ti'a ia ia faataimehia te baptizoraa e te haamauraa. E ti'a i te taata e imi e farii i te tahi atu haapiiraa na te mau misionare rave tamau e te faahoaraa a te mau melo no te paroita.

E ti'a i te faatere mataeinaa e aore râ area e faatere ra i te uiuiraa ia:

- Faatere i te uiuiraa i te hoê vahi maitai, aita e taata i reira, e au ia farii i te Varua o te Fatu. E ti'a i te hoa o te taata uiui ia faaea na pihaiho.
- A haamata na roto i te hoê pure.
- A tauturu i te taata e baptizohia ia parahi au noa.
- A faariro i te uiuiraa ei ohipa o te faaitoito i te varua.
- A haapapû e ua taa i te taata e uiuihia te tumu no te uiuiraa.
- A ani i te mau uiraa no te uiuiraa no te baptizoraa. A faaohipa i te mau uiraa no te ite i te puai o te iteraa papû o te taata e te tatarahaparaa mau o te taata.
- A pahono i te mau uiraa a te taata
- A ani i te taata ia faaite i to'na iteraa papû e ia faaite mai i to'na ra mau mana'o
- Mai te mea e fifi to te taata e uiuihia e te iteraa papû e aore râ e te parau-ti'a, a haamaramarama atu e mea maitai a'e ia faataime i te baptizoraa e tae noa'tu i te taime ua ineine maitai a'e oia.

Te mau nota

Te mau uiraa no te uiuiraa no te bapetizoraa

1. Te ti'aturi ra anei oe e o te Atua to tatou Metua Mure Ore ? Te ti'aturi ra anei oe e o Iesu Mesia te Tamaiti a te Atua, te Faaora e te Ora o te ao nei ?
2. Te ti'aturi ra anei oe e ua faaho'i-faahou-hia mai te Ekalesia e te evanelia a Iesu Mesia na roto i te peropheta Iosepha Semita ? Te ti'aturi ra anei oe e, e peropheta [te peresideni o te Ekalesia i teie mahana] na te Atua ? Eaha te auraa o te reira no oe ?
3. Eaha te auraa no oe ia tatarahapa ? Te ite râ anei oe e ua tatarahapa oe i ta oe mau hara tahito ?
4. Ua rave a'ena anei oe i te hoê hara rahi roa ? Mai te mea e, e, tei roto anei oe i te hi'opo'araa i teie nei taime ? Ua faaô anei oe i roto i te hoê haamaruaraa tamarii ? te hoê auraa raerae ?
5. Ua haapiihia oe e, te oraraa i te mau ture a te evanelia, e tuhaa ia te reira no te rirorara ei melo i roto i te Ekalesia a Iesu Mesia i te Feia Mo'a i te mau Mahana Hopea Nei. Eaha to oe iteraa no teie nei mau ture ? Ua hinaaro mau anei oe i te haapa'o i te reira ?
 - a. Te ture no te viivii ore, o te opani nei i te ta'otora te tane i te vahine i rapae au i te mau taatiraa o te hoê faaipoiporaa hamanahia e te ture.
 - b. Te ture no te tuhaa ahuru.
 - c. Te parau paari.
 - d. Te mahana sabati, te amuraa i te oro'a i te mau hebedoma atoa e te taviniraa i te mau hoa melo.
6. Ia bapetizohia ana'e oe, e fafau oe e te Atua e, e hinaaro mau oe i te rave i ni'a iho ia oe i te i'oa o te Mesia e ia haapa'o i Ta'na ra mau faaueraa i te roaraa o to oe nei oraraa. Ua ineine anei oe i te rave i teie nei fafauaraa e ia tutava i te haapa'o i te reira ?

I te pae hopea o te hoê uiuiraa manuia, a haapoupou i te taata e bapetizohia. A haere atu i te tahi atu mau misionare, e a haamaramarama i te mea e tupu i te oro'a bapetizoraa.

A haamaramarama e e tupu te haamauraa i raro a'e i te arata'iraa a te episekopo i roto i te hoê pureraa oro'a o te paroita i reira ratou e parahi ai.

Mai te mea e ti'a ia faataime i te hoê bapetizoraa, e ti'a i te faatere mataeinaa e aore râ area e te tahi atu mau misionare ia rave maitai i teie ohipa. A haapapû atu i te taata e bapetizohia e e nehenehe ta'na e manuia, e a faataa e te titau nei te tahi mau hara i te tahi atu â taime no te tatarahapa hope roa. A faataa e te titau nei te natura mo'a o te oro'a i te mau ture teitei no te parau-ti'a. A haapapû atu i te taata e bapetizohia e e rave oe e te tahi atu mau taata i te mau mea atoa e nehenehe ia outou no te patururaa ia'na. A hi'opo'a maite i muri iho ia tape'a i ta oe fafauaraa.

Te bapetizoraa e te haamauraa: Te mau uiraa e te mau pahonoraa

Na vai e faatere i te uiuiraa no te bapetizoraa e te haamauraa ?

Na te faatere mataeinaa e uiui nei i te mau taata e bapetizohia o tei haapiihia e te mau misionare i roto i ta'na mataeinaa, mai te mau taata tei haapiihia e to'na mau faatere area. E uiui te faatere area i te mau taata tei haapiihia e te faatere mataeinaa. E ti'a i te peresideni misioni e aore râ te tahi atu taata ta'na i faataa ia uiui i te mau taata tei rave i te mau hara rahi. Eita te mau faatere mataeinaa e aore râ area e uiui i te feia i rapae i to'na iho mataeinaa e aore râ area maori râ ia faataa te peresideni misioni ia ratou ia rave.

Eaha te auraa no te hoê bapetizoraa faafariuhia ?

Te mau bapetizoraa faafariuhia o te mau bapetizoraa no :

- Te feia mai te iva e hau atu tei ore roa i bapetizohia e e haamauhia na mua'tu ei melo no te Ekalesia.
- Te mau tamarii e va'u matahiti i te paari e ere te mau metua toopiti e melo e aore râ te haapiihia ra e te haamauhia ra te mau metua i te hoê â taime e te tamarii.

E ti'a anei ia'u ia farii i te parau faati'a ia bapetizo i te hoê tamarii i raro mai i te 18 matahiti i te paari ?

Hou e nehenehe ai ia oe ia haapii e ia baperizo i te hoê taata imi i raro mai i te ahuru ma va'u o te matahiti, e ti'a ia ia oe ia farii i te parau faati'a papa'ihia e te mau metua e aore râ o te mau ti'a mai te au i te ture. E ti'a atoa ia orua ia ti'aturi papû e ua taa maitai i te tamarii i te fafauraa no te bapetizoraa e te rave oia i te mau tutavaraa atoa no te tape'a i te reira na roto i te haapa'oraa i te evanelia, e te haere tamau itoito noa raa i te mau pureraa a te Ekalesia.

E ti'a anei ia'u ia farii i te parau faati'a no te hoa faaipoipo no te bapetizo i te hoê tane e aore râ te vahine faaipoipo ?

Oia mau. Eiaha e bapetizo i te hoê taata faaipoipohia ia ore te parau faati'a a to'na hoa faaipoipo.

Mai te mea aita te metua tane i roto i te utuafare i ineine no te bapetizoraa, e ti'a anei ia'u ia bapetizo i te utuafare e aore râ e tia'i roa e tae no'atu ua ineine te metua tane ?

Mai te mea aita te metua tane o te hoê utuafare i ineine no te bapetizoraa e te haamauraa ua ineine râ te tahi atu melo o te utuafare, e nehenehe ta oe e parau atu i te metua tane e mea au a'e na oe eiaha e bapetizo i te utuafare mai te mea aita o'na no te mea te faatura nei te Ekalesia i te upoo no te utuafare e no te mea e haere rahi a'e te utuafare i mua i roto i te evanelia ei utuafare. mai te mea e tamau te metua tane i te pato'i, e nehenehe ia ta oe e bapetizo e e haamau i te tahi atu melo no te utuafare na roto i ta'na ra faati'araa.

E mana'o maitai anei ia faatoro'a i te hoê metua tane i te Autahu'araa a Aarona i muri noa iho i te bapetizoraa ia nehenehe ia'na ia bapetizo i te tahi atu melo o te utuafare ?

E ere. E ti'a i te metua tane ia haamauhia i roto i te hoê pureraa oro'a e i muri a'e i te hoê uiuira e te episekopo, ia turuhia no te farii i te Autahu'araa a Aarona. Eita e ti'a i te mau bapetizoraa o te mau melo o te utuafare ia faataerehia ia nehenehe i te metua ta'ne ia rave i te mau bapetizoraa ona iho.

E nehenehe anei ta'u e haapii e e bapetizo i te hoê taata tei hurihia i rapae i te Ekalesia ?

E ere te mau bapetizoraa o te feia i hurihia i rapae au i te ekalesia e mau bapetizoraa faafariuhia, e eita te mau misionare e uiui i taua mau huru taata no te bapetizoraa. E nehenehe ta oe e rave i te ohipa e teie nei mau taata i raro a'e noa râ i te hi'opora a te peresideni misioni e te episekopo.

E mai te mea ua faataa te hoê taata i te tai'o mahana no te bapetizoraa e aita râ oia e haapa'o nei i te mau fafauraa atoa ?

Mai te mea te ite nei oe e te hinaaro nei te taata ta oe e haapii nei i te tahi atu â faaineineraa, eiaha e faataa i te hoê uiuira no te bapetizoraa e tae no'atu i te taime ua haapa'o te taata e imi i te mau fafauraa e ua haapa'o i te mau titauraa.

Eaha te mea ta'u e rave ia hinaaro ana'e te taata ia bapetizohia e te faaea amui ra raua ma te ore i faaipoipohia ?

E ti'a i te mau taata e bapetizohia o te ora nei e te hoê vahine ma te ore i faaipoipohia ia faaipoipo e aore râ ia faaea i te faaea fare hou e nehenehe ai i raua ia bapetizohia.

Te ani nei te uiraa 4 i roto i te uiuiraa no te bapetizoraa mai te mea ua rave te hoê taata i te hoê hara rahi roa, mai te haamaruaraa tamarii, te hoê auraa raerae, e aore râ ua taparahi i te taata. Eaha ia tei ti'a ia'u ia rave mai te mea e fa'i mai te tahi taata i taua huru hara ra ?

1. *Te mau arata'iraa na te mau misionare e haapii ra.* I te tahi mau taime e horo'a mai te feia imi i te haamaramaramaraa no ni'a i taua mau huru hara a haapii ai oe i te mau faaueraa e a ani ai oe ia ratou ia rave i te mau fafauraa. Mai te mea râ eita raua e parau mai i te tahi mea e te mana'o nei râ oe e, e fifi to raua a faaineine ia raua no te uiuiraa no te bapetizoraa ma te ani atu ia raua mai te mea ua rave raua i te hoê o teie nei mau hara. Mai te mea ua ite oe i te hoê hara, eiaha e ani i te haamaramaramaraa no te reira hara. Eiaha e tabula i te hoê tai'o mahana no te bapetizoraa e aore râ e rave i te hoê fafauraa e e faati'ahia raua no te bapetizoraa e te haamauraa. A faaite i to oe here e a hi'o faahou i te ture no te tatarahaparaa. A faataa maitai atu e e mea teiaha teie nei mau hara e e paraparau mai te hoê taata paari a'e e te ite (to oe peresideni misioni e aore râ te tahi taata ta'na e faataa) ia raua no te tauturu ia raua e teie nei mau fifi. I reira a hapono atu i te hoê aniraa no te uiuiraa no te bapetizoraa i te peresideni misioni.
2. *Te mau arata'iraa na te taata e faatere ra i te uiuiraa no te bapetizoraa e no te haamauraa.* Mai te mea ua haapii maitai te mau misionare i te taata hou te uiuiraa no te bapetizoraa, ua ti'a teie nei mau fifi, mai te mea te vai nei, ia faataehia i te peresideni misioni. Mai te mea e tupu teie nei mau fifi, a faaite i to oe here e a hi'o faahou i te mau faaueraa e te ture no te tatarahaparaa. A haapii maite e e mea teiaha roa teie nei mau hara e e ti'a i te hoê taata paari a'e e te ite a'e (to oe peresideni misioni e aore râ te tahi taata ta'na i faataa) ia paraparau ia ratou e ia tauturu ia ratou e teie nei mau fifi. A faatae ti'a'tu i muri iho i te hoê aniraa no te uiuiraa no te bapetizoraa i te peresideni misioni.

Ohiparaa: Haapiiraa ia oe iho

A feruri e eaha to oe mana'o mai te mea o oe tera e uiuihia ra. A feruri i teie nei mau uiraa:

- Eaha te mau tuhaa no te uiuiraa o tei huru ê ia oe ? Eaha ta te taata uiui e nehenehe e rave e aore râ e parau ia ore oe e huru ê ?
- Eaha ta oe e hinaaro ia rave te taata uiui ia oe ?
- Eaha te huru pahonora a te taata uiui ta oe e hinaaro ia pahono mai te mea e faaite oe i te feââraa e aore râ taaoreraa e aore râ mai te mea ua fa'i oe i ta oe mau hara rahi.

A papa'i i ta oe mau pahonora a teie nei mau uiraa i roto i ta oe buka tapa'oraa haapiiraa.

A tapa'o faai i te mau parau bapetizoraa e haamauraa

E ti'a i te misionare e faatere ra i te uiuiraa ia faai i te hoê parau bapetizoraa ma te au i te mau arata'iraa i ni'a i te api parau. E ti'a ia'na ia faataa e ua hamanihia mai te hoê parau meloraa na roto mai i te parau bapetizoraa e tei roto te haamaramaramaraa faufaa rahi no ni'a i te mau melo apî e te mau oro'a ta ratou i farii. Ia taui ana'e te hoê melo i to'na vahi faaearaa, e faahaerehia te parau meloraa i te paroita apî ia nehenehe i te episekopo apî e horo'a i te faahoaraa e te tautururaa. E ti'a i te misionare ia ani i te taata e bapetizohia ia hi'o mai te mea ua tano te haamaramaramaraa i ni'a i te parau i te taime uiuiraa. Aita ana'e e parau meloraa, eita ia e nehenehe i te hoê taata ia farii i te hoê parau faati'a no te hiero.

E haapapû mai te episekopo e, ua faaihia te hoê parau haamauraa no te taata tata'itahi, ma te au i te mau arata'iraa i ni'a i te api parau.

Ohiparaa: Haapiiraa ia oe iho e aore ra, e to oe hoa

A tai'o Mosia 6:1–3 e Moroni 6:1–4. Nahea teie nei mau irava e tu'ati ai i ta oe hopoi'a no te vai tano noa raa te mau parau no te mau baptizoraa e te mau haamauraa ?

Te oro'a baptizoraa

E ite-puai-hia te Varua ia rave-ana'e-hia te mau oro'a mo'a no te baptizoraa e te haaumauraa. E ti'a i te oro'a baptizoraa e te haamauraa i muri iho ei mau ohipa faahiahia i te pae varua no te mau taata faariu-apî-hia. E ti'a ia oe e te faatere misioni paroita ia rave i te mau mea atoa e nehenehe ia oe no te haapapû e e faanahonahohia te oro'a baptizoraa, e mea faaurû e eita e mo'ehia. E ti'a i teie nei mau oro'a ia haapuui i te feia faafariu-apî-hia i roto i ta ratou fafauraa ia vai itoito noa.

A ani i te episekoporaa, te feia faatere no te pûpû autahu'araa e te mau pûpû tauturu, e te mau taea'e hahaere e te mau tuahine hahaere (mai te mea ua faataahia) ia tae mai i te oro'a baptizoraa. E ti'a i te mau hoa e te mau fetii o te mau taata faafariuhia e ta orua atoa feia imi ia anihia ia tae mai i te oro'a baptizoraa e te pureraa oro'a i reira te haamauraa e tupu ai. E tauturu teie nei mau oro'a ia ratou ia ite i te Varua e ia faaineine ia ratou ia farii i te hoê aniraa no te ite atu â no ni'a i te evanelia. A haa e te taata e baptizohia ra e te faatere misioni paroita ia ani i te mau hoa e te mau fetii o te taata e baptizohia ia haere mai i te oro'a baptizoraa. A hi'o i muri iho i te oro'a no te aparauraa i te mea ta ratou i ite e ani ia ratou ia haapii no te aha to ratou hoa i ma'iti ai ia baptizohia.



E faanaho te mau misionare i haapii i te taata e baptizohia e te faatere misioni paroita no te faanahonahoraa i te oro'a baptizoraa. A faaite atu i te taata e baptizohia eaha tei faanahohia e no te aha. A paraparau no te ahu tano, e nahea te taata e baptizohia e farii ai i te ahu uouo no te oomo no te baptizoraa. A faaafaro i te vahi e te taima no te baptizoraa. E faatere te hoê melo no te episekoporaa e aore râ te faatere misioni paroita i te oro'a. Teie te tahi mau mea faufaa rahi no te opua e te faanahonaho.

E nehenehe e tuu i roto i te hoê oro'a baptizoraa:

1. Himene na mua i te haamataraa.
2. Te farii poto raa a te faatere autahu'araa e faatere ra i te oro'a (e ti'a i te hoê melo no te episekoporaa ia peresideni).
3. Te himene e te pure haamataraa
4. Hoê e aore râ e piti a'oraa poto no ni'a i te mau tumu parau o te evanelia mai te baptizoraa e te horo'araa i te Varua Maitai.
5. Te hoê himene taa ê.
6. Te raveraa i te baptizoraa.
7. Te hoê taima faaea-tura-noa-raa a tau ai te feia tei rave i te oro'a baptizoraa i to ratou ra ahu. E nehenehe e tuu mai i roto i taua taima ra te faarooraa i te upa, te mau himene mataro-maitai-hia i te himene e te mau himene paraimere, te faaiteitaraa i te hoê hoho'a a te Ekalesia, e aore râ te faaiteraa i te iteraa papû.

Te mau nota

Te mau nota

8. Te hoê taime no te feia faafariu-apî-hia ia faaite i to ratou iteraa papû mai te mea e hinaarohia.
9. Te hoê himene e pure faaotiraa.
10. Te himene i muri mai i te oro'a.

Te haamauraa

E farii te hoê taata i te oro'a no te haamauraa i muri a'e i to'na bapetizo-raa-hia(a hi'o PH&PF 20:41). E faaairohia te hoê melo faafariu-apî-hia e melo no te Ekalesia i muri a'e i te mau oro'a no te bapetizoraa e te haamauraa e ravehia'i (a hi'o Ioane 3:5 ; PH&PF 33:11). E haamauhia te mau melo faafariu-apî-hia i roto i te pureraa oro'a no te paroita i reira ratou e ora ai, eiaha i te oro'a bapetizoraa. E hopoi'a na te Episekopo ia hi'o e e tupu te haamauraa i muri no'a a'e i te bapetizoraa. E haere atu te episekopo e aore râ te hoê o to'na na tauturu i roto i te oro'a no te haamauraa. E nehenehe ta te episekopo e ani i te mau misionare tei tauturu i te haapiiraa i te melo faafariuhia ia haere mai no te haamauraraa. A haa piri noa i te episekopo e te faatere misioni paroita no te haapapû e e ravehia teie nei oro'a faufaa rahi.



I muri a'e i te bapetizoraa e te haamauraa

I raro a'e i te faatereraa a te episekopo, e nehenehe ta te mau misionare ia tamau i te faahoa i te mau melo apî. A tamau i te haapii atu ia ratou e a hi'o faahou eaha te mea tei haapiihia ia ratou. A faaitoito e a paturu ia ratou, a tai'o i te Buka a Moromona e ratou, e a tauturu ia ratou ia faaite i te evanelia i te mau melo o to ratou utuafare e te mau hoa. Mai te mea e ti'a, a tamau noa e te taatoaraa o to oe nei oraraa ia aparau noa i te feia ta oe i haapii e ia faaitoito e ia paturu ia ratou.

I muri a'e i te haamauraa, a tamau noa i te faaohiparaa i te Parau tapa'oraa haapiiraa no te tapa'o i to oe haereraa i mua i te haapii-faahou-raa i te mau haapiiraa 1-4 e i te haapiiraa i te haapiiraa 5. A rave i te ohipa i pihaiho i te faatere misioni paroita e te feia faatere o te paroita no te tauturu i te taata faafariu-apî-hia ia vai itoito noa e ia farii i te mau haamaitairaa atoa no te taraehara a Iesu Mesia

A haamana'o i teie

- A faaineine maitai i te mau taata e bapetizohia no te uiuiraa no te bapetizoraa e te haamauraa.
- A haapapû e ua haapa'o te mau taata e bapetizohia i te mau titauraa no te bapetizoraa e te haamauraa.
- A tauturu i te haapapû e e mea puai te varua i roto i te mau oro'a bapetizoraa.
- A faaohipa i te mau oro'a bapetizoraa e haamauraa ei mau rave'a no te imi i te feia no te haapii.
- A faai maitai i te mau parau bapetizoraa e haamauraa.

Mau mana’o tauturu no te haapii mai e no te faahiparaa

Haapiiraa ia oe iho

- A hamani i te hoê tabula o te mau fifi ta te hoê taata e bapetizohia e farerei. No te aha e mea faufaa rahi ia ite te mau taata e bapetizohia i te here e te hoaraa o te mau melo o te Ekalesia ?
- A tai’o Moroni 6 e te Parau Haapiiraa e te mau Parau Fafau 20:68–69. Eaha ta oe i haapii mai na roto i teie nei mau irava no ni’a i te faaineineraa i te mau taata no te bapetizoraa e te haamauraa ? A papa’i i te mea ta oe i haapii mai, e a faaite i to oe mau mana’o i to oe hoa i roto i te taime haapiiraa e to oe hoa.

Haapiiraa e to oe hoa

- Ua hamaramarama mai o Elder Henry B. Eyring no te aha te ture teitei ei mea faufaa rahi ai. A tuatapapa i teie nei a’oraa e to oe hoa e a hi’o e eaha to oe mana’o i te tautururaa ma te itoito i te mau taata ia haapa’o i teie nei mau ture. « Ua haamau mai te Fatu i Ta’na mau ture ia nehenehe la’na ia haamaitai ia tatou. A feruri na i taua mau haamaitairaa: ua fafau Oia i te feia tei haapa’o i te mau ture te tautururaa a te Varua Maitai. Ua fafau Oia i te hau i roto ia oe iho. Ua fafau Oia i te rave’a no te farii i te mau oro’a mo’a i roto i To’na ra fare. E ua fafau Oia i te feia o te faaoroma’i i te oraraa i Ta’na mau ture e e roaa ia ratou te ora mure ore... No te mea te here nei tatou i te mau taata ta tatou e tavini, ua hinaaro paatoa tatou ia rave maitai atu â i te faati’araa i te mau tamarii a to tatou Metua i te Ao ra i te haapa’oraa e te mâraa e ti’a ia ratou ia rave no te farii i te mau haamaitairaa atoa a te Fatu... E haamata outou i te faati’a maramarama maitai i te mau ture a te Fatu e ma te feâ ore. E ia rahi to te ao faatea ê raa’tu i teie nei mau ture e e tahitohito ia ratou e ti’a ia ia ia tatou ia itoito i te haapa’oraa i te mau ture. (« Te mau ture no te ti’amâraa », *Haapiiiraa matamua na te feia faatere o te Ao nei*, tenuare 2003, 10–11).
- A faaite i to oe hoa te mea ta oe i haapii i roto i teie nei pene no ni’a i te faaineineraa i te mau taata no te bapetizoraa e te haamauraa.
- A hi’o faahou i te oro’a bapetizoraa hopea ta oe i haere atu. A faaau te reira i te mau arata’iraa i roto i te tuhaa tei topahia « Te oro’a bapetizoraa. » Eaha te mea tei tere maitai ? Eaha te mea e nehenehe e haamaitai atu â ? A aparau e nahea orua e haapapû e, te vai ra te varua e te anaanatae te mau oro’a ta orua e opua ra.
- A haapiipii e nahea orua i te faaineine no te hoê taata imi taa ê no te uiuiraa no te bapetizoraa.
- A hi’o faahou i te mau uiraa no te uiuiraa no te bapetizoraa. A feruri nahea râ orua i te tataru i te mau hi’oraa huru rau mai teie:
 - Aita te taata e bapetizohia i parau atu ia orua e tei roto oia i te tau hi’opo’araa no te taparahiraa taata ta’na i rave na mua’tu.
 - Aita te taata i farii i te hoê pahonoraa puai i te pure e e peropheta o Iosepha Semita.
 - Ua puhupuhi te taata e bapetizohia i te hoê omou avaava e piti mahana mairi a’enei.
 - Aita te taata e bapetizohia i te mea papû roa mai te mea ua farii anei oia i te hoê pahonoraa i ta’na ra mau pure.
 - Ua ite te utuafare i te mana’o faahepo no ô mai i te mau hoa e ere ratou i te mea papû roa mai te mea ua ineine anei ratou no te bapetizoraa.

Te mau nota

- A hi'o faahou i te parau bapetizoraa e te haamauraa e te parau faaite no te bapetizoraa e te haamauraa. Nahea orua e haapapû e mea tano e mea hope te haamaramaramaraa ta orua i horo'a ?

Te mau apooraa mataeinaa e te mau amuiraa area

- A hi'o faahou i te faufaa rahi no te uiuiraa no te bapetizoraa. A aparau e nahea e ti'a i te mau misionare ia faaineine i te feia imi no te uiuiraa.
- A aparau e nahea i te faaohipa i te mau oro'a no te bapetizoraa e te haamauraa ei mau taima no te imiraa i te mau taata no te haapii.

Peresideni misioni

- A rave i te ohipa e te feia faatere no te autahu'araa no te haapapûraa i te faaohipa maitairaa o te Buka no te Haereraa i mua.
- A faatere i te tahi mau taima i te uiuiraa matamua no te bapetizoraa.
- A haapii i te mau faatere mataeinaa e te area nahea ia faatere i te mau uiuiraa no te bapetizoraa.
- A haapii i te mau melo no te Peresideniraa Misioni e te feia faatere nahea i te faatere i te mau uiuiraa no te mau taata e bapetizohia tei rave i te mau hara rarahi.



Nahea vau ia ohipa e te feia faatere no te tītī e no te paroita ?

A feruri i teie

- Eaha te mea e ti'a i te feia faafariu apī e te mau melo itoito-rii ia rave no te rirora e melo itoito no te Ekalesia ?
- Eaha te mau hopoi'a a te feia faatere no te tītī e te paroita i roto i te ohipa misionare, te tape'araa e te faaitoitoraa ?
- Nahea ta'u e nehenehe e tauturu i te feia faatere no te paroita ia haamau i te Ekalesia ?
- Eaha te mea e ti'a ia tupu i roto i te apoora faatitiaifaro hebedoma e te faatere misioni paroita ?

Tei ia oe ra te haamaitairaa rahi no te raveraa i te ohipa e te feia faatere e te mau melo e rave rahi i roto i ta oe na misioni. E haapuai e e haamau amui outou i te Ekalesia a Iesu Mesia i te Feia Mo'a i te mau Mahana Hopea nei. E haamaitai te mau auraa ta oe e haamau e te Feia faatere o te Ekalesia ia oe e te toea o to oe nei oraraa. E mau auraa faufaa rahi teie a imi ai oe e te mau melo no te Ekalesia ia afai atu te evanelia tei faaho'ihia mai i te mau tamarii a te Metua i te ao ra. Na te taaraa i te faanahoraa tumu no te raveraa i te ohipa i roto i te faanahoraa o te paroita e tauturu ia oe ia haere faahou atu â i mua ma te rahi atu te haapa'oraa e te mana.

Te haapuiraa i te mau melo apī e te mau melo itoito-rii

Ia baptizo-ana'e-hia e ia haamau-ana'e-hia te feia faafariu-hia, e rave ratou i te mau fafauaraa mo'a ia haapa'o i te mau faaueraa e ia tavini i te Atua e ia vetahi ê e tae noa' tu i te hopea o to ratou nei oraraa. E riro ratou ei feia e titau i te ora i roto i te basileia Tiritiera.

Te mau nota

Te mau nota

No te farii i te mau haamaitairaa i fafauhia, e ti'a ia ratou ia tape'a noa e tae noa'utu i te hopea ma te faaroo ia Iesu Mesia. E mea faufaa rahi te mau melo o te Ekalesia i roto i te tautururaa i te feia faafariu ap'i ia vai itoito noa e te haapa'o maitai.

Ua parau te peresideni Gordon B. Hinckley: « Aita roa e faufaa ia rave i te ohipa misionare maori râ, e mau maite tatou i te mau hotu o taua itoito ra. E mea ti'a roa ia ore ia faataa ê i na ohipa e piti... Ua riro te melo faafariu tata'itahi ei hopoi'a rahi e te faufaa roa » (« A imi i te mau arenio, a faaamu i te mau mamoe », *Liahona*, tiurai 1999, 122).

I raro a'e i te arata'iraa a te episekopo, e hopoi'a matamua na te apooraa paroita ia haapu'ai i te mau melo ap'i e te mau melo itoito-rii. E haapapû ratou e e hoa to te feia faafariu ap'i e te mau melo itoito-rii, e ia faaamuhia ratou i te parau maitai a te Atua ra, e ia farii i te mau piiraa e te mau hopoi'a. E nehenehe ta ratou e ani i te mau misionare rave tamau ia tauturu i roto i te hahaereraa utuafare (e aore râ te mau misionare tuahine e te mau tuahine hahaere) e i te haereraa e farerei i te mau melo ap'i, te mau melo itoito-rii e te mau taea'e e au ei peresibutero. E mea maitai a'e ia apiti atu outou i te hoê melo no taua huru tere farereiraa.

E hopoi'a atoa teie nei feia na oe. Ua parau te peresideni Hinckley : « Outou te mau misionare... ua riro outou ei tuhaa no teie hopoi'a no te haamau-papû-raa i ta outou mau melo faafariu i roto i te Ekalesia. Eita paha outou e nehenehe ia tamau noa i te farerei ia ratou. Area râ e nehenehe outou e papa'i ia ratou i tera taime e tera taime, e ia horo'a'utu i te faaitoito ia ratou... Ia ho'i atu outou i te utuafare, eiaha ia mo'ehia ratou. I te mau taime atoa, a ora tiamâ i ta ratou ti'aturiraa. A papa'i ia ratou i tera taime e tera taime no te haapapû ia ratou i to outou here. » (*Liahona*, tiurai 1999, 123).

Ia haere atu orua i te mau pureraa a te Ekalesia, e ti'a ia oe e to oe hoa ia parahi i pihaiho i ta orua feia imi e aore râ te mau melo ta orua i faahoa no te tururaa e te haapuairaa ia ratou. Eita e ti'a ia outou ia parahi i roto i te hoê pûpû e te tahi atu mau misionare.

Te hoê tuhaa faufaa rahi roa o ta oe misioni o te haamauraa ia i te Ekalesia e te haapuairaa i te paroita i reira oe e tavini ai. E rave oe i teie nei tuhaa na roto i te tautururaa i te feia faafariu-ap'i ia vai itoito e na roto i te tautururaa i te mau melo itoito-rii ia ho'i itoito atu i roto i te ekalesia. Te hoê o ta oe mau ohipa o te amuiraa'utu ia i te mau misionare paroita no te haapii faahou i na haapiiraa matamua e maha e te haapiiraa i te haapiiraa 5. E nehenehe atoa i te mau misionare paroita, te mau taea'e hahaere, e te mau tuahine hahaere ia tauturu i te haapiiraa i teie nei mau parau tumu.

Ua faati'a te peresideni Gordon B. Hinckley i teie nei aamu no ni'a i te mau tamataraa e farereihia nei e te feia faafariu ap'i e rave rahi:

Ua farii au i te tahi a'enei mahana i te hoê rata faahiahia roa. Ua papa'ihia te reira e te hoê vahine o te amui mai i te Ekalesia hoê matahiti i mairi a'enei. Te papa'i nei oia:

« Ua riro to'u tere i roto i te Ekalesia ei ohipa hoê roa e te maere atoa. I teie matahiti i mairi a'era, e matahiti fifi roa'utu ia ta'u i ore â i ora i roto i to'u nei oraraa. Ua riro atoa râ te reira ei ohipa maurururaa rahi roa. Ei melo ap'i, ua tamata-tamau-noa-hia vau i te mau mahana atoa. »

Te na ô faahou nei oia e, i to'na amuiraa mai i te Ekalesia, aita oia i ite i te patururaa a te feia faatere i roto i ta'na paroita. Mai te huru râ e, aita to'na episekopo i tau'a ia'na ei melo ap'i mai. No te tau'a



ore, o ta'na i ite atu, ua ho'i maira oia i to'na peresideni misioni o tei iriti i te mau rave'a maitai no'na.

Te faahiti nei oia « Aita te mau melo o te Ekalesia e ite nei, eaha mau te huru ia riro ei melo apī i roto i te Ekalesia. No reira, aita roa ia ratou e ite nei e mea nahea ia paturu ia matou. »

Te titau nei au ia outou, e ta'u mau taea'e, e te mau tuahine, oia ho'i, mai te mea e, aita outou i ite eaha te huru mau, e tamata outou i te feruri eaha taua huru ra. E nehenehe ia riro ei mea mo'emo'e roa ia vai hoê noa oe ana'e. E nehenehe ia fifi roa. E nehenehe e riro ei mea ri'ari'a. O tatou i roto i teie Ekalesia, e mea taa ê rahi roa tatou i to te ao nei hau roa'tu i ta tatou iho e feruri nei. Te papa'i nei teie nei vahine, « O matou te feia imi mai, ia riro mai matou ei mau melo no te Ekalesia, te hitimau'e ra matou i te iteraa e, ua tomo mai matou i roto i te hoê ao matau-ore-roa-hia, te hoê ao te vai ra ta'na iho mau peu tumu, ta'na ihotumu, e ta'na iho mau parau. Te ite ra matou e, aita e taata, e aore râ aita e vahī no te haamaramarama o ta matou e nehenehe e haere atu, no te arata'iraa ia matou i roto i teie nei tere i roto i tei ao apī. I te omuaraa, e mea anaanatae rahi te tere, e tae noa'tu i ta matou mau hapehape e mea arearea ia, i muri mai râ, e riro ia ei mea haape'ape'a e i te pae hopea ra, e riro mai te haape'ape'araa ei mea riri rahi. E, ia tae i teie faito no te haape'ape'a rahi e no te riri rahi matou e faaru'e ai. E ho'i atu matou i te ao no reira mai matou i te haereraa mai, i te vahī ta matou i ite o vai matou, te vahī ta matou i horo'a na, e te vahī e nehenehe ai matou ia parau i te reo » [Liahona, tiurai 1999, 122].

Ohiparaa: Haapiiraa ia oe iho e aore ra, e to oe hoa

A tai'o i te aamu na mua'tu. A papa'i i te mau pahonora a i te mau uiraa i muri nei i roto i ta oe Parau tapa'oraa haapiiraa e aore râ a aparau ia ratou e to oe hoa. A rave i te mau fâ e te mau opuaraa e tano.

- Mai te au i teie nei aamu, eaha te tahi o te mau tumu o te haafifi i te mau melo apī ia vai itoito noa ?
- Nahea te raveraa mai i te mau melo mai te haamataraa mai o te haapiiraa e tauturu ia arai i teie nei mau tamataraa ?
- A feruri i te feia ta oe e haapii ra. Nahea ta oe e nehenehe e faaohipa maitai a'e i te mau melo ia tauturu i te feia imi ia haamata i te tauraa sotiare i roto i te Ekalesia ?

Te haapiiraa e te haaereraa utuafare a te mau taea'e e te mau tuahine

E nehenehe ta te mau peresideni tītī e te mau episekopo, ma te faaafaroraa e te peresideni misioni, e faaohipa i te mau misionare ia haaere atu i te mau utuafare paruparu e te afa melo. I roto i te mau huru au, e nehenehe ta ratou e ani e ia rave te mau misionare rave tamau i te haaereraa utuafare a te mau taea'e e a te mau tuahine haaere. E ti'a i teie nei mau rave'a e haapuai i te mau melo, ia faarahi i te aravihi o te mau misionare ia haapii, e ia tauturu i te mau misionare ia roaa i te i'oa o te mau taata no te haapii(a hi'o « Parau faataaraa no ni'a i te ohipa misionare », rata na te Peresideniraa Matamua, 11 no ditema 2002).

Te mau nota

A haa e te apooraa paroita no te haapuai i te mau melo apî e te mau melo itoito-rii

Tei raro a'e te haapiiraa e te baptizoraa i te feia imi i te arata'iraa a to oe peresideni misioni. Area râ, e haere puai atu â te ohipa no te pororaa i te evanelia i mua ia amui ana'e te mau misionare rave tamau e te mau melo i ta ratou mau tutavaraa e ia rave amui ratou i te ohipa. E titau pinepinehia paha oe ia haere atu i te mau apooraa a te Apooraa Paroita e a te Tomite Faatere no te Autahu'araa. Ta oe ohipa matamua roa o te haapapûraa ia e tei te fare pureraa ra ta oe feia imi. Oia ho'i ia haere pinepine oe na muri ia ratou. Mai te mea te vai nei te hoê fifi i rotopu i te haereraa'tu i te apooraa paroita e te faahaereraa'tu te tahi taata i te fare pure, a rave i te piti o te ohipa. I taua taimera, a horo'a i te hoê hoho'a no te Parau faaite no te haereraa i mua i te faatere misioni paroita e a haapapû e tei ia'na ra te haamaramaramaraa atoa e hinaarohia no te apooraa paroita e aore râ te tomite faatere no te autahu'araa.



© 1899 Greg K. Olsen. Na roto i te parau faa'ia a Mill Pond Press. Eiana e pata i te hoho'a.

Ua parau te peresideni Gordon B. Hinckley:

« E hinaaro te melo faafariu apî atoa i teie na mea e toru:

« 1. Hoê hoa i roto i te Ekalesia o ta'na e nehenehe e fariu tamau atu, o te paturu ia'na, o te pahono i ta'na mau uiraa, o te maramarama i to'na mau fifi.

« 2. Hoê faauerua ohipa. Ua riro te ohipa faaoaoaraa ei rave'a maramarama no teie nei Ekalesia. Ua riro te reira ei rave'a e tupu ai tatou i te paari. Ua riro te faaroo e te here i te Fatu mai te mau uaua o to'u rima. Mai te mea e, e faohipa vau i te reira, e tupu te reira i te puai atu. Mai te mea e, e faaea noa te reira, e paruparu roa mai ia. E mea ti'a ia farii te melo faafariu atoa i te hoê hopoi'a...

« 3. E mea ti'a roa i te melo faafariu atoa ia 'faaamuhia ratou i te parau maitai a te Atua' (Moroni 6:4). E mea titauhia ia'na, te tane e aore râ te vahine, ia amuihi'atu i te pūpū autahu'araa, e aore râ i te Sotaiete Tauturu, te Feia Apî Tamahine, te Haapiiraa Sabati, e aore râ te Paraimere. E mea ti'a roa ia'na ia faaitoitohia ia haere mai i te pureraa oro'a no te rave i te oro'a mo'a, no te faapî i te mau fafauaraa i ravehia i te taimera o te baptizoraa. » (*Liahona*, tiurai 1999, 122).

E rave te apooraa paroita i te rave'a no te horo'araa i te hoê hoa, te hopoi'a e te faaamuraa i te maa varua no te feia faafariu apî. Ia anihia mai e nehenehe ta oe e tauturu. Na te feia faatere no te Autahu'araa e te mau melo e rave i te faahoaraa ma te tauturuhia e orua.

Faahoaraa

- Na mua a'e i te bapetizoraa e te haamauraa, ia haapapū maitai e te reira mau anei te mau melo i te mau haapiiraa atoa mai te mea e nehenehe ta ratou. Te rahiraa o te taima e ti'a roa i teie mau melo ia parahi i pihaiho i te feia imi no te pahono i ta ratou mau uiraa, ia taa maitai i to ratou mau fifi, e ia faaitoito ia ratou.
- A ani i te mau melo ia tae mai i te oro'a bapetizoraa e ia faarii poupou i te feia faafariu apî i roto i te paroita. E tauturu te mau melo i te feia faafariu-apî-hia ia vai au maite noa ratou i roto i te mau pureraa a te Ekalesia. E faaite atoa ratou i te reira feia faafariu-apî-hia i te tahi atu mau melo.
- A faaite 'oi'oi atu te feia imi i te episekopo, i to'na nau tauturu, i te pūpū Peresibutero e i te peresideni o te Sotaiete Tauturu. A faataa i te ohipa a te episekopo e te tahi atu feia faatere o te paroita.

**Te mau tau maitai no te tavini**

- A tauturu i te mau tane faafariu ia taa e ia faaineine no te faarii i te Autahu'araa a Aarona e te Autahu'araa a Melehizedeka. A faataa ia ratou e, e horo'a te mau pūpū autahu'araa i te mau rave'a no te haapii mai, no te haamori e no te rave amui i te ohipa.
- A faaohipa i te feia faafariu apî e te mau melo itoito-rii i roto i te mau tau no te taviniraa mai te tautururaa i te hoê taata ivi aore ra hoê taata ma'i aore ra i te amuiraa'tu i roto i te mau ohipa totauturu.
- A faahaere atu te feia faafariu i pihaiho i te mau taata e haapa'o ra i te tuatapaparaa utuafare ia nehenehe ia ratou ia faa'i i te hoê tuatapaparaa utuafare e te anairaa utuafare. Mai te mea e ti'a ia na reira, a tauturu ia ratou ia faaineine no te bapetizo ia ratou i roto i te hiero no to ratou mau tupuna o tei pohe.
- A ani i te feia faafariu ia faaineine i te mau melo o te utuafare e te mau hoa ia haapiihia e te mau misionare. E ti'a roa i te mau misionare ia ani i te feia faafariu-apî-hia e te mau melo itoito-rii no te mau io'a o te feia imi.

Te faaamuraa i te parau a te Atua

- A faaaoiti i te haapiiraa i te mau tumu parau tumu i roto i te haapiiraa 5, « Te mau Ture e te mau Oro'a. »
- A faahamana'o i te feia faafariu-apî-hia e te mau melo itoito-rii i te mau faaotiraa o ta ratou i rave na mua'e i te bapetizoraa e te mau fafauraa o ta ratou i rave i to ratou bapetizo-raa-hia e te haamau-raa-hia.
- A faaitoito ia ratou ia pure i te mau mahana atoa o ratou ana'e e to ratou mau utuafare.
- A faaitoito ia ratou ia tai'o i te mau papa'iraa mo'a i te mau mahana atoa, te Buka a Moromona ihoa râ.

Te mau nota

- A haapuui i te iteraa papû o te feia faafariu-apî-hia no ni’a i te faaho’i-faahou-raa mai te evanelia a Iesu Mesia na roto i te peropheta o Iosepha Semita. A hi’o faahou te mau haapiiraa o ta orua i haapii na mua’e i te bapetizoraa e te haamauraa, ma te faaau te mau titauraa o te faaotiraa i to ratou mau hinaaro i taua taime ra.
- A tamau noa i te haapii i te faufaa ia haere i te pureraa i te mau sabati atoa e ia rave i te oro’a ma te parau ti’a. A haere e a parahi i pihaiiho i te feia faafariu-apî-hia aore ra te mau melo itoito-rii.
- A ani ia ratou ia haere i roto i te piha haapiiraa o te Mau Parau Tumu o te Evanelia i te Haapiiraa Sabati.
- A haapii ia ratou e nahea ia faatupu i te pureraa pô utuafare i te mau pô monire ma te faaohipa i te buka *Family Home Evening Resource Book*.
- A faaitoito ia ratou ia faaite te evanelia i faaho’i-hia-mai ia vetahi.
- A tauru ia ratou ia haere i te haapiiraa evanelia a te Feia apî e te haapiiraa evanelia a te Feia apî paari.
- A faaite ia ratou e te vai nei te mau materia a te Ekalesia mai te www.mormon.org, www.lds.org, e www.familysearch.org.

Tai’oraa i te papa’iraa mo’a

Te faaamuraa i te parau a te Atua

Mosia 18:18–20

Alama 31:5

Moroni 6:4

Taviniraa

Mosia 2:17

Mataio 25:40

« Guide des écritures », « Service »

Eaha te ohipa a te peresideni misioni rave tamau ?

Te mau ra te peresideni misioni tamau i te mau taviri no te bapetizoraa o te feia faafariu. I raroa’e i ta’na arata’iraa, e hopoi’a matamua roa na te mau misionare tamau te haapiiraa i te feia imi. Teie nei râ, e hi’opo’a te episekopo i te haereraa i mua e te faahoaraa o te feia imi a haapiihia’i ratou. Te faanahonahoraa a te misionare paroita tei raroa’e ia te reira i te mana peresideniraa a te episekopo. E farerei pinepine te peresideni misioni i te mau peresideni tītī no te haapapû e te haa amui ra te mau misionare tamau e te feia faatere o te autahu’araa. E faanahonaho oia i te mau tutavaraa no te haapii i te evanelia e e horo’a oia i te tauturu i te mau peresideni tītī ia horo’a i te haapiiraa i te mau parau tumu e te mau faaohiparaa i te ohipa misionare.

Eaha te mau hopoi’a a te feia faatere o te tītī e o te paroita ?

Te feia faatere e te mau melo o te Ekalesia o to outou ia feia tauturu maitai roa’e. A faatura ia ratou e a tutava i te faatupu i te mau auraa maitai e o ratou. A haa ai outou i pihaiiho i teie feia faatere, a haamana’o e te vai ra ta ratou mau hopoi’a ê atu ia au i to ratou mau piiraa. A imi noa i te rave’a ia riro outou e hoê haamatairaa, eiaha râ ei hopoi’a, i te feia faatere o ta outou tītī e o te paroita. Ia riro to outou huru mai teie te huru, « Nahea maua i te tauturu » ? A aparau e te episekopo e te faatere misioni o te paroita i ni’a i ta orua faanahonahoraa e te mau tereraa ohipa. A haapapû e te paturu ra te mau mea o ta orua e rave i te fanahonahoraa a te misiono paroita.

E faaitēhia i raro nei te tuhaa a te faatereraa o te autahu'araa i roto i te ohipa misionare. E tauturu te taa maitairaa i ta ratou mau hopoi'a ia orua ia haa maitai a'e â i pihaiho ia ratou.

Peresideni tītī

E faatere maite te peresideni tītī i te mau episekopo i roto i ta ratou hopoi'a misionare, aupururaa, e faaitoitōraa. I roto i ta'na uiuiraa i te mau ava'e atoa i te mau episekopo, e aparau oia i te mau faanahonahōraa e te haereraa i mua o te feia taa ê e imi ra e te mau melo. E haapapû oia e e haapiihia te mau haapiiraa no ni'a i te ohipa misionare i roto i te mau apooraa tītī e paroita e ia haapiipihia te feia faatere no te autahu'araa e te tahi atu feia faatere i roto i ta ratou hopoi'a misionare.

E farerei pinepine atoa te peresideni tītī i te peresideni misioni no te faanaho i te mau tutavaraa o te ohipa misionare, te haapiiraa i te feia faatere e te mau melo, te faaohiparaa e te opereraa i te mau misionare tamau, e te tautoōraa i te ohipa no te faaitoitōraa.

Melo apooraa teitei

Ua faataahia hoê melo no te apooraa teitei na te peresideniraa tītī no te haapa'o i te ohipa misionare, te aupururaa, e te faaitoitōraa i roto i te tītī. E faatae oia i te mau taime e ti'a ai i te mau parau faaite no te tereraa o teie ohipa i te peresideniraa tītī. E haapapû maite atoa oia e te haapii maita'ihia ra te mau misionare paroita i roto i ta ratou mau hopoi'a, e te faaineineraa i te hoê fanahonahōraa misioni paroita.

Episekopo

E hopoi'a na te episekopo te mau tautoōraa misionare, te aupururaa, e te faaitoitōraa i roto i te paroita. E mea faufaa roa to'na raverāa e te faatereraa. No te tauturu i te raverāa i teie ohipa, e pii te episekopo i te hoê taata e mau parautia ra i te autahu'araa a Melehizedeka ia tavini ei faatere misioni paroita. E pii atoa oia i te tahi mau misionare e au no te pahono i te mau hinaaro i roto i te paroita.

E faaohipa te episekopo i te tomite faatere autahu'araa e te apooraa paroita no te faanahonaho i te tautoōraa misionare, aupururaa, e faaitoitōraa. E horo'a oia i te arata'iraa no te faaineine e no te rave i te hoê faanahonahōraa no te paroita.



Ohiparaa: Haapiiraa e to oe hoa

A faataa i te hoê taime no te farerei i te episekopo. A maimi i ta'na arata'iraa e nahea orua e nehenehe ai i te tavini maitai atu â i roto i te paroita.

Feia faatere o te autahu'araa e o te mau pūpū tauturu

E ti'a i te feia fatere o te autahu'araa e o te mau pūpū tauturu ia hi'o pinepine i te huru o te mau melo apī e te mau melo itoito-rii e ia faanaho e nahea ia apee maitai e ia haapuai ia ratou. E ti'a atoa ia ratou ia haa amui e te faatere misioni paroita no te faanaho i te mau tautoōraa misionare, te tape'araa, e te faaitoitōraa e te mau misionare paroita e te mau misionare tamau.

Faatere misioni paroita

I raro a'e i te arata'iraa a te episekopo, e rave te faatere misioni paroita i teie mau mea i muri nei:

- E horo'a oia i te hoê hi'oraa ma te faaiteraa i te evanelia ia vetahi ê e ma te apeeraa i te feia imi, te mau melo faafariu-apî-hia, e te mau melo itoito-rii.
- E faanaho oia i te ohipa a te mau misionare paroita e a te mau misionare tamau i pihaiho i te mau faatere o te autahu'araa, te mau faatere pŭpŭ tauturu, e te mau melo.
- E faaohipa oia i te Parau faaite no te haereraa i mua, te Tabula ohiparaa no te feia faafariu, e te Tabula ohipa e te tabula uiuiraa a te episekopo no te hi'o i te haereraa i mua o te feia imi, te feia faafariu-apî-hia, e te mau melo itoito-rii i roto i te tomita faatere autahu'araa e te apooraa paroita.
- E arata'i oia i te mau apooraa faanahonahoraa misionare hepetoma.
- E faanahonaho oia i te mau oro'a baptizoraa i roto i te paroita e te mau misionare tamau. Mai tei matauhia na te hoê melo o te episekoporaa aore ra te faatere misioni paroita e arata'i i teie mau oro'a.

E tavini atoa te faatere misioni paroita i roto i te tomita faatere autahu'araa paroita, te apooraa paroita e te tomita totauturu paroita, e haere oia i te mau apooraa a te feia faatere o te autahu'araa tītī.

Mau misionare paroita

E pihia te mau taea'e e te mau tuahine tiamâ ia tavini ei mau misionare paroita.

E arata'ihia ratou e te faatere misioni paroita.

E imi, e apee, e haapii te mau misionare paroita i te feia imi. E haapii e e apee atoa ratou i te feia faafariu-apî-hia e te mau melo itoito-rii.

E nehenehe i te hoê misionare paroita o te mau ra i te Autahu'araa a Melehizedeka e pihia ei tauturu no te faatere misioni paroita.

Te faanahonahoraa i te ohipa misionare

Mai te auhia, e faanahonahohia te ohipa misionare paroita i roto i te mau apooraa a te tomita faatere autahu'araa e te apooraa paroita ma te faaohipa i te Parau tapa'oraa haapiiraa, o te horo'ahia mai e te mau misionare tamau. Te fâ misionare o teie mau apooraa o te faaiteraa ia i te parau, te opuaraa, e te tuatapaparaa i te mau rave'a no te imiraa, te haapiiraa, te apeeraa, e te faaitoitoraa mai tei faaitehia i roto i te mau tuhaa parau i muri nei.

Te Imiraa i te mau taata no te haapii. E aparau te tomita faatere autahu'araa e te apooraa paroita i te mau opuaraa no te faaineine i te mau taata taa ê ia haapiihia e te mau misionare tamau. E aparau ratou i te haereraa i mua o te mau melo taa ê o te paroita i roto i ta ratou faaineineraa i te mau taata e te mau utuafare no te mau haapiiraa misionare.

Te haapiiraa e te baptizoraa. E hi'opo'a te tomita faatere e te apooraa paroita i te buka haereraa i mua i te mau hepetoma tata'itahi, o te faaite ra i te haereraa i mua o te taata tata'itahi o te haapiihia ra e te mau misionare. E tuatapapa atoa ratou i te mau opuaraa no te haapiiraa i roto i te utuafare o te mau melo, te apeeraa i te feia imi, e te haapapûraa i te taeraa mai o te mau melo i te mau oro'a baptizoraa.

Te apeeraa e te haapiiiraa i te mau melo apî. E hi'opo'a te tomite faatere autahu'araa e te apooraa paroita i te Tabula Ohiparaa a te Feia Faafariuhia no te hi'opo'a i te haereraa i mua o te melo apî tata'itahi. E aparau atoa ratou e nahea i te apee te mau melo apî. I ni'a i te aniraa a te episekopo, e horo'a atu ratou i te i'oa o te feia faafariu-apî-hia no te mau piiraa.

Te apeeraa e te haapiiiraa i te mau melo itoito-rii. E tuatapapa te tomite faatere autahu'araa e te apooraa paroita i te ohipa no te faaitoitoraa i te mau pûpû Autahu'araa e te mau misionare tamau. E rave atoa ratou i te opuaraa e nahea i te apee i te mau melo itoito-rii, na roto ihoa râ i te titauroa ia ratou ia tae mai i te mau pureraa e te mau faaoaoaraa.

Te tahi atu tuatapaparaa e te faatere misioni paroita

I te ti'araa mau, e tuatapapahia te ohipa misionare paroita i roto i te apooraa a te tomite faatere autahu'araa e te apooraa paroita. Mai te mea e titauhia te tahi atu â tuatapaparaa, e nehenehe ia ta te faatere misioni paroita e faatupu i te mau apooraa tuatapaparaa e te mau misionare tamau. Te tahi atu feia o te nehenehe e titauhia i taua apooraa ra o te mau misionare paroita ia, hoê tauturu no roto mai i te faatereraa o te pûpû tahu'a rahi, hoê tauturu no roto mai i peresideniraa o te Pûpû Peresibutero, e te hoê tauturu no roto mai i te peresideniraa Sotaiete Tauturu.

E ti'a ia ratou o te tae i te apooraa ia hi'opo'a e ia faaite i te parau faaite no ni'a i te mau ohipa i operehia e te mau titauroa i ravehia i roto i te apooraa i ma'iri e ia aparau i ni'a i te mau opuaraa no te hepetoma i mua. Mai te mea e hinaarohia, e nehenehe atoa ia ratou ia tuatapapa i te mau ohipa e horo'ahia i te mau misionare paroita ia rave i pihaiiho i te mau misionare tamau e ia aparau e nahea ia haamaitai atu â te mau rave'a itoito amui o te mau misionare paroita e o te mau misionare tamau.

Te opuaraa a te paroita no te ohipa misionare

E rave rahi te mau paroita o te ite e te faatupuraa i te hoê opuaraa misionare paroita e faahaere ia te reira i te ohipa misionare i mua. I roto i taua opuaraa ra te vai ra ia te mau fâ, te mau raveraa, e te mau ohiparaa no te tauturu i te mau melo ia titau manihini i te mau taata ia faaroo i te evanelia. E na reira atoa te taata tata'itahi e te mau utuafare ia faatupu ana'e ratou i te hoê opuaraa no te arata'i i ta ratou mau rave'a itoito no te ohipa misionare.

E ti'a i te mau melo ia faaohipa i te mau rave'a poupou atoa no te imi i te mau taata o te hinaaro mau i te faaroo i te parau poro'i o te Faaho'i-faahou-raa mai. E ti'a ia ratou ia haapapû i te imiraa i te mau metua tane, metua vahine, e te mau tamarii o te tomo mai ei mau utuafare i roto i te ekalesia.

- A pure ia faaineine te Fatu i te mau aau o te mau taata taa ê ia faaroo i te evanelia. A pure atoa ia ite outou ia ratou o ta'na e faaineine ra (a hi'o Alama 6:6). Ua haapii o te peresideni Gordon B. Hinckley: « E mahana rahi roa te mahana e pure ai to tatou mau taata eiaha noa no to tatou mau misionare i roto i te ao taatoa nei, ia ani râ i te Fatu ia tauturu ia ratou ia rave atoa i te ohipa i pihaiiho i te mau misionare e tavini ra i roto i ta ratou iho paroita. » (« Taviniraa misionare », *Haapiipiiraa matamua na te feia faatere o te ao nei*, tenuare 2003, 19).
- A haapa'o maitai i te mau tau taviniraa no te toro atu te rima ia vetahi ê A faariro ia outou ei mau taata tapiri maitai e ia toro atu te rima ma te here i te mau taata atoa.

Te mau nota

- A ani i te mau hoa e i te feia tapiri ia tavini i te mau melo i roto i teie mau tuhaa oia ho'i te raveraa i te ohipa i roto i te oire, te horo'araa i te maa na te feia e ere ra, te haapiiraa i te mau piha na'ina'i i roto i te mau putuputuraa no te haamaitairaa a te Totaiete Tauturu, te tauturaa i roto i te mau ohiparaa a te paroita, tauturaa i te mau taata e taui ra i te faae meta, raveraa i te ohipa i roto i te Faanahoraa Scout e te tauturaa i roto i te mau opuraa a te tuatapaparaa utuafare e a te totauru.
- A titau manihini i te mau fetii melo ore, te mau hoa, e te feia tapiri i te mau bapetizoraa, te mau haamauraa, e te mau faaotoro'araa autahu'araa.
- A titau manihini i te mau melo ore ia tae mai i te mau ohipa taa ê, mai te hoê tamaaraa i te po'ipo'i i te hoê mahana oro'a.
- A faariro i te mau apooraa paroita, te mau faaoao meta, te mau pur meta pae auahi, e te mau pur meta opani iriti e mea faahiahia e te au maitai ia anaatae te mau melo i te ani manihini i te feia o ta ratou i matau ia tae mai.
- A titau manihini i te mau taata i te mau pô utuafare.
- A haere e farerei i te mau taata o te farii ra i te mau tau meta i roto i to ratou mau or meta, mai te mau faaipop meta, te mau fan meta, aore ra te mau poh meta.
- A haere e farerei e a tauturu i te mau taata o te haere mai ra e faaea i roto i to outou vahi. A faaite ia ratou te mau haamaram meta no ni'a i te oire, te feia tapiri, e te Ekalesia.
- A rave i te taime atoa no te paraparaa ia ratou no ni'a i te evanelia. A aparau ia ratou i te mau upoo paraa mai te Faa meta, te Buka a Moromona, te Bibilia, te tumu o te or meta, te utuafare, e te aamu utuafare.
- A faaitoito i te Feia apî ia faa meta i te tahi feia apî e ia titau manihini ia ratou i te mau pur meta e i te mau faaoao meta.
- A haa i pihaiho i te mau utuafare afa melo.
- A faa meta i te mau pur meta oro'a o te faa meta i te varua.

Ohiparaa: Haapiiraa e to oe hoa

- A tai'o e a aparau e to oe hoa, te api 34–37 o te buka *Mau maite i te Faaroo*, « Pû faatere o te Ekalesia. »
- A faaite i to oe hoa e a papa'i i roto i ta oe buka tapa' meta haapiiraa te mea o ta oe i ite.
- A aparau e nahea to oe mau mana'o e haamaitai ai te huru o to oe raveraa i te ohipa i pihaiho i te feia faatere o te Ekalesia.

Faf meta ia faaea itoito noa i roto i te Ekalesia

Te vai ra te vahi faahiahia roa o te ohipa misionare ia rave e ia haapa'o te mau taata i te faaot meta ia faaea itoito noa i roto i te ekalesia i te mau mahana atoa o to ratou mau or meta. Eita e nava'i i te mau taata ia tomo noa mai i roto i te Ekalesia. E ti'a râ ia ratou ia faaea i roto. E ti'a roa i ta outou haapiiraa e ta outou mau tit meta ia haamanuia i te reira tumu. No te faarii i te taato meta o te mau haamaitairaa o ta to tatou Metua i te Ao ra i faataa no ratou, e ti'a i te mau melo ia tamau noa i te ora i te evanelia e ia vai itoito i roto i te Ekalesia.

Ua haapii o Nephi: « E tena na, e au mau taea'e here, e ui atu vau ia outou na, Ia tae outou i taua e'a titiaifaro ra e te pirihaio, atira anei ia ? Inaha, e parau atu vau ia outou na, Aore roa ia ; ... ia haere ti'a'tu outou i mua i te ti'a-maiteraa i te Mesia... e ma te tape'a ho'i e tae noa'tu i te hopea ra, inaha, te na ô maira te Metua: E ora mure ore to outou i reira ra »(2 Nephi 31:19–20).

A horo'a i ta outou mau rave'a itoito atoa no te tauturu i te mau taata ia ineine no te « ora mure ore, o te horo'a hau a'e te reira i te mau horo'a atoa a te Atua » (PH&PF 14:7).

A haamana'o i teie

- A faatupu i te mau auaa paari e te episekopo e te mau melo o te apoora paroita.
- A rave i te ohipa ma te huru au maitai i roto i te apoora tomita faatere autahu'araa e te apoora paroita.
- la riro orua ei tavini i to te apoora paroita. Ia ani ana'e te mau melo o te apoora i ta orua tauturu:
 - Ia vai te hinaaro mau ia orua no te apee i te feia faafariu e te mau melo itoito-rii, a tauturu ia ratou i roto i to ratou mau piiraa e te mau taima taviniraa, e a haapii faahou te mau haapiiraa misionare.
 - Ia haapii orua e te mau melo i te feia faafariu-apî-hia i te haapiiraa « Te mau ture e te mau oro'a. »

Te mau nota

Mau mana’o tauturu no te haapii mai e no te faaohiparaa

Haapiiraa ia oe iho

- Ma te faaohipa i ta orua buka arata’i tamahana, a hamani i te mau opuaraa no te aparau i te feia faafariu-apî-hia e te mau melo faaitoito-apî-hia ia tau i to ratou mau oraraa e ia haere i te pureraa. Eaha o tei tauturu roa’e ia ratou ? i roto i ta oe buka tapa’oraa haapiiraa, a papa’i i to oe mau mana’o no ni’a i te mau ohipa i tupu. Eaha ta oe i ite o te tauturu ia oe ia haa i pihaiiho i ta orua feia imi.
- A tai’o i te 2 Nephi 31:18–20 ; Alama 26:–7 e 32:32–43 ; e Moroni 6. A papa’i i te mau mea o ta oe i ite no roto mai i teie mau irava no ni’a i te haapuairaa i te feia faafariu-apî-hia.

Haapiiraa e to oe hoa

- I roto i te apooraa paroita, a ani i te episekopo mai te mea e te vai ra te mau melo itoito-rii i roto i ta orua area o ta’na e hinaaro ia orua ia tere e farerei i teie hepetoma. Ia tere orua e farerei i teie mau melo itoito-rii, a imi i te rave’a ia faatupu i to ratou faaroo ia Iesu Mesia. A ani ia ratou te mau i’oa o te feia imi.
- A tai’o 1 Korinetia 3:2 ; Hebera 5:12, PF&PF 19:22. Eaha teie û e faahitihia ra ? Eaha te ina’i ? A faaau i ta orua pahonora a i te mau parau haapiiraa i roto i te pene « Eaha ta’u e tai’o e e haapii ? » Eaha e ti’ai ia orua ia horo’a atu i te û e te ina’i i roto i te anairaa ti’a mau e i te rahiraa ti’a mau atoa ? E nahea orua ia rave i te reira ?
- A tai’o i te faahitiraa i muri nei, i reira te peresideni Iosepha F. Semita i faaite ai to’na mau mana’o i te taime o to’na baptizoraa:

« Te mana’o o tei tae mai i ni’a ia’u o te mana’o ia no te hau viivii ore, no te here e no te maramarama. Ua mana’o vau i roto i to’u aau e mai te mea e ua hara vau—e parau mau roa aita vau i erehia i te hara—ua faaorehia ia te reira ; ua tamâhia vau i te mau hara, ua putapû to’u aau, e ua ite au e eita roa vau e haamauiui i te hoê noa’e manumanu iti i raroa’e i to’u nau avae. Ua mana’o vau e rave i te maitai i te mau vahi atoa i te mau taata atoa e i te mau mea atoa. Ua mana’o vau i te hoê oraraa apî, te hoê hinaaro apî i te rave i te mau mea ti’a. Aita roa hoê ae tuhaa no te hinaaro ia rave i te ino e vai ra i roto i to’u aau... O teie te huru i tae mai i ni’a iho ia’u, e ua ite au no ô mai te reira i te Atua ra, o tei riro e o te riro â e iteraa ora mau no to’u faariiraa i te Fatu »(*Gospel Doctrine*, 5raa o te nene’iraa [1939], 96).

I teie nei a tai’o i ta te peresideni Smith i parau no ni’a i to’na mau mana’o i muri mai roa i to’na baptizoraa:

« A tira ho’i ê ! ahiri e nehenehe ia’u ia tape’a noa i taua varua ra e taua hinaaro puai ra i roto i to’u aau i te mau taime atoa o to’u oraraa mai [te mahana o to’u baptizoraa] e tae roa mai i teie nei. E rave rahi o tatou o tei faarii i taua iteraa, taua fanauraa apî ra, taua tauiraa o te aau, a hape ai tatou i roto i ta tatou mau haavaraa aore ra a rave ai i te mau hape, e a ere pinepine ai tatou i te rave i te mau peu ti’a i roto i to tatou mau oraraa, ua tatarahapa tatou i te mea ino, e ua titau tatou i tera taime e tera taime i te faaoreraraa hara no ô mai i te Fatu ; ia vai noa â taua hinaaro ra e taua hopea tumu ra o ta to tatou mau aau i faarii i te taime i baptizohia’i tatou e i faarii ai i te faaoreraraa hara, i roto i to tatou mau aau e tae noa mai i teie nei, e ia riro noa ei mana’o faatere e te hianaaro puai o to tatou mau aau »(*Gospel Doctrine*, 96).

- Eaha ta oe i ite na roto mai i te peresideni Smith no ni’a i to oe iho iteraa papû e te fafauraa ia ora i te evanelia ?
- Eaha ta oe i ite no ni’a i te mau fifi o ta te feia faafariu-apî-hia e oia atoa o ta te mau peropheta e pihia i muri a’e e faarii i muri mai i te baptizoraa ?

Te mau nota

- A feruri ai oe i te feia faafariu-apī-hia e te mau melo itoito-rii, eaha ta oe e nehenehe e rave no te tauturu ia ratou ia noaa faahou mai â te « hinaaro e te hopea tumu » o ta ratou i faarii na mua'e ?

Te mau apooraa mataeinaa e te mau amuiraa area

- A ani i te hoê episekopo ia paraparau no ni'a i te mau tamataraa ia haa ana'e i pihaiho i te feia faafariu-apī-hia e te mau melo apī.
- A aparau i te mau parabole no te mamoe i mo'e ra, te diderama i mo'e ra, e te tamaiti i haere i te fenua roa (a hi'o Luka 15).

Peresideni misioni

- A haa i pihaiho i te feia faatere o te autahu'araa ia faaitoito ia ratou ia tauturu i te feia faafariu-apī-hia:
 - la faatoro'ahia ratou i te autahu'araa.
 - la faarii i te mau taea'e hahaere.
 - la faaineine i te io'a o te hoê tupuna no te hopoi i te hiero e ia rave i te mau oro'a no te feia pohe.
 - la faarii i te haapiiraa « Te mau ture e te mau oro'a » i pihaiho i te mau taea'e haaere.
- la haapii i te feia faatere e nahea ia faaohipa i te mau misionare i roto i te apooraa paroita.
- A haapii i te feia faatere te fâ e te mau faaohiparaa i te Parau faaite no te haereraa i mua.
- I te tahi mau taime a ani i te mau misionare ia faaite mai ia oe hoê o ta ratou mau Parau faaite no te haereraa i mua.
- I te tahi mau taime a imi i pihaiho i te feia faafariu-apī-hia te rave'a ia ite eaha to ratou huru e nahea te mau misionare e te mau melo e nehenehe ai e tauturu ia ratou.
- A titau i te feia faatere o te tītī e o te paroita ia a'o i ta oe mau misionare no te faataa ia ratou e nahea ratou e riro ai ei tauturu rahi roa.
- A titau i te feia faafariu-apī-hia ia a'o i te mau misionare e ia faaite te mau ohipa te tupu ra ia ratou ei melo apī no te Ekalesia.
- I te tahi mau taime a ani i te mau melo faafariu ia faaite i roto i te amuiraa area te huru o to ratou faafariu-raa-hia.

A

Aamu utuafare, ei rave'a no te imiraa i te feia imi, 186–89
 Afata haamaramaramaraa (mau), i roto i « Ia porohaere i Ta'u nei Evanelia » , xi–xii
 Amuiraa tuhaa, e te haapiiraa, viii
 Ao varua, 59
 Apooraa feia faatere o te paroita, 170–71, 245–47
 e te faaamuraa i te mau melo faafariu apî, 247
 e te faahoaraa i te mau melo faafariu apî, 247
 e te tautururaa i te mau melo faafariu apî ia tavini i roto i te mau piiraa, 247
 te hopoi'a no te faahoaraa, 244
 Apooraa mataeinaa, e te haapiiraa, ix
 te tumu no te, x
 Aroha, 134–35
 Aroha, tatarahia, 78
 Atua te Metua, ua fâ mai te, ia Iosepha Semita, 42
 Atua, haamoriraa tano i te, 87
 Atua, haapii i te parau no te, i te feia e ere i te Keretesiano, 37
 Atua, to tatou Metua i te Ao ra, 35–36, 54
 Au maitai, i roto i te haapiiraa, vii
 i roto i te haapiiraa, vii
 Autahu'araa a Aarona, faaho'ihia mai, 42
 Autahu'araa a Melehizedeka, faaho'ihia mai te, 42
 Autahu'araa e te mau pûpû tauturu, 93–94
 Autahu'araa, Aarona, 93
 Faaho'i-faahou-raa mai te, 42, 93
 Melehizedeka, 93
 Tatarahia,

B

Ballard M. Russell, no ni'a i te mau titauraa, 166
 no ni'a i te mana o te Varua, 105
 Bapetizoraa e te haamauraa, 9–10, 84–85
 mau parau, 238
 uiraa e te pahonoraa no ni'a i te, 234–36
 Bapetizoraa faafariu, tatarahia, 234–36
 Bapetizoraa no tei pohe, 96
 Bapetizoraa, titauraa manihini, 45, 74
 aita e titauhia no te mau tamarii na'ina'i, 64
 faaineineraa no te, 231–32
 no te auahi, 72–73
 no te hoê taata aita i ti'amâ, 235
 ta tatou fafauaraa matamua, 70–72
 te mau titauraa no te, 232
 Titauhia no te meloraa i roto i te Ekalesia, 71
 Basileia hanahana, 60
 Basileia teretetiera, 60
 Basileia tiretia, 60
 Basileia tiretiera, 60
 Benson, Ezra Taft, i te pahonoraa i te uiraa
 no ni'a i te Buka a Moromona, 123–24
 no ni'a i te Buka a Moromona ei ofa'i
 tape'a, 117
 no ni'a i te mau uiraa rarahi no ni'a i te
 varua, 122
 no ni'a i te faufaa o te Varua, 200
 no ni'a i te hopoiraa i te evanelia i to te ao, 2
 no ni'a i te ohipa, 139
 Bibilia, te turu nei te, i te Buka a Moromona, 120
 Buddha (Gotama), 51
 Buka a Moromona, te pahono nei te, i te mau
 uiraa o te varua, 107–8
 e arata'i i te taata i te Atua ra, 108
 ei ofa'i tape'a, 103–4
 faaiteraa papû no te Faaho'i-faahou-raa mai,
 7, 38–39, 103

faaiteraa papû no te huru Atua o Iesu
 Mesia, 103
 nahea ia faaohipa i te, 110–11
 nahea ia tai'o i te, i pihaiho i te feia imi,
 110–11
 tai'o i te, no te haapii i te reo no te misioni, 130
 te faaite papû nei te, ia Iesu Mesia, 105
 te tumu o te, 38
 te turu nei te, i te Bibilia, 106
 Buka arata'i ohipa tamahana a te misionare,
 faataahia, 163–65
 Buka area, faataahia, 158–59
 faaohipahia no te imi i te feia imi tahito, 190
 Buka tuataparaa, haamaramaramahia, x

C

Cabrera, Victor Manuel, aamu no te faafariuraa,
 179–80
 Calvin, John, 51
 Confucius, 52

E

Episekopo, 170–71
 e te ohipa misionare, 184
 na te, e faatere i te ohipa misionare a te
 paroita, 244
 te mau ohipa misionare a te, 249
 Evanelia a Iesu Mesia. *A hi'o* Evanelia
 Evanelia, 68–75
 e haamaitai te, i te mau utuafare, 3, 36
 e pahono te, i te mau hinaaro o te taata, 1–2
 faaho'i-faahou-raa mai te, 41–42
 tatarahia, 6, 79–80
 te tumu no te, 7

F

Faarararaa, no te farii i te heheuraa, 111–12
 Faafariuraa, te ohipa a te misionare i roto i te
 parau no te, 105
 te ohipa a te Varua i roto i te, 105
 Faahitiraa parau tohu no ni'a i te ohipa
 misionare, 13–15
 Faaho'i-faahou-raa mai, poro'i o te,
 haamaramaramahia, 7–9
 o te evanelia, 41–42
 Faaho'iraa mai (tauiraa), 35
 Faaho'iraa, tatarahia, 79
 Faahoaraa, i te mau melo apî, 240
 Faaineineraa tamahana, 171–72
 Faaipoiporaa mure ore, 96
 Faanahoraa misioni a te paroita, 251
 Faanahoraa no te faaoraraa, 53–61
 tabula, 61
 Faanahoraa no te haamaramaramaraa, 158
 Faanahoraa tahepotoma, nahea ia faatere i te,
 167–71
 Faaohiparaa i te taime, faaohipa-maitai-raa i te
 taime, 155
 Faaoraraa, e roaa i te mau taata atoa, 97
 faanahonahoraa no te, 53–61
 tatarahia, 66
 Faaoraraa, tatarahia, 66
 Faaoreraa i te Mea i Matauhia, 213–16
 Faaoroma'i, 137
 Faaroo, e te imiraa i te taata no te haapii, 177
 e te pure, 106–108
 ia Iesu Mesia, 70, 131–32
 Faarooaraa, no te haamaitai i te ite reo, 149
 faaohipa i te, i roto i te haapiiraa, 211–13

- Faateiteiraa, 53
tatarahia, 58
- Faatere misioni o te paroita, te mau ohipa a te, 218–19
- Faati'a i te Ekalesia, 11
- Faueraa, 81–92
nahea ia haapii i te, 81–82
nahea ia tuatapapa i te, 82
- Fafauraa, e te mau haamaitairaa o te, 226–27
e faarahi te, i te faaroo, 224
e te hi'opo'araa, 229
e te mau uiraa afaro, 225
e tuhaa faufaa no te tatarahapa, 223
- Fafauraa, tatarahia, 79
haamaramamahia, 63
- Fafauraa, te tumu no te, 9
- Faust, James E., no ni'a i te ti'aturiraa, 134
no ni'a i te haapiiraa ma te maramarama, 207
- Feia Api Tamahine, pūpū no te mau, 84
- Feia Api Tamaroa, pūpū no te mau, 84
- Feia e nehenehe e riro ei feia imi, tatarahia te parau, 143
- Feia faatere autahu'araa, te mau ohipa a te, 218
- Feia faatere no te paroita, e te ohipa misionare, 213
te mau ohipa a te, 217
- Feia faatere no te titi, e te ohipa misionare, 213
te mau ohipa a te, 217
- Feia imi tahito, ei rave'a no te imi i te taata e haapii, 166
- Feia imi, e faaineine te mau misionare i te, no te uiuiraa no te baptizoraa, 204
haamauraa i te mau opuaraa no te mau, 147–50
ia tai'o i te Buka a Moromona, 110–50
- ## H
- Haamaitairaa, e te mau fafauraa, 197–98
- Haamaruaraa tamarii, e te ti'amāraa no te baptizoraa, 207–8
- Haamauraa, 65
A hi'o atoa Baptizoraa e te haamauraa faaineineraa no te, 203–4
faataahia, 70
nahea ia rave i te, 210
- Haapa'o, 122
e faueraa, 72
- Haapaeraa maa, ture no te, 80
- Haapii, e faanahoraa no te farii i te heheuraa, 18
ei melo no te Ekalesia, 88
na roto i te Varua Maitai, 18
- Haapiiraa a te taata hoê, te tumu no te, viii–ix
talena, viii
- Haapiiraa e te hoa, te tumu no te, ix
talena no te, viii
- Haapiiraa, te mau rave'a fariihia no te, 23
ei faaineineraa no te haapii, 19–22
haamata na roto i te pure, 17, 22
maitai, 17
te mau arata'iraa no te, 20–21
te mau mana'o tauturu no te, maitai, 22–24
- Haapiiraa, faatano ia pahonohia te mau hinaaro, 177–78
e te faarooaraa, 185–86
e te hoa, 178–79
e te imiraa, 158–59
e te mau melo, 179
e te mau papa'iraa mo'a, 205–207
e te mau uiraa, 183–84
e te tamau-aau-raa, vii
i roto i te piiraa o te Ekalesia, 88
i te evanelia i roto i te ti'araa misionare, 175
- na roto i te Varua, 3–4
nahea ia haamata, 176–77
te a'oraa a te Peresideniraa Matamua no ni'a i te, 175–76
te mau taata aita e iteraa keritesiano, 190–191
te roaraa o te farereiraa, 178
te roaraa o te haapiiraa, vii
- Haapiiraa, no te mau melo api, 29
e faaohipa no te tuapapa e no te haapiipii, 29
no te haapii i te feia imi, 29
- Haavaraa, tatarahia, 59
te, hopea, 53
- Haehaa, 120–21
- Hahaereraa a te tuahine, 215
- Hahaereraa utuafare, 215
- Hara, mai te au i te hi'oraa a tera e tera nunaa, 61
- Heheuraa na te taata iho, 89–90
- Heheuraa, a te taata iho, 89–90
- Here, 118
- Hi'araa o Admau e o Eva, 49–50
tatarahia, 58
- Hi'opo'araa no te hoaraa, 150
- Hi'opo'araa, e te fafauraa, 200
- Hiero, haamoriraa i roto i te, 86
- Hinckley, Gordon B., e nati te mau misionare i te feia faafariu i te Ekalesia, 214
no ni'a i te faaroo e te pure, 93–94
no ni'a i te iteraa i te Varua, 97
no ni'a i te mau hinaaro o te feia faafariu-apihia, 215–16
no ni'a i te mau melo e tauturu nei i te mau misionare, 160–61
no ni'a i te mau pure misionare, 94
no ni'a i te tai'oraa i te Buka a Moromona na roto i te pure, 108
no ni'a i te tape'araa i te feia faafariuhia, 213
no ni'a i te taviniraa, 168
- Hiro'a tumu, titauhia ia haapii i te, 132
- Ho'iraa mai i roto i te tahi atu taata, ti'a-faahou-raa 53
- Holland, Jeffrey R., no ni'a i te haapiiraa i te reo, 128
no ni'a i te faarooaraa, 185
no ni'a i te haapiiraa ma te puai, 8
- Horo'a no te parau i te parau êê, 133
- Horo'a no te Varua Maitai, 65, 91
- Horo'a no te Varua, 91
- Hunter, Howard W., no ni'a i te iteraa i te Varua, 99
- ## I
- « *Ia Poro haere i Ta'u nei Evanelia* », e faaohipahia e te mau misionare paroita e te feia faatere misionare, xi
nahea ia faaohipa, vii
- I'oa na roto mai i te mau ve'a, 163
- I'oa no roto mai i te Pū Faatere o te Ekalesia, 163
- I'oa, te mau arata'iraa no te faaohiparaa i te mau, 163
- Idolo (mau), 77
- Iesu Mesia, ua fâ mai, ia Iosepha Semita, 37
ei Faaora, 51–52, 60–61
taraehara o. *A hi'o* taraehara te tau ohiparaa o, i ni'a i te fenua nei, 34
te tautururaa i te taata ia haapii no ni'a ia, 53–54
- Imiraa i te feia imi, mana'o tauturu no te, 167
- Imiraa i te taata ia haapii, 155
- Imiraa, e te haapiiraa, 158–59
e te mau melo, 160–62
na roto i te Varua, 156

Ite, 119

Iteraa papû, faaite pinepine i te, 198–99

Itoito, 121

K

Kimball, Spencer W., no ni'a i te ohipa misionare e te ohipa hiero, 164
no ni'a i te faataaraa, 4

L

Lee, Harold B., no ni'a i te faufaa o te mau utuafare, 3
no ni'a i te haapiiraa no te haro'aro'a, 193
Luther, Martin, 45

M

Mahana sabati, haamo'a i te, 74
Maitai, tatarahia, 70
Mana, o te misionare, 4
o te Autahu'araa, tei mo'e, 35
tei faaho'ihia mai, 36
Mana'o no te tuatapapa e no te faaohipa, nahea ia faaohipa i te, xi
Mana'o pe'ape'a, titauhia ia faatitiaifaro i te, o te feia imi, 187
Manuiaraa misionare, 10–11
Manuiaraa, tatarahia, 10–11
Maramarama o te Mesia, 90
Mau maite i te Faaroo, 21
Maxwell, Neal A., no ni'a i te ti'aturiraa, 117
Melo apî, e rave'a no te imi i te feia imi, 162
e farii te mau, i te haapiiraa, 29
faaitoitoraa, 213–14
na te mau misionare e faaho'a, 210
no te farii faahou i te haapiiraa, 210
Melo apooraa teitei, te mau ohipa a te, 218
Melo hurihia i rapae i te Ekalesia, e baptizo anei i te, 207
Melo itoito rii, e rave'a no te imi i te feia imi, 162
faaitoitoraa, 213–14
Melo, te taiâ nei te mau, ia rave i te ohipa misionare, 161
e tauturu te mau, i te imiraa i te feia imi, 160–62
nahea ia tauturu, i roto i te ohipa misionare, 162
Mesia, te maramarama o te. *A hi'o* i te Maramarama o te Mesia
Mesia. *A hi'o* Iesu Mesia
Metua i te Ao ra, 31–32, 48
Metua tane, ohipa a te mau, 85
Metua vahine, ohipa a te, 85
Misionare paroita, te mau ohipa a te, 219
nahea ia faaohipa « *la Poro Haere Ta'u nei Evanelia* » , xi
Mohammed, 46
Monson, Thomas S., no ni'a i te faaiteraa i te iteraa papû, 198
no ni'a i te faaoroma'i, 120
no ni'a i te faitoraa i te ohipa i ravehia, 150
no ni'a i te haapiiraa e te mau melo, 179
no ni'a i te reo o te Varua, 133

O

O i Edene, 49
Oaks, Dallin H., no ni'a i te titau-manihini-raa ia vetahi ê ia haere mai i te Mesia ra, 9
Oaoa ore, 10–11
Ohipa a te misionare i roto i te faafariuraa, 93
Ohipa aamu utuafare, 86

Ohipa ino rahi, e te ti'amâraa no te baptizoraa, 207–8

Ohiparaa no te taipe, hi'opo'araa ia'na iho, 126
Opuaraa misionare, ia mono ia Iesu Mesia, 2
Opuaraa, e te faanahoraa tahepetoma, 147–50
nahea ia haamau i te, 146
Opuaraa, haamau i te, 137
Ora mure ore, tatarahia, 70
Oraraa hou te oraa i ni'a i te fenua nei, 48
tatarahia, 59
Oraraa hou te oraraa tahuti nei, tatarahia, 59
Oraraa i ni'a i te fenua nei, 50
Oro'a baptizoraa, nahea ia arata'i i te, 208–9
Oro'a hiero, 86
Oro'a mo'a, 64
Oro'a, tatarahia, 63

P

Pablo, aamu no te faafariuraa na roto i te ohipa taviniraa, 168–69
Packer, Boyd K., no ni'a i te baptizoraa i te pape e te auahi, 9
no ni'a i te iteraa i te Varua, 96, 99
no ni'a i te mana faaamu o te Buka a Moromona, 108
no ni'a i te maramarama o te Mesia, 90
no ni'a i te mau iteraa varua, 99
no ni'a i te tauira-hia te huru na roto i te haapiiraa, 19
no ni'a i te tura'iraa i te mau mea pae varua, 102
no ni'a i te Varua i roto i te faafariuraa, 93
papa'iraa mo'a, tapa'oraa i te, 24
faaohiparaa i te, i roto i te haapiiraa, 205–207
Pape paari i ni'a i te miti, e au te mau mana'o pe'ape'a i te, 187
Paraimere, faanahonahoraa o te, 84
Paraparau, te mau mana'o no te, e o vetahi ê, 157
mauhaa no te imiraa, 156–58
Parau faaite tahepetoma misionare, parau tei faataahia, 145
Parau faataaraa na roto i te niuniu, tei haamaramaramahia
Parau no te haereraa i mua, faataahia, 142
Parau no ni'a i te feia e ere i te Keretesiano, haapii i te taata i te evanelia ma te faaohipa i te, 190–91
Parau paari, 78
Parau poro'i no te Faaho'i-faahou-raa mai, 31
e te mau utuafare, 159–60
haamaramaramahia, 6–8
Parau tapa'oraa haapiiraa, faataahia te parau, 141–42
Parau, no te baptizoraa e no te haamauraa, 208
Pato'iraa, nahea ia pahono i te mau, ma te faaohipa i te Buka a Moromona, 109
Patu i te Ekalesia, 156
Peeraa i te peropheta, 75–76
Peresideni misioni, te mau ohipa a te, 217
Peresideni o te Ekalesia, no ni'a i te ohipa misionare, 12–13
Peresideni tîti, te mau ohipa a te, 217
Peresideniraa Matamua, no ni'a i te ohipa misionare, 29–30
Peresideniraa Matamua, Parau poro'i a te, v
Peropheta, haamaramaramahia, 34
te ohipa a te, 32–33

Perry, L. Tom, no ni'a i te haapa'o, 122
 Piiraa misionare, e te hopoi'a, 4
 mana e te ti'araa o te, 4–5
 no te haapii i te evanelia tei faaho'i-faahou-hia
 mai, 175
 Piiraa, i roto i te Ekalesia, 87
 A hi'o atoa Piiraa misionare
 Piiraa, ia haapii i te evanelia i faaho'ihia mai, 1
 Pō utuafare, 85
 Pohe tahuti, tatarahia, 59
 Pohe Varua, tatarahia, 59
 Poieteraa, o te fenua, 49
 Pū aamu utuafare, ei rave'a imiraa i te feia imi, 164
 Pūpū tauturu, feia faatere no te, te mau ohipa
 a te, 218
 Pure, e faaueraa, 73
 e te faaroo, i roto i te faafariuraa, 93–95
 nahea ia pūpū, 39
 tabula hi'opo'araa, 95
 te mau mana'o tauturu no te, 94–95
 te ohipa a te, 39

R

Raau o te ora, faaoaoaraa 2
 Rave i te maitai, 168–69
 Reo o te misioni, e te reo tumu, 127
 faaineine no te haapii, 127
 titauhia ia faatusia, 128
 Reo peretane, titauhia ia haapii i te, 128
 Reo, haapii i te, e i te tarama, 130
 e te hoa, 131–32
 e te tamau-aau-raa, 129–30
 faanahoraa haapiiraa, 129–31
 mauhaa no te, 129
 opuaraa, 129
 te ture o te, 128–29
 Reo, horo'a o te, 133

S

Schultz, Frank e o Mildred, aamu no te
 faafariuraa, 164–65
 Semita, Hyramu, no ni'a i te haapiiraa i te mau
 parau tumu matamua, 6
 Semita, Joseph F., no ni'a i te mau mana'o i te
 taime a baptizohia ai oia, 222
 Smith, Iosepha, e te Orama Matamua, 37
 e te Faaho'i-faahou-raa mai, 36–37
 no ni'a i te baptizoraa i te pape e te Varua
 Maitai, 9
 no ni'a i te Buka a Moromona ei ofai tape'a, 103
 no ni'a i te haapiiraa i te mau mea atoa e vai
 ra, 156
 no ni'a i te hinaaro i te heheuraa, 89
 no ni'a i te horo'a o te Varua Maitai, 91
 no ni'a i te pororaa i te evanelia, 160
 no ni'a i te ti'aturiraa i te Varua, 97–98
 Sniders, te aamu o, 113
 Sotaiete Tauturu, 84

T

Taata tau, 45
 Taea'e e au ei peresibutero, e rave'a no te imi i te
 feia imi 162
 Tae-piti-raa mai o Iesu Mesia, 37
 Tahuti ore, tatarahia, 59
 haamaramaramahia, 53
 Tahuti, 50
 Tatarahia, 59
 Tumu o te, 31–32

Taipa, nahea ia tuatapapa, 116
 o te Mesia, 115
 Taivaraa, tatarahia, 33
 te, rahi, 35–36
 Talena mahana misionare, viii
 Talena. *A hi'o* talena tamahana misionare
 Tamāhia i te hara, 2, 5–6, 60–61
 Tamarii raro mai i te matahiti ti'amāraa, e te
 baptizoraa, 207
 Tamau-aau-raa, e te haapiiraa, vii
 Tapa'o i te mau papa'iraa mo'a, 24
 Tape'a e tae noa'tu i te hopea, 66, 88
 Tatarahia, 70
 taraehara, 31–33, 34, 48, 51–52, 60–61
 tatarahia, 58
 Tatarahapa, 62–63, 187–90
 e te fafauraa, 195
 Tatararaa, o te mau parau aita e faahiti-pinepine-
 hia (mataro-ore-hia)
 Tau tuuraa evanelia, 32–34
 Tau tuuraa evanelia, tatarahia, 33
 Taviniraa, ei melo no te Ekalesia, 87
 ei rave'a no te imi i te feia imi, 168–69
 Taylor, John, no ni'a i te haapiiraa ohie, 207
 Te mau huru o te Mesia, te mau horo'a a te
 Atua, 115
 nahea ia faatupu i te, 122–23
 titauhia ia faatupu i te, 115
 Te mau peu raerae, e te ti'amāraa no te
 baptizoraa, 207–8
 Ti'a-faahou-raa, 53
 tatarahia, 51, 59
 Ti'amāraa, 48, 49
 Ti'aturiraa, 117
 Tiaauraa, 150–51
 Titaauraa manihini no te fafauraa, 195–96
 Tomite faaauraa misionare, te mau ohipa a te, 219
 Tuatapaparaa i te papa'iraa mo'a, e faaueraa, 73–74
 Tuatapaparaa tupuna, ei rave'a no te imi i te feia
 imi, 163–65
 Tuhaa ahuru e te mau ô, horo'araa, 80
 Tuhaa ahuru, te ture o te, 79
 Tumu faufaa, te mau faaiteraa, tatarahia, 138–39
 faanaho i te mau fā, 146
 no te faafariuraa, 138–39
 Tumu, no te misionare, 1
 Ture e te mau oro'a, i muri a'e i te
 baptizoraa, 82–88
 nahea ia haapii no ni'a i te, 82
 nahea ia haapiipii, 83
 Ture hoê ahuru, haapa'o i te mau, 76–77
 Ture tivira, haapa'o e e faatura i te, 81
 Ture, haapa'o e faatura i te, 81
 Tyndale, William, 45

U

Uiraa no ni'a i te varua, e te Buka a
 Moromona, 107–8
 Uiraa, e te fafauraa, 197
 nahea ia pahono i te mau, na roto i te Buka a
 Moromona, 109
 te faaohiparaa i te mau, no te haapii, 183–84
 Uuiiraa no te baptizoraa, nahea ia faatere i te,
 205–8
 faaineine i te feia imi no te, 204
 na vai e arata'i, 206
 uiraa, 206
 « Utuafare: E Poro'i i to te Ao nei, te » 3, 85

Utuafare no te Atua, 31–32, 155
 Utuafare, na te evanelia e haamaitai i te, 32
 haamaitai te evanelia tei faaho'ihia mai i te, 3
 haapii i te faufaa no te, 159–60
 Utuafare, te tumu no te, 85

V

Vairaa buka misionare, ix
 Varua Maitai o te Fafauraa, 91
 Varua Maitai, horo'a o te, 91
 haapii na roto i te, 18
 mana o te, 90
 te, 90
 Varua o Eliaha, 163–65
 Varua, mana o te, i roto i te faafariuraa, 91–92
 haapii na roto i te, 3–4

 na te, e arata'i i te haapiiraa, 176
 te mau faaiteraa a te, 96–97
 Viivii-ore, te ture no te, 77
 Viretu, 118–19

W

Wirthlin, Joseph B., no ni'a i te faaohiparaa i te
 Buka a Moromona, 110
 Wycliffe, John, 45

Y

Young, Brigham, no ni'a i te fariiraa i te iteraa
 papû, 199

A haamana'o i teie...

- Ta oe fâ o te arata'iraa mai i te mau varua i te Mesia
- A faaineine i te mau taata ia roaa te mau mea i titauhia no te bapetizoraa tei faaitohia i roto i Te Parau Haapiiraa e te Mau Parau Fafau 20:37.

- A pure pinepine no oe iho e no vetahi ê.
- A ti'aturi i te Varua no te faaite ia oe e e haere i hea, eaha te ti'a ia rave, e eaha te ti'a ia parau.
- A haapa'o maitai.
- A haapii i te reo o ta oe misioni i te mau mahana atoa.

- A faanaho i te mau mahana atoa e a faatumu i ni'a i te mau tumu faufaa.
- A rave i te ohipa ma te maitai i te mau mahana atoa.

- A ani i te mau i'oa i te mau **taata atoa !**
- A haapii ia itehia ia oe ; e ia itehia ia oe a haapii atu.

- A tai'o i te Buka a Moromona e te feia o ta oe e haapii ra.
- A faaite i te mau taata e te hoê rave'a maitai a'e ia ite e e peropheta mau o Iosepha Semita na te Atua o te tai'oraa e o te pureraa ia no ni'a i te Buka a Moromona.
- A faarerei i te taata imi tata'itahi i te mau mahana atoa.
- A faaite tamau i te iteraa papû.
- A ani i te hoê melo ia faaea mai i roto i ta oe haapiiraa.
- A faataa i te mau tai'o mahana e te mau taime e au no te haapiiraa i mua nei.
- A ani manihini i te feia imi ia haere i te pureraa bapetizoraa.
- I muri mai i te hoê haapiiraa, a horo'a i te feia imi te hoê tai'oraa e ia feruri hohonu i roto i te faaineineraa no te farereiraa i mua nei.

- A patu i te hoê auraa e te mau melo na roto i te taviniraa ia ratou e i te ohiparaa e te faatereraa o te paroita.
- A tauturu i te feia faatere o te paroita i roto i te mau ohipa tape'araa e te faaitoitaraa.

- A tauturu i te mau taata o ta oe e haapii ra ia rave i te mau fafauaraa o te arata'i i te tatarahapa e no te faaitoito i to ratou faaroo i roto i te Faaora.
- A here i te Fatu e a tavini la'na ma to puai atoa.

TE EKALESIA A
IESU MESIA
I TE FEIA MO'A
I TE MAU MAHANA
HOPEA NEI

